

ა ღ მ ე ს ა ნ დ რ ე ფ რ თ ნ ე ლ ი.

მ ი რ უ წ კ ი გ ვ ს ე თ ი

თ ა ს თ ნ ე რ ე ს ე ლ ი მ ი ს გ ა მ თ ყ ე მ ა.

3 0 6 0 4 5 6 6 3.

ქ. გ მ რ ი.

ე ლ ე ქ ტ რ ი მ შ ე ქ დ ა ვ ი ს ტ ა მ ჩ ა „ ქ ა რ თ ლ ი „,

1914

ალექსანდრე ფრონელი.

რიჩაზული მასები

იასონ კერესელიძის გამოცემა.



ქ. გორი.

ელექტრო-მშეკდავი სტამბა „ქართლი“
1914

ორმა გარემოებამ გაგვაძელვინა ამ კრებულის და-
პეტვდა.

პირველი ისაა, რომ ქართულმა ყოველდღიურმა
პრესსამ სამართლიანად დიდი ყურადღება მიაპყრო მეს-
ხეთს, ესე იგი სამხრეთ საქართველოს. ამ მშვენიერ კუთ-
ხეს უპირობენ მოკვეთას, მოწყვეტას. ჯერ-ჯერობით და-
ნამდვილებით ვერ გაიგებს აღამიანი, ვინაა ამ ქირურ-
გიულ აპერაციის მომხრე: მტერი, თუ მოკვეთე.

ასე თუ ისე, სამხრეთი საქართველო, ანუ მესხე-
თი, მოწყვეტილი საქართველოს, მეჩიდმეტე საუკუნის
დასაწყისში, შემოერთებული კვლავ მეცხრამეტე საუკუ-
ნეს, სადღეისთვის საჭირ-ბოროტო საგნად შეიქმნა.

მეორე გარემოება ისაა, რომ გამაპმაღიანებული
ქართველი თვის ისტორიულ „სახეს“ ჰპოულობს და სა-
ჯაროდ აცხადებს, რომ მიუხედავად რჯულისა მეც იგივე
ქართველი ვარ, როგორიცაა ლვიძლი ქართველი ქრის-
ტიანიო.

ამ კრებულის გამოცემით, რომელშიაც გადმოვცე-
დეთ სამი წერილი: დიდებული მესხეთი, ნახული და გა-
გონილი და სამშობლო ქვეყანა, გვსურს ინტერესი გა-
ვულებით საზოგადოებას მესხეთისადმი. იგი გაიგებს, რა
ნატერის თვალს და ობოლ მარგალიტს დაპქარგავს, თუ
ვინიცობაა გაიმარჯვა მტერმა და დუშმანმა და ეშმაკეუ-
ლი განძრახვა აისრულა. ჩახვდება იმასაც, თუ რა ხიფა-
თი მოელის იმ ეროვნულ გამოფხიზლება-გალვიძებას,

რომლის ნიშანიც, ჩვენდა საბეღნიეროდ, ასე თვალსაჩინო შეიქმნა.


თუმცა გამაპშიდიანებული ქართველი პირს იბრუნებს სამშობლოსაკენ, მაგრამ პირადად ჩვენ მესხეთის დღევანდელი ვითარება ძველებურად გულს გვიწყლულებს. დიდი, ფრიად დიდი ეროვნულ-კულტურული მუშაობაა საჭირო, თუ გვინდა, რომ სამშობლო შოთა რუსთველისა ხელიდან არ წაგვივიდეს.

ერთად ერთი საბაბი და მიზეზი ამ კრებულის დაბეჭდვისა სწორედ ისაა, რომ მთავონოს ქართველს—ლროვით ვითოქროთ და ვიზრუნოთ სამშობლოს იმ კუთხეზე, რომელმაც გვაჩუქა კანონმდებელნი: ბეჭა და ოლბულა, შეუდარებელი შოთა, ლვთისმეტყველნი: ექვიმე დი გიორგი და ნეტარი მამა გრიგოლ ხანძთელი, ეს საკვირველი მნათობი ქართულ სინაი.

ავტორი.

1. მაისს 1914 წ.

ქ. ტფილისი.



დიდებული მესხეთი

Sie transit gloria mundi.
ლათინური ანდაზა.

I

ვინ გაյადნიერდება და იტყვის, რომ მესხეთი ძველად დიდებული არ იყო? ისტორიაში ჩახედული ამას არ იტყვის, ხოლო უვიცი და რეგვენი, ან განძრახ თვალებ აბმული ამას არ შეიწყარებს და არა მკითხე მოამბესავით ბევრს უკადრის. შეჰქადრებს რუსთველის სამშობლოს, მაგრამ რეგვენთა და ბრძანათავის არა უსწერთ ამ წერილს. ჩვენ კარგად გჩახსოვს სიბრძნე ანდაზისა: მგლის თავზე სახარების კითხვა ცუდა შრომააო.

ისტორია, გეოგრაფია, არქეოლოგია და საეკლესიო არქიტეკტურა ცხადადა ჰყოფს მესხეთის ლიდებას¹⁾. აწყურიდან მოყოლებული მესხეთის კალთა შავ ზღვასა

¹⁾ ისტორიულ მესხეთის ნაწილებია: ახალციხე, ჯავახეთი, აჭარა, ქობულეთი, შავშეთი, ერუშეთი, ლივანა, ჭანეთი. ანუ ლაზისტანი, ტაო, კლარჯეთი და კოლა. ცოტაოდენი ქართველობა საქრისტიანო სარწმუნოებისა შერჩა მხოლოდ ახალციხესა და ჯავახეთს. დანარჩენი ერთი გამაპმადიანებულია.

სცემდა, ფრთანი კი აზრუმსა, ტრაპიზონსა და იმერეთს. ზეკარიდან იმერეთს ისე დაინახავდა მესხი, თითქოს ეს ტურფა ბუნებიანი ქვეყანა ხელის გულზე აქვს გადაშლილი.

ისე მოხაზული და მოფარგლული მესხეთი ისტორიულ ქართლ-კახეთის სივრცეს სჭარბობდა. წარსულში ამ ღონიერ მანძილზე სიცოცხლე სდფულდა და გადმოდიოდა. პოლიტიკური ცხოვრება იმ ზომამდე განვითარდა, რომ პირველად იურისპრუდენციამ მესხეთში იჩინათავი. ბექა და ალბულას კანონები მესხეთის ნიადაგზე აღმოცენდა, გაბრწყინდა და მიეცა ერს სახმარად და სასარგებლოდ²⁾. საქართველოს ისტორიის მშევნება, მზე და მთვარე ქართველის ერისა, მეფე თამარ, აქ, მესხეთის ნიადაგზე ხშირად ატარებდა ღროსა, ვარძიის მონასტრის გამოქვაბულ კლდეთა შორის ბჭობდა სახელმწიფო კაცთან ერთად, ვინ იცის, ეგებ ისეთ დიდებულ საქმეზედაც, როგორიც იყო საქმე ტრაპიზონის იმპერიის დაარსებისა და იქ საქართველოს ერთგულის კაცის გამეფებისა. აქ, მესხეთში, ლვოთისმეტყველება ისე აყვავდა და და გაძლიერდა, რომ თითქმის გაუთანასწორდა მაშინდელ დასავლეთ ევროპას, ანუ ბიზანტიის ლვოთისმეტყველებას. მარტო ხახულისა და ფარხალის მონასტრება ხსენებაც საქმარისია ამ აზრის შესაწყნარებლად. წმინდა ექვთიმე და გიორგი მთაწმინდელნი, ეს უდიდესი ლვოთისმეტყველნი საშუალო საუკუნოთა, ამ ქვეყნის ლვიძლი შვილნი არიან. მაგრამ ყველა ეს მკრთალი ნა-

²⁾ ბექასა და ალბულას კანონებამდე დაიწერა „ძეგლის-წერა“, და „ძეგლის-დება“. პირველი სასულიერო კანონმდებლობაა და მეორე მხოლოდ მთიულთათვისაა დადგენილა. მაშასადამე ორთავეს განსაკუთრებული ხასიათი ჰქონდა.

თელია იმ სავსე მთვარისა, რომელიც გამოსკა მესხეთმა პოეზიის სახით. ბედმა მესხეთს არგუნა წილად ერთი უდიდებულესთაგანი მსოფლიო პოეტთა შორის, შეუდარებელი და სხიოსანი, შოთა რუსთაველი, რომლის წყალობით ქართული პოეზია აყვავდა და გაიფურჩქნა ვით მაისის ვარდი, რომლის მეოხებით ქართული პოეზია გაბრწყინდა ვით ვარსკვლავი და რომლის პოეზიაშ „დილის ნიავსავით“ დაპბერა ქართულ ტლანქს და უგემურს შაირ-ლექსობას.

ერიც პურადი, მხნე, გულადი და დარბაისელი ჰყავდა მექეთს. ვის არ გაუგონია მშვენიერი თქმულება ხალხისა: „პირველ თქმულია ძველთაგან სიღარბაისლე მესხისაო“.

დღეს მესხეთს ვეღარ იცნობთ, აჩრდილი და ნატა-მალია წარსულისა. ჩონჩხი რა არის, ჩონჩხისთვისაც კი ვერ შეგვიდარებია რუსთველის, ბექასი და აღბულას სამშობლო, ისე დაკნინდა ეს მშვენიერი და სიცოცხლით სავსე მხარე ძველის ერთიანის საქართველოსი. დღევანდელი მესხეთი ერთი რაღაც შემზარვი, თვალ-გაღუნწვდენელი და უსამზღვრო სასაფლავოა. ქართველი მოგზაურო, ქართულის ისტორიის ცოდნით შეიირალებული, სწორედ დასწეულდება აუარებელ ნანგრევების ხილვით. დღევანდელ თითოეულ სოფელს სამი-ოთხი ნასოფლარის აღგილ-მამული უჭირავს. ნასოფლარს რუსები „ყისთოში“-ს ეძახიან. ყურთა სმენა წაიღო სწორედ ამ „პუსტოშმა“, რომელიც მხოლოდ, ძალა-უნებურად, სიკვდილსა და უბედურობას მოგავონებს. მერე ნეტა თითო-ოროლას ლამაზი სახელი მაინც არ ერქვას! მაგალითად: ვარდის-უბანი, თივთიკა, მეშურნეთი, ტბა-საწოლი და სხვა. აფსუსია ასეთი სოფლების გაქრობა და

დედა-მიწის პირიდგან აგვა-აწმენდა. ზოგ ნასოფლარის, ანუ ვერანას სახელი ისეა გადამახინჯებული, რომ დიდი მეცადინეობა დაგჭირდება, ვიდრე მიხვდები პირვანდელ სახელწოდებას. ით თრიოდე მაგალითი: ირმის-ჭალა ასე მოუნათლავთ: „კრიჩალა“; საწერეთლო, „საცერეტ“; ბრალი, „ბრალ“; ყანის-უბანი, „კანუბალ“. ერთის სიტყვით, მოგზაური აქ თვალს შეალს ვერ დაალევინებს. შწარე მოგონება გულსა ჰშხამის და ცეცხლს უკიდებს.

ბორჯომის ხეობას გამოსცდები თუ არა, თვალწინა აგეყუდება ოდესმე ძლიერი აწყურის ციხე, რომელიც საუკუნოებით დარაჯობდა ვიწრო ხეობას. ციხის გვერდით, შიგ შუაგულ გამაჰმადიანებულ ქართულ სოფელში, კიდევა სდგას უზარ-მაზარი ტაძარი, ხოლო სახურავ გადახდილი და ალაგ-ალაგ კედლებ ჩამოქცეული. ახალციხეს რომ უახლოვდები, ასე შვიდი-რვა ვერსიდგან, ს. წნისიდგან, დაინახავ საფარის მონასტერს, სადაც კაი ხანია რუსის ბერები დაბინავდნენ, რაღვან ქართველებმა მოვლაპატრონობა ველარ შესძლეს სილატაკის გამო. მონასტრის ზღუდეთა შორის მოსჩანს ერთად-ერთი კედელი, თლილის ქვით ნაშენი, ათაბაგების საზთავრო საზაფხულო სრა-პალატისა. ვინ იცის, იქნება ამ ხავს-მოკიდებულ და დაბზარულ კედლის სიახლოვეს იწერებოდა ბექასა და ალბულას მიერ სამცხე-სათაბაქოს უკვდავი კანონები! ეკროპაში დიდებულ კაცთა ფეხსაცმელსაც მოწიწებით ინახავენ მუზეუმებში, მტვერი რა არის, იმასაც არ აკარებენ, ჩვენ კი ჩვენი კანონმდებლების მიერ აგებული პალატის მინგრეულ-მონგრეული გვაქვს და, ხაუბედუროდ, ძალაც აღარ შეგვწევს პატრონობა გაუწიოთ. ბექასა და ალბულას სურათნიც ვერ შევინახეთ. ჯერ იყო და ახალციხის ბიჭ-ბუჭებმა თვალები ამოსჩიჩენეს და შემდეგ

უკიცმა რუსის ბერებმა კირით შელესეს ვითომდა „ბლა-
ლოლეპის“ გულისთვის.

საფარისა და ათაბაგთა პალატის ნანგრევთა ხილვით
გულნატკენი მგზავრი დარღის გადაყრას ვერ მოასწრობს,
რომ უფრო სამწუხარო, გულ-სატკენს და სამგლოვიარო
სურათსა ჰნახავს. ესაა სოფელი რუსთავი. ერი ამბობს,
რომ აქ დაიბადა შოთა რუსთაველი, ესაა მისი სამშობ-
ლო სოფელიო. გული ნალვლით აგვესება, როდესაც
წარმოიდგენ, რომ პარნასის ლმერთთა სწორის, გენიოსი
პოეტის სამშობლო არე-მარე ასეთ, ენით გამოუთქმელ,
სიბინძურეს შეუპყრია. დღევანდელი რუსთავი ერთი
უხეირო, ოთხ-ხუთ კომლიანი სოფელია, რომელსაც ამ-
შვენებს მხოლოდ სასუქის უშველებელი ზეინები. რუს-
თავში ბინადრობენ ქურთნი, თუ თარაქამანი, ადამიანი
ვერას გაიგებს მათსას. მიწური სახლები ამ ყოველ კულ-
ტურას მოკლებულ ველურ ტომისა სულ მთლად ასა-
ხიჩრებს სოფლის სურათს. ქალნი და კაცნიც სოფლის
შესაფერისნი არიან. იმდენი ჭუჭუი დასდებიათ პირსა და
სახეზე, რომ თითქოს დაწყი-დაბადებიდგან იქვე ახლოს
მოდუდუნე მტკვრის წყალი მათ არ მიჰყარებიათო: ასე-
თია მათი სამოსელიც, დასტამალად ქცეული. დღეს
შოთა რუსთველის მომხსენებელნი ეს ჭუჭუიანი და პირ-
უბანელი თარაქამა, თუ ქურთინები არიან!.. უბედუ-
რნი! სიზმრადაც არ მოელანდებათ, თუ რა კაცის ნა-
სახლარზე ბინადრობენ...

რუსთავი ტიტველა, ხრიოკ მთის კალთაზეა შეფე-
ნილი. წინ მშვენიერი პოხიერი ველია დაცემული. პა-
ტარაა, მაგრამ ლამაზი და ტურფა. ორი არ მეგულება
ამისთანა მომცემი და ნაყოფიანი ველი მთელს ამ მხა-

რეს. მათსოდეს, ერთხელ როგორდაც ქრისტიან მუსხელებს გამოველაპარაკე რუსთავის ველის შესახებ ³⁾).

— კაცო, რა ღმერთი გაგიწყრათ, ძილი რომ ღმერთს გაუჩენია, განა მარტო ქართველებისთვის? რატომ თავისს დროზე თვალი არ გაახილეთ და ეს ნაღებივით მსუქანი ველი არ დაიჭირეთ? რუსთავის ველზე არ გერჩივნათ დასახლება, ვიდრე აქ, მთასა და კლდეზე! განა რა ნახეთ სახარბიელო, რომ ცხვრის ფარასავით შეფენილხართ მწირსა და გატრუსულ გოხებსა და ხრიაკებზედ?

— ბატონო, ბარემ თვალი ჩვენც გვეჭირა რუსთავის ველზედ, მაგრამ ვინ გვალირსა! ჩვენი თავგადასავალი რომ იცოდეთ, მაგ საყვედურს აღარა ბრძანებთ. წინად, თათარი რომ გვეძალებოდა, თხუნელასავით სოროებში ვძვრებოდით, მზეზე გამოსვლა უბედურებას გვაყენებდა. ცოლშვილს ისე გვტაცებდნენ, როგორც ქორიწიწილებსა. იმ უბედურ დროს ქრისტიან ქართველს მხოლოდ კლდესა და ღრეუში თუ შეეძლო სულის მობრუნება, თორემ შარა გზის პირას როგორ გაბედავდა ბინა გაეჩინა. რუსობა რომ შემოვიდა და აშკარად ქრისტიანობა დავიწყეთ, ვითხოვეთ რუსთავის ველი, მაგრამ ჩინოვნიკებმა უარი გვითხრეს.

რუსთავის პატარა ველზე ერთად-ერთი პატარა გორაკია, თითქოს განგებ აქ ვიღასაც მიწა დაუყრიაო. სიმაღლით ორი-სამი საუენია, სიგანეც სულ ათიოდე საუენი ექმნება. სწორედ ზედ გამოჭრილი ბეჭია ძეგლისა-

³⁾ თუმცა კარგა ხანია, რაც ს. გუსხში სკოლა არსებობს, მაგრამ არც მუსხელებმა იციან, ვინ იყო რუსთაველი. რა ძუსხი, განა სხვა ქართველმა სოფელმა კი იცის, ვინც იყო შოთა!..

თვის. აქ რომ შოთა რუსთაველს ძეგლი, ან ობელისკი დაედგას, მშვენიერება იქნება. ბეჭი მტკვარს ზედ თავზედ დასცემულის, იქვე შარა გზაა, შოსხე, გამვლელგამოვლელი თვალს ვერ აარიდებს ძეგლსა, ისიამოვნებს. იმ ფიქრით, რომ შვილნი უმაღურად არ მოჰქცევიან სახელოვანს მამას და იმასაც ხომ გაივლებს გულში, რომ გავერანებული მესხეთი ოდესმე ბეღნიერი ყოფილაო.

ნუ თუ დღევანდელი ქართველი ისე დაკინდა, ისე დაძაბუნდა, რომ მცირედი ფასის ძეგლიც ვერ მოუხერხებია შესანიშნავი პოეტისათვის? ერთმანერთის ძიძგამა და ჭორიკანობამ სული ამოგვართვა და განა დრო არ გადგა ერთსულად მოქმედებისათვის? იცოცხლეთ რომ დროს ზურგი შევაქციოთ ჩეენს დამლუპველს საეროვნო სენს, მაგრამ სადაა!..

ბოროტი დედი-ნაცვალივით ისტორიაშ დიდად გვაწამა, მაგრამ რა უყოთ! ამბობენ, მშაბელ დედას ყველაზე ძრიელ შვილებში მახინჯი და საზოგადოდ ჭირსა, წველება და ტანჯვას გამოვლილი შვილი უყვარსო. ბრძენთა ნათქვამი მოვამბრუნოთ, ჩვენ დედად გადავიქცეთ და შევიყვაროთ ისტორია, როგორც მახინჯი შვილი. სიყვარული კიდევ როგორიც უნდა იყვეს, მსხვერპლს მოითხოვს. უამისოდ სიყვარულს სიყვარული არ ეთქმის. მაშ შევსწიროთ ისტორიის სიყვარულს მცირედი მსხვერპლი და აუგოთ შოთას რუსთავის ლამაზ ველზე პატარა ობელისკი მაინც!

რუსთავიდან ჯავახეთის შარა-გზას რომ გაჰყვებით, ხერთვისს ახვალთ. ხერთვისიდან ასე 18—20 ვერსის მანძილზე ვარძია. ამ დიდებულ მონასტერს წარსულისანასახიც ალარ ეტყობა. კლდეებში გამოქვაბულ მღვიმე მაღაროებს დღეს სამი, თუ ოთხი ქართველი ბერ-მონა-

ზონი შექხიზვნია და შიმშილით იხოცებიან. ესეც საკმარისია იმის სათქმელად, თუ რა შევიწროებაშია და რა გაკირვებაშია ვარძის მონასტერი. ასე გაშინჯეთ მტკუარზე ხიდიც ვერ გაუდვიათ⁴⁾), რომ მლოცველი და მომხილველი მონასტრისა უვნებლად წყალში გავიდეს, ნახოს ვარძია და ორიოდე გროში გაიღოს თვისის სიუხვიდგან მონასტრის სასარგებლოდ „სულის საოხად და მოსახსენებლად“.

ან კი ვინ უნდა მოვიდეს ვარძიას, როდესაც გარს ქართველი სალტასავით არ არტყია, ვინ უნდა ჩაჭეროს მონასტრის გაყინულ კედლებს მხურვალე ლოცვასთან ერთად ცეკველსავით. აღვზნებული სული, ვინ მოიტანს სანთელს-საკმელს და საწირავს, რომ გავერანებულ მონასტერში ძველებურად სიცოცხლე ადულდეს? ორ-სამს დააჩიგრულ ქართველთა სოფელს გარდა მონასტერს გარს შემორტყმია: თათარი, გამაჭმალიანებული და გაფანატიკებული ქართველი, აზრუმელი სომები, ქურთი, თარაქამა, ბოშა, ეზიდი, ანუ ეშმაკის თაყვანისმცემელი და სხვა ათასი მილეთის ხალხი. ამბობენ, სამარიამობოდ, შორიდან ბერძნები რომ არ მოდიოდნენ სალოცავად, მონასტერს კარები გამოეკეტებათ.

1) მახსოვეს, ამ ათიოდე წლის წინად ტფილისის განვენებულმა ვაკარმა მიქელაძემ ხუთასი მანეთი უანდერძა ვარძიას ხიდის გასაკეთებლად. მაშინდელზე ტფილისის ინტელიგენცია გაოცდა ამ შეწირულობით. ვვონებთ, ეს პირველი მაგალითი იყო, რომ ქართველმა ნაწილი თვისის ქონებისა საერთო, საზოგადო საქმეს შესწირა და არა თავისს ნათესავებს, რომელნიც, ჩვეულებრივ, ნაანდერძევს ორ-სამ წელიწადს მტკრად აქცევენ ხოლმე. მაშინ ვვინა, ახლა კი ღმერთმა მოგვხედა და სომხებისაგან ჰკუა ვისწავლეთო... ნეტა სადაა განსვენებულ მიქელაძის 500 მანათი?

გავკადნიერდებით და გიამბობთ ერთს შინაურს ამბაეს. შარშან, შემოდგომის პირზე, რუსეთიდან ორი განათლებული მოგზაური: უუკოვსკი და მარკევიჩი ეწვია მესხეთს. ბარათი მომიტანეს ტფილისიდან თ. დ. ზ. მელიქიშვილისა, რომელიც მწერდა, — უუკოვსკი ჩემი კარგი მეგობარია და გთხოვ არ დაიზარო და მესხეთი აჩვენეო. დიდ მწუხარებაში ჩამაგდო ამ თხოვნამ. რა უნდა ვაჩვენო-მეთქი, ვფიქრობდი. რაც დარჩა მესხეთში, ან ჩვენი აღარაა, ან თუა ჩვენი, სულ მინგრეულ-მონკრეულია. ერთ მაინც რომ დარჩენილიყო ჩვენი, კიდევ ჰო, მაგრამ, საუბედუროდ, ქართველობაც აღარაა. გზაში, რასაკირველია, შეგვხვდებოდნენ ჩალმოსანნი მაჰმადიანნი, ან ბოხოხ-ქულიანი თარაქამები. ხომ ვერ ვეტყოდი ცნობის მოყვარე ტურისტებს, (მერე რა ულმერთონი არიან! ყველაფერს გაფაციცებით ადევნებენ თვალსა, ყველაფრის კვლევა-ძიებაში არიან, ყველაფრის გაგება და შეტყობა ჰსურთ ხოლმე!) — აი ესენი არიან თქვენი კარგი ნაცნობის, ტფილისის მარშლის, თავად მელიქიშვილის, თანამემამულენი-მეთქი!

ტურისტებმა მთხოვეს, ვარძიაში წაგვიყვანე, ბევრი რამ გაგვიგონია ამ შესანიშნავ გამოქვაბულ მონასტრისა და იმის ნახვა გვსურსო. გვიბრალა ღმერთმა და კოკის პირული წვიმა წამოვიდა, ორ დღეს აღარ გადაიღო. ვარძიას ვერ წავალთ, გადაჭრით გამოვუცხადე დაღონებულ ტურისტებს, მტკვარზე. ხილი არაა, წვიმისაგან მტკვარი აღიდებულია და ფონშიაც ვერ მოვახერხებთ გასვლას. დაქმაყოფილდნენ. ამ პასუხით, საფარა მოიარეს და ტფილის დაბრუნდნენ. რომ მიმეყვანა ვარძიაში, სწორედ სირცხვილით დავიწვოდი, — ისეთს სიღარიბესა, სიღარაკესა და აოხრებასა ჰნახავდნენ მოგზაურ-

ნი. მე კი ამგვარად გადავრჩი ეროვნულ მწევე სირც-ხვილსა და ოუ, მაინცა და მაინც, თავიდან ვერ ავიცი-ლებთ ჩვენი სიბერიას და აოხრების გამოაშარავებას, დევ სხვამ, ჩემზე ბედნიერმა, და, შეიძლება, ნაკლების ეროვნულის გრძნობით გამსკვალულმა ქართველმა იკის-როს სამწუხარო მოვალეობა და უამბოს უცხო ტოშის კაცს—თუ რანი ვიყავით გუშინ და რანიღა ვართ ამ უამაღ.

ჯერ-ჯერობით მესხეთის დანარჩენ ნანგრევებს თავი დავანებოთ და სხვა საგანზე ვიბაასოთ.

II

ვინც კი ლრმად ჩაუკვირდება ირაკლი მეორის ცხოვ-რებასა და მეფობას, უეჭველია, შეამჩნევს, რომ სახე-ლოვანი მეფე დაადგა დაფლეთილ და დაწიწვნილ სა-ქართველოს შეკრებასა და შეერთებას სწორედ იმ სა-ხით, რა სახითაც მოქმედობდნენ რუსეთის დიდნი მთა-ვარნი, ესრედ წოდებული „რუსეთის შემკრებელნი.. განსხვავება მხოლოდ ხერხსა და სახსარშია. დიდნი მთა-ვარნი მოქმედობდნენ თავისის ძალ-ღონით, ნელ-ნელა, მაგრამ მედგრად მიღიოდნენ წინ და გზას არ უხვევდნენ. ირაკლის კი ჰსურდა სხვისი დახმარებით გაეკეთებინა ერთბაშად ისა, რაც საკუთარის ძალ-ღონით უნდა გაკე-თებულიყო ნელა-ნელა და აუჩქარებლივ.

ამგვარად პოლიტიკური იდეალი ირაკლისა საქართ-ველოს შეკრება იყო. მისი მეფობა მალე ქართლ-კახეთის შეერთებით გამრმყინდა, მაგრამ ქართლ-კახეთს ჯერ კიდევ ბევრი აკლდა. კახეთს მტერმა გოსწყვიტა კახი, საინგილო, ქართლს კიდევ მთელი მესხეთი. ვვები

ქართლ-კახეთს ეს ვარამი დროებით მოენელებინა და აეტანა, მაგრამ არა ხერხდებოდა, რადგან, საუბედუროდ, მტერი სწორედ ამ ორი კუთხიდან ასმევდა საქართველოს სამსალის და შხამსა. ამისათვის ირაკლის მუდმივი ფიქრი და საზრუნავი ამ, მტრისაგან გატაცულ, საქართველოს სამკვიდროს დაბრუნება შეიქმნა. სამწუხაროდ, ირაკლის პოლიტიკური იდეალი ლიხის ქედს ვერ გადასცდა და კორტოხზე გაჩერდა. მისი ფიქრი ვერ შესწვდა. დავით აღმაშენებელის დროის გაერთიანებულ საქართველოს და როცა მარჯვე დრო მიეცა — იშერეთიც შემოერთებინა და მთელი მაშინდელი საქართველო ოვის სკიპტრის ქვეშ შეეკრიბა, ყოყმანი დაიწყო და უკან დაიხია. ამნაირად ირაკლის დარჩა მხოლოდ მცირედი პოლიტიკური იდეალი — გაერთიანება აღმოსავლეთის საქართველოსი და არა სრულიად საქართველოისა, რაც დღე და დამ განუყრელ პოლიტიკურ ფიქრად და მისწრაფებად უნდა ყოფილიყო მაშინდელ საქართველოს გვირგვინოსნისათვის ⁵⁾.

რაյი ირაკლიმ ვერ მიაღწია თვისი ძალ-ღონით ვიწროდ შემოფარგლულ პოლიტიკურ იდეალის განხორციელებას, ჩრდილოეთის ბუმბერაზს დაუწყო ცქერა. რუსეთის დამარებით ჰყიქრობდა ირაკლი განეხორციელებინა. თვისი ვიწრო, მაგრამ მაინც საქართველოს-თვინ სახეირო იდეალი. ესაა უმთავრესი საგანი და დედა აზრი 1783 წელს დადებულის ტრაქტატისა, ესაა მიზეზი, რის გულისთვისაც ირაკლიმ ნებაყოფლობით ხელი.

⁵⁾ Въ словахъ Ираклия, аმბობს ზურაბъ ავალიშვილი, ახალციხის დაბრუნების გამო, звучитъ надежда на исполнение завѣтной национальной идеи. нв. Присоединеніе Грузіи... 83. 123.

აიღო მრავალ სამეფო უფლება-პრეტოგატივაზე და ვასა
სალად გაუხდა რუსეთის თვითმშეყრობელთ. პროფესიონალ
ალექსანდრე უაგარლის მიერ დაბეჭდილი რუსულ-ქარ-
თული დოკუმენტები მზესივით ნათელსა ჰქონდნენ ამ მო-
საზრებას. ჯერ ისევ 30 დეკემბერს 1771 წელს ირაკლი
ატყობინებს იმპერატრიცა ეკატერინე მეორეს—თუ რა
პირობითა ჰქონდნენ მიიღოს რუსეთის მფარველობა. აქ,
სხვათა შორის, აი რა სწერია: „კვალიდ ვედრებით მო-
ვახსენებ თქვენს უოვლად მოწყველებასა, რათა ამავე გა-
ზაფხულსა არ უტევონ დაუბყრობელად ქვეყანა ახალ-
ციხისა და უკეთუ შერიგება მოხდეს სულთანისა, მაში-
ნაც გარეთ არ დარჩეს ქვეყანა ახალციხისა, ვინაიდგან
საქართველოს შინა არის და ქართული ენა აქვსთ და
მრავალნი ქრისტიანენი არიან იმათში და სხვანიც ახალ-
ნი გარდა ქცეულნი არიან. მაშინან მართვა ახალ-
ნი გარდა ქცეულნი არიან. მაშინან მართვა ახალ-

1772 წლის გაზაფხულზე ჰავიქრობდა ირაკლი ახალ-
ციხის დაბყრობას რუსების დახმარებით, მაგრამ იმედი
ვაუცრუვდა. დამთხვეულ და ბოროტ გრაფ ტოტლებე-
ნის და უნიქო გენერალ სუხოტინის წყალობით საქართ-
ველოში მყოფმა რუსის მხედრობამ ვერა გაარიგა-რა.
საქმე ისე წაიყვანა. ამ ორმა გენერალმა, რომ რუსები
კი არ ეხმარებოდნენ ქართველებს სამალების გასადევ-
ნად, თვით რუსები საჭიროებდნენ ქართველების შეწევნა-
დახმარებას. ჯარი რომ სრულიად არ გაწყვეტილიყო,
მთავრობამ იგი ლინიაზედ დაიბარა. გაზაფხულის პირს
რუსის კორპუსი დაიძრა იმერეთიდგან და 1772 წ. აგ-
ვისტოს თვეს უკვე მოზღოვს მივიღა.

⁶⁾ ა. Грамоты и другие исторические документы, относящиеся до Грузии, т. II, выпуск I, გვ. 83—84.

ერთხელ, ორჯელ, თუნდ სამჯერაც არაფერია იმედის გაცრუება იმისთანა კაცისათვის, რომელიც გატა-ცებულია რომელიმე დიადი საგნით. ასეთი ადამიანი, ფანატიკად გადაქცეული, ვერ მოისცენებს სიცოცხლის დასასრულამდე და სულ იმის ფიქრსა და ზრუნვაში იქნება, თუ როდის მიაღწევს საყვარელ აზრის განხორციელებას. ასე დაემართა ირაკლისაც, რომელსაც მესხეთის დაბრუნება, ანუ მისი ურთი ნაწილისა, სახელდობრ ახალციხისა, იდეა—ფიქრად გადაექცა.

სხვას ვერავის ანდო და „პირობანი“ ირაკლიმ გააუგზვნა იმპერატრიცას ბატონიშვილ ლევანის და კათალიკოზ ანტონის ხელითა ⁷⁾). ეს საპატიო ელჩები დიდნანს გააჩირეს აქ, ამტრახანში, არც ჰეტერბურგში წასვლის ნებას აძლევდნენ და არც მიზეზს ეუბნებოდნენ, თუ რატომ არ უხსნიან ჰეტერბურგის გზას. უფრო დიდ გაჭირვებაში იყო ირაკლი. შვილისა და ძმისაგან არაფერი აშშავი მოსდიოდა, ურც არაფერს მთავრობა სწერდა ირაკლის კარზე მყოფ მინისტრ-პრეზიდენტს ი. ლ. ლვოვს. მეფეს მოთმინება გამოელია და 16 მარტს 1773 წელს წერილი მისწერა გარეშე საქმეთა მინისტრს გრაფ ნ. ი. პანინს. წერილი ფრიად საინტერესო და საყურადღებოა. უმეტესმა მწუხარებამ გამაბედვინა თქვენი

7) უდროოდ გარდაცვალებული ბატონიშვილი ლევანი მშვენება იყო ირაკლის ოჯახისა. დიდი იმედი ჰქონდა ირაკლის ლევანისა და მისმა უდროოდ გარდაცვალებამ მეტის-მეტად მოუკლა გული ათას ჭირსა და ვარამში მყოფს მეფესა. საქართველოს მზე ეხლა დაუბნელდაო, ამბობდნენ მახლობელნი მეფისა ლევანის გარდაცვალების გამო. კათალიკოსი ანტონი I, მთა ირაკლისა, შესანიშნავი ლვოისმეტყველი და ფილოსოფიასი იყო.

შეწუხებამ, ბოდიშს იხდის ირაკლი პანინის წინაშე. ამოდენა ხანია ვაახელ იმპერატრიცას ძმა, კათალიკოსი ანტონი და ძე ჩემი, ბატონიშვილი ლევან და „აქამოძესაც ვერ მივემთხვივე მოწყალების ორზოლუციასაოც“. ამის გამო ევეფარება პანინს, დახმარება გაგვიწიე, რომ საქმე კეთილად დაგვირგვინდესო. ირაკლი იმასაც ატყობინებს პანინს, შვილისა და ძმის ამბავი არაფერი ვიცი, რადგან ასტრახანიდგან გამოგზავნილი ლევანისა და ანტონის მიერ კაცი დაეჭირათ ახალციხილვან დაღესტანს მიმავალ „ქურდ ლეკებს“.

საქმის დასაჩქარებლად ასეთ ამბავსაც ატყობინებს ირაკლი პანინს: „ვგონებო, არა უმეცნიერნი იქმნებით, ვითარ უამითო-უამათ გვემატებიან ბარბაროსთა თესლოთა-განნი, ქრისტიანობის ნათესაობის მტერნი და მარადის გვაყვედრებენ უგუნურობითა თვისითა წარმართნი, მეზობელნი ჩვენნი, რომ დაგდებული ვიქმნებით, რომელ ანათებს ყოველსა ქვეყანასა, რუსეთის ტახტისაგან, და წარმოგზავნილნი ჩემგან ძმა და ძე ჩემი იმყოფება აქამოძე ასტრახანს და შეწყნარებულიცა არ იქმნებიანო—ეთბამად ხედვენ ვითომ ეგ იყოს მის ნიშანი“ *).

ეტყობა, შეზობელ მაჰმადიანთა ხანები ნიშნს უგებ-დნენ ირაკლის, რომ რუსეთმა ჯერ ჩაითრია საქართველო თვის პოლიტიკის სფერაში და რაკი-ლა უკან დახე-ვა აგრე ადვილი აღარ იყო, საქმეს აჭიანურებდა და ელჩებს განზრას ასტრახანში აჩერებდა. ასეთი შითქმა-მოთქმა მეზობელ ხანებისა, რომელთაც აგრე რიგად არ ეპიტნავებოდათ რუსების გაბატონება საქართველოში, დიდად აშფოთებდა ირაკლის და სწორედ ამ მწუხარები-

*) Грамоты, т. II, в. I, №. 89—90.

სა და შიშის გამოშხატველია წერილის უკანასკნელი
სიტყვები, დიპლომატიის პილპილით შეზავებული.

ბოლოს, როგორც იყო, ელჩებმა მიაღწიეს „უმაღ-
ლეს კარსა“. 27 აპრილს 1773 წელს მიართვეს პანინს
შოხესენება, თუ რა პირობითა პსურს საქართველოს რუ-
სეთის მფარველობა (Покровительство). დედანში ამ
სიტყვებითაა გამოხატული ირაკლის ოცნება-იდეალი მეს-
ხეთისა და საინგილოს დაბრუნებისა: „თუ კახეთის მა-
მულები (ესე იგი საინგილო. ა. ფრ.), რომელიცა წართ-
მეული აქვს, დაიპყრობს, იმათვანაც თვითოს გლეხის
სახლითგან ათოთხმეტი შაური სახელმწიფოდ მიერთმეო-
დეს ყოველს წელიწადს და კვალად ორასი ფუთი აბრე-
შუმი... დიდის უქვემდების ვეღრებით ითხოვს (ირაკ-
ლი), რომ არ დაშთეს ამის უფრო გრძლად დაუპყრო-
ბელად ქვეყანაი ახალციხისა, რომელიც ჩვენი აღვი-
ლი იყო, და თუ შერიგება იქნება, (ამ დროს რუსეთს
ოსმალეთთან ომი ჰქონდა), მაშინაც თურქის სახელმწი-
ფოდ არ დაშთეს, არამედ გამოერთვას, რაღაც საქართ-
ველოს მიწა არის და მრავალნი ქრისტიანენი არიან. მას
შინა, და ყოველს წელიწადს მძლავრებით მაჰმადიანად
მრავალს გარდააქცევენ“.

ეს მუხლი „პირობისა“ ნათლად გვიჩვენებს, რა სა-
ნატრელ საგნად გადაქცევდა ირაკლის ახალციხის დაბ-
რუნება.

ან კი ვინ დაუწუნებს ირაკლის ამ ოცნებას? რო-
მელ ქართველს არ აუკვნესდება გული ირაკლისავით
დღესაც? ხუმრობა ხომ არ არის, ჰედავდე, თუ რო-
გორ ყოველს წელიწადს მძლავრობით მაჰმადიანად მრა-
ვალს გარდააქცევენ“ და შველა კი არ შეეძლოს? ჯერ
შაგალითი არა ყოფილა, რომ ღვიძლის შვილის მოკვეთა

ადვილი ასატანი ყოფილიყვეს რომელიმე დედისათვის. ირაკლის კი დედაზე შეტად უყვარდა თვისი პატარა საქართველო. ვისაც გამაჰმადიანებულ საქართველოში არ უცხოვრია, ის ვერ წარმოიდგენს იმ სევდასა და გულის კვნესას, რასაც ახლად, შუაგულ საქართველოდან მოსული პეტრების მაჰმადიან ქართველის მაყურებელი. პანტა რა ხილია, მაგრამ მისი მოჭრაც და წახდენაც სევდასა ჰგვრის ბუნების მოყვარე ჯაცა და აქ კი მთელი მესხეთი, საქართველოს საუკეთესო ნახევარი, მაჰმადიანობამ სამუდამოდ მოჰკვეთა და მოსწყვიტა სამშობლოს. სარწმუნოებასთან ერთად მაჰმადიანობამ სული და გულიც ისე შეუცავლა ქართველს, რომ დღევანდელ მაჰმადიან ქართველს ვძულვართ ჩვენ, მისი სისხლ-ხორცი და სულ იმის ნატვრაშია, როდის იქნება მოვალეობა, გაგვეცალოს და გადიხვეწოს. შორს, ოსმალეთს, საღაც მხოლოდ ცივ სამარესა ჰპოულობს, მაგრამ მაინც სამოთხედ მიაჩნია ერთმორწმუნე ასმალეთი. ირაკლის დროს მრავლად მაჰმადიანდებოდნენ ქართველნი. სულ რაღაც ასმა წელიწადმა გაიარა მას შემდეგ. მაჰმადიანდებოდნენ მესხნი მეცხრამეტე საუკუნის დასაწყისშიაც. თითოეულობას შერჩათ ნიშანი ქართველობისა—ენა. ამასაც ჰყარგავენ ჩვენ თვალ-წინ. მოხუცებულებს თუ ახსოვთ რამე კიდევ ქართულისა, თორემ ყმაწვილ-კაცობამ სიტყვა აღარ იცის. მიუწდომელი სიმძლავრე გამოიჩინა ჩვენზე უცხო რელიგიამ, ამ, მასხარად აგდებულმა თანამედროვე მწერალთაგან ისტორიულმა ფაკტორმა.

ჰუნგართა ცხოვრებაში იყო ერთი ხანა, როდესაც კაცის მკვლელს სიკვდილით არა სჯიდნენ, თუმცა ასეთი სასჯელი იყო დაწესებული, — საეროვნო ბრძოლაში ავაზაკიც გამოგვადგებაო, ამბობდნენ ჰუნგარნი, რიცხვით

ცოტანი ვართ და ყოველი მარჯვენა, თუნდ შებლალუ-
ლი კაცის მკვლელობით, ჩვენთვის საჭირო იქნება გან-
საცდელის დღესაც. თუ პუნგარნი ასე უფროხილდებო-
ლენ ავაზაქსაც კი, ირაკლის როგორ აეტანა და მოეთ-
მინა მაშინდელ ქართლ-კახეთის. ოდენა საქართველოს
გამაჰმადიანება და სამუდამოდ დაკარგვა მესხეთისა? ეს
ხომ კიდევ იმის მომასწავებელი იყო, რომ საქართველო
თავის დღეში პოლიტიკურად ვერ მოლანიერდებოდა და
სხვის ხელში ბურთივით სათამაშო უნდა ყოფილიყო.
შერალ და უგემურის ენათ დაწერილ დოკუმენტებიდან
ნათლად იხატება მწვავი ფიქრი და აზრი ირაკლისა მეს-
ხეთის შესახებ. ეგ სულის ვითარებაა სწორედ მიზეზი, რომ
ირაკლი დაუინებით თხოულობდა — შეეტანათ უსათუოდ
ტრაქტატში პირობა მესხეთის დაბრუნებისა.

ზურაბ ავალიშვილი საყვედურით ავსებს ირაკლისა
და ოუსეთსაც, — დიდი პოლიტიკური შეცდომა ჩაიდი-
ნეს, რომ მოკავშირეთ ეს მუხლი ტრაქტატისა საქვეყ-
ნოდ გამოაცხადეს, რადგან ამის შემდეგ საყიზილბაშო
და საოსმალო აშკარად გაფაეციდა ირაკლისათ¹⁾). მარ-
თალია, გამოკხადებით არ უნდა გამოკხადებინათ მო-
კავშირეთ დასახელებული მუხლი ხელშეკრულობისა, მაგ-
რამ ჩაწერით კი უსათუოდ უნდა ჩაეწერათ მფარველო-
ბის პირობაში. უამისოდ რა ბედენა იყო ირაკლისთვის
1783 წლის ტრაქტატი? ტოტლებენის მოსვლამდე ირაკ-
ლი მშეიღობიანად სცხოვრობდა სპარსეთთან და ოსმა-

1) №. 8. ავალიშვილი. Присоединение Грузии къ Рос-
сии. стр. 147. „Объявлять о такихъ замыслахъ предъ лицъ
цомъ всего свѣта было грубой ошибкой со стороны зак-
лючавшихъ трактать“.

ლეგთან. აღა-მაჰმადის დროს სპარსეთი ცოტა მოცოცხლდა, ნაპერწკალსავით იფეთქა, მაგრავ ეს აფეთქება წუთიერი იყო. როგორც ბურბუშელასავით აპრიალდა, ისევე მალე ჩანელდებოდა. სუსტდებოდა აგრედვე ლსმალეთი. როგორც თავდაღმართზე დაგორებული ქვა, ისე მიდიოდა უკან-უკან ლსმალეთი მას შემდეგ, რაც რუსეთმა ომიანობა დაუწყო. მაშასადამე, ირაკლი ავად თუ კარგად, ორთავე მეზობელ მაჰმადიანთა სახელმწიფოს თავისი ძალლონით გაუძლებდა და თუ მაინცა და მაინც რუსეთს ხელშეკრულობით შეეკრა, მხოლოდ იმისთვის, რომ მტრისგან მოწყვეტილის საქართველოს მამულ-დედული დაებრუნებინა.

„უმთავრესი აზრი 1783 ტრაქტატისა ისაა, — ამ-ბობს ზ. ავალიშვილი, რომ საქართველოს მოეპოვებინა საშუალება და საღსარი სპარსეთის მოსალოდნელ შემოსევის წინააღმდეგ, შემოსევისა, რომელიც უსათუოდ მოხდებოდა, რაკი სპარსეთი სულს მოითქვამდა და იშოვიდა იმისთანა ბატონსა და მბრძანებელს, ვისაც ძალა შესწვდებოდა. აღედგინა სიძლიერე ირანისა და განევრუებინა სფერია წარსულის გავლენისა“. ეს აზრი პატივუემულ ავტორისა არ ეწინააღმდეგება ჩვენ მიერ ზე-მოდ აღნიშნულ მოსაზრდებას, რომ ირაკლის ტრაქტატისა და რუსების შემწეობით ჰსურდა დაებრუნებინა საქართველოსთვინ მისი სამკიდრო. ირაკლის თვისი იღეალი რომ განეხორციელებინა, „სპარსეთის მოსალოდნელი შემოსევა“ კი არა, თვით ნამდვილი თავდასხმაც არ შეაძრწუნებდა. შეკრეფილ საქართველოს ძალ-ღონით ირაკლი აღვილად მოიგერიებდა მოსულ მტერს და ეკეს-გარეშეა, რომ მეფე-მეომარი არეზამდისინაც მიეიღოდა.. საქმე სანახევროდ გაკეთებული იყო, ერევანი და განჯა.

ხარკს აძლევდა საქართველოს და საქმეს მხოლოდ დაგვირვეინება აკლდა, მაგრამ ჩარხი სხვანაირად დატრიალდა.

ათ წელიწადზე მეტმა გაიარა „პირობათა“ დაწერის შემდეგ და მხოლოდ 24 ივლისს 1783 წ. დადებულ ტრაქტატში ამ სახით აღიბეჭდა სურვილი მეფე ირაკლისა: „არტიკული მეოთხე სეპარატისა. დიდებულება იმპერატორებისა მისისა აღსასთქვამს, რათა დროსა ბრძოლისასა იხმარომსცა ყოველი შემძლებლობად მეცადინეობისა ღონითა საკურუბლისათა, ხოლო დროსა მშვიდობისასა დაზავებისა მიერ უკროქცევისათვის ქუცანისა და ადგილითა მტერთაგან ქონებულთა და ძუბლადვე სამეფოოდესა მიმართ ქართლისა და კახეთისა შერაცხილთა ესენი უკუც დაჭმებიან სამფლობელოდ მუნებურთა მეფეთა საფუძულოსა ზედა თქმულთა ჰაზრთასა, რომელნიცა ითქუნენ მფარუბლობისათვს და უზენაესისა ხელმწიფებისა ყოვლისა რუსეთის იმპერატორთა“¹⁰).

აზრი ამ უცნაურის ენით დაწერილ არტიკულის (მუხლი) მეოთხე სეპარატისა (კერძო) ისაა, რაზედაც ზემოდა გვქონდა საუბარი. რუსეთის თვითმშეკრობელი აღთქმასა სდებს, რომ ბრძოლის დროს ყოველ ღონესა

¹⁰) იხ. გრამოთხ... თ. II, ვ. I, გვ. 109.

¹¹) 1783 წლის 24 ივლისის ტრაქტატში ისაკლის ტიტული ასეა მოყვანილი: „მეცვიდრე ხელმწიფე და მფლობელი ირაკლი მეორე წყალობითა ღვთისათა და თქუმნის იმპერატორების დიდებულების კეთილ-ნებობითა რეფე ქართლისა, კახეთისა მემკვიდრე მფლობელი სამცხე-სათაბაგოსი, მთავარი ყაზახისა, მთავარი ბორჩალოსი, მთავარი შამზალისა, მთავარი კაჯისა, მთავარი შაქისა და მთავარი შინდანისა, მფლობელი და გმბრძანებელი განჯისა და ერმონისა. Ibid. გვ. 100.

და მეცატინეობას იხმარს იარაღის შემწეობით დაუბრუნოს საქართველოს მისივე სამკვიდრონი, ე. ი. სამცხე-საათაბაგო და სხვანი. მშეიდობის და ზავის შეკვრის დროს კიდევ მოვალეა დიდად ეცადოს და დაუბრუნოს საქართველოს მტრისგან მოტაცებული ქვეყნები¹¹).

ანკარა წყაროსავით სუფთა ქართული ენა შოთასი და ვისრამიანისა, მეთვრამეტე საუკუნეში, სქოლასტიკის წყალობით ისე აირ-დაირია, რომ ყოველი ლაზათი და სიკეთე დაჰკარგა. ტრაქტატის ენა იმდენად ტლანქი და ბუნდოვანია, რომ უბრალო მომაკვდავი ვერას გაიგებს, ძალიანაც რომ უნდოდეს მისი გაგება. კათალიკოზ ანტონ პირველმა საქართველოს თავზე მოახვია რუსეთში გაბატონებული სქოლასტიკა და ამით მეტის-მეტად გააუგემურა ტებილი, შოხდენილი, ძალოვანი და თასმასავით მოქნილი ქართული სამწიგნობრო ენა. ნიმუში გადამახინჯებულ და შებლალულ ქართულ ენისა ზემოდ მოყვანილ ტრაქტატის ნაწყვეტია. პროფესორი ა. ცაგარელი ჰყიქრობს, რომ ტექსტი ტრაქტატისა დაწერილია რუსულად და შემდეგ ნათარგმნი ქართულად.

III

ირაკლის ნატვრა აღსრულდა. ტრაქტატში ჩასწერეს — რუსეთი პირობასა სდებს, რომ საქართველოს დაკარგულ ქვეყნებს დაუბრუნებს, მაგრამ ქალალდზე აღნიშვნა საქმისა სხვაა და მისი განხორციელება კიდევ სხვა — შეუა უზის დიდი ზღვარი. ზურაბ ავალიშვილს რომ ჰყითხოთ, 1783 ტრაქტატი დაწერილებითი განხილვის ლირსიც არის, რადგან უმთავრესის თვისის ნაწილებით ტრაქტატი ცარიელ სურვილთა და სიტყვათა რახა-

რუხი აღმოჩნდა, რომელთაც განხორციელება არ ელირ-სუთთა¹²⁾. ორაკლი სიცოცხლეში ტფილისის აოხრებას კი მოესწრო, მაგრამ მტრისგან მოწყვეტილ საქართველოს მამულის დაბრუნებას ვეღარა. მისი ნატვრა ასრულდა სიკვდილის შემდეგ, როდესაც საქართველომ თვისი და-მოუკიდებელი პოლიტიკური არსებობა დაასრულა და რუსეთს შეუერთდა.

ორაკლის დალადისი და გოდება, რომ ახალციხის ქრისტიანებს ყოველს წელიწადს „მძლავრებით მაჭმაღიანად მრავლად გარდააქცევენო“, სრული კეშმარიტება იყო. მეცხრამეტე საუკუნის დასაწყისს სამცხე-საათაბა გოში ქრისტიანი მართლმადიდებელნი ხილულად და აშე კარად აღარ მოიპოვებოდნენ. აქა-იქ ძლიერ-და კივკი-ვობდა თითო-ოროლა მართლ-მაღიდებელი, რომელნიც მალულად წმინდა საიდუმლოებას დამ-დამობით მიიღებ-დნენ ერის კაცის ტანისამოსში გამოწყობილ მღვდელთა-გან, ან კიდევ ქრისტეს შობას დღესასწაულობდნენ ლო-რის ხორცის ნაკრის მიღებით რომელიც იძავე ერის ტანისამოსიან მღვდლებს სოფლიდან სოფლად ხურჯინე-ბით დაჰქონდათ თავიანთ მრევლისთვის. ვინ მოიფიქ-რებს, რომ ასეთი დაჩაგვრა ქართველისა სულ რაღაც სამოცდა ათის წლის წინად ხდებოდა! ბევრს სიზმრად, ზღაპრად მოეჩვენება, მაგრამ სრული კეშმარიტება და სინამდვილე კია.

ლხენაკა და ფუფუნებაში არც ქართველი კათოლი-

¹²⁾ რუსულად: „... более подробного размострикия трактать этот не заслуживаетъ, такъ какъ, въ самыихъ главныхъ своихъ частяхъ оказался сочетаниемъ словъ и желаний, не увидѣвшихъ своего осуществленія“. იხ. Присоединеніе... გვ. 139.

კენი ბრძანდებოდნენ. მეთვრამეტე საუკუნეში ამათ წირვა-ლათინურად ჰქონდათ, რომის ეკლესიის წესსა და რიგს-მისდევდნენ. კევიანი და განათლებული რომის მისიონერნი და პატრები თავებს დროზე შეეცადნენ და ქართველ მრევლისთვის ნებრ-რთვა აიღეს ჯერ ისევ 1757 წელს წმინდა კონგრეგაციისაგან, რომ სახარება და სამოციქულო წაეკითხათ „სამშობლო ქართულ ენაზედაც“. რალა თქმა უნდა, რომ შორს გამჭვრეტელმა კონგრეგაციამ კაპუცინის ორდენის მისიონერებს ხელი არ შეუშალა ამ სასარგებლო სურვილის განსახორციელებლად. სახარებისა და სამოციქულოს გარდა ეკლესიაში ჰსუფევდა აგრედვე ქართული გალობა. ოსმალოს მთავრობა მტრის თვალით უყურებდა ლათინურსა და ქართულს წირვა-ლოცვას ლათინური ეკრობას აგონებდა, იმ ევროპას, რომელმაც არა ერთხელ წელში მოზნიქა ოდესმე ქედ-მაღალი ოსმალეთი, ქართული კიდევ შეუპოვარ გურჯისტანს, რომლის სრულიად დამხობა შეაღენდა მაჰმადიან ოსმალეთის პოლიტიკის და დიპლომატიის ანაბანას. ამისათვის გაატორებულმა და გააღმასებულმა ოსმალეთმა სასტრატ დაუწყო დევნა ლათინურ და ქართულ ენაზე წირვა-ლოცვას და ლვთის მსახურებს. სომხური ენა კი მიჩნეული ჰქონდათ მაშინდელ ოსმალებს, სომხებისა არ ერიცებოდათ და დიდის თავაზიანობით ეკიდებოდნენ თვით სომხეთის ერსა *). წყვეტა, ულეტა და აოხრება სომხეთის ერისა დაიწყო მხოლოდ მეცხრამეტე საუკუნის მოერე ნახევრილგან, როდესაც სომხო-

*) მწარე დღეი სომხებს წანადაც ბევრი უნახავთ, მაგრამ ეს ხდებოდა ხანდახანობით და არა სისტემატიურად, როგორც მე-XIX საუკუნეში.

ბამ გამოიღვიძა, მოითხოვა ეროვნული უფლებანი და ევროპას შეატყობინა — დიდ გაჭირვებაში ვართ და პატონობა გაგვიწიეთ ~~Y~~ ასმალეთმა თვალები გააკყიტა, — ეს რა დაუძინებელი მტერი მყოლია შინაო, ევროპას. პირობა მისცა — რეფორმებს შემოვიდებ სომხეთშით და ამავე დროს თავისებურად დაიწყო პოლიტიკურ საგნის გადაწყვეტა. „თავისებურობა“ ასმალეთისა ცველას მოეხსენება, რაშიაც მდგომარეობს. ასმალეთმა სომხებს გააგებინა, აუტკივარ თავს არ ავიტკივებ, ან მაჰმადიანობა მიიღეთ, ან დედა-ბუდიანად გაგაქრობო, ესე იგი ფიზიკურად არსებობას მოგისპობო. შოგეცყრობი სწორედ ისე, როგორც ვებყრობოდი ქართველობას მესხეთშით სომხობაშ ზოგმა მიიღო მაჰმადიანობა, მაგრამ უფრო ბევრმა არ უღალატა მამა-პაპურ სარწმუნოებას. უარის-თქმას ენით გამოუთქმელი ამბები მოჰყვა. ანატოლიის სომხობა წიწილებივით ისრისება, ვინც მახვილს გადურნა, გულგახეთქილი სამშობლოდგან სხვაგან გარბის. ამ ფაქტი ანატოლიაში ისე მცირეა სომეხთა რიცხვი, რომ მათი ბედის საქმე პოლიტიკის საგნად იქნება ველარც კი გახდეს. ისტორიული სომხეთი დღეს თითქმის გეოგრა-ფიულ ტერმინად გარდაიქცა. ბედის სომუხთლე და ცვა-ლებადობა სომხებმაც გამოსცადეს.

ასე არ იყო მეთვრამეტე საუკუნეში. მესხეთში რომ კოკის-პირულად ქართველთა სისხლი იღვრებოდა და ქართველთა მარტო სახელიც კი ზიზლა და ბოროტებას უსახავდა გულში ასმალოს, სომხობა განცხრომითა- სცხოვრობდა და მოქალაქობდა. პატივს არც მესხეთში იყვნენ მოკლებულნი სომხები. თავისეუფლად სწირავდნენ და ლოცულობდნენ სამშობლო ენაზე. დამშლელი არა-ვინა, ჰყავდათ.

ოსმალოს თვალის ასაბმელად და ქრისტიანობის და-
საცელად ქართველ-კათოლიკეთ განიძრახეს შემოელოთ
წირვა-ლოცვა სომხურ ენაზე. სომხურად მლოცველი
ქართველი-კათოლიკე თამამად ეტყოდა გამძვინვარებულ
ოსმალოს, რა გინდა, დაწყნარდი, ხომ ჰედავ, აღარც
ლათინი ვარ და აღარც ქართველიო. მართლაც ამ დიპ-
ლომატიურმა ხერხმა გასჭრა, ქართველ კათოლიკეთ. შე-
ინარჩუნეს ქრისტიანობა, მაგრამ დღეს ლამის ეროვნობა
და ქართული ხალხოსნობა დაჰკარგონ. თუ სცოდნო-
ლით მაშინ, რომ გულუბრყვილო დიპლომატიური ხერხი
მატლად გადაექცეოდათ, რომ პავლე და იაკოფი პოლო-
სად და აკოფად გადინათლებოდა, შესაძლებელია, რომ
მაჰმადიანობაზე უარი არ ეთქვათ და სახიფათო, კისერ-
მოსატებ დიპლომატიისთვის არ მიემართნათ. ერთმა არ-
ლელმა, ესე იგი ს. არლიდან, ქართველ-კათოლიკე „ტე-
ტიან მალვენ თათეოზოვმა (იგივე თომაშვილი) ასეთის მა-
რილიანი ქართულით დაასურათა ზემოდ მოხსენებული
ისტორიული მომენტი: «თათარი სომებს არ ერჩოდა».
და ჩვენ მამა-პაპათ იმისათვის მიიღეს სომებ-კათოლიკეთა
აღსარებათ.

მეცხრამეტე საუკუნის დასაწყისს, როდესაც რუსის
მთავრობა დამკვიდრდა ქართლ-კახეთს, მესხეთს ქართვე-
ლობისა აღარა ეტყობოდა-რა. მაჰმადიანობამ საუსებით
თვისი სუდარა გადააფარა დიდებულ მესხეთს, მამა-კაცს
ქუდი ჩაღმით შეუცვალა და დედა-კაცი ბოსლებში ცხრა-
კლიტით დაჰკეტა, ქალაქი ახალციხე კიდევ მხევალთა
და მონათა უმთავრეს ბაზრად გახადა. იგივე მეცხრამეტე
საუკუნე ცუდ ვარსკვლავზე დაებადათ ოსმალებს. წინად
თუ ევროპელნი დასავლეთიდგან ნაფლეთ-ნაფლეთად
სტაცებდნენ ოსმალებს დიდების დროს დაპყრობილ ქვეყ-

ნებს, ამ საუკუნის დასაწყისში რუსეთმა აღმოსავლეთით
მიჰყო ხელი და ხანდახანობით ლუკმა-ლუკმა სტაცებს
ჯერ ძველ საქართველოს ნაწილებს და შემდეგ ვინ იცის
რომელ ისტორიულ ერის სამკვიდროს დაიპყრობს. ეს
პროცესი ოსმალეთის დაგლეჯა-დაფლეთისა ჯერაც არ
შეჩერებულა და არ დასრულებულა.

15 აგვისტოს 1828 წელს გრაფმა პასკევიჩმა შე-
მუსრა ოსმალოს ჯარი ახალციხისა და სოფელ კლდეს
შეუა. ლორის ხორცის კამია რუსების გაბატონება არ
ეპრიანათ ოსმალოს მოხელეებს და გამაჰმადიანებულ
ქართველობას მოლების, ამ ყოვლად უვიცი და განუვი-
თარებელი სამღვდელოების პირით, შეუთვალეს: ავიყარ-
ნეთ და ფადიშაპის სამფლობელოში გადავსახლდეთო.
ლრი წლის განმავლობაში მრავალი გამაჰმადიადებული
ქართველი გადიხვეწა მცირე აზიაში. ეხლანდელი ჯავა-
ხეთი და ახალციხის მაზრა მოლად გატიალდა და გავე-
რანდა. უგლეხ-კაცოდ დარჩენილ ქვეყანას გრაფმა პას-
კევიჩმა მალე უშოვნა მუშაკნი აზრუმიდგან 100,000
სომები (გრიგორიანი და კათოლიკ) გადმოასახლა კარა-
ჰეტი ეპისკოპოზის წინამძღვრლობით. სახლკარის მოსაწ-
ყობად და ბინის მოსაყიდებლად პასკევიჩმა იმპერატორ
ნიკოლოზს ერთი მილიონი მანათი გამოსთხოვა გად-
მოსახლებულთა შესაწევად 13). გამაჰმადიანებულ ქართ-
ველთაგანი, ჯერ ისევ წმინდად ქართულად მოლაპარა-
კენი და მობასენი, ვინც დარჩა სამშობლოში, ისინიც

13) об. Е. Г. Эзовъ. Сношенія Петра Великаго съ Армянскимъ народомъ, въ СХХХVIII и СХХХIX. 1828—1830 гдѣ лѣтъ 14,000. съѣхалось, съѣзжало 90,000. съѣхало и съѣзжало. Фаудиши и съѣзжало. Каждыи съѣзжало.

მთავრობამ შეცდომით ²⁾ „თათრებად“ აღიარა ¹⁴). ასე
ნელ-ნელა და სისტემატიურად ისპობოდა დიდებულ მეს-
ხეთში ქართველის სახსენებელი.

ყირიმის ომის დროს (1853—1854 წ.) ოსმალეთმა
ერთხელ კიდევ სუადა ბედი და მოადგა ახალციხეს, მაგ-
რამ თავად ანდრონიქაშვილმა სასტიკად დაამარცხა ოს-
მალოს ჯარი სოფელ სხვილისთან (ეხლა დამახინჯებუ-
ლია სახელი ამ სოფლისა და ეძახიან სუფლისს). ამის
შემდეგ, ვვონებთ, სამუდამოდ დაეკარგა ოსმალეთს იმედი
ახალციხის დაბრუნებისა. სამწუხაროდ, მცირედად დარ-
ჩენილ გამაცმადიანებულ ქართველებმაც (ახალციხის მაზ-
რაში მაინც იგინი სჭარბობენ სხვებს) სამუდამოდ ამოი-
რეცხეს გულადგან სამშობლოს სიყვარული და ბაწარ-
ალებით გარბიან ოსმალეთისკენ.

ოსმალეთის ორის საუკუნის ბატონობამ (1626 წლა-
დგან 1828 წლამდე) წარუხოცველი დალი და ბეჭედი
დაასვა მესხეთს. მკვიდრთაგანი ვინც კი დარჩენილა, ისე
დაბექავებულა, რომ მომეტებული სიბერივე ისტორიუ-
ლის ერისა ძნელი წარმოსადგენი-ლა იყო. სად აჭარე-
ლი, თამამი, გამბედავი, მკვირცხლი, როგორც გურული
და სად აქაური, დაფლეთილ-დაბრანძული სამცხე-საათა-
ბაგოელი მკვიდრი ¹⁵)! როგორც მესხმა ოსმალოს გავლე-
ნის წყალობით ფერი და იერი იცვალა, ისევე შეიცვა-
ლა გარეგანი სახე ქვეყნისა. სანაქებო ვენახები სულ

¹⁴⁾ იხ. Г. А. Вейденбаумъ. Кавказские Этюды, I,
გვ. 421.

¹⁵⁾ აჭარა შინაურ გამგეობაში თითქმის დამოუკიდებელი იყო.
მამაცი აჭარელი ქედს არ იხრიდა ოსმალოს წინაშე და იარაღით
იცვლა თავისუფლებას. ესაა მიზეზი, რომ ენაც წმინდად შეინახა
და ქართული ზნე-ჩვეულებაცა, დაჭარგა მხოლოდ სარწმუნოება!

ამოვარდნილა და გადაშენებულია. მიწაში ჩაფლული ქვევ-
რები და ქვიტკების საწნახელნიღა ჰმოწმობენ, რომ
აქაურ ქართველობასაც ძველად დანარჩენ ქართველებ-
სავით კამაბა „ნუნუათი“ ჰყვარებით ყელის ჩასველება
და გულის გაგრილება. ძველი ჯავახეთი ტყით ყოფილა
დაბურული, დღეს კი ისეა მოტრუსული, რომ ჩირგვი,
ან ფშატი რა არა; ისიც კი არსად მოპოვება, რომ
ზაფხულის სიცხე-პაჭანაქეჭში კამა თავი შეაფაროს და
მოიჩრდილოს. ძველად ტყე ისეთი ხშირი ყოფილა, რომ
მაღალი ტანის ეკლესიებს ჰფარავდა, რასაც ჰმოწმობს
სამსარის გადმობრუნებულ ქვის წარწერა ¹⁶⁾). ჯავახეთის-
დაბურული ტყეები აჭრუმიდგან მოსულ სომხებს გაუკა-
ფავთ. აზრულში შეშას ჩახამებულნი ონავარ ფუტკარსა-
ვით მისევიან ტყეს და მცირეს ხანს სულ ძირს დაუ-
კიათ და როცა სულ გაჩანადგურეს, პურის გამოსაცხო-
ბად და საჭმლის მოსახარშად ისევ მამა-პაპეულ ჩვეულე-
ბას მიჰმართეს, ესე იგი წივას.

მესხეთს დაძაბუნება ჯერ ისევ ირაკლის დროს შე-
მჩნევია. მეფე ერეკლეს ბრძანებით აუწერიათ მოკლელ
14 ივნისს 1796 წელს ქვეყნები, რომელიც ქართლ-
კახეთს გარს ეკრა. ალბად ეს აღწერილობა რუსის, მთავ-
რობას თუ მიართვეს. აღწერილობაში ახალციხე ასეა
დახატული: „ახალციხის ქვეყანა, რომელიც არის ქართ-
ლის ერთი ნაწილი, უჭირავს ახლა ხვანთქარსა ძალითა
და არიან გამაჰმადიანებულნი და აღგილ-აღგილ მცი-
რედნი ქრისტიანენიც იპოვებიან, და ჰქონან ადგილსა
ამას საათაბაგო; აქა ზის ვეზირი სამ თულიანი და არს
შემძლებელ თავისავე აღგილში ხუთის ათასის. მეომრის

კაცის გამოყვანისა, მაგრამ ჯაბანნი და შეუბედავნი არიან ომსა შინა“¹⁷⁾). ეტყობა წეთვრამეტე საუკუნეშივე გამქრალა ძველებური ვაჟაპობა და სიღარბაისლე მესხისა. ოსიალეთის სტიქონონურმა ძალმომრეობამ მოსპო და გაანადგურა ერთიცა და მეორეც. პოლიტიკურ თავისუფლებას მოკლებული მესხი და ბოროტის ბატონის ხელშემაცერალი დაბეჩავდა, დავლახაკდა, ზოგი არსებობისათვის ბრძოლაში გაწყდა და ვინც გადარჩა, გახდა „მონა მზაკვარი“, როგორც იტყოდა ხოლმე ნეტარ ხსენებული „ვიცე-კანცლერი“ საქართველოს მეფეთა: ირაკლისა და სოლომონისა სოლომონ ლეონიძე.

დიდებულ მესხეთის ნასუფრალს რომ თავი ერთად მოუყაროთ, ხელს ეს-და შეგვრჩება. ეხლანდელ ჯავახეთსა და ახალციხის მაზრაში სულ ქართველ-კათოლიკეთა რიცხვი 1901 წელს იყო 6408 სული ორთავე სქესისა. ქართველ-კათოლიკენი, რაღა თქმა უნდა, წმინდა ქართულის ენით ლაპარაკაბენ, მხოლოდ საშინლად შეუძლალავთ წმინდა ქართული სახელები და გვარები სომეხ-კათოლიკეთა ეკლესიის აღსარების ზედგავლენით.

ზოგ ქართველ-კათოლიკეთა სამრევლოს მოძღვარი ჰყავს მკვიდრი სომეხი, რომელთაც ჩიქორთული ქართული მრევლში შეუსწავლიათ. წირვა-ლოცვა და დანარჩენი ლვითის-მსახურება სომხურადაა/ ოფიციალურად და სხვა საბუთის ქაღალდებში იწერებიან ასე: სომეხ-კათოლიკე. ეს ოფიციალური ტერმინი აღმნიშვნელია ქართ-

¹⁷⁾ იხ. გრამოты... А. Цагарели, т. II, в. I, გვ. 8. ეს ხაყურადებო მოკლე აღწერა საქართველოს მეზობელ ქვეყნებისა ქართულადაცაა და რუსულადაც. რუსული ტექსტი გრამატების პირველ ტომშია დაბეჭდილი.

ველ-კათოლიკეთა სარწმუნოებისა, ანუ ალსარებისა, მაგრამ, სამწუხაროდ, სარწმუნოების აღმნიშვნელი ტერმინი ეროვნობისა. და ხალხოსნობის აღმნიშვნელად გარდაიქმნა. მდაბიო ქართველ-კათოლიკს რომ ჰყითხავ, ვინა ხარო? გიპასუხებთ — სომებ-კათოლიკეთ. თუ წყრომისა, ან გაჯავრების კილოთი ჰყითხე, რას მიედ-მოედები, მამა-პაპით ქართველი იყავ და სომხად როგორ გადაკეთდიო, მორცხვი პატარძალივით თავს ჩაღუნავს და მოკრძალებით გიპასუხებს: დიალ, ამბობენ, რომ წინად ჩვენი მამა-პაპანი ქართველები ყოფილანო. ქართველ-კათოლიკეთა მოძღვართა სახელებს წინ უძღვის სიტყვა „ტერ“ და მათი სახელები ასე გამოითქმის: ტერ-პოლისი, ტერ-პეტროსი და სხვა.

ქართველ-კათოლიკენი დასახლებულნი არიან შემ-დეგ აღგილებში: ქ. ახალციხის ძეველ ნაწილში, რომელ-საც ძეველადგანვე „რაბათს“ ეძახიან. რაბათის ზემო ეკლესიის მრევლი 529 სულია, რაბათისავე ქვემო ეკლესიისა — 665, ივლიტისა — 306. არის კიდევ რაბათის რომის კათოლიკეთა ეკლესია, რომელსაც განაგებდნენ პატ-რები და დღესაც ამ ეკლესიას განაგებს ქართველი პატ-რი, მამა ლაზარე გოზალაშვილი¹⁸⁾.

18) ქართველ-კათოლიკეთა რაოდენობის ცნობა გადმოგვცა მამა ლაზარე გოზალაშვილმა. ახალციხისა და ახალქალაქის მაზრებში არიან კიდევ კათოლიკენი, ზოგი ტომით სომხი, ზოგი კიდევ ქართველი ჩამომავლობისა. უკანასკნელთ ცელელებს არც სომხური იყიან, არც ქართული, ლაპარაკობენ ოსმალურად. იგინი გაღმოსახლდნენ ს. ველიდან, არდაგანის ოლქიდან. სოფელი: ხულ-გუმო, ტურცხი, კულიკამი და კართიკამი ამ ველელებითაა დასახლებული.

მრევლი მცირე ჰყავს პატრების ეკლესიას. ახალცი-
ხის მაზრის შემდეგ სოფლებში ბინადრობენ ქართველი
კათოლიკები: 1) ვალე—750 სული. აქავე სცხოვრობენ
აგრძელებ მართლ-მაღიდებელნი ქართველნი და ქართვე-
ლი-მამადიანნი. 2) უდე—1562 სული. აქაც სცხოვრო-
ბენ ქართველი-მამადიანნი. ქართველ-კათოლიკეთა მოძ-
ლვარი და ქართველ-მამადიანთა მოლა ერთის გვარისანი
იყვნენ ერთ დროს. 3) არალი—657 სული; 4) ბოლა-
ჯური—58, უმრავლესობა ამ სოფლისა ქართველი-მამა-
დიანია. 5) ბნელა—42 სული. ჯავახეთში, ანუ ახალქა-
ლაქის მაზრაში, სულ ორი სოფელია, საღაც ქართველ-
კათოლიკეთა ბინა შერჩენიათ და საღაც სუფთად ლაპა-
რაკობენ ქართულად: 1) ხიზაბავრა—1698 სული და 2)
ვარგავი—141, სულ მაშასადამე 6408.

მრავალი ქართველ-კათოლიკე ჩანთქა ულმობელშა
ისტორიამ, ბევრიც წარსულს საუკუნეს გადაიხვეწა სტამ-
ბოლს, ტფილისს, ქუთაისს და ბათუმს. ასე რომ ნაშთი
ქართველ-კათოლიკეთა სულ ეგ 6408 სული ორივე სქე-
სისა გახლავთ. ამ მცირე ნაშთსაც ბ-ნი სარუხანა გვედა-
ვება—ეგენი მუდამ გვარ-ტომობით სომხები ყოფილან
და დღესაც სომხები არიანო. ოვით ბ-ნი სარუხანა ერის
კაცია, ტომით სომები, სარწმუნოებით სომებ-გრიგორია-
ნი, ხელობით, კარგად არ ვიცით, ვაჭარია, თუ ნოქა-
რი. საოცარი აქ ისაა, რომ თითქოს არც ხელობა და
არც წოდება ხელს არ უწყობს ბ-ნ სარუხანას ლიტერა-
ტურაში საეროვნო, ან საეკლესიო კითხვების ძიება-
გამოკვლევას მისდევდეს, მაგრამ რას იზამთ. უჯობს და
ლაპარაკობს. ბევრს ედავა თამამ პუბლიკისტს ა. ხახანა-
შვილი, დაუმტკიცა სიყალბე საბუთებისა, ისიც კი გა-
მოუძებნა ხახანაშვილმა ბ-ნ სარუხანას, რომ ისტორიულ

დოკუმენტების წაკითხვის შნო და უნარი არა ვქონიამ; მაგრამ რა ხიხანაშვილის დავას პრაქტიკული ნაყოფი არა მოაქვს-რა. ბ-ნი სარტხანა მეტის-მეტი გულქვავი და მკაცრი აღამიანი ყოფილა. მისი საქციელი ასეთს სურათს მაგონებს: იყო მეფე სვიანი; მძლავრი და კეთილი, ჭორტფირითა, ძვირფასი სამკაულით და გვირგვინით მოსილი. უკეთურო შეიშურეს მისი დიდება-სვიანობა და გაძარცვეს, დაშთა მხოლოდ გაძარცულს მეფეს მცირე რამ სამაჯური და მკერდს ნაკიდი ძეწკვი, ალმნიშვნელი ძველის დიდებისა. ერთს. უკეთურთა უკეთურთაგანს, ყმასა მზავარსა, ესეც შეშურდა მეფისათვის და უკანასკნელი სამკაულიც მოსტაცა.

სარტხანასთანა პუბლიცისტები სხვისაგან კაცო-მოყვარეობასა და ლმობიერებას თხოულობენ, თვითონ კი ისეთი მაღიანები ბრძანდებიან, რომ წარბ-შეუხრელად კაცს გადაჰყლაპავენ.

ახლა განვიხილოთ, თუ რამდენი დარჩა დიდებულ მესხეთის ბეითალმანზე ქართველი მართლ-მადიდებელი. მართლ-მადიდებელმა ქართველობამ თავი იჩინა მხოლოდ მესხეთის ორ ნაწილში: ჯავახეთსა და ახალციხეს (იგულისხმეთ ახალციხეს მხარე, ოლქი) რუსობის დამკვიდრების შემდეგ. მესხეთის სხვა ნაწილებში მართლმადიდებელ ქართველის სინისილა და სახსენებელი კარგა ხანია გასწყდა. ჯავახეთი საციციანო მთას აკრავს, ახალციხე კი გურია-იმერეთს და დღევანდელ ზემო-ქართლს. ალბად ამ სიახლოებებს შეუწყო ხელი, რომ ქრისტიანობა სრულიად არ ამოვარდა და ნაცრის ქვეშ პლუოდა ქრისტეს სიყვარული. ისიც უნდა გვახსოვდეს, რომ ქართლ-იმერეთიდგან ხშირად გადმოცვინდებოდნენ ხოლმე ქრისტიანენი სხვა და სხვა მიზეზის გამო. ს. კორელიას, ხი-

ზაბავრას და სხვაგან დღესაც არიან ისეთნი, რომელთაც
კარგად ახსოვთ, თუ რამ აიძულა მათი მამა-პაპანი აყრი-
ლიყვნენ და აქეთ გადმოხვეწილიყვნენ. ერთმა კოთე-
ლიყლმა მთელი ისტორია მიამბო თვისის მამა-პაპის აყრა-
გადმოსახლებისა სოფ. ქარელიდგან.

1900 წელს ჯავახეთსა და ახალციხეს ითვლებოდა
მართლ-მაღიდებელნი ორისავე სქესისა სულ 10,088 სუ-
ლი ¹⁹⁾). ამ რიცხვში ნაანგარიშევია მცირეოდენი რუსობა
და ბერძენი სოფ. მიქელ-წმინდისა და ქ. ახალციხისა.
მართლ-მაღიდებელნი ბინაღრობენ 1281 კომლად და შე-
ადგენენ 13 სამრევლოს: 1) ახალციხისა, 2) წმ. მარი-
ნესი, 3) ახალქალაქისა, 4) ბარალეთისა, 5) აწყურისა,
6) ვალესი, 7) გოგაშენისა, 8) ზედათმოგვისა, 9) ქილ-
დისა, 10) მუსხისა, 11) ტოლოშისა, 12) საროსი და 13) ერკოტისა.

აი სოფლებიც, სადაც ბინაღრობენ მართლ-მაღი-
დებელი ქართველნი: ახალციხის მაზრისა: 1) ვალე. 2)
ტატანისი, 3) ჭაბარეთი, 4) ლრელი, 5) ანდრია-წმინდა,
6) მუსხი, 7) ქუნცა, 8) ერკოტა/ 9) ტობა, 10) რო-
კეთი, 11) დაღეში, 12) ძველი, 13) ტოლოში, 14) ზე-
დათმოგვი, 15) აგარა, 16) აწყური, 17) ტყემლანა და
18) ქვაბის-ხევი. ახალქალაქის მაზრისა — 1) ბარალეთი,

¹⁹⁾ მართლ-მაღიდებელთა შესახებ ცნობანი გადმოგვცა დეკა-
ნოზმა დიმიტრი ხახუტაშვილმა. დღევანდელ ახალციხის მაზრაში
ხუთი სოფელია, რომელთა მკვიდრნი ბორჯომის ხეობიდგან ამო-
ვიდნენ მე-XIX საუკუნეს. ამ ხუთ სოფელში მხოლოდ ქვაბის-ხევი.
ეკუთხის ახალციხის საბლალოჩინოს, დანარჩენი: დვირი, ტაძრი-
სი, დგვარი და საკირე ბორჯომისას. ბერძნები და რუსები რომ-
გამოგაკლოთ, ქართველ მართლ-მაღიდებელთა რაოდენობა დაახ-
ლოვებით შეიძლება მივიღოთ 10,000 სული.

2) სარო, 3) ვარევანი, 4) ვარგავი, 5) თოკი, 6) კო-
თელია, 7) აზავრეთი, 8) ბალანთა, 9) ჭიხარულა, 10)
ფრთენა, 11) მურჯახეთი, 12, ჩუნჩხა, 13) ქილდა, 14)
გოგაშენი და 15) აფნია.

როგორც ყველგან საქართველოში, იმერეთს გარ-
და, ქალაქად მცირო ქართველი ძალიან ცოტაა. ხალ-
ციხეს კანტი-კუნტად კიდევ მოიპოვებიან, მაგრამ ჯავა-
ხეთის ახალქალაქი წმინდა სომხების ქალაქია. მახსოვს,
აქ ერთი მოხუცებული მეწისქვილე იყო მართლ-მაღიდე-
ბელი ქართველი და, ვგონებ, უძეოდ ესეც ამოწყდა.
არის კიდევ ერთი ქართველი და, როგორც მითხვეს,
იმერეთიდან გადმოსახლებული. ასეთი ქართველი კი ან-
გარიშში არ არის მისაღები, როგორც მოსული დროე-
ბით ქართველი მოხელეობა.

ზემოდ დასახელებულ რიცხვში (10,088) სასულიე-
რო წოდებისა 193 სულია, სამხედრო—102; ვაჭარი,
ხელოსანი და მოქალაქე—201, გლეხი—9170.

მთლიად მართლ-მაციდებელთა სამრევლოებში 1900
წელს დაბადებულა: 240 მამრი, 294 მდედრი, სულ 534.
ქორწილი ყოფილა 109. გარდაცვლილა: 144 მამრი,
149 მდედრი, სულ 293. მაშასადამე „დიდებულ მესხე-
თის ნატამალს“ 1900 წელს უმატნია 241 სულით ²⁰⁾.

„დიდებულ მესხეთის“ მთელი ივლა-დიდება დღეს
სულ ეს არის. რაღაც 10,000 სული, ათას ორას ოთხ-

²⁰⁾) ვერ გამოვარკვიეთ, რა შიზეზია, რომ ქალები ასე სჭარ-
ბობენ მამა-კაცებს. დაბადებითაც მეტი დაბადებულან, სიკვდილი-
თაც მამა-კაცზე მეტნი მომკვდარან. ყველგან მამა-კაცნი სჭარბო-
ბენ, აქ კი ქალებს გაუმარჯვნით. ეს ხომ არ არის მიზეზი მესხე-
თის დაკინებისა? სუმრობის გუნებაზე რომ ვიყოთ, სწორედ ამ
მიზეზით ავხსნიდით მესხეთის ამოვარდნას...

მოცდა ერთ კომლად გაძნეული ორს მაზრაში. ამოდენა ხალხი ხომ სოფელ საგარეჯოშიც უქნება და თუ ცოტა რამ დააკლდება, მიუმატეთ მეზობელი სოფელი პატარ-ძეული, ან ნინო-წმინდა და მიიღებთ: 1281 კომლს ქართველს. გარე-კახეთის ორისა, თუ სამის სოფლის ქართველობა რაოდენობით უდირის მთელ მესხეთის ქართველობას, თუ, რასაკვირველია, ანგარიშში არ მივიღებთ სომხის ტიბიკონზე მდგარ ქართველ კათოლიკეთ და გამაჰალიანებულ ქართველობას, რომელთაც ასე უწყალოდ და უღვთოდ აიცრუეს და აიყარეს. გული მშობელ დედაზე და სამშობლოზე²¹⁾... დაცინვაა ბეღისა, მაშ რა არის!..

1897 წელს იანვრის თვეში ქრისტის დღის განმავლობაში აიწერა რაოდენობა ხალხისა რუსეთის იმპერიაში. ამ აღწერამ აღმოაჩინა, რომ ახალქალაქის მაზრაში ითვლებოდა 67,919 სული ორისავე სქესისა, ხოლო ახალციხის მაზრაში — 53,757, სულ ორთავ მაზრაში 121,676 ადამიანი²²⁾). ქართველები: კათოლიკენი და მართლ-მალიდებელნი რომ ერთად შევაერთოთ, მივიღებთ 16,408. მაშასადამე ქართველობა შეაღენს მეშვიდე ნაწილზე ცალკე მეტს და მერვეზე ცოტა ნაკლებს, ანუ აქაურ ყოველ ას ჭარბზე ქართველი მარტო თორმეტ ცაცამდე იქნება.

თუ მოისურვებთ და მეცნიერულ ელფერს მისცემთ

²¹⁾ საბედნიეროდ, ამ კამად 1914 წ., ქართველ-მაჰალიანებში დაიწყო ეროვნული მოძრაობა. ქართველი-კათოლიკენი ხომ აშკარად იბრძვიან ეროვნულ უფლებისათვის. ამისი უტყუარი საბუთებია.

²²⁾ იხ. კავკასიის კალენდარი 1901 წ. გვ. 23 მესამე განყოფილებისა.

ციფრირებს, დავინახავთ, რომ ქართველები შეადგენენ
ახალციხისა. და ახალქალაქის მაზრების მკვიდრთა საერ-
თო რაოდენობისას $13,48\%$.

ეს ყველა კარგი, მაგრამ საქმე ისაა, რომ მეტობ-
ლები გვედავებიან 6408 კათოლიკეთ და ჯერ დავა სა-
ბოლოოდ არ გადაწყვეტილა. ჩვენ რომ ჩვენი ესთქვათ
და იმათ თავიანთი, ამითი საქმეს არა ეშველება-რა, ვიდ-
რე ავტორიტეტის მექანე დაწესებულება არ გადას-
წყვეტს დავასა. სანამდე კი, მეტი რა ჩარაა, სათვალავში
უნდა ვიქონიოთ მხოლოდ მართლ-მაღიდებლობის აღმსა-
რებელი ქართველობა. ესენი, როგორც მოვიხსენით,
არიან 10,000 სული, ესე იგი $8,21\%$ ორის მაზრის
მკვიდრთა საერთო რიცხვისა, ანუ ყოველ ას კაცზე რვა
მრთელი და ერთი მეხუთედი მართლ-მაღიდებელი ქართ-
ველისა მოვა.

ყველა ნათქვამის შემდეგ ნუ თუ სრული, კანონიე-
რი საბუთი არა გვქონდა ამ წერილების ეპიგრაფად
გვემარნა ანდაზად მიჩნეული ბრძნული ლათინური თქმუ-
ლება: *sic transiit gloria mundi*²³⁾. ვფიქრობთ, რომ არც
ერთ ქვეყანას ისე ზედგამოქრით არ მიუდგება ეს ანდა-
ზა, როგორც მესხეთს. განა გაგონილა სხვაგან სადმე
ასეთი უკულმართობა, ცვალებადობა და სიმუხლოე ბე-
ღისა? განა შესაძლებელია, მცელი დიდება ისე გაჰქრეს,
რომ მისი ერთი სხივიც აღარ გვინათებდეს და გვათბობ-
დეს? განა გონებით მისაწვდენელია, რომ სამშობლო
რუსთველისა, გიორგი და ექვთიმე მთაწმინდელთა, ბე-
ქასი და აღბულასი ისე აოხრდეს, რომ კაცმა ველარ
იუნოს? ას კაცზე რვა-და დარჩენილა ქართველი, თუ

²³⁾ ქარ-ულად ასე ითქმის: ასე წარმავალია დიდება ქვეყნისა.

გნებავთ თოთხმეტი იანგარიშეთ. ცხადია, რომ ჩვენ უფრო სტუმრის სახელი შეგვშევნის, ვიდრე მასპინძლისა. ვაგლახი მაშინ იქნება, მასპინძელს თუ სტუმრიანობა მოსწყინდა და ანდაზისაებრ: დილით ოქრო ხარ, სტუმარო, საღამოს ვერცხლად იქცევი, თუ ხანი დაგიგვიანდა, სპილენძად გადაიქცევი, --თავაზიანად გვიბრძანოს — მიბრძანდით, სახლ-კარი გამინთავისუფლეთო.

ხახული და გაგონილი.

I

მიხეილ მაფისაზვილის გარდაცვალების გამო.

თერთმეტ იანვარს აქ, ახალციხეს, გარდაიცვალა მიხეილ მეფისაშვილი, ართვინის ოლქის უფროსად ნამყოფი. ბევრის მხრით იყო შესანიშნავი განსვენებული...

უკანასკნელ დროს ხშირად ლაპარაკობენ, ქართველ კაცს ნიჭი, უნარი არა აქვს მართვა-გამგეობისა, უფრო-სობისაო. მაზრა რა არის, იმის პატრონობაც კი არ შეუძლიანო, ვითომ ისე დაძაბუნდა, ისე დალაჩრდა და დაზურდავდა ქართველიო.

სრულიად მოკლებულია სიმართლეს განზრახ აჩე-მებული აზრი. მაგალითების საძებნელად შორს რომ არ წავიდეთ, მარტო განსვენებულის წარსულის მცირედად გახსენებაც საკმარისია, რომ ზემოდ აღნიშნულის აზრის უსაფუძვლობა დავინახოთ.

მეფისაშვილს არც უნივერსიტეტი, არც გიმნაზია დამთვრებული არა ჰქონდა. მიუხედავად ამისა, მართვა-გამგეობის უნარიც ჰქონდა, ნიჭიცა. მთელის ძველის მესხეთის ტერიტორია არზრუმ-ტრაპიჩონამდე რომ ჩაგე-

ბარებინათ, პირნათლად ვაუძლვებოდა და ქვეყანას არა-
ვის ააოხრებინებდა. შესანიშნავის ზედმიწევნით იცოტა
განსვენებულმა მთელი ეს კუთხე, ზე და ჩეულება
მკიდრისა და მისი სულიერი ვითარება. ამასთანავე სამ-
შობლო ქართულის გარდა ზედმიწევნითვე, თითქმის ხე-
ლოვნურად იკოდა სომხური და ოსმალური. მისი სჯა-
ბასი ოსმალურად ბეგებჩან ასმალეთის დივან-ხანას მო-
გაფონებდა და ამის მნახველს უნებლიერ აზრი სტამბო-
ლისაკენ გაგიტაცებდა.

ბუნებრივს ნიჭისა და გამჭრიახობას გარეგნობაც
ხელს, უწყობდა. წამოსადეგი და ახოვანი იყო მეტად.
კილო საუბრისა ხომ ისეთი ძლიერი, მბრძანებელი და
მორჩილების გამომწევი ჰქონდა, რომ უნებურად იფიქ-
რებდი, ეს კაცი მბრძანებელად არის სწორედ დაბადე-
ბული და არა სხვის ბრძანების აღსასრულებლადაო.

ასეთი კაცი პოვნაა მხედართ-მთავრისა და სარდ-
ლისათვის. აკი კიდეც იმიტომ მიაქცია ყურადღება მე-
ფისაშვილს განსვენებულმა გრაფთა შიხეილ ტარიელის ძე
ლორის-მელიქოვანა რუს-ოსმალოს ოშის ღროს. რუსები
რომ იტყვიან, ეს კაცი ჩემი მარჯვენა ხელიაო, სწორედ
ზედ გამოჭრილია მეფისაშვილსა და ლორის-მელიქოვ-
ზედ. ლორის-მელიქოვანა აკარის გამგებელ შარიფ-ბეგ
ხიდშიაშვილთან სადიპლომატო მოლაპარაკება მეფისა-
შვილს მიანდო. ყველამ იცის, რითაც, ან როგორ გა-
თავდა ეს მოლაპარაკება. ხიდშიაშვილმა აკარა რუსეთს
დაუგმო უომრად. მიწერ-მოწერა მეფისაშვილსა და
ლორის-მელიქოვს ამ მაღალ-მნიშვნელოვან საგნის შე-
სახებ ქართულად ჰქონიათ.

დიდის მწეხარებით უნდა ალვნიშნო, რომ ლორის-
მელიქოვის წერილები სამუდამოდ დალუპულია ისტო-

რისისაფვის. უპედურის შემთხვევის წყალობით წერილები დაიკარგა!!.

განსვენებული მეფისა შეილი იყო კათოლიკე სარწმუნოებით. ამის გამო მიცვალებულს ანდერძი აუგს სომეხ-კათოლიკეთა ტიბიკონისამებრ. — ბოლიშს ვიხდი განსვენებულის ჭირისუფლებთან, თუ აქ მეტი რამ მომივიდეს უნებლიერ. — ანდერძი დაიწყეს ქართულად, მაგრამ რაღაც გან მღვდელთა შორის ზოგი ტომით ქართველი იყო და ზოგი სომეხი, ვერ შესძლეს ქართულად ბოლო გაეტანათ მწყობრად და არჩიეს სომხურად გადასულიყვნენ. წირვაც სომხურად გახლდათ, მხოლოდ სახარება იქმნა წაკითხული ქართულად.

ამბობენ, ძალიანაც რომ უნდოდეთ, ველარც კი მოახერხებენ ქართველ-კათოლიკენი წირვა-ლოცვას ქართულად, რადგან ქართული საღმრთო წიგნები აღარ მოეპოვებათ და ახლად ველარ ჰბეკდავენო. თურქე აგრ სამოცი წელიწადი სრულდება, რაც ქართულს სტამბას ქართველ-კათოლიკეთა ასლარების წიგნი არ დაუბეჭდია...

განსვენებული სიბერის დროსაც არწივს მოგაგონებდა, მართალია ფრთხებ-მოტეხილს, მაგრამ მაინც არ-წივს...

განსვენებული დაკრძალეს ს. ივლიტას. ამ სოფელში, ასე მითხრეს, რამდენიმე კომლი მაჰმადიანნი „ქართველი ტომისანნი“ და კათოლიკენი, ტომით სომეხი, სუხოვრობენო. ეკლესიის გალავანში კი საფლავის ქვას ქართული წარწერანი აქვს. ეკლესიაში სომხურად ადგდებენ უფალსა და საფლავის ქვებს კი ქართულად უკეთებენ ზედწარწერას. ბედის დაცუანვაა მაშა რა არა ესა?

კარგს იზამდა ბანი ილია კავკავაძე, მესხეთისკენ. გაა-

მოესეირნა, ვიდრე „ქვათა ლალადი“-სის წერის შეუდგებოდა. აბა, აქ პნახავდა ნამდვილ ქვათა ლალადის!

მართალია, ბედი ცულლური და ცვალებადია, მაგრამ არც ასეთი გადამეტებული სისასტიკე ვარგა. უკუღმართმა და შავად და ბნელად მოსახსენებელმა მარტო-ოდენ საფლავის ლოდნი-ლა გვიწყალობა სანუგეშებლად. ძლვენი მწირია, მაგრამ რას იზამთ?

მეფისაშვილის საფლავის ქვასაც წომ ქართულად დააწერენ ეპიტაფის საბუთად იმისა, რომ აქ ქართველი ასაფლავია. ისტორიას ეს ქართული წარწერა-ლა დარჩება.

„კარგი რამ გჭირდეს, გიკვირდეს, ავი რა საკვირველია“.

II

გაჟგადიან თართველების გადასახლება.

ერთი სურათი ვნახე ამას წინად ბორჯომის სატგურ-ზედ და უნებურად გამახსენდა მშვენიერი პატარა მოთხ-რობა განსვენებულის ჩვენის ალექსანდრე ყაზბეგისა—ელისო.

სადგური სავსე იყო ქართველ მაჰმადიანებით, დამის პირველი საათი იქნებოდა, ბავშვები და დედა-კაცნი ჭე-რეხებივით ეყარნენ ცივ იატაზედ. მამა-კაცი არ ეძი-ნათ, ხოლო ორიოდე დედა-კაცი აქა-იქ წამოყუნტუ-ლიყო და ბავშვებს ძუძუს აწოვებდნენ, თან რაც ძალი და ლონე პქონდათ ჩაღრებს ითარებდნენ, რომ უცხოთა თვალთაგან დაემალათ პირისახე. კარგა ხანს ვუყურე ამ სევდისა და დარღის ამშლელს სურათს, ვიდრე გო-

ნებამ ხელისხლა არ გამიტაცა მოხუცი ანზორისკენ, ელი-სოსა და ვაჟიასაკენ.

სხვისა რა მოგახსენოთ და მე კი იმ აზრისა ვარ, რომ ყველაზე ძლიერი სევდა, ადამიანის დამავადებელი და დამასწეულებელი. ისაა, როდესაც ჰერძნობ, რომ შენი ბედი შენს ხელში არ არის: ეს რომ ასე არ იყვეს, განა ამ სურათს წავაწყდებოდი? განა ამ საცოდავებს აქვე ვერ მოვაწყოდით? ხომ ცხადია, რომ ეს უბედურ-ნი იქ, უცხოეთში, სამოთხეს ვერ იპოვნიან და მხოლოდ პირი ცივი სამარისკენ, მიუმართნიათ.

თვალი მოვკარი ნაცნობ გლეხსა.

— საიდა, შენა? ეს რა ამბავია, განა ასე მალე აი-ბარგეთ?

— დიახ, ბატონი, აკი იმ დღეს მოგახსენეთ, რომ წასელას ვაპირებთო, ყველაფერი რაც რამ გვება-და, მივყიდ-მოვყიდეთ, მატარებელს ველით, დაგვპირ-დნენ, ცალკე ვაგონს მოგცემთ ბათუმამდინაო.

— საუბარი შევწყვიტე. ან კი რაღაზე გველაპარაკნა? მართლა, ორი კვირის წინად, ბევრი ვილაპარაკეთ, მე-ჩემსას არ ვიშლიდი, საიდა თავისას. ბოლოს თავისი ისევ: საიდამ გაიტანა და აიბარგა. იმასთან სხვამაც ბევრმა მოშალა მამაპეული ფუძე.

— საიდა და მისი მეზობლები ს. საკუნეთიდან არიან— ეს კარგა მოზრდილი სოფელი აწყურს აკრავს, ასე 5—6 ვერსი იქნება. შიგ შშვენიერი თლილი ქვის პატარა ქარ-თული ეკლესია დღესაც კოხტად გამოიყურება. ამბო-ბენ და ბევრსაც სჯერა, რომ ეკლესიიდგან ხანდახანო-ბით, სალამო უამს, ნათელი მოსჩანსო. ერთხელ, განსვე-ნებულმა აწყურის ეჭიმმა, შესანიშნავის გულის პატ-რონმა კაცმა ივანე ბარამიშვილმა კიდევაც წამიყვანა სა-

დამო ხანს აწყურიდგან საკუნეთისკენ — ეგები დავინახოთ
ნათელიო, — მაგრამ ვერა დავინახეთ-რა.

საკუნეთს ძველად საყოველთა ერქვა ქართულადაც. არ ვიცი; რამდენად მართალია ესა, ასე კი ამისსნა ამ სოფლის ერთმა ბატონთაგანმა. მთელი სოფელი დღე-
საც; დიდი და პატარა, წმინდად და სუფთად ღაპარა-
კობს ქართულად. ძველი ქართული გვარებიც ისევეა
ქარგად შენახული, როგორც შუაგულ ქართლსა და იმე-
რეთში.

სევდის ამშლელ სურათს მოვშორდი და ჩემს გზას
გავუდექი. გზაში მომავინდა ამ სოფლის მოძღვარი-
მოლა, ახალგაზდა, სანდომიანი, წმინდა ქართველური
სახის მეტყველებით. გაცნობის დროს გამოვკითხე მო-
ლას — სად მიიღო განათლება. ბევრი რაშ მიამბო საკუ-
რადლებო. ნაამბობმა ცხადად დამანახვა, თუ ასე უწყა-
ლოდ რად აყარეს ჩვენზე გული ჩვენმა თანამემამუ-
ლეთ.

თორმეტი წლისა ვიყავი, როცა სტამბოლს გამგ-
ზავნეს სწავლის მისაღებადაც. საცხოვრებელი იქ არა
მქონდარა, სახლიდგან მარტო გზის ხარჯი გამატანესო. მივებარე სასწავლებლად სტამბოლის მოლებს და ვცხოვ-
რობდი ჩემთვისო.

— მოლა, რას ამბობ, განა მშიერი არ მოკვდი უც-
ხოეთში, იმ უშველებელ ქალაქში, საღაც არც ნათესავი
და არც თვის-ტომი არ მოგეძევებოდა?

მოლამ იტეიცა.

— როგორ თუ უცხოეთი? განა იქ სულ ჩვენები
არ არიან? ქეყანა დიდია, ძლიერი, მდიდარი, განა
აქაურ ფუხარებსა (ლარიბი) ჰგვანან? მაჰმადიანი იქ მშიე-
რი როგორ მოკვდება.

ამას რომ ამბობდა, ახალგაზდა ჯან-ლონით, სავსე მოლას სახე გაუბრწყინდა, სიამაყითა და ამპარტავნებით, ასე რომ მეცე შემჩრევა ჩემის გაოხრებულის და გატია-ლებულის სამშობლოსი.

მოლამ ისიც მიამბო, რომ ათი წელიწადი დავრჩი სტამბოლსაო. სახლიდგან საზრდო არა მომდიოდა-რა, მაგრამ საჭიროც არ იყოვო. რამაზანისა და ბაირამის დროს, აგრედვე სხვა დიდ დღესასწაულებში წავიდოდით სტამბოლს გარედ, სოფლად, ლოცვებს ვკითხულობდით, ვგალობდით, ას ისე, როგორც ქართველები ჭოონაზე დადიან ხოლმეო და იმდენს საშოვარს ვშოულობდით, რომ წლითი-წლობით თავზე საყრელი გვქონდაო.

მგონი ადვილად მიხვდებით ეხლა, თუ სადაა ამ ყმაწვილი მოძღვრის „alma mater“-ი, საით მიჰთონავს მისი გონება და რა გუნებაზე უნდა იყვეს ან თვითონ ეგა, ან მისი მრევლი. დიდ სიღუბჭირეს და უბედურებას ჩვენის დღევანდელის ცხოვრებისას ვიღა იტყვის, როცა მცირედი ნაკლულევანება აუცრუვებს კაცს გულსა და დაატოვებინებს სამშობლო მიწა-წყალსა.

რაღა ქსენი და რაღა ნარზე მჯდომარე ნიბლი ~~ჩიტი!~~

ამ დღეებში, მეორე, ბოგელ მოლასთან მქონდა საუბარი. სოფელი ბოგა იგივე ქართველ მაჰმადიანებითაა დასახლებული და სუფთა ქართული. შერჩენიათ. გადასა-თარგმნი მქონდა მცირე რამ თათრული. თარგმანს რომ მოვრჩით, მასლაათი გავაძით.

— თორმეტი წელიწადი ვისწავლე დიღურის მოლებ-თანო და შემდეგ ეგზამენი დავიჭირე მოლის ხარისხის მისაღებად ტფილ ქალაქში მუფთიასთანაო... 1780

დღევანდელ მესხეთში დილურის სკოლას ხუმრობით „მაჰმადიანების აკადემიას“ ეძახიან. აქ ბლომად არიან ნასწავლი მოლები, იყვანენ შეგირდებს და ასწავლიან არაბულს და ყორანს. მთელი ავლა-დიდება ამ აკადემიისა ესაა, სხვა იქ არა მოიპოვება-რა.

სოფელი დილური, ოუსულად დგვირ, ფოცხოვშია, გარშემო სულ ქართული სახელებია სოფლებისა, ოო-გორც მაგალითად: საიხვე, გული, ჭილვანა, პეტუბანი, ზეინდარი, საკირე, ხერთვისი, მერია, სამიხელია, გუნია, ჯაბორია, კოდისი, ტაბალა, ხონამისი, ფარხანა, ხეოთი, ალი, აგარა, წურწყაბი, საოლმალი და სხვა, მაგრამ სახელის გარდა ქართული აღარაფერია. სულ აღვილა დედამიწის პირიდან ქართველის სახსენებელი.

მოგეხსენებათ, რომ მოლებიც კაცნი არიან და სმა-კამა უნდათ. შეგირდები ფულს არ აძლევენ, ათასში ერთხელ თუ მცირე ძლვენს მიართმევენ; მაგალითად შა-ქარსა და სხვა ამ გვარ ტკბილეულობას. მასწავლებელ მოლებს დიდ მფარველობას უწევდა და ასაზრდოებდა ფოცხოვის გავლენიანი და შეძლებული კაცი შაქირ-ბეგი. იგი ენათესავებოდა კარგად ცნობილს, განსვენებულს ფეიზულა ბეგ-ათაბეგოვს — ქვაბლიანელს.

შაქირ-ბეგიც სხვებსავით შარშან აიბარგა ცოლ-შვილით, გადავიდა საოსმალოში, იყიდა მშვენიერი სახ-ლი სტამბოლს და იქ დაესახლა. ეხლა ვიღა პატრონობნი დილურის „აკადემიას“, არ ვუწყით.

დილურის „აკადემიიდგან“ გუვერნიორებიც გამო-დიან. ბევრგან ბეგების ოჯახში მინახავან მასწავლებელ-გუვერნიორნი დილურის აკადემიისა. საზოგადოდ მოლას ნასწავლ-ნაკითხ კაცს ეძახიან. რამდენჯერ უთქვამთ ჩემ-

თვის გლენებს „კაი ნაკითხი“ მოტა გვყვავსო. ამ ჯურის გუვერნიორ-მასწავლებელნი ჯილდოდ შრომისათვის ფულს არ იღებენ. ასმევნ, აქმევნ, ბინას გაუჩენენ, მორჩა და გათავდა. ესენიც მწიგნობრობენ მცარველ ბეგის ოჯახში და ბავშვებს არაბულად წერა-კითხვას ასწავლიან. თუ შტატის მოლაა და მრევლი ჰყავს, მაშინ, რასაკვირველია, მღვთის მსახურებასაც ასრულებენ და ემორჩილებიან სამაზრო კაზის.

დარწმუნებით და მტკიცედ ვიცი, რომ მოზარდი თაობა დიდის გაჭირვებით ითვისებს არაბულ ენას მოლების სკოლაში. უკრაური აზრი მომივიდა, მოდი და ამ ჩემს ბოგელ მოლას ეგზამენს ვუზამ, გამოვცდი, თუ რამდენად იცის არაბული-მეთქი. წიგნი არა მქონდა-რა; ნ. მარრის თხზულების გარდა: „Тексты и разысканія по армяно-грузинской филологии“, ტ. IV. გადაუშალე ლექსიკონი, საცა ბ-ნ მარრს მოყვანილი აქვს უცხო ენებიდგან ქართულში შემოტანილი სიტყვები. ასეთს ნასესხებ სიტყვებს არაბულად და სპარსულადაც უწერია გვერდით. მოლამ გეაფიოდ წაიკითხა: ალამი, ათაბეგი, ალვა, ალი, ალმასი, ამბარი (ароматъ), ბაღჩა და სხვა.

— მოლა, კარგად ყოფილხარ ნაკითხი, — მოვუწონე კითხვა; ქართულად ჩემსაებრ ლაპარაკობ და ნუ თუ ქართული წერა-კითხვა არ იცი?

— რად მინდა, ბარონო, ქართული, რაში უნდა გამოვიყენო? — მკვირცხლოდ მოშიგო აკადემიკოსმა მოლამ.

ამ პასუხიდგან ნათლად სჩანს, რა ულმობელის თანდათანობით ეკარგება ფასი ქართულსა და გამოუსადეგ გარი ხდება. მას შემდეგ, რაც მთავრობამ ქართველი მაჰმადიანი „თათრად“ აღიარა, სულ ბოლო ეღება ათას

წლოვან ქართულსა. ქართული ენის გადაშენების პროცესი ჯერაც არ შეჩერებულა და, ვერ წარმომიდგენია, ამ ფრიად საყურადღებო საგანს ასე გულ-გრილად რად ეკიდება ჩვენი ყოველდღიური პრესსა.

შარშან და შარშანწინ მთავრობამ მოახდინა რეფორმა ადგილობრივი მართვა-გამგებისა აქარაში, სადაც დღესაც წმინდად ლაპარაკობენ ქართულს გურულის კილოთი. განმეორდა ბეჭდშავი შეცდომა (რიკოვა იშიბრა). აქარლების სამშობლო ენად აღვიარეს ოსმალური-თათრული, სწორედ ისე, როგორც ახალციხის აღების შემდეგ პასკევიჩის მიერ, მესხეთისა და ჯავახეთის ქართველ-მაჰმადიანობას უწოდეს თათრები. ასეთი ისტორიისა და ბუნების წინააღმდეგი შეცდომის გამო სასოფლო სამშართველოებში მოიწვიეს მწერლებად (შესარ) ისეთნი, რომელთაც უეჭველად უნდა იცოდნენ სახელმწიფო ენის გარდა, ესე იგი. რუსულისა, მხოლოდ თათრული.. თათრულის მცოდნენი აღმოჩნდნენ ამ კუთხეში მარტოვდენ ბერძნები და სომხები და სწორედ ესენი გაამწესეს მწერლებად. მკითხველი აღვილად მიხვდება, თუ რა ხეირი დაეყრება ქართულ ენას აქარა-ჭანეთ-ქობულეთსა და ტაო-კლარჯეთში. ბათუმიდგან ტრაპიზონამდე წერიალით გაისმოდა ქართული და მისი კილო-ჭანური, ხოლო ამ შეცდომის წყალობით, არ გაივლის 20–30 წელიწადი, რომ სრულიად მოისპობა შოთა რუსთველის ენა და მერმე, ვვონებ, ქართულის შესას-წავლად მხოლოდ ფრონის ხეობანი-და დაგვრჩება, ვინაიდგან ეს ხეობანი შუაგულ ქართლშია და ჯერ-ჯერბით იერიშით აქ არავინ მოგვდომია.

საუბრის დასასრულმა მოლასთან მცირედი. იმედო მომცა საქმის გამოტრიალებისა, უკეთუ დიდი და პატა-

რა სავსებით შევიგნებთ ჩვენს მოვალეობას და ერთმანეთში ლაფში ამოსვრის მაგიერ, ვიშრომებთ მედვრად და გავაკეთებთ, რის გაკეთებაც შეგვიძლიან, ან რის უნარიც გვიწყალობა უფალმა.

— რაკი შეიტყო ფოცხოვის უფროსმა მიხაკო ხერხეულიდემ, — სთქვა ბოგელმა მოლამ, რომ სკოლაში (ასე ამბობენ აქ მესხეთის ქართველ-მაჭმაღიანნი) ქართული მოლაპარაკე ბიჭები სწავლობდნო, — იქ ხომ ქართული არავინ იცის, მაშინადვე მობრძანდა, მოგვიკითხა, ერთად დაგვაგროვა და სულ თავზედ ხელს გვისვამდაო. ხახე სულ უცინოდა, მხიარულობდა და სტკბებოდა ჩვენის ხილვით. უბრძანა ჩაფრებს დაეკლათ ჩვენთვის კრაკი. მასწავლებელ მოლებს უბრძანა, თუ ეს ბიჭები გაგილახნიათ, აქ ალარავის გაბოგინებთო. ბევრჯელ ყოფილა კნიაზი ჩვენსას და პატივი უციაო.

ამ მხარეს თავადი მიხეილ ხერხეულიდე განთქმული ყოფილა უზომო, წმინდა ქართველური გულუხვობით, სტუმართმოყვარეობით და მასპინძლობით. დღევანდელს ქართველ ინტელიგენტს, ცოტა არ იყოს, ეხამუშება წრეს გადასული სტუმართმოყვარეობა, მაგრამ რას იზამთ, როდესაც ჯერ ჩვენთვის ჩვეულება რჯულზედ უმტკიცესია. მე პირადად კარგად არ ვიცნობდი თ. ხერხეულიდეს (მხოლოდ ერთხელ ვნახე ტფილისში, სადაც ბანკში დაგირავებულ მამულის საქმეს არიგებდა), მაგრამ დავრწმუნდი კი, რომ მისი შესანიშნავი გულუხვობა და პურმარილი ბევრს დაჰვიწყებია და მარტო ირონიით მოუგონია წარსული. ლხენა-ქეიფი *).

*) ერთხელ თურმე ფოცხოვს ეწვია მთავარ-მართებელი თ. ღონისულ-კორსაკოვი. ახლდა თავადს ლილი და ბრწყინვალე. ამა-

საჭიროა წინადვე გავითვალისწინოთ ხოლმე, ვის ვუ-
ღებთ სახლის კარსა, ვის ვუმასპინძლდებით და ვის ვაძ-
ლევთ სალამს. ეროვნების შესანახად და შის გასაძლივ-
რებლად სწორედ რომ საჭიროა ყველა ესა, და უპირვე-
ლესად კი ნივთიერი ძალ-ღონე.

ამ ისედაც ყოვლის მხრივ რიგიანის! კაცის პურ-
მარილი ბევრს ზნასწავლს დავიწყებია, არ დავიწყებია მხო-
ლოდ მასი ქართველური გული და სიყვარულით აღსავს ე
პრიოდე ტკბილი სიტყვა ბოგელ მოლას.

— ბატონო, ეხლაც რომ მოვიგონებ კრიზსა, პირ-
ზე ნათელი მადგებაო. რომ'იცოდეთ, რა კაცი იყოვო...
ასე ლაპარაკობდა მოლა.

მე კი ისე ფფიქრობ, რომ ეს წარუხოცელი კავში-
რი ამ ორ ადამიანს შორის გაუბამს სამშობლო ენის, მის
მიუწოდომელს და უხილავს ძაფებს. გულს გული იცნობს
და სულს სულიო. ასეთი გაცნობა ხვედრია მხოლოდ
სამშობლო ენისა, უიმისოდ ერთმანეთისას ვერას გავი-
გებთ და სამუდამოთ დავშორდებით.

III

მთავარ-დიაკონი ჯვარიძე.

ახალციხის მაზრის სოფელ ჭველში (რუსულად ვუ-
ველ) დღესაც სცხოვრობს ღრმად მოხუცებული მთავარ-

ლა. თ. მიხეილ ხერხეულიძემ ისეთი ნადიმობა გაუმართა თ. ღონ-
დუკოვს, რომ მთელი მესხეთი აალაპარაკა.—თ. ხერხეულიძე შემ-
დევში ყარსში გადაიყვანეს პოლიციელისტრად. ამ მხიარულმა და
სტუმართ-მოყვარე კაცმა ტრაგიკულად დაასრულა დღენი თვისი-
თავი მოიკლა.

დიაკონი ანდრია ჯვარიძე! მოხუცებულს საკუთარის: თვალით უნახავს თათრების (ასე ეძახის ხალხი ოსმალოს და ენგოჩართა) რეჟიმი, მათი ბატონობაზეა: პარპაში იკლებულ და აწიოკებულ მესხეთში. დიდი ხანია მსურდა: ამ მოხუცის ნახვა და გაგება ძველის-ძველის ამბეჭისა, მაგრამ, სამწუხაროდ, ვერ ჩავიგდე ხელში ჩემთვის ცა-ინტერესო „ცოცხალი არქივი“. ბოლოს რომ გამიტირდა; ანდრიას შვილს, ლევან ჯვარიძეს, მივმართე თხოვ-ნით — გამოიყენოთხა მამისთვის ძველი ამბები, კარგად და-ეხსოვნა და შემდეგ ჩემთვის ეამბნა.

თხოვნა შემისრულეს და აი, რა უამბნია ანდრიას შვილისათვის ჩემთვის გაღმოსაცემად.

— დიდ გაჭირვებასა და წვალადაგვაში ვიყავით მართლ-მაღიდებელი ქართველები თათრების ბატონობის ღროსაო. ძნელად თუ ვინმე მოახერხებდა თვისი ოფ-ლიტ ნაშრომი და მონაღვაწი სარჩო ოჯახში მშვიდო-ბით შეეტანა: მზა მომკილს ჭინაბულს გათამამებული თა-თარი არხეინად იტაცებდა და თავისთვის მიჰქონდა: თუ, ვინმე გაპჩელავდა. სიტყვის შებრუნებას, ან წინააღმდე-გობას, წუთის სოფელს უნდა გამოსთხოვებოდაო: ამას არ აქმარებდნენ და ცოლ-შვილსაც მოსტაცებდნენ და ახალციხის ბაზარზე დაპყიდვნენ. გაუპატიურებული, დაჩაგრული და დამცირებული ქართველი საჩივარსაც კი ვერა ჰდედავდა ვერც აღგილობრივ მოხელესთან და ვერც უმალეს მთავრობასთან ადგილობრივ საქმეებს, საჩი-ვარსა და დავიდარაბას განაგებდნენ ყადები (კაზი) და ეფენდები (ეფენდი). ვინც კი მიჰმართავდა სასულიერო მოხელეთ, ან თვით ფაშას, უარესი დღე დაადგებოდათ ხოლმე და უფრო მეტად იწმიოებოდა და იჩაგრებოდათ. თათარი მარტო ცარცუა-გლეჯით არ კმაყოფილდებ.

ბოდა. ისეთი ხარჯი (გარდასახადი) დაგვადო კისრად, რომ მისი ატანა ყოვლად შეუძლებელი იყოვო. თუთო სულ მამაკაცზე წლიური ხარაჯა ოცდა თხუთმეტ ყურუ ჰამდე ადიოდა. მართალია, ყურუში დიდი რამ არ არის, ეხლანდელი შაურის ოდენაა, მაგრამ მაშინდელს დროს ძნელი საშოვარი იყო: დღეს თუმნის შოვნა უფრო ადვილია, ვიდრე მაშინ ერთის ყურუ შისაო. ბევრი ქართველი ვერ შოულობდა ამოდენა ფულს და იძულებული ხდებოდა ხარჯის თავიდან ასაცილებლად მაჭმაღიანობა შიელო. ვინც გამაჭმადიანდებოდა, ხარჯისაგან იმ წამსვე ანთავისუფლებდნენ. ბევრნი კიდევ თათრების მოსაჩვენებლად სვინნათდებოდნენ (დაცვეთა) და აშკარად აღვიარებდნენ მაჭმაღის სარტმუნოებას, სულით და გულით კი ქრისტიანობას მისდევდნენო.

— მე თვითონ მოწამე და დაჭმულე ვარ შემდეგი ამბებისაო.

— მამა ჩემი ალექსი და ბიძა ჩემი პავლე დასვინნათებულან თათრების მოსაჩვენებლად. მიხეზი ესა ყოფილა: ვიდრე ღონისძიება და შეძლება ჰქონიათ, უხდიათ თათრის ხარაჯა, როცა ძალზე გაღარიბებულან და ხარაჯას გადახდის თავი აღარა ჰქონიათ, შემწეობა უთხოვნიათ ძველშივე მალულად მცხოვრებ მღვდელ მამს პავლე ზედგინიძისათვის. ზედგინიძესაც უჩუქებია ერთის წლის გადასახადი და ასე ამ გვარად ერთი წლობით კიდევ შეუნარჩუნებიათ ხილულად ქრისტიანობა.

— მეორე წელიწადს მიმართეს თხოვნით ახალციხელ ქართველ კათოლიკე მღვდელს, ამასაც უჩუქებია წლიური გადასახადი. კათოლიკენი ხარჯისაგან თავისუფალნი მყვნენ. ამ წელიწადსაც, როგორც იყო, შეირჩინეს ქრისტიანობა. მესამე წელიწადს ხელი აღარავინ გაუ-

მართა, ან კი ხად ექნებოდათ სხვისთვის გადასახდელი ფულით. ხარჯის საშოვნელად დაიწყეს ს. ონგორაში (რუსულად Օნგორა. მე ვგონებ, რომ ეს სოფელი ორგორუნდა იყვნეს) კირის წვა და ზიღვა ზურგით ახალციხეს გასასყიდად. (ახალციხიდან ონგორამდე 28. ვერსია). ზურგზე ორთავეს კირის ზიღვით ტყავი გადასცრათ და მაინც ძლივ-ძლივობით იშოვნეს ერთის წლის ხარაჯა.

მეოთხე წელიწადი უფრო სამწუხარო და სავაგლახო დაგვიდგაო. ძალ-ღონე შემოელიათ მამა-ბიძას და კირის ზიღვით მარტო ოცდა თხუთმეტი ყურუში იშოვეს, ესე იგი ერთი აღამიანის გადასახდელი. გაჭირდა საქმე, ან ერთს უნდა მიელო მაჰმადიანობა, ან მეორეს, მაგრამ რომელს?

— ოომელსა, აღარ მახსოვეს, მაგრამ იმ წელიწადს, დიდის ყოყმანისა და რჩევის შემდეგ ძმათა შორის, ერთი მათგანი ეახლა ყადის, მიართვა ძმის ოცდა თხუთმეტი ყურუში. და განაცხადა, ხარჯიდგან მე გამანთავისუფლეთ, რაღან მისი გალება აღარ შემიძლიან და მაჰმადიანობას მივიღებო. თხოვნა აუსრულეს.

ამ გვარი ვაინაჩრობით კიდევ შეირჩინა ერთ-ერთმა ძმამ ქრისტიანობა ერთის წლით, მაგრამ ოოდემდის? მეორე წელიწადს ისიც დასვინნათდა და მაჰმადიანობა მიიღო. მამა ჩემს ალექსის „მურადი“ დაარქვეს და ბიძა პავლეს „ბადალაიდ“. დღესაც ბიძა ჩემის ჩამომავლობას „ბადალაანთ“. ეძახიანო.

არც მეორე ამბავია ყურადლებას. მოკლებული და უფრო საოცარიცაა, რაღან მომხდარა რუსის შემოსვლის შემდეგ მესხეთში.

სოფელ აბს (ქ. ახალციხეს აკრავს. სხვა დანარჩენი ქართველი სოფლები: მარდა, მეორე მარდა, ურია, ჯა-

ნიანთ მარდა, შტაშის-ხევი, აბის გვერდით შტებარენის
სულ ამოვარდნილა და ეს ნასოფლარები დღეს ვერანები
არიან) გათაორდა და დასვინნათდა ერთი ქართველი ზე
მორე აღნიშნულის მიზეზის გამო. სახელად უწოდეს
„სულია“. ქართული სახელი აღარ მახსოვსო. მალულად
მაინც ახალციხეს დადიოდა, აღსარებას ამბობდა განსუე-
ნებულ დეკანოზ გ. გამრეკელთან ზა წმინდა საიდუმ-
ლოს იღებდათ. სიკვდილის უამი რომ ეწვია სულიას,
კულავ ჩამოსულიყო ახალციხეს და ზიარებულიყო, რის
შემდეგაც გადაცვლილიყო თავის საკუთარ სახლში, სო-
ფელ აბს. დეკანოზს, დროზედ შეეტყო ეს ამბავი, საჩქა-
როდ დამიბარა და ვითარცა დიახოქი; თათრულის კარ-
გი მცოდნე, თან წამიყვანა ს. აბს. ვიდრე ჩვენ მივიდა-
დით, მოლას კიდეც აესრულებინა ყოველივე წესი თათ-
რულის სჯულისა, ესე იგი ებანებინა, შეესულრა თა-
ურანთ რიგისამებრ და წაეყითხა ყოველივე ლოცვები.
მიველით თუ არა, დეკანოზმა მოლა დაითხოვა, თანაც
უქსნა, რომ სულია მართლმადიდებელი ქრისტიანება. შე-
ვუსრულეთ ქრისტეანული წესი და იქვე დავასაფლა
ვეთო.

— დასვინნათებულნი ქართველნიო; — მოგვითხრობს
იგივე მამა ანდრია ჯვარიძე, — დიდის გაჭირვებით ნათ-
ლავდნენ ახლად შეძენილ ბავშვებს მალულად ხან სადა
და ხან სადაო. სოფელ ძველში დღესაცაა მივარდნილ
ტყეში (წინად ხშირი და დაბურული იყოვთ) ერთი პა-
ტარა წყარო, რომელსაც სახელად ეძახიან „მონათლულ
წყაროს“. აი სწორედ ამ წყაროზე ნათლავდა ბავშვებს
ს. ძველის მღვდელი ჯერ მამა პავლე ზედგინიძე და შემ-
დეგ მისი შვილი მამა ქრისტეფორეო.

— ძალუა ჩემი, რომელიც შარშან გარდაიცვალა

თითქმის... ასის წლისა, შემდეგს მიამბობდა ხოლმე. თვის ქორწინების შესახებო: ცხალად ჩემს დროს ჯვრის-წერას ვერავინ გაძედავდა, უჯვარის წეროდ კი არავინ ქორწინდებოდათ. ამის გამო ქორწილი მალულად ხდებოდათ. საქორწინონი ახალკ ტანისამოსს ვერ ჩაიცვამდნენ; რაღან თათრები შენიშვნავდნენ, გახდიდნენ და უპატიურობასაც მიაყენებდნენ. მე სხვებსავით ფარულად წამომიყვანეს ს. ჩუნჩხილგან (ჯავახეთშია) ვაჟის ტანისამოსით და ჯვარი დამწერეს ჩუმად ს. ძველში ერთს შიგნი-შიგან მივარტნილ და ბნელ სახლში. ექვსი-შვიდი რძალ-პატარძალი იწერდა ჯვარსა ერთი და იგვე ლურჯი სამოსლის კაბრი, ან თხოვნით, ან ყიდვითაო, ისე შევიწროებული ვიყავით თათრებისაგანათ.

ასეთია ეს სამწუხარო მოთხრობა მოხუცის მთავარდიაკვნისა. სამოცდა თხუთმეტმა წელიწადმა განვლო მას შემდეგ, რაც პირველად ოსმალოს ბარბაროსობას მედგარი მეხი დასცა პასკევიჩ-ერევნელმა ჭ. ახალციხესთან 15 აგვისტოს 1828 წ., სწორედ ზედ მარიამობა დღესა, მაგრამ ეხლაც არ გამოელებულა მისგან დაწყლულებული ქართველის გული *).

*) ნიშნად ამ ისტორიულ გამარჯვებისა აგებულია ძეგლი და პატარა საყარაულო მთავარმართებლის თავად ა. ი. ბარიათინქის მიერ. ომში დახოცილ აფიცერთა გვარებიცა ამოჭრილი ძეგლზე. ქართველებსაც დაუნთხევნიათ სისხლი მესხეთის გასანთავისუფლებლად: აი მათი გვარები: პორუჩიკი თ. ვაჩნაძე, პოდპორუჩიკი თ. სოლომაშვილი, პრაპორშჩიკი თ. აღილახვარი. კიდევ ორი საქვეო გვარია: სიმონვი და ბერიანვი. დანამდვილებით ვერ ვიტყვით — ქართველები არიან ესენი, თუ რუსები. გიზეტის წიგნი რომ გვქონდეს ხელში, აღვილად გამოვიკვლევდით ამ გარემოებას, მაგრამ ყრუ პროვინციაში ვინ გვალირსებს ასეთს ბეჭნიერებას.

უნახავი და მოუვლელი არ დამრჩენია თითქმის არც.
ერთი კუთხე საქართველოსი და ისე დაჩაგრული ერი,
როგორიც მესხეთშია; არსად არ მინახავს.

მონობისა, შიშისა, მოკრძალებისა და უიმედობის
ბეჭედია გამოხატული მათს შუბლსა და სახეზე. არ იქნა,
ვერ შევეჩივე აქაური მკვიდრის სიტყვა-პასუხსა და სა-
ლომს. „გამარჯვების“ მაგიერ მძიმედ დაგიკრავს თავშა-
და დაიხრება სწორედ დედამიწამდინ. თუ სათხოვარი,
ან საქმე აქვს რამე, ისე გთხოვს, როგორც შემფერის-
ჰარამხანაში აღზრდილს საჭურისსა, ან მონას, რომელ-
საც თავის სიცოცხლეში მზე და მთვარე არ უნახავს, ან
ლრეკით, ხვეწნით, მუდარით და მლიქვნელობით თავს.
მოგაბეზრებს და აღარ მრავშორდება მეგრულ ციებ-
ცხელებასავით. არც ამჟყობა, არც თავმოყვარება, აღა-
რაფერი ეტყობათ. ვინც კი ევროპული განათლება იგე-
მა, ან ასცილდა ნეტარ-ხსენებულ ბატონყმურ ატმის-
ფერას, სწორედ ტანში იშლება, როდესაც ასეთს სიტ-
ყვებს ისმენს: „ხელი გკოცნე, ბატონოვო“, „აქ თქვენა
და მაღლა ღმერთიო“. საქმის გაკეთება უქრთამოდ,
უფეშქაშოდ ვერ წარმოუღენიათ. თითქმის სამასი წე-
ლიწადი სცურავდა მესხი. ფეშქაშების „მორევში და სხვა,
რიგიანი წესი მართვა-გამგეობისა ველარ შეუთვისებია.—
სახელმწიფო ქველად მესხი დღესასას დაძაბუნებული სუ-
ლიერად და ხორციელად.

ლვთის წინაშე კი რომ ვსთქვათ, ან რა გასამტყუ-
წარია. ეხლანდელ ვითარებაში ვინ შეუწყო ხელი, ვინ
ეცადა, რომ მონობის უღელი მოეშორებინა მესხს, გა-
ღონიერებულიყო ჯერ ნივთიერად და შემდეგ, რასა-
კვარველია, სულიერადაც. ხეც არ იზრდება მოუვლე-
ლად უპატრონოდ და აღამიანს რა დაემართება, თუ

მამობრივი, მოსიყვარულე გულით გზას არავინ უჩვენებს, ცხოვრებასთან საბრძოლველ იარაღს დროშედ არ მოწვდის. ჯერ არ მინახამს, კინმე მოსულიყვეს სოფლად, ხელში სკეროდეს შტო მირტია და ეთქვას: გეყოფათ ამდენი „მოიტა“, „მოიტა“, ახლა თქვენც მიიღეთ მცირეტი რამე მის, ესე იგი „მოიტას“ მაგიერო. ასეთს ვითარებაში მაშ რა მოუვა დაბეგრილს კაცს, რომ არ დაბეჩავდეს და აკი დაბეჩავდა კიდეც *).

IV

შოთა რუსთაველი.

რუსეთის გამოჩენილშა სატირიკოსმა შეედრინმა ერთს ნაღვლითა და გესლით შეზავებულს წერილში გულის კვნესითა სთქვა:

— მკითხველო, სადა ხარო?

მწერალი მწერლობს თავისთვის, მკითხველი კიდევ: კითხულობს მის ნაწერებს. მორჩა და გათავდაო. არავითარი სულიერი კავშირი არ იკვანძება მათ შორის, არ ებმის ის უხილავი ძაფი, რომლის წყალობით გულის სილრმიდგან ამონაკვნესი სიტყვა მწერლისა უნდა მოხვდეს მკითხველსა.

შეედრინი ისე მოკვდა, რომ ვერ ეღირსა სანატრელის „მკითხველის“ ხილვას.

ჩვენში უარესობაა. აგერ ბ-ნი დუტუ მეგრელი რანაირად სწუხს: მკითხველი საზოგადოება კი არა, თვით

*) ფრჩხილებში ჩასმული სიტყვები და შენიშვნა ჩვენ გვეკუთვნის.

მწერალნიც არა გვყავსო და ჰეიქობს, როგორმე გააჩინოს ეს ყოვლად საჭირო მოღვაწენი. გააჩენს თუ არა ავტორი მწერლებს იმ გზით, რა გზასაც დასდგომია, არ ვიცი, ის კი კარგად ვიცის რომ ვინც ჩვენში ამ საპატიო პროფესიას დასდგომია და, შეძლებისა დაგვარად, უმსახურნია, დრო-გამოშვებით მაინც, ვერაფერ გუნებაზე ბძანდებიან.

მართალია, ჩვენ შჩედრინთან ფეხს ვერ გავჭიმავთ, მაგრამ იმის თქმისა არ იყოს, დიდი უბედურებაა „მარტობა“ მწერლისა, მისის სულის ობლობა.

რით ინუგეშოს მწერალმა, თუ მკითხველი არა ჰყავს, სად მოიპოვოს და მოიკრიფოს ძალა უმაღურისა და ძნელის შრომისათვის? ხომ მაჯა დაუდუმდა უმკითხველოთ, ხომ დაუჩლუნგდა გონება და კალამი ხელი-დგან დაუვარდა?

— სამშობლოს სიყვარულში მოგცეს ეგ ძალაო, — ამბობს ბ-ნი პეტრე უმიკაშვილი.

თქვენ პირს შაქარი, უმაგისოდ რა გაკეთდება, მაგრამ სიყვარული ქვა და კლდე ხომ არ არის?! სიყვარულს, ნამეტნავად სამშობლოსას, ზრდა და ლილთაობა უნდა. ეს კი არსადაა. ხელ-შეუწყობლად ისე ჩაქრება, როგორც წყალ-დასხმული ცეცხლი.

დიალ, მთქმელს გამგონე უნდა.

შარშან „დიდებულის მესხეთის“ წარსულის თვალის გადავლებამ მცირე სევდა არ აგვიშალა. ამ სევდით შეპყრობილმა საზოგადოებას მივმართეთ და ესა ვსთქვით: „ყველა ეს მკრთალი ნათელია იმ სავსე მთვარისა, რომელიც გამოსცა მესხეთმა პოეზიის სახით. ბედმა წილად მესხეთს არგუნა ერთი უდიდებულესთაგანი მსოფლიო პოეტთა შორის, შეუდარებელი და სხივოსანი, შოთა

რუსთაველი, რომლის წყალობით ქართული პოეზია აღყვავდა და გაიფურჩქნა, ვით მაისის ვარდი, რომლის მეოხებით ქართული პოეზია გაბრწყინდა, ვით ვარსკვლავი და რომლის პოეზიამ „დილის ნიაჯივით“ დაპბერა ქართულ ტლანქს და უგემურს შაირ-ლექსობას...“

„ერიც პტრადი, მხედ, გულადი და დარბაისელი ჰყავდა მესხეთსა. ვის არ გაუგონია მშვენიერი თქმულება ხალხისა: „პირველ თქმულია ძველთაგან სიდარბაისლე მესხისაო...“

დღეს მესხეთს ველარ იცნობთ, აჩრდილი და ნატა-მალია წარსულისა. ჩონჩხი რა არის, ჩონჩხისფერისაც კი ვერ შეგვიდარებია რუსთველის, ბექასი და აღმულის სამშობლო, ისე დაკნინდა მშვენიერი და სიცოცხლით სავსე მხარე ძველის ერთიანის საქართველოსი. დღევან-დელი მესხეთი ერთი რაღაც შემზარავი, თვალ-გადუწვ-დენელი და უსამზღვრო სასაფლავოა. ქართველი მოგ-ზაური, ქართულის ისტორიის ცოდნით შეიარაღებული, სწორედ დასწულდება აუარებელ ნანგრევების ხილვით. დღევანდელ თითოეულს სოფელს სამ-ოთხ ნასოფლა-რის ადგილ-მამული უჭირავს. ნასოფლარს რუსები „იუ-თოშა“-ს ესახიან. ყურთა სმენა წაილო სწორედ ამ „პუ-ტოშმა“, რომელიც ძალაუნებურად, მხოლოდ, სიკვ-დილსა და უბედურებას მოგავონებს...“

საფარის და ათაბაგთა პალატის ნანგრევთა ხილვით გულ-ნატკენი მგზავრი დარდის გადაყრდს ვერ მოასწ-რობს, რომ უფრო სამწუხარო გულ-სატკენს და სამე-ლოვიარო სურათსა ჰნახავს. ესაა სოფელი რუსთავი, ათასგვარ სიბინძურითა და სისაძაგლით სავსე. ერი ამ-ბობს, რომ აქ დაიბადა შოთა რუსთაველი; ესაა მისი სამშობლო სოფელიო. გული ნაღველით აგევსება, რო-

დესაც წარმოიდგენ, რომ პარნასის ღმერთთა სწორის, გენიოსის სამშობლოს არე-მარე ასეთ, ენით გამოუთქმელ სიბინძურებს შეუპყრია. დღევანდელი რუსთავი ერთი უხეირო, ოთხ-ხუთ კომლიანი სოფელია, რომელსაც აუშვენებს მხოლოდ სასუქის უშველებელი ზეინები. რუსთავში ბინადრობენ ქურთნი, თუ თარაქამანი, ადამიანი ვერას გაიგებს იმათსას. მიწური სახლები ამ ყოველ კულტურას მოკლებულ ველურის ტომისა სულ მთლად ასახიჩრებს სოფლის სურათსა. ქალნი და კაცნი სოფლის შესაფერისნი არიან. იმდენი ჭუჭყი დასდებიათ პირსა და სახეზე, რომ თითქოს დაწყი-დაბადებიდგან იქვე, ახლოს მოდუდუნ მტკვრის წყალი მათ არ მიჰყარებიათო. ასეთია მათი სამოსელიც, დასტამალად ქცეული. დღეს შოთა რუსთველის მომხსენებელნი ეს ჭუჭყიანნი და პირუბანელნი თარაქამანი, თუ ქურთინები არიან!.. უბედურების სიზმრადაც არ მოელანდებათ, თუ რა კაცის ნასახლარზე ბინადრობენ...

რუსთავი ტიტველა, ხრიოკის მთას კალთაზეა შეფენილი. წინ მშვენიერი, პონიერი ველია დაცემული. პატარაა, მაგრამ ლამაზი. ორი არ მეგულება ამისთანა შემცემი და ნაყოფიერი ველი მთელს ამ მხარეს...

რუსთავის პატარა ველზე ერთად-ერთი პატარა გორაკია ამართული, თითქოს განგებ აქვილასაც მიწა დაუყრიაო. სიმაღლით ორი-სამი საუენია, სიგანეც სულ ათიოდე საუენი ექნება. სწორედ ზედ გამოკრილი ბექია ძეგლისათვის. აქ რომ შოთა რუსთველს ძეგლი, ან ობელისკი დაედგას, მშვენიერება იქნება. ბექი მტკვარს ზედ თავზე დასცეკრის, იქვე შარა გზაა, შოსსე. გამვლელ-გამომვლელი თვალს ვერ აარიდებს ძეგლსა, ისია-მოენებს იმ ფიქრით, რომ შვილნი უმაღურად არ მოჰქ-

ცევიან სახელოვანს მამას და იმასაც ხომ გაივლებს გულში, რომ გავერანებული მესხეთი ოდესმე ბეღნიერი ყოფილაო... .

ნუ თუ დღევანდელი ქართველი ისე დაკნინდა, ისე დაძაბუნდა, რომ მცირედი ფასის ძეგლიც ვერ მოუხერხებია შესანიშნავის პოეტისათვის? ერთმანეთის ძიგნამ და ჭორიკანაობამ სული ამოგვართვა და განა დრო არ დადგა ერთსულად მოქმედებისათვის? იცოცხლეთ, დროა ზურგი შევაქციოთ ჩვენს დამლუპველს საეროვნო სენს, მაგრამ სადაა!... „*)

წერილი. შოთას შესახებ თავდებოდა ასეთის მოწოდებით: „სიყვარული კიდევ, როგორიც უნდა იყოს, მსხვერპლს მოითხოვს. უამისოდ სიყვარულს სიყვარული არ ეთქმის. მაშ, შევსწიროთ ისტორიის სიყვარულს მცირედი მსხვერპლი და აუგოთ შოთას რუსთავის ლამაზველზე პატარა ობელისკი მაინც!“

წელიწად ნახევარი გავიდა მას შემდეგ, რაც ეს სტრიქონები დაიწერა და კრინტი, კრინტი რა არის, ისიც არავის დაუძრავს! ნუ თუ შოთა რუსთაველი ღირსი არ არის მცირედის ძეგლისა, ან ობელისკისა? სხვაგან მესამე ხარისხოვან მწერალთა, სამხედრო და საერო მოღვაწეთა ძეგლებით სავსეა მოედნები და ქუჩები, ჩვენ კი რუსთაველისათვისაც ვერ მოგვიხერხებია ძეგლის ჩაღმა.

მაშ, რამ აღზარდოს ეროვნული გრძნობა ახალთაობაში, რამ ანუგეშოს მოხუცთა თვალი, თუ რუსთველის სახესაც ყოველ დღე არ დაინახავს? ეროვნული

„ლევ“) ი. მრამბევ, 1902 წ. № 3. წერილი ა. ფრონელის „დიდებულო-მესხეთი“-ზე. 1902 წ. ა. ფრონელის „

გრძნობა, თავმოყვარეობა, სიამაყე, არც ჭიანი კაკალია
და არც დამპალი ჭანჭური, რომ თავის თავად ზეტიდან
ჩამოვარდეს. პატრონობა უნდა, თორებ ისე გაითელება
მთელი საქართველო, როგორც გაითელა შესანიშნავი
ისტორიული მესხეთი, ეს საქართველოს ათინა. ეროვ-
ნულ გრძნობა-თავმოყვარეობის აღზრდა-გაფურჩქვნას კი
ისე არა უწყობს რა ხელსა, როგორც დიდებულ წინა-
პართა სსოფნა-მოგონება.

ნართალია, საზოგადოებაშ და მკითხველმა ყური
მოიყრუეს ჩვეულებრივ, არ გაგვამხნევეს ეროვნულ საქ-
მისათვის, მაგრამ მაინც იმედს არა ვკარგავდით. თუ ვერ
დავამთავრებდით განძრახულ საქმეს—ძეგლის დადგმას,
დაწყებით მაინც დავიწყებდით, უიმედო, უოცნებო სი-
ცოცხლე, მოგეხსენებათ, ჩირად არა ღირს. რა სიცოცხ-
ლეა ის სიცოცხლე, როდესაც სამშობლოს ბეღნიურების
იმედი ჩაგიქრება გულში და მარტოოდენ. იმით სულ-
დგმულობ, რომ დღეს ხომ კარგად გიახელ ერთ ჭიქა
არაყს, ნახევარ ბოთლ ლვინოს, ნაკერ მსუქან დოშს
იმერულ ლომით, სალიანის ხიზილალით, რუსულ ბორშჩს
წითელის ბადრიჯნით და სხვა-და-სხვა; ხვალაც თუ ეს
ულეველად მექნება, ლმერთს მადლობას შევსწირავ ამ
სიტყვით: „გმადლობ, უფალო, რათა განმაძლე მეო“.
სწორედ რომ ფუჭია ასეთი სიცოცხლე!

ღიალ, იმას მოგახსენებდით, გული არ გაგვტეხია
და არც იმედი დაგვკარგვია. მარტლაც ნატვრა აგვის-
რულდა და პირველი ნაბიჯი უკვე გადავსდგით.

ამ გაზაფხულის პირზე, ერთ პატარა კრებაზე კაი
ქართველის სახლში სიტყვა ჩამოვარდა რუსთველის ძეგ-
ლის შესახებ. დამსწრეთ სიამოვნებით. მიიღეს წინადაღე-
ბა—შევაგროვოთ თანხა და საქმეს შევუდგეთო, უველა-

ზე პირველად ჯიბეს გაიკრა ხელი ილია ზურაბის ძე გობაძემ და გადასცა ა. ყიჯშიძეს ოცდახუთი მანათი. უკანასკნელმაც იცდახუთი მანათი გამოილო და ამ გვარად შესდგა პატარა თანხა, სულ 50 მ. ნივთიერად ღონიერნი ქართველნი უფრო მეტს დაპირდნენ საქმის დამწყობს და შეიძლება მალე საქმარისი თანხა შეიკრიბოს. ფული, რასაკვირველია, უნდა ეგზავნებოდეს „წ. კ. გა მავრცელებელ საზოგადოებას“ შესანახად და სათავნოდ.

არ ვიცი, რამდენი დასჭირდება რუსთველის ძეგლს, ან ობელისკს. ვსოდოვ ჩვენებურ მექანდაკეთ შეიმუშავონ გეგმა ძეგლისა, ან ობელისკისა და აღნიშნონ ვარაუდით რა დაიხარჯება ფულად. მე ჩემად სრულიად საკმარისად მიმაჩნია მკირე სასკიდლიანი ძეგლი. ეხლა მეტი არ შეგვფერის. როდესაც ჩვენი სამშობლო წელში გასწორდება, გალონიერდება ნივთიერად და განათლებით, მაშინ იზრუნოს უფრო ძვირფას და რუსთველის ნიჭის შესაფერ ძეგლზე. ჯერ-ჯერობით პატარაც გვეყოფა,

ვფიქრობ, რომ გულგატებილი საზოგადოება უგულებელს არა ჰყოფს ამ საქმეს და არ დაიშურებს წელილს საეროვნო საქმისათვის. ოთხას-ხუთასი თუმანი იმაზე მეტად არ გაგვაღარიბებს, რაცა ვართ ახლა. რამდენსაცხარჯაჭთ უაზროდ, აქ კი ერთი მანათიც ნამდვილ საქმეს მოხმარდება. იმედია „წ. კ. საზოგადოება“ უარს არ იტყვის და მიიღებს ფულს შესანახად, ვინც მოისურვებს და გადასცემს ამ საგნისათვის *).

*) რამდენიმე მანათი უკვე შეგროვილია რუსთველის ძეგლისათვის და ინხება „წ. კ. საზოგადოებაში“, მხოლოდ გამორკეული არ არის, სად დაიღგას იგი.

ჩვენ პირადად კმაყოფილი ვართ, რომ დიდის ხნის
ნატვრა აგვისტულდა და საქმე იწყება. დანარჩენი საზო-
გადოების გულმეტრეალებაზე ჰყიდია.

დასასრულ, შემდეგი უნდა მოვახსენო მცითხველსა.
შარშაბ დაიბეჭდა წიგნი პროფესორის ნ. გარისა, სახე-
ლად: „Тексты и разысканія по армяно-грузинской
филологии, т. IV“. ბ-ნი მართ სცდილობს დამტკიცის
ამ გამოკლევაში, რომ პოემა „თამარიანის“ ავტორი
თვით შოთა რუსთაველია და ჩატუხაძე მისი გვარიათ.
მართ ამ რას ამბობს რუსთაველის ლექსების ცირსებაზე:

„И такъ, проникновенно выраженное въ ча-
рующе звучныхъ стихахъ национальное настроение
грузинъ XII-го вѣка находитъ не замирающей от-
клика въ длинномъ рядѣ поколѣній и продолжаетъ
живть и тогда, когда преданъ полному забвенію
самъ памятникъ (Тамаріани), содѣйствовавшій по-
пулярности въ Грузіи идеализованного образа гру-
зинской царицы (Тамары). Храмъ забыть и за-
пущенъ, но звуки раздававшихся въ немъ близ-
кихъ сердцу пѣснопѣній еще слышны, какъ даль-
нее эхо. Кто зодчій? Кто былъ такъ народенъ по
духу, что въ придворныхъ одахъ далъ невольное
выраженіе национально-государственного идеала?
Кто былъ такъ властенъ надъ роднымъ языкомъ,
что въ офиціально-торжественныхъ пѣсняхъ, сло-
женныхъ для развлеченія блестящаго двора, такъ
ярко отразиль простые, родимые звуки, дорогіе
каждому грузину? Если-бы памятникъ (Тамаріани)
дошелъ до насъ безъ рукописнаго преданія обѣ
его авторѣ, то едвали бы кто сталъ оснаривать

его принадлежность тому безподобному художнику слова, который силой лишь чарующей музыкальности своихъ стиховъ сумъль придать национальный грузинскій обликъ персидской переводной повѣсти и сдѣлать ее народнымъ достояніемъ. Я имѣю въ виду Шоту Руставели, автора Барсовой кожи” (гз. 51).

Межѣръ ადგილъ (гз. 73) ბ-ნი მარი ასე იხსენიებს შოთას: геніальныи грузинскій поэтъ”.

Б. მარს ემცურის ქართველი საზოგადოება, ჯერ დედანი არ გიპოვნია და რა საბუთით მიგაჩნია ვეფხის-ტყაოსანი ნათარგმნ პოემადათ, მაგრამ ესეთი უზრი პოემაზე არ უშლის პროფესორს დიდად აქოს რუსთველი, რაოც ზემოდ მოყვანილ ამონაწერიდან ცხადადა სჩანს. მარიც, თავის მხრივ უკიუინებს ქართველობას: „болѣз-ненно-острое желаніе видѣть въ поэмѣ цѣликомъ грузинское народно-национальное произведеніе” (гз. 55).

V

ЗАКЛЮЧЕНИЕ.

Гаგონებით ბევრს გაგეგონებათ ვარძიის სახელი, ნახვით კი, დარწმუნებული ვარ, ბევრს არ გენახვებათ. ქართველს არ უყვარს მოგზაურობა, მივლა-მოვლა და შესწავლა თვის მშვენიერის სამშობლოსი. საოცარია სწორედ ეს ამბავი. ქველად ჩვენები ხშირად ინტებლენენ თავს სამშობლოს და შორს. მიღიოდნენ. მცირე აზია, ერთსალიმი, სინას მთა, დასაკლეთი ევროპა, იტალია,

სტამბოლი, რუსეთი და სხვა, ყველგან მიღი-მოდიოდნენ
ქართველნი. საყიზილბაშოს. ხომ ნულარ იტუვით. თავრიზზ
თეირანის გზა ისე ჰქონდათ გათელილი, როგორც დღეს.
გოლოვინის პროსპექტი აქვთ გატკეპნილი უსაქმო ქუ-
ჩის მტკეპნელებს. მარტო მეფე გიორგი XI მოიგონეთა-
ეს საოცარი მეფე-რაინდი შავარდენივით დაჰქროდა სპარ-
სეთის მაშინდელ ტერიტორიაზე რაღაც ხუთასიოდე
ქართველით. ძვლებიც იქ ჩაყარეს ვაუკაცებმა უნაყოფოდ
და უსარგებლოდ თვისის დამწევარის და დადაგულის.
სამშობლოსთვის. ქართველს, როგორც სამხრეთის.
მცირეს, ერთს ადგილს არ უნდა უყვარდეს ჯდომა,
რადგან აშშორება იცის. მაგრამ მაინც ეხლანდელს ქართ-
ველს არ უყვარს მოგზაურობა, არ ეტრუის მიხედ-მო-
ხედვას ევროპიელივით.

კარ-ჩაკეტილობა წინადაც არა გვყვარებია, ვიყავის
და ვართ სტუმართ-მოყვარენი, გულ-ახდილნი, ბუნება
ხელს გვიწყობს გავინძრეთ, თუ შორს არა, შინ მაინც
მივინძრა-მოვინძრეთ, მაგრამ არა, არ იქნა, ვერ შევეჩ-
ვიეთ მოგზაურობას. ასე გასინჯეთ უურნალი „მიგზაუ-
რიც“ დავაარსეთ, მაგრამ ვერც ამან შეგვაყვარა მგზავ-
რობა.

რა გაეწყობა, წუწუნით. საქმე არ გაიჩარხება. მე
მაინც ჩემსას არ დავიშლი და ხანდახანობით ნახულსა.
და გაგონილს გაგიზიარებთ. საგანი საუბრისა ამ უამაღ
ვარძია გახლდება. ისტორიულს და გეოგრაფიულს ცნო-
ბებს ბევრს არას მოგახსენებთ. ეს ვასთვისაა საკირო?
სულ ერთია, სანახავად არავინ გამოიქცევა და ჩაშას-
დამე, ამ ცნობებს ვერ გამოიყენებს. ისიც კი უნდა მო-
გახსენოთ, რომ ვარძის შესახებ ისე მცირეა ჩვენი ლი-
ტერატურა, რომ სირცხვილით იწვი, ოდეს გიორგალის-

წინებ ამ გონების მკლე ნაწარმოებს. ქართულად მხოლოდ ერთი საქაოდ ვრცელი წერილი მახსოვს ჯავახეთიდან გ. შატბერაშვილისა, რუსულად კიდევ პატარა წიგნაკი დეკანოზ დ. ლამბაშიძისა და ორიოდე სიტყვა ე. გ. ვეიდენბაუმს აქვს ნათქვამი „კავკასიის გზის მაჩვენებელში“. მე მეტი არ ვიცი, შეიძლება რამე გამომეპარა, მაგრამ ვგონებ, რომ არა. მცხეთის ტაძარივით ვარძიას ჯერ საკუთარი ნატროშვილი არ გასჩენია.

შარშან-წინ ორჯერ ზედი-ზედ ვნახე ვარძია. პირველად გზა ლეპისის საშამასახლისოდან გვქონდა გასავალელი, ორი დღის სიარულმა ამ გახრიოკებულ და მელოტივით მოტიტვლებულ ქვეყანაში არდაგანის ოლქის სამზღვარზე, ტანში მოგვშალა. ზაფხულობით მზე ისე იკბინება, ცხარე, გავარვარებული სხივები ისე გვესობა სახეში, თითქოს განგებ ეკლითა გვჩხვლეტენო. ნაზი კანი ვერ უძლებს მჩხვლეტავ სხივებს, ბურცლება და სკლება. სახე თანდათან ილანძება და ილეწება. მტვერი და ქარი ხომ ისე შაშხავს აბურცებულს და ოლაგ-ალაგ დახეთ-ქილს კანს, რომ არ იცი, სად წაილო და როგორ დამალო ტანჯული პირი-სხე. ქალაქურ კოსმეტიკის ნაწარმოები, როგორც ვაზელინი და მისი მზგავსი ნაირნი წამლები, აქ, ექვსი ათასის ფუტის სიმაღლეზე, ყოვლად გამოუსადეგარი და უძლურია. ბატის სუფთა ქონი არ მიცდია, მაგრამ ვგონებ, რომ ეს შინაური წამალი აჯობებს ვაზელინსა და გლიცერინს.

კლდეში გამოქვაბული ვარძიის მონასტერი მტკვრის, ვიწრო ხეობაშია, საკა ზაფხულობით ძალიან ცხელა, ზამთრობით თბილა. ზემოდ კლდის თავზედ 20--25 გრადუსიანი ყინვა იცის, ძირს კი ამავე ღროს ზომიერი ჰავაა. ვარძიის ქვემოდ სოფ. გოგაშნის პირდაპირ,

მტკვარი ისე მოჰქუს, როგორც თერგი. საამოა მისი შხუილი და ბობოქრობა წყნარ და მოვარით გაკაშკაშებულს დამეს. ახვირთებულის თერგის „სიძლიერე“ და ასიცოცხლე „ ილია ჭავჭავაძე“ პოეტურად შეამკო. მის ზეირთებსა და ტალღებში პოეტმა „სიცოცხლის“ სიმბოლო დაინახა. აქ, ვართიასთან, ან ზემოქმდე მტკვრის თერგისებური ხათქა-ხუთქი რომ ენახა პოეტს, მაშინ თერგის მაგიერ მტკვრის მოუსვენრობა გახდებოდა „სიცოცხლის“ სიმბოლოდ. ხომ სულ ერთია, მაგრამ, რაც უნდა იყვეს, გულს უფრო იამებოდა მტკვრის „გაპატიოსნება“, მისი საცოცხლის აღნიშვნა, რადგან მტკვარი ჩვენია სათავი დან შესართავამდე. დღეს კი მარტო ნ. ბარათაშვილის „მოდულუნე“ მტკვარი გვაქვს. გიუმაურბა ადამიანს ახალისებს, დუდუნი სევდასა ჰჯვრის. მაგრამ რას იზამ, ასე-თი ყოფილა ბედის წერა.

თერგივით მტკვარი შეზღუდულია მაღალის მთებით. ძირობებში ბაღებია გაშენებული. ზემოდ, მთის წვერებზედ და შემდეგ გავაკებულ მინდვრებზე, ჩირგვი არ მოაპოვება; აქ მტკვრის პირას, ხეხილია გაშენებული. კონტასტი სწორედ დიდი და ძლიერია.

მონასტერი გამოქვაბულია მტკვრის მარცხენა ნაპირს მდებარე კლდის ფერდობაში. კლდე თანდათანობით კი არ ეშვება მტკვრისაკენ, არა, ჩსეა ჩაშვებული, თითქოს. სარი დაურსვიათოს, ამისათვის სამხრეთ-ჩრდილოეთიდგან ვარძიას მისასვლელი გზები ცუდი აქვს, აღმოსავლეთით (სოფ. ხერთვისითან) და დასავლეთით (ჩილიდირიდგან). არდაგანის ოლქი) ვაკე გზებია.

პირველ გზობას სოფ. ფარიდგან ჩავედით ვარძიას. ამ სოფლის მკვიდრნი ნახევარი მართლ-მაღიდებული ქართველია, ნახევარი გამაჭმარიანებული ქართველობა.

გვარები სულ იმერულია. ყური მოვკარ; ვითოშვი ეს ქართველობა იქრეთიდგან იყოს გადმოსული. ისეთი სიბნელეა გამეფებული ამ უბედურს კუთხეს, რომ ჩი-გიანად ვერას შეიტყობ. ორიოდე ქართველთა სოფელს დღეს თარაქამა ახვევია გარსა. აბა თარაქამის ხსენებაზე სიბნელის მეტი რა უნდა წარმოიდგინოთ?

გზა რომ ვახსენე, მართლა გზა არ გეგონოთ. და ქანებულ მთა-კლდის ფერდობზე ზოლივით მიიკლაკნება მიხვეულ-მოხვეული საცალფეხო ბილიკი. დიდ ხანს ვიარეთ ამ უბედურისა და კისერ-მოსატეხი ბილიკით. ეხ-ლაც ვერ გამიგია, როგორ დაღის ხალხი ზამთარ-ზაფხულ ამ საეშმაკო და სატარტაროზო გზით. საკმარისია მცირედათ ფეხი მოგისხლტეთ და დაეშვებით ძირს, უჯა-რულში, საღაც ყვავ-ყორანიც ვეღარ მიაგნებს. თქვენს დაფლეთილს ლეშსა. ვიღრე სამშვიდობოს ჩავიდოდი, მე ჩემი დამემართა. თავს ბრუ დამესხა, მუხლები ამიკან-კალდა, გულმა აჩქარებით ძაგ-ძაგი. დაიწყო.. ჩემს თანამგზავრისაც ჩემსავით გასჭირვებოდა ჩამოსვლა. ეს მერე გამოირკვა, წინ მიღიოდა და მაშინ რას გავიკებდი. ლმერთმა უშველოს აგარელებს. ზოგი წინ მიგვიძლოდა, ზოგი უკან და გაჭირვების დროს შეგვეშველებოდნენ ხოლმე. ბატონს უჩიტდნენ და თურმე ეს იყო მიზეზი, რომ ბლომად გამოგვყვნენ და დიღხანს არ გვშორდებოდნენ. უნდოდათ დაენახვებინათ ის საძოვარია რომელიც ბატონმა ჩამოართვა. ცხვირწინ ვერას ვხედავდი, საძოვრისას ჩას-გავიგებდი. გაკვირვებით კი ეხლაც მიკვირს, იმ კისერ-მოსატეხ-კლდებზე რა პირუტყვმა უნდა მოიკიდოს ფეხი, რომ მოსწიწენოს დამჭერარი ბალახი, ან-რაა კაცის ბუნება, რომ სადავოდ გახადო უმგზავსი კლდე და ააყადანო მის გულისათვის ეს ბუნების შვილნი?

შეორე გზა ლეპისძის სამამასახლისოდან ვარძიას ს. ზედათმრგვიდანაა. ამ სოფლის მკვიდრნიც მართლ-მადალებელი ქართველობაა—იმერულის გვარებით. სულ „ძე“— „შვილი“ არსადა. ამ გზით არ მივლია, მაგრამ აგარისას არ ემჯობინება. მაზრის უფროს გაევლო ამ გზით ჩემზე წინ და სულ ბედს იწყევლიდა. ეს ყველა კარგი, მაგრამ ვარძია როცა ჰყავოდა, ნუ თუ მაშინაც ასეთი მისასვლები გზები ჰქონდა? ეს შეუძლებელია. ვარძიიდან 10—12 ვერსის მანძილზე ს. კარზამეთია. დიდებული ტაძარი დაუწყვია. თლილის ქვისა მაწყვერელს (აწყურის ეპიკოპოზზს), საენ ნახევარი აუტანია, მოსულან ოსმალონი და დარჩენილა ტაძარი—დაუმთავრებელი. კარის თაღზე ხუცური წარწერა გვიამბობს აღმშენებელის ვინაობას. განა შესაძლებელია, რომ ვარძიიდგან 10 ვერსის მანძილზე დიდებული ტაძარი შენდებოდეს და გზა-კვალი კი არ ჰქონებოდა მონასტერს ლეპისისაკენ? ზეპირ-გადმოცემა ამბობს, რომ თამარ მეფეს ზედა სოფლებში (დღესაც კაი საძოვრებია) დიდალი ძროხა ჰყავდათ, იქ მოწველილი რე მონასტერ-სასახლეში მილებით ჩამოდიოდათ. თუ ციცაბო კლდეზე მილები დააწყეს რძის სადენად, უეჭველია, გზასაც გამოჰქვაბამდენენ კლდეებში, ხოლო დრომ და უამთა ვითარებამ ალბად დააჭურა. ეხლანდელი აგარისა და ზედათმოგვის ბილიკები კი „დღევანდელი“ ქართველის უნარია.

როგორც იქმნა, ჩავედით ძირსა, მტკვრის ნაპირის. მცირე მანძილი გავიარეთ და დავინახეთ მონასტრის დანგრეული ზლუდენი და დაზიანებული სამრეკლო. მონასტრის სენაკებს, ეკლესიებს და გალავანს მხოლოდ ერთის მხრივან დაინახავთ კარგად, მტკვრის მარჯვენა ნაპირი დან. უფრო კარგად იმ მაღლობიდანა სჩანს, საღაც და-

ფენილია ორი ქართველობა პატარა სოფელი: გოგაშენი
და აფნია.

დღეცანდელი ვარძია, კლდეში გამოქვაბული მო-
ნასტერი, ეს დიდებული ნაშთი დიდებულის წარსული-
სა, მინგრეულ-მონგრეულია, გავერანებული, პატივსა და
დიდებას აყრილი, გვირგვინ-ახდილი და კერა-ჩაქრალი.
უპატრონოდ დარჩენილს მონასტერს სტიქიონი უფლობს
და ნულარ გაგიკვირდებათ, თუ მისი სენაკი ხვლიკითა და
ლამურათა ბინად გადაქცეულა.

სიტყვით ვერ ვიტყვი იმ გულის სიმწვავეს, რომე-
ლიც ჩემს სულიერს არსებას მოედო, ოდეს ვიხილე ეს
შეუბრალუბელი გავერანება და გაოხრება-გატიალება.
უნებურად, ოცნება-ფანტაზიამ გამიტაცა, ბურბუ შელასა-
ვით დამტაცა ხელი და თვის დაუსრულებელ სამეფოში
ამომაყოფინა თვი. ხილვა ვარძიისა, მისი შესწავლა სრუ-
ლიადაც აღარ მეპიტნავებოდა, ფასი და გემო დაუკარგა
დროებით მის ნანგრევებს, გონება ბურუსში გაეხვია,
ხოლო ოცნება ცეცხლივით აპრიალია. ნუ თუ ეს მინგ-
რეულ-მონგრეული ვარძია სიმბოლოა დღევანდელის სა-
ქართველოსი? „ყაჩალობა“ ხომ დღესაც არ შეწყვეტი-
ლა? გულისა და სულის: ამომგლეჯი ყაჩალი უფრო სას-
ტიკი და საშიში არ არის, ვიდრე თოფ-იარადიანი ფი-
რალი? ვინც მახვილით პარპაშებს, მახვილივე დალუბაცს.
სულისა და გულის „ნაღირს“. რილათი უნდა შეხვდე!
ამის უებარი წამალიც არის. ესაა ხასიათის სიმტკიცე,
სიკაეჟე სულისა, გარჯა-მომჭირნეობა და თვით ცნობიე-
რობა. ვაი რომ ვკოჭლობთ და გვაკლია ეს თვისებანი,
თორემ, იცოცხლეთ, ბუზსაც ვერავინ—აგვიფრენდა!“

კლდის მესამე სართულში სახელმწიფო საბჭოს დარ-
ბაზია, სიგრძით თორმეტი არ შინი. ეხლა ამ დარბაზს

დივანხანას ეძახიან. შეგა სდგას სამეფო ქვის ტახტია, დარბაისელთა და მსაჯულთა საჯდომნი, რასაკვირველია, ქვა-კლდისავე, სხვა-და-სხვა აღვილს ამოჭრილია თახები, ზოგი ხატების დასასვენებლად, ზოგი კანონთა დასალა-გებელია. იქვე ცალკე პატარა ოთახია გადაწყვეტილ საქ-მეთა და სიგელ-გუჯართა დასაცველად, ანუ ეხლანდელი არქივი...

დივანხანის თავზე ცალკე ოთახია, სიგრძით 9 არ-შინი, სიგანით 6. ზეპირ-გადმოცემით თამარ-მეფის საწო-ლი და მოსასვენებელი ოთახი ყოფილია. საკუჭნაო და სალოგინე ცალკეა, სადარაჯო ოთახი კიღვე ცალკე. ნე-ტა რა ხელმა და მარჯვენამ გამოჰკვეთა ეს აუარებელი ოთახ-სენაქნი?

დარბაზი მტკვარს თავზე დასკერის. ამ სიმაღლით დან მჩქეფარე, მაგრამ „უილბლო“ მტკვარი პატარა. მდი-ნარედ მოსხანს, მისი შუილი, ძირს ძლიერი, ხოლო ზე-ვით დანაზებული და მუსიკალური, დილაობით და ღამ-ლამბით, როცა ბუნება დაწყნარებულია, დარბაზს სწვდება და სიამოვნებას ჰფენს „სენაკთა სამეფოს“. სწო-რედ ნეტარებაა ამ დარბაზიდან აღმოსავლეთისკენ ცქე-რა, ფანტაზიის შემწეობით თამარის მეფობის ხილვაზ წარმოდგენა და გათვალისწინება ამ საკვირველის დედა-კაცის ძლევა-მოსილებისა.

უნებურად, იმავე ცხოველ ფანტაზიის დახმარებით, მინვრულ-მონგრეული, მტკრითა და ნაგვრთ სავსე დარ-ბაზი, ანუ დივანხანა გავამშვენიერე, მოვრთე, მოვკაზმე თამარის შესაფერად, სამეფო ტახტზე დავაბძინე თვით „ბრწყინვალე“ მეფე, მდივანთა ადგილებზე ჩავამწკრივე თამარის დროის დარბაისელნი; სასულიერო, საერო და სამხედრო მოღვაწენი. და გავმართე ბჭობა, თამარის თავ-

მჯდომარეობით. გონების თვალით სულ ადვილად წარ-
მოვიდგინე ყველა ის დიდებული საქმენი, რაც ამ ობი-
ბის ქსელით გაბლანდულს დარბაზში გაირკვა და გადას-
წყდა. ხომ ბავშვობაა ამის თქმა, მაგრამ მაპატივეთ. და-
მენანა, სწორედ გული მეტკინა, რომ მეც მონაწილეო-
ბა არ მიმიღია მაშინდებლის სახელმწიფო საბჭოს. საქმია-
ნობაში, რათა სავსებით, სრულის მოქალაქობრივის უფ-
ლება-მოსილებით ერთი წუთი მაინც მეცხოვრა, ერთი
წუთი მაინც გულ-მკერდს ლალად ამოესუნთქა. მაგრამ
მონობაში დაბადებული და აღზრდილი, მორჩილებას და
დატუქსვას მიჩვეული, დაკინებულის თაობის შეილი, იმ
თაობისა, რომელსაც „სამშობლოდ“. ის სოფელი მიაჩ-
ნია, სადაც თვითონ დაბადებულა და რომელსაც „იმერი
და ამერი“ სხვა ტომის და ერის კაცად მიაჩნია, ლირსი
კი ვარ უმაღლესი სამოქალაქო ბედნიერებისა? გული-
გაგვიტყდა, სამშობლოსთვის. თავ-დადებაზე ფიქრსა და
ზრუნვას გადავეჩვიეთ. ჩემი თუ არა გჯერათ, აბა, მო-
ისმინდთ, რასა სოხოვს. მხცოვანი პოეტი აკაკი განსვენე-
ბულის პეტრე უმიკაშვილის სულსა: შეგვავედრე ზეცა-
საო,

„რომ ჩაგვებეროს მილიოთ ძალი
ჩვენ აქ; დღეს გულ-გატეხილებს,
და გვასწავლოს სამშობლოსთვის
თავ-დადება შვილი-შვილებს“.

კარგად ვიცი, რომ მოქალობრივი, ბედნიერება ცი-
დან ჩამოყრილი „მანანა არ გახლავთ. ღირდი შრომა და
გარჯაა საჭირო მის სამოვნელად.. ნატვრით და ოცნე-
ბით ვერას გავხდებით, ფონს ვერ გავალთ. მაგონდება
თავადი ბისმარკი; ეს რკინის კაცი, მისი ფოლადიჭით მა-
გარი, მკაცრი და თან გესლიანი, შხამიანი სიტყვა, რომ-

ლითაც ბერლინის კონგრესზედ მიჰმართა ერთს სამშობლოს აღმაფგენელს სასულიერო წოდების მოღვაწეს ითაკილა „მოღვაწემა“. შხამიანი, მაგრამ მართალი სიტყვა, გაებუტა ბისმარქს და მეორე დღეს სადილად არ ეწვია, მაგრამ რაო? ბუტიაობით რომ „ჩატებილი ხილი“ კეთდებოდეს, ან „დანგრეული ოჯახი“ შენდებოდეს, შენი შტერი, დღევანდელი მაკედონია „ბუტიაებით“ გაივსებოდა და მაშინ იქ კაცს აღარ გაევლებოდა.

VI

გზის მაჩვენებელი და ხელმძღვანელია საჭირო, თორებ, თუ ის არა გვყავს, ვერას გახდები, სწორედ დაიბნევი ამ აუარებელს გამოქვაბულს სენაკებში. მღვიმე-სენაკი რამდენსამე სართულადაა გამოქვაბული. ერთ სართულიდან მეორეში ასვლა აღვილი არაა, და ცოტა იყოს, სახითათოა, რადგან ალაგ-ალაგ ქვის კიბენი გახეხილია, ჩარეცხილა - და დამტვრეულა. ღმერთმა უშველოს დროებით ვარძიაში მყოფს, ერთს ქართველს ყმაწვილს! იმან გამიწია წინამძღოლობა და ყველაფერი მაჩვენა. დაოვლით ვერ დავთვალე, რამდენი სენაკია, ზოგი ამბობს ათასზე-მეტიათ, ზოგი ნაკლებს ამბობს. სიგდე გამოქვაბულ მონასტრისა თითქმის ერთი ვერსი იქნება.

გზის მაჩვენებელი წინ გამიძღვა და მიმიწვია - მომუეო. დალოცვილი ისე დახტოდა, თითქოს ქურციკი იყოსო. ფეხებზე მესტის მსგავსი ნაზი ტყავი ჰქონდა აკრული. მე კი... საცოდავი ვიყავ. ვერანა და მუდრევი ძაგზაო წალებს რომ ეტყვიან, ის მეცვა. სიცემ-პაპანაქებისაგან ისე გაიფშიკა, როგორც ურიის მკვდარი. მოდიდა მიჰყე ამ ფეხსაცმელით სიცოცხლით სავსე ჭაბუკა!

წინამძღოლი ერთს ციცაბო კლდეს მიაღვა და გა-
ჩერდა. შემომხედა, მობძანდიო და ზემოდ აცოცდა. ში-
შით კინამ გული გამისკდა. ციცაბო კლდეზე საფეხურე-
ბისა მეხუთედი აღარა სჩანდა. რაღაც წვნიკი ხარიხა გაე-
დოთ და ამ ხარიხის შემწეობით უნდა ავსულიყავით
თაშარ მეფის სარდაფში. რას ვიზამდი. მივყე წინამძ-
ღოლს, მაგრამ ვაი ამ მიყოლს! სარდაფი სავსეა ჩაკვ-
რულ ზიდ თუ პატარა ქვევრებით.

ლმერთო, ეს რა ძალაა, რა ცხოველი სიძლიერეა,
რომ ხუთ სართულად კლდე დახვრიტო, ათასამდე საც-
ხოვრებელი ოთახი, დიდი და პატარა, გამოჰკვეთო, რამ?
დენიმე დიდი და პატარა ეკლესია გამოჰქვაბო წერაქვით
და მაინც არ იქმარო, არ შედრე! ქვევრების ჩასაყრე
ლად ხელახლა გაუპიათ ციცი გული კლდისა!..

სენაკებს რომ მოვრჩით, ეკლესიები მოვიხილეთ.
მღვთის მშობლის ეკლესის გარდა, დანარჩენები, თაბო-
რისა, მაგალითად, სიგძით შვიდი არ შინია. სიგანით ოთ-
ხი. ეკლესიათა კედლები ბევრგან წაბლალულია რუსულ-
ქართულ-სომხურ წარწერებით. ჩავუკვირდი რუსულ-
ქართულ წარწერებს და გავოცდი. ბევრ ჩემ ნაცნობის-
სახელი და გვარი ამოვიკითხე და შემრცხვა მათ მაგიერ-
ულეაზედ დიდად მაშინ გავოცდი, როცა ვიპოვნე აწ-
განსვენებულის თავ. თარხნიშვილის სახელი და გვარი.
სწორედ ღვთის წყრომაა და უბედურება ჩვენს თავსა!
ალბად, მართალი უთქვამს ცნობილს მოღვაწეს ქ. გორ-
ში: ქართველები ისე აეზნიანი და უბედურები იყვნენ
ძველადვე, რომ ღვთის მშობელმა ხელი აიღო და აღარ
მობრძანდა ქრისტეანობის საქადაგებლად, თუმცა ეს ქვე-
ყანა ჰქვდა წილადაო.

განსვენებული თ — შვილი განვითარებული, შესმე-

ნილი კაცი იყო, ყველას საყვარელი, რიგიანი და საპატიო თანამდებობის პატრონი და ნუ თუ არ ეყურებოდა, რომ შეთითხვნა, შებლალვა წმიდა კედლისა, წმიდა სახლისა, სადაც თამარ მეფე საათობით იდგა, ლოცულობდა წმიდის გულით და ავედრებდა ღმერთს თვის ერსა, უდიდესი დანაშაულია სამშობლოს წინაშე?! ნუ თუ არ ესმოდა რომ დიდებულის წარსულის ნაშთს მუხლ-მოდრეკით და მოწიწებით უნდა ეუმზერდეთ? არ შესმის რა მარჯვენაშ უნდა აიღოს ნახშირი და გაგლისოს წმიდა ნაშთი თვისის გვარითა და სახელით, რომელიც არავისათვის არაა საინტერესო, მეგობართა და მახლობელ ნათესავთა გარდა. ვიღაც ნინო აგულოვისა და ს. ყიუმჩიბაშვილი რაღა გავამტყუნო, როდესაც შესმენა თ. გ. თ—შვილს არა ჰქონია. დიდად მეწყინა და ხმა მაღლა ცუდად მოვიხსენიე განსვენებული და ის წყეული გარემოება, რომელიც ასე გვამახინჯებს ეროვნულად. სიცოცხლეში კი სიამტკბილობისა და სიყვარულის მეტი არა გვეთქმოდა-რა მე და განსვენებულს. ვარძის ნაგრევებზე გავიცანით ერთმანერთი და აქ გავსწორდით, მაგრამ ვაი და ვუი ამ გასწორებას. ვისთვისაა საჭირო?..

ბევრჯელ მითქვაშ და კიდევ მოგახსენებთ, დიდი უბედურობაა, რომ ეროვნულს აღზრდასა ვართ მოკლებული. თ-დი გ. თ—შვილი რომ სხვატრივ ყოფილიკა აღზრდილი, ეროვნულს მკრეხელობას არ მოიქმედებდა და სხვასაც ნებას არ მისცემდა წაებილწნათ ვარძის კედლები.

სხვები ჩვენსავით არ იქცევიან, განათლებულს ევროპელებს თავი დავანებოთ, ამათ საოცრად იციან თავიანთ მოჭირნახულეთა სიყვარული და პატივისცემა. გვყვანან ისეთი მეზობლებიც, რომელნიც თითქმის უმი-

ზეზოდ განგაშსა სცემენ ხოლმე და რწყილს აქლემად აქ-
ცევენ. ამათაც თავი დავანებოთ, ღმერთმა საბედნიეროთ
მოახმაროსთ თავიანთი საქონელი. მაგალითად ავიღოთ
პატარა ფინლანდია. ისტორიაში ამ ერის ღვაწლი არა
გამიგონია-რა და ვგონებ ვერაფრით მოიწონებენ თავსა.
რიგიანი თითქმის დამოუკიდებელი არსებობა, ისიც ნაწ-
ყალობევი, სულ რაღაც ოთხმოციოდე წელიწადი ჰქონ-
და წარსულს საუკუნეში. ბუნება ამ პატარა ქვეყნისა
მკაცრია და მწირი, მაგრამ დაღვრემილმა ფინმა, ეროვ-
ნულ დაწესებულებათა წყალობით, ბევრი რამ გაიჩინა
და, სხვათა შორის, ეროვნული პოეზიაც დაპატარა. ფი-
ნებს ჰყავდათ პოეტი რუნებერგი. პოეტმა დიდი სახელი
გაითქვა სამშობლოში, გარედ კი აგრე რიგად თვალ-
საჩენი არ გახლავთ. ხომ ასეა, მაგრამ ის სახლი, სადაც
პოეტი სცხოვრობდა და გარდაიცვალა—ქ. ბორგო.
სათაყვანებელი გახდა ერისათვის. მთავრობამ შეისყიდა ეს
სახლი (რუნებერგის სიცოცხლის დროს ფინლანდიის
სენატი შეზღუდული არ იყო), ყველაფერი ისე დას-
ტოვა, როგორც პოეტის სიცოცხლის დროს იყო.
დღეს თურმე ბორგოს სახლი ფინნების საეროვნო სამ-
ლოცველოდ გარდაქცეულა და თვითოვეული ფინი მო-
ვალეობად სთვლის, ისე არ მოკვდეს, რომ რუნებერგის
სახლი არა ჰნახოს.

ჩვენ, ქართველებს უფალმა არ მოგვცა ქს შნო და
უნარი.

ჩემის აზრით, რუნებერგის პოეზია ვერანაირად ვერ
შეედრება აი თუნდ ვაჟა-ფშაველას პოეზიას. სიღარიბით
ტანჯულს პოეტს ისეთი მარგალიტები მოქმოვება სალა-
როში, რომ რუნებერგი კი არა, ბევრი, მეგობართა შემ-

წეობით გაბერილი და სახელ-მორცმული პოეტი, იძულებული უნდა გაჰვდეს ქედი მოიხაროს მის წინაშე, მაგრამ სადაა პატრონი, სადაა გამკითხავი! რუნებერგის ჰყავდა ისეთი მეგობარი, როგორიცაა ი. გროტი. სახელოვანმა მეცნიერმა რუნებერგის ბევრი ლექსი სთარგმნა რუსულად და ამით სახელი მოუპოვა სამშობლოს გარედ. ჩვენს პოეტებს კი ჩვენ, ქართველები, ვყევართ მეგობარ-მოჭირნახულეთ! ერთხელ ხომ სამსალა ვასვით ვაჟა-ფშაველას, დღეს პოეტი სიმშილით ილევა. აი როგორ დალილინებს ვაჟა-ფშაველა ქართულ რედაქციას:

„მომეცით ფული,
გაწყალდა გული.
თვე არის სრული
ამოდის სული,
რაც რედაქციას
გარშემო უვლი...
რადა, რისთვისა?
— ავილო ფული“.

ნურც რედაქციას დავემდურებით. რედაქცია, მოგეხსენებათ, ზარაფხანა არ გახლავთ, თუ არა შემოუარა, თანამშრომელს რას მისკემს? ჩვენი მკითხველი ისე გაურბის ქართულ მწერლობას, როგორც ურია ლორის ხორცი. ან კი ვინ გაამტყუნებს!.. სიბრძნით და ნიჭით სავსე „ტიფლიცი ლისტოკს“ ვიღა წაიკითხავს მერე?

მოკლედ ე. გ. ვეილენბაუმი ასე მოიხსენიებს ვარ-ძიას:

„მტკვრის ლრმა ხეობაში, რომელსაც აქ ხერთვისისა ეწოდება, მდებარეობს ოდესმე საქართველოში. სახელოვანი მონასტერი ვარძია. კლდეში გამოქვაბულია. რამდენიმე ეკლესია, მრავალი სენაკი და სხვა შენობანი. ამ-

ბობენ, ღიდად უყვარდა აქ დროს გატარება თამარ-მეფე-საო, რომელმაც გაადიდა და გააფართოვა მღვიმე-ქალაქი და ააშენა ეკლესია მღვიმის მშობლის სახელზედ. ამ ეკლესის კედლებზედ ფერადი საღებავით დახატულია სურათი სახელოვანის დედოფლისა. პირველად როდის აშენდა, ან რა დროს გავერანდა, არ ვიცითო“.

მღვიმის მშობლის ეკლესიაში დღესაცაა წირვა-ლოცვა და მღვიმის მსახურება ქართულად. ჩრდილოეთის კედლზე დახატულია თამარ მეფის სურათი უშველებელ საყურეებით. სურათი ისეთივეა, როგორც ბეთანიის მონასტერში. მაგრამ აქ უკეთაა შენახული. განახლების შემდეგ ბეთანიის მონასტერი აღარ მინახავს, ეგვე იქაც გასუფთავეს სურათი.

მღვიმის მშობლის ეკლესიას ბევრგან ამჩნევია ნატყვიარი. ქურთები თურმე ნიშანში იღებდნენ კედლებზე და თალში დაზატულს წმინდანების სურათს და თოვის ტყვიით ხვრეტდნენ. ის ველურნი, ან ახალციხის ბიჭ-ბუქები, რომელთაც თვალები დასჩიჩქნეს საფარაში ათაბეგთ ბექასა და აღბუღას, როგორ გავამტყუნო, როდესაც ჩვენ. თვითონ, განათლებულნი ქართველნი; უარესაა ვკადრულობთ.

მოღუშული, პირ-ულიმარი, სევდა-მოწოლილი, მკაცრ ბუნებასთან ბრძოლით გამწარებული, თითქმის დაბალ მოდგმის ჩამომავალი ფინი ქ. ბორგოში დაიარება ეროვნოლ პოეტის ნადგომ სახლის სანახავად, რათა დასტკებს განსვენებულის რუნებერგის ნივთების ცქერით; ამ ხილვით გამოწვეულ მოგონებით, ჩვენ კი იმას ვკისრულობთ, რასაც ქურთნი სჩადიან უგუნურობითა და ველურობით. ეს კიდევ რაა?! ვის ეკადრება ფინი რუნებერგი და ან რა სახსენებელია შოთა რუსთველთან?

მაგრამ რუნებერგს მრავალი ძეგლი აუგეს თოვლ-ყინულიან ფინლიანდიაში და შოთას სამშობლო ჭოფელი კი ჭუპიან და მურდალ ქურთთა სადგურად და ბინად გავხადეთ. დღევანდელს საქართველოს ქურდ-ბაცაცასავით შემოეპარა ველურობა და ბარბაროსობა, შთანთქა ძველი კულტურა და მისი ნაშთი და თამამად პარპაშებს.

დიდ ეკლესიის ჩრდილოეთის კედლიდან ზემოდ კლდეში მიღის გრძელი ხერელი. 81 საფეხური დავთვალე. საფეხურები კარგადაა შენახული, მაგრამ ჩემს წინაშძლოლს რომ მივდევდი, სულს ძლივს ვიბრუნებდი. ტან-ში უნებურად ურუანტელი მივლიდა. ლამურები ზედ სახეზედ მასკდებოდნენ და იმათი ცივი ფრთხების შეხება და ხახუნი ცივ რთვლს მასხავდა. ხერელში საშიშო არა მომელოდა-რა, მაგრამ მაინც უხერხულად ვგრძნობდი თავსა. ერთი რომ იგრიალოს, მოზღვავდეს ეს უზარმაზარი კლდე, ხომ მორჩია და გათავდა ჟველაფერი და გამოეთხოვე წუთი-სოფელს!

ხერელი რომ გავლიეთ, გავედით შედარებით ფართო მოედანზე. მტკვარი უფრო პატარად მეჩვენა, მაგრამ თერგივით მაინც სჩქეფდა და ციუცხლობდა. მოედნიდან იწყება ბერთა სენაკები, ვგონებ, მეოთხე სართულისა. ვარძია მარტო მონასტრად არა ყოფილა. ციხე-ქალაქიდაც ითვლებოდა. დიუბუას სიტყვით, გამოქვაბული სენაკები ზოგი საჯინიბო ყოფილა, ზოგი საცხოვრებელი და მაღამად და ზოგიც დუქანი.

მოგეხსენებათ, რომ მონგოლებმა და კილბაშებმა დაამხეს საქართველო და ტურტლიანის ხელით შებლალეს სული და გული ამ პატარა ერისა. მას აქეთ ქვეყანამ ვეღარ იხეირა და ცოცხლობს წელკავიანივით. მათ სიბილწესა და სიმურდლეს ვერც-უარძია გადარჩა.

მეთუთხმეტე საუკუნეში მონგოლებმა ააოხრეს ეს შესანიშნავი გამოქვაბული ციხე-ქალაქი, მეთექვსმეტე საუკუნეში ყიზილბაშურადაშები სწევევიან ვარძიას სტუმრადა და ყიზილბაშურადაც მოჰქცევიან. მუსულმანთა მწერალი ისკანდერ მუნჯი ასე მოვითხრობს ვარძიის აკლების ამჟავს: „1551 წ. შაჰ-თამაზი შეესია საქართველოს. ერი გაიხიზნა მთებში, კეთილშობილნი ჩაიკეტნენ ციხე-სიმაგრეებში. რამდენიმე თავადი გაიხიზნა დარნარის მიუღომელს ადგილს, ან დერმარ-ქილისაში (მღვთის მშობლის ეკლესია). შაჰ-თამაზის სარდალმა ზიად-ოლლიმ დაიკირა მღვთის მშობლის ეკლესია, მამა-კაცნი ამოსწყვიტა და დედა-კაცნი და ბავშვები ტყვედ გაირეკა, სიმდიდრე და ძვირფასი ნივთები მშვენიერის ეკლესიისა სულ გაზიდა. ეკლესია წარმოადგენდა, ამბობს ისკანდერ მუნჯი, ადამიანის ხელის საოცარს და საკვირველს ნაწარმოებათ... (დეკ. ლამბაშიძის წიგნაკიდანაა ამოღებული მუნჯის სიტყვები).

დიდხანს არ გაუვლია ვარძიის გაძარცვის შემდეგ და მესხეთს ოსმალეთი შემოესია (1625 წ.). ოსმალო მესხეთს მუსრს ავლებდა და ვარძიის განახლება-განსპერა-კებისთვის არ იფიქრებდა. 1828 წელს პასკევიჩმა მესხეთის ნაწილი ოსმალეთს წაართვა და ვარძიაც საქრისტიანოს დაუბრუნდა, მაგრამ რაღვან პატრონი და გულშემატკივარი არავინ გამოსჩენია, ქურთებმაც თავისებურად გამოიყენეს თამარ მეფის საყვარელი მონასტერი. უამინდობის დროს საქანელს ჭინავებდნენ ვარძიის გამოქვაბულ სუნაქა და ეკლესიებში და გულის გადახაყოლიებლად წმინდანებს ტყვიით უხვრეტავდნენ თვალებს ტანჯულს საქართველოს ასე მუხოლობს ბედი დაწყიდაბადებიდგან... არც გარეულია, ვინც უნდა იყოს იგი,

ბიზანტიური თუ რომაელი, სპარსია, მონგოლია, თუ თურქი, არაბია, თუ სომეხი, და ორკ შინაური მეცადინებას არ ჟელებენ, რომ შემუსრონ ბეღ-შავი ქვეყანა და წაბილწონ მისი სიწმინდენი. არა, მათის გულის გასასივებლად, ისიც კი უნდა ითქვას, ლვთის წინაშე, რომ ვერ მოახერხეს საბოლოოდ გათელვა საქართველოსი. მოყვარეთა სანუეგშოდ ვიტყვით, რომ ეგები მალე სიუკუხლის ნაპერწყალი გაჩაღებულ ცეცხლად გადაიქცეს.

VII

ვარძიის ნატამალს გუშაგობას და პატრონობას უწევს არქიმანდრიტი მამა სიმონი, ცრობაში თავადი წულუკიძე. დღეს ქართველობას ბერობა თითქმის აღარა გვყავს. იგი წარსულს რევიმს სამუდამოდ თან გაჰყოლია.

მამა სიმონი ახოვანი ტანისაა. ლომობიერის სახისა, ძალზედ მოხუცი, მაგრამ მხნე და სიცოცხლით სავსე ეტყობა, დიდად უყვარს ვარძია. იქ შიმშილს ამჯობინებს სხვაგან განცხრომა-ფუფუნებას. მამა სიმონი ძველის ტიპის ბერია, რუსული სწავლა-განათლება არ მიუღია, საუბარი სასოებიანი და ქართული მარილიანი აქვს.

არქიმანდრიტს ორი მორჩილი ჰყავს, ვეონებ ერთი იმერია და მეორე— ამერი. ერთი პატარა ბიჭიკაა, ასე 12—13 წლისა, ცოცხალი როგორც ჩიტი და მარდი როგორც ნიბლია. მამა არქიმანდრიტს ხელზე ემსახურება, ჩაის უკეთებს, სუფრას უშლის და ქვეშავებს უმზადებს. ბავშვი იმერეთიდანაა ჩამოყვანილი. მისი წერიალა ხმა ზარივით გაისმის ამ მინგრეულ-მონგრეულ მღვიმეთა შორის. მარტოოდენ ეს ბალლია სიცოცხლის წარმომადგენელი და გამომსახველი. დიდხანს გასძლებს თუ არა.

ეს მაღნაზი ქოჩორი ჩიტი სიცოცხლეს მოკლებულ სავა-
ნეში დნელი გამოსაუნობია.

ორავითარი სალსარი ცხოვრებისა მამა სიმონს კრე-
ბულით არა აქვს. დღესაც არ ვიცი, რითი საზრდოობს
დიდებულისა და სახელოვანის ვარძიის გუშაგი. ქონება
არავითარი, არც მოძრავი, არც უძრავი. კრებულს ჰყავს
ერთად ერთი სახედარი ფქვილისა და შეშის საზიდავად.
ჰყოლიათ ურთი ცხენიცა და რადგან ვერ გამოუკვე-
ბიად, გაუბარებიათ.

ცოტაოდენი შეწირულობა მოუგროვებია მამა სი-
მონს და განუზრახავს წისქვილი დაებრუნებინა მტკარ-
ზე. სამი ქვა კიდეც მოეტანა ქუთაისიდგან, რუ გაეთხა-
რა დიდის წვალებითა და ტანჯვით, მაგრამ წისქვი-
ლი ჩემს იქ ყოფნის დროს წესიერად ვერ მუშაობდა,
წყალი ლონივრად ვერ სცემდა და წისქვილს უგემურად
გაპქონდა ლრიტინი. მაშასადამე, ეს განზრახული წყარო
საზრდოს შონისა ჯერ-ჯერობით დაშრეტილია.

ვარძიეს ძველიად, რაღა თქმა უნდა, დიდი მამული
ექნებოდა. დღეს შიშველ-ტიტველია ვითარცა ხე ციცს
და ყინულიან ზამთარსა. ჟურნალ „მოგზაურში“, ნომ-
რები: VI და VII, 1901 წ., კაბალონი 536, აი რასა
ვკითხულობთ „ვინმე მესხი გვარამაძე ვარძიის შესახებ
შემდეგსა სწერს: კარწახი (ახლა სომხები სცხოვრობენ),
ზედა-ვარძია და ამათი მოყოლება მტკვრის გაღმა-
გამოლმა მხარი, სულ ვარძიის შეწირულობა ყოფილა,
ვენახებით, ბრსტნებით და ბალჩებითა; მეფის სამსაჯუ-
ლოსთან სამწირველო ტრაპეზზედ ყოფილა წარწერილი
მხედრულად, მაგრამ მტრებს ამოუმტვრევიათ, რამდე-
ნიმე სტრიქონი ნაწყვეტ-ნაწყვეტი კიდევ ეტყობა. ამის
გუჯარიც ყოფილა. ეს გუჯარიც ინახებოდა პატარა თო-

ნელ თევზლორუ მღვდლის მანველიძისახლში; ადრე კოთელის მღვდლად ყოფილა. 1846 წელს მღვდლის შვილმა სვიმონ მანველიძე გოგაშნელებს (სოფელი გოგაშნი მდებარეობს ჭარბიის პირის-ჩირ, მტკვრის მაღალ კიდეზედ) გარდასცა ეს გუჯარი. სამაგიეროდ ბედაური ცხენი აჩუქქს გოგაშნელებმა, ხოლო სიგელი ბლატოზ ჩინს გ. გამრეკელს მიართვეს სიხარულითა. ერთს ხანს მიწერ-მოწერა გაიმართა, მაგრამ მაღაჟ ჩაყრუვდა საქმე-ბლალოჩინი გამოიცვალა და საქმე საბლალოჩინოში დარჩა, თუ ტფილისის საექსარხოსოს არქივში, აღარა ისმისა. ამბობენ, სომხების კარაპეტ ეპისკოპოს შეუსყიდია იგი 18,000 მანეთად. ვისგან შეუსყიდია, ეგ კი არ არის ცხადი.

სოტყვა-სიტყვით ამოვწერეთ „მოგზაურიდან“ ვინმფ მესხის ნათქვამი. შეიძლება ეს მართალი იყოს, შეიძლება ტყუილიც. ამას კარგი და რიგიანი გამოკვლევა უნდა. ურიგოს არ იზამენ ჩვენის წარსულის მკვლევარნი, კარგად მოჩხრიკონ დაკარგული სიგელი, ან დანამდვილებით შეიტყონ მისი თავგადასავალი.

კარაპეტი ეპისკოპოსი კარგადაც ცნობილი ისტორიაში. პასკევიჩის დროს მისის. წინამდლოლობით დიდალი სომხობა გადმოსახლდა არზრუმიდან და დაბინავდა მესხეთის ვერანა. სოფლებში. ორი ქალაქიც: ახალციხე და ახალქალაქი გადმოსულებმა დაიკავეს. კარაპეტა ეპისკოპოსმა საეკლესიო ფულით წმ. მაცხოვრის სახელობაზედ (ეს ეკლესია ახალციხეშია) იყიდა ჯავახეთში სოფლები: კარწახი, სულდა, ყურილადეში და სხვა. გოგდალის საძოვარი მოები. უმ უამაღ ჩამოთვლილ სოფლებზე და მთას შემოაქვს წელიწადში 22,000 მან კერძოდ.

კარწახიდან, სულ ცოტა, შემოვა 5,000—6,000 მანეთი. ეხლა ეს მამულები მთავრობის განკარგულებაშია.

ეპისკოპოსმა კარაპეტამ იაფად იყოდა მამულები, სულ რაღაც 2,500 მან. გრამოტები რომ იწერებოდა, სულდელები ახირდნენ, სოფ. სულდის წინანდელი ბატონი ბეგი, ან არა არა ყოფილა, „მუჟიკი“ იყო ჩვენ-სავითა და ამის გამო სომხის ეკლესიას, როგორც „მუჟიკის“. მემკვიდრეებს, ნება არა აქვს თავისუფალი მამული დაიტოვოს და სულ ჩვენ უნდა მოგვეცეს „ნადელში“, რაც სულდის ფარგალშია მოქცეულიო. წინანდელი ბატონი ბეგი რომ ყოფილიყო, კანონით გლეხების ასეთს პრეტენზიას ლაგამს ამოსდებდნენ. სულდელებმა თავისი ფაიფანებს, სენატმა სამართლიანად იცნო მათი ახირება, წინანდელი მფლობელი ბეგად არ აღიარა და ბრძანა: მიეზომოს სულდელებს, თითო სულზე ხუთ-ხუთი დესეტინა სულდის ვერანებიდანაო.

ეს ამბავი იმას გვისწავებს, რომ ვინ იყის, ეგები სულდის ვითომდა მებატონებ სხვისი სამკვიდრო მიპყიდა ეპისკოპოსს კარაპეტას. სოფ. კარწახი მოსამზღვრეა სულ-დისა. უკეთუ ამ ეჭვს რაიმე საბუთი აქვს, მაშინ ადვი-ლად მივხვდებით, რომ კვიიანი და გონიერი წინამძღო-ლი გაღმოსახლებულ სომხებისა, ეპისკოპოსი კარაპეტი შეეცდებოდა როგორმე ხელში ჩაეგდო კარწახის სიგე-ლი. ფულსაც, რაღა თქმა უნდა, არ დაიშურებდა ამ საქმისათვის. მართალია, სიგელის პოვნას პრაქტიკული მნიშვნელობა არ ექმნება ვარძიის მონასტრისათვის, მაგ-რამ ჭეშმარიტებისა და სიმართლის აღდგენა ცოტა რა-მედ არა ლირს. ვარძიის გუშაგი მოხუცი არქიმანდრიტი სიმონი კარწახის საამოდ გაშლილ. ველ-მინდვრებს რომ მოავლებს თვალს აგარის მწვერვალებიდან, მელანქო-

ლურად გაიფიქრებს: ასე წარმავალია ჟიდება ქვეყნასა! გუშინ ეს ველ-მინდორი ვარძიისა იყო და დღეს კი სხვას უჭირავსო. შემდეგ მხურვალე ლოცვითა და მარხულობით დარღს გადიყრის და მიუტევებს, ვითარცა დიდ-ბუნებოვანი ადამიანი, უკეთურს ცოდვასა და შეცდომილებას, სიავესა და სიხარბეს.

რითი საზრდოობს ვარძიის ეხლანდელი კრებული, ძნელი გამოსაცნობია. მონასტრის მიდამო გოხები, სათიბ-საძოვარნი გამიჯვნის ღროს ბაიბურთლებმა. და ბაგრატუნოვებმა (არზრუმიდან არიან მოსულნი) „კანონიერის წესით“ დაისაკუთრეს. მონასტრებს დარჩა მხოლოდ რა-დაც 50—60 დესეტინა გახრიოკებული კლდეები. ცხვრის გასასეირნებლად თუ ივარგებს ეს კლდეები; სხვაფრივ რა ჰყრია მათში. შემოსავალი ბევრი-ბევრი 30—40 მანათი იყოს წელიწადში. კრებულს ეს შემოსავალი ვერ დააპურებს, თუ სული წმიდა არ მოეშველა.

ვარძიას რკინის რგოლივით გარს არტყია მაჰმადიანობა; ნეტა ოსმალონი მაინც იყვნენ, ან ჩვენი აჭარლები, ვინ რას იტყვის კიდევა.. უვარგისი წარმომადგენელნი მაჰმადიანობისა: ქურთნი, თარაქამა, მუტრუფნი, ბორშანი გაბნეულან ვარძიის გარშემო. ქართველთა მარტო ოთხი სოფელია: აფნია, გოგაშენი მტკვრის მარჯვნივ; აგარა და ზედათმოგვი—მარტხენივ. ეს სოფლები ერთ მცირენი არიან, ღარიბი და დაჩაგრულნი, უნიადაგონი და განუვითარებელნი. ამათ რა უნდა გაიმეტონ მონასტრისათვის? მაინც და მაინც ისევ ისინი თუ ჩამოვლენ ათასში ერთხელ ვარძიას, ილოცვენ და შეიძლება თრიოდე აქაური ქადა-ნაზუქი დაუტოვონ კრებულს. (ქართლურ შესანიშნავ ნაზუქს მიჩვეული ვერც კი მიეკარება აქაურს ერბოთი გაულენთოლს და ურძეო ნაზუქს).

მორჩილნი აღმად მათხოვრობენ, თეფშით აგროვებენ ხორბალს და ისე თუ იკვებებიან. მთავრობა მონასტერის არაფერს ულეუფას არ აძლევს, აღმად შტატ გარეშე თუა დარჩენილი, როგორც სხვა ჩვენი მრავალი ძელად შესანიშნავი მონასტერი.

ამ სიღარიბესა და უილაჯობას რომ ვუცქეროდი, ფიქრმა უნებლიერ შავი ზღვის პირას უადამიტანა. მოკლედ თვალი მოვავლე ახალ-ათონის სტორიას. ჯერ ისევ უკანასკნელ რუს-ოსმალოსთან ომამდინ ძველ ათონიდან მოვიღნენ ბერები და შეუდგნენ მონასტრის აშენებას. ომის დროს ოსმალოთ და აფხაზებმა ბერების ნაცოლილარი მიანგრ-მოანგრიეს და ქვა-ქვაზე არ დასტოვეს. დასრულდა ომი: ბერები ისევ მოვიღნენ და უფრო მხნედ შეუდგნენ მოღვაწეობას, შაგრამ რას გახდებოდნენ მათტო მხნეობით, თუ დახმარებაც არ ყოფილიყო. დახმარებაც მთავრობამ აღმოუჩინა. ნამესტნიკად მაშინ ბრძანდებოდა დიდი მთავარი მიხეილ ნიკოლოზის ძე, რომელიც დიდ მნიშვნელობას აძლევდა რუსთა კოლონიზაციას ამიტრ კავკასიაში. ეს საქმე პირველად ნამესტნიკმა თავადმა ვარანცოგმა დაიწყო. შაგრამ სრულიად მოულოდნელად დასრულდა მისი განზრახვა-მეცადინეობა. გაღმოსახლებულნი ვაქართველოდნენ; განსვენებული. ვ. ველიჩო რომ შეუდგა ამ საქმეს ჩვეულებრივის მხნეობით და გამოდულობით, ბეჭრს ეგონა ამან დაიწყო პირველად ეს საქმეო. ართ, დედა აზრი თ. ვარანცოგისა და დიდის მთავრის მიხეილ ნიკოლოზის ძისა, ხოლო ველიჩომ მათი შეცომანი არ გამოეორა. ესე იგი ლონიერ ჯგუფებად უნდა დაესახლებინათ კოლონისტები, უსათუოდ თან მოყოლილი მღვდელი ჰყოლოდათ, ეკლესია აეგოთ და სამრევლო სკოლა გაემართდათ. ახალ-

შენელებს ცოლებიც თან უნდა მოეყვანათ, თორემ თუ ჩვენი თინია-დარეჯნები გაერეოდნენ ახალშენელებმო, ასაქმე წახოებოდა“, იმერულად რომ კსოვეთ.

მაგონდება ერთი სასაცილო ამბავი. ხალხის ყრილობას დავესწარი. მოხელეებს ირჩევდნენ, ყურთა-სმენა წაილეს, ისე ღრიალობდა ხალხი; გიო, გიო გვინდაო. ვინაა ე გიო, ერთი თვალით გვაჩვენეთო, უბრძანეს უფროსებმა. მოიყვანეს.

— ბიჭო, ვინა ხარ?

— გიო, შენი ჭირიმე.

— გვარი?

— მარტინენკო.

სახტად დავრჩი. ჩემ წინ გამოჭიმული იდგა ტიპიური ქართველი ტეტია, შალის ჩოხით, წინდა-ქალამნით.

მართალია, გიო მარტინენკო ჭროლა იყო, მაგრამ ვანა ცოტაა ჭროლანი ჩვენში? ერთი, ჩემი კარგი ნაცნობი ისეთი ჭროლაა, რომ მაგისთანა „ანტიკა“ ჭროლას შილა რუსეთშიაც ვერ იპოვნი.

დიალ, იმას მოგახსენებდით, რომ ახალს ათონს უხვად უწყალობეს სახნავ-სათესი, მდინარენი, მთანი და ტყენი; უბოძეს აგრედვე მონოპოლია თევზის კერისა შავ ზღვაში დიდ მანძილზე. მკაფიოდ აღარ მახსოვს, ასმდენი რა იყო, მამა დეკანოზ ვოსტორგოვის ფელეტონები, გაზეთ „კავკაზში“ დაბეჭდილი, ხელთ არა გვაქვს ამ უამაღ. მლოცველიც დიდძალი პყავს ათონს და გაივსო სიმდიდრით.

კარგა ხანია, სიკაბუკის დრომ, როცა რელიგიური გრძნობა ცხოველია, განვლოვ და მას შემდეგ ეკლესია-მონასტრებისთვის შესაწირავი არ გამიღია. როგორლაც

შემახვევა არ გვეძლეოდა. ვარძიის კრებულის სიღარიბე-
და სიღატაკე რომ ვიზილე, გულმა აღარ მომითმინა და-
ორჯელ, ზედი-ზედ, შესაწირავი მივართვი. ეს საქმე ისე
ბუნებრივად, — კანონიერად და სამართლიანათ მეჩვენა;
რომ ერთს წერთაცარ მიყოყმანია. ვგონებ უპირველესი
მოვალეობაა ყოველის ქართველისა გაიღოს მცირე რამ
იმათ შესანახად და საზრდოთ, ვინც ესეთის სიყვარუ-
ლით, თავგამოდებით და ბედის წინაშე მორჩილებით დღვე
და ღამ გუშაგობენ დიდებულ თამარის საყვარელ ციხე-
ქალაქსა და მონასტერსა. იქ, საღაც ფორთოხალის და
ლიმონის ბალებს ჰმართავენ, ფნ. იხვთა და გედთა საჭ-
ყუმბალაოდ მარმარილოს აუზებს აგებენ, შეიძლება არა-
ვითარმა სხვა ემოციამ არ შევიპყოს, გარდა ესტეტი-
კურისა: რასაკვირველია, მაშინ საბერო-სამონასტრო
შესაწირავს ადგილი აღარ ექნება და შეგიძლიანთ არ-
ხეინად ღოინჯ-შემოყრილმა ისეირნოთ და, მშვენიერე-
ბით დამტკარმა, თუ გუნებაზე მოხვალო, კიდეც იღი-
ლინოთ.

მამა სიმონს ჰყებია ქართულის კითხვა: ჩემსობას
„ივერიას“ მოვკარი თვალი არქიმანდრიტის სენაკში.
საწყენია, თუ ფულით იწერდა: საიდან უნდა გაიღონ
ერთი თუმანი? კარგს იზამს რედაქტია, თუ უსასყიდლოდ
გამოუგზავნის გაზეთს. ნუ დაივიწყებს გაზეთი, რომ ეს
სამი-ოთხი ქართველი-და დარჩა ძველის საქართველოს წარ-
მომადგენლად ამ გამაჰმადიანებულს და გასომხებულს მხა;
რეს. ვსოთხვ. „ცნობის ფურცელსაც“ და „მოამბეს“, ნუ
დაიშურებენ უურნალსა და გაზეთს ვარძიისათვის, ხოლო
ნახატებიანი დამატება საჭირო არაა, ვინაიდგან ვარძია იტა-
ლია არ არის და მამა სიმონი იმ ბერთა ჯგუფს არ ეყუთვ-
ნის; რომელნიც ბოკაჩიოს დროს სცხოვრობდნენ. შიშველა

ქალთა სურათი „დეკამერონბას“ გატევენ და რა ხელ-
საყრელია, რომ უდაბნოში ჩვენსავე ხელით „შევიტანოთ
„უშმაკეულობა“ და „აეი სული“. საჭიროა პური არ-
სობისა და გონების საზრდო და არა სოლისა და გულის
მაკონებელი. ესენი სხვა ჯურის ბერთათვის და ნერვებ-
მოშლილ ინტელიგენციისათვის დაგვილოცნია:

VIII

15 აგვისტოს იცის ვარძიობა, პნუ ჩვენებური მა-
რიამბაჲ მინდოდა ამ დღეს მონასტრის ნახვა და კიდეც
ავისრულე სურვილი. ჯავახეთის მრავალი სოფლები გა-
ვიარე და სოფ. გოგაშენს შევისვენე ჩვენებურ ქართლელ
მღვდლის მ. გომრგი კარბელაშვილის ოჯახში. გოგაშნი-
დან ვარძია ისე სჩანს, თითქოს ხელის გულზე გაქვს გა-
დაშლილიო. სულ ბევრი მონასტრამდე სამი ვერსი იყოს
სასიარულო, მაგრამ უშველებელი დაღმართია და მისი
ჩავლა ცოტა არ იყვეს მაღონებდა, ერთხელ რაკი ჭა-
მოუცადე ს. აგარიდან ვარძიას ჩავლა, სწორედ მიძნელ-
დებოდა საქმე, თუმცა გამოცდილი მხლებელი; ს. აფ-
ნიდან საპოლიციო დარაჯი, გზას მიადვილებდა, გო-
გაშნელებს ხომ სიცილად არ ჰყოფნიდათ ჩემი ეჭვი და
შიში.

— ბატონო, რა ზორბა თქვენა პრძანდებით, თუ
გაგიჭირდებათ, სულ ხელით ჩაგიყვანთო.

მართლაც, ბილიკი შედარებით აგარისასთან ღვთის-
ნიერი აღმოჩნდა: მაინც მუხლთ მეცეცებოდა და წელი
მწყდებოდა. ხშირი ბინდი იყო, მონასტრის აღმართს
რომ შევუდექი და დაღლილობისაგან სიარულს ვეღარ
ვახერხებდი. არ ვარგივართ ეხლანდელი ინტელიგენტი,

რაფი ევროპელივით მიჩვეული არა ვართ ფეხით. სია-
რულს, ორ ნაბიჯს გადავდგამთ თუ არა, ვაისა და ვუის
უნდა მოვყვეთ.

მხლებლისა და თარაქამის დახმარებით, როგორც
იყო, მივაღწიე მამა სიმონის სენაკს და კუტივით დავეგ-
დე ტახტზე. ეხლაც კარგად მახსოვეს მოლიმარე სახე ამ
ახოვანის თარაქამისა. შორიდანვე შეატყობ, რომ ბუნე-
ბრი მოუხეშავი შეილია და ნეტა რა ძალას მოიყვანა
ვარძიას ლამის საჟევად? ლვინოს ეგ არა სვამს და არაცს,
ქრისტე მაგას არ მიაჩნია და ვარძია; მაშ რა იზიდავს?..
უნდა გენახათ, რანაირად გაუბრწყინდა. სახე, ნაცნობდ
ნიკო (ჩემი დარაჯი) რომ დაინახა.

„ხოშ გიალდიო“, მხიარულად მიესალმა და მაგრად
ხელი ჩამოართვა. ნიკომ უკმეხად რაღაც წასჩურჩულა
ოსმალურად, აღბად ამცნო ჩემი ვინაობა, და თარაქა-
მის მხიარული სახე უცბად შეეცვალა. ნიკოსავე თხოვ-
ნით, მეორე იღლიაში მტაცა ხელი და ციმ-ციმ მიმიტა-
ნეს არქიმანდრიტის სენაკთან.

ხალხი ბუზივით ირეოდა ღვთის მშობლის ეკლესიის
გარშემო მდებარე მცირე მოედანზე. საცუარია, რატომ
არავინ იჩეხება აქედან? მოაჯირი რომ ჰქონდეს სამხრე-
თიდგან, კიდევ ჰო, მაგრამ მოედანი შემოუზღუდულია,
უბრალო ხარიხაც არა იქვს შემოვლებული და მაინც
უბედურება არა მომხდარა-რა მარიამობას.

სიბნელის გამო ვერ ვარჩევდი სენაკის ფანჯრიდან,
რა ეროვნების ხალხი ირეოდა ეკლესიის წინ. ყველაზედ
წინ ამის გამოცნობა მაინტერესებდა. ნუ თუ შორიდან
ქართველობა დაიძრა ვარძიის თაყვანის საცემლად და
თან დროს გასატარებლად? მაგრამ არა, შემდეგ გამო-
რკვა რომ ყველაზე ნაკლებ ჯავახეთის ქართველობა

იყო, უფრო კი ქურთები, თარაქამა, სომხობა, მაჰმადისნობა, ბერძნები და სხვა. ასე გასინჯეთ, ერთხუთალი ეტრუელიც კი ვნახე მეორე დღეს.

მამა სვიმონი სენაკში არ გახლდა, ეკლესიაში ხალხს ამწყალობებდა. ეხმარებოდნენ გოგაშნელი მოძღვარი გ. კარბელაშვილი და საროელი ს. უსტიაშვილი (კახელია), სოფელ საროდან (20 ვერსია) შვილით ფეხით მოსული. როგორლაც ვყითხე მამა სოლომონს, რა გაჭირვება გადგა, რომ ამ სიცხე-პაპანაქებაში ფეხით წამოსულხარ-მეოქი. წმ. დავით გარეჯელის უდაბნოში ალვიზარდე, იქ ვისწავლე ღვთის-მასხურობა და გალობა და, ვერ გავტედე ეტლით, ან ცხენით ვარძიას მოსვლაო. დღევანდელი „განათლებული“ კურსოვნიკები, „გაწაფულნი“ ხრიკებით აფერადებულ ბლაჯვნაში, თქმა არ უნდა, ამ გვარ პასუხს არ გვაღირებენ. ვერც მოიცლიან ღვთის წინაშე, შემოსავლიან „პრიხოდების“ ძებნას უნდება მათი დრო და ენერგია:

მამა სოლომონი წინადაც მენახა. ს. ტოლოშს ხალხი იყო დასაფიცებელი. ფიცის ქალალდი დავიწყებოდათ, როგორც იყო, მოკლედ და უთავბოლოდ გარდასცეს შინაარსი ფიცისა მ. სოლომონს. სწორედ დასტუბებოდით, რომ გენახათ, რა ღრმა და წმინდა ქართულით დააფიცა მ. სოლომონმა ხალხი. ახალ სკოლის „კურსმა“ ჯერ შებლალა და შემდეგ ცივ სამარეში ჩატფლა ღრმა და სასოებიანი ქართული.

არქიმანდრიტის სენაკში ვიგრძენ სულის „ობლობა“. ნაცნობი ინტელიგენტი, ან ისე ცოტათი მაინც განათლებული ჩემიანი არავინ იყო, რომ საუბრით წარსულსა და აწმუნზე გული გადაგვეყოლებია. სენაკში ბლომად შეიკრიბნენ ფალავანიშვილები. (ფრონელები

არ გეგონოთ), მაგრამ რა?: ამათ ქართული არ იციან, მე კიდევ ოსმალური: გულზე მოწოდილ ბოლმა-დარდს მხოლოდ სამშობლა ენით იტყვი, უცხო ენა არ უხდება.

საუბარი რომ გაჩაღდეს, საჭირო ისიცაა, რომ მომუსაიფეს შენსავით შენი დარდი გულს უსერავდეს და ულარავდეს. თუ შენი დარდი და ჭირი, ან აღფრთოვანება და ტრფიალი მომუსაიფეს არაფრად მიაჩინია, საუბარი „სალონურ“ უსულ-გულო ყბედობად გარდაიქცევა. ასეთს მუსაიფს ისევ ისა სჯობია, იგი დარდი გულის სილრმეში ჩაიკლა.

მეც სწორედ ასე მოვიქეცი. ფალავანდიშვილებში ერთი ახალგაზდა ბეგი ერია, ხარკოვის უნივერსიტეტის საექიმო ფაკულტეტის სტუდენტი. გავაბით უაზრო წყალწყალა ლაპარაკი, სწორედ ისეთი, როგორც აი ჩვენმა „ინსტიტუტკებმა“ იციან აესა და კარგს ტაროსზე. ყბებსა და ტუჩებს ვაცმაცუნებდით, მაგრამ, ვგონებ, ერთმანეთისა არა გვესმოდა-რა. მე სულ იმას ვფიქრობდი: უცნაური ყოფილხარ, ჩვენო ბედო. ვინ იცის, ამ: ყმაწვილის რამდენმა წინაპარმა რაოდენი სისხლი დაანთხია, რაოდენი ტანჯვა-ვაება გამოიარა ვარძიისა და საქართველოს საბედნიეროდ! დღეს კი აგერ ეს სამაამოვნო სახის ჭაბუკი (ჯავახეთის ფალავანდიშვილები ააოვანი უზარმაზარი ტანისანი არიან), უმაღლესი სწავლა-განათლებით შემოსილი, სდგას ჩემ წინ, მიყურებს პატივისცემით, თითქმის მოკრძალებით, რაღვან ბედმა და შემთხვევამ მცირედად ცხოვრების ზედა პირზე შემასკუპა, მაგრამ ჩემი დარდი არ ესმის, გულმწვავი სიტყვა ვერ უოქვამს და ჩემგანაც მარილიანი, მხნე და გულის მისაწვდომი პასუხი ვერ მიუღია. ვართ ისე თითქოს ახლო, მაგრამ ისე და-

შორებულნი, რომ ერთმანეთისათვის სიტყვა ვერ მიგვი-
წვდენია. ვხედავ, რომ მისი აზრი თავს ევლება ბაქოში
თაღიევის მიერ: ახლად დაარსებულს რუსულ-თათრულს
სკოლას, სადაც მუსულმანთა ქალნი იზრდებიან (ფალა-
ვანდიანთ ქალნიც სწავლობენ), აზრი და ფიქრი კიდევ
ვერ განშორებია ვარძის წარსულს „დიდებას“ და ფლე-
ვანდელს „სილაჩრეს“, ოდეს ჩვენს „მხედ ქალებს“ ერთი
საქალებო სკოლა რა არის, ისიც ვერ გაუმართავთ, რომ
ქართველი ქალი აქართულად გაზარდონ. ერთის სისხ-
ლისა და ხორცისანი ვართ მე და ეს ჭაბუკი, მაგრამ
შეხეთ მუხთალ ბერდა, რანაირად დაგვაშორა ერთმანე-
თი! ნეტა დაიბადება ჩვენში ისეთი გუნიოსი, რომელმაც
შესძლოს გასდოს ჩვენ შორის შემაერთებელი ხიდი?
სწორედ უხილავს, მაგრამ ჩაუქრობელს ლამპარს აანთებს
ყოველი ქართველის გულში ის „დიდებული“ ხუროთ-
მოძლვარი, ვინც შეეძლებს ისეთი ხიდის აშენებას, რო-
მელზედაც შეეძლოთ სიარული ერთად, ძმურად ერთის
ეროვნულ საქმისათვის ტომით და სისხლით ქართველებს,
ხოლო სარწმუნოებით სხვა და სხვას:

თორემ, აბა, რასა ჰგავს ესა? რაშოდენა ქართველს
უყო პირი სარწმუნოებამ „ჩვენ დამღუპველს ისმალე-
თისკენ?“ ისევ მომაგონდა პოეტი. ქართველი ერის გულ-
თა მხილავნი სწორედ ესენი არიან, ისე მკაფიოდ და
ჭიტყვის მოკრით აღნიშვნავენ ხოლმე მის ჭირსა და
ტრფიალს, ზოგი ლექსით, ზოგი კიდევ პროზით. აბა მო-
ისმინდეთ, რა სევდა მოსწოლია პოეტს, ქართველი იანი-
ჩარი რომ უხილავს.

აგერ რაზმიღან ისკუპა ყარაბაღულმა მერანშა,
შორსა გაჰფანტა თრთოლით ხმა მისმა რახტისა ელერამა...
მიჰქრის, მიჰქრინავს, მიჰქექავს, უკინ მისდევს მტვრისა ბუქი,

შის ივერიელი ჭაბუკი ვინმე ჩაუქი.
 აგერ უცრად რაღაცამ ჰაერში დაიკრიალა,
 თურმე მან თოფი თავისი შეაგდო, შეატრიალა,
 მერე ლამაზად ხან მარცხნივ, ხან მარჯენივ გადმოწვებოდა,
 ხან ცხენიდანა ჰხტებოდა, ხან ზედვე შეპფრინდებოდა.
 ჰშვენოდა იგი ჭაბუკი ცხენზედა ვით ალვა რგული,
 მაგრამ მე მის მცველეტელს ნაღვლით ამერია სული გული...
 ესთქვი, თუ ვისოვის შენ კისკასობ, ვისოვის იჩენ სიმარდესა?
 შენი რაა, რომ ამშვენებ შენ დამღუცველს ოსმალეთსა?
 შენს სიმარდეს, სიჩაუქეს ჭართლი შენი არ დაჰყურებს,
 მეფე შენი თავის ქებით ჭაბუკს გულს არ გიხალისებს!..

ი. ჭავჭავაძე.

ლამის თორმეტი საათი იქნებოდა, სენაკში რომ შე-
 მობრძანდა მამა არქიმანდრიტი. ბეგაბი ლიდის თავაზით—
 მოწიწებით ფეხზე წამოუდგნენ, მიეგებნენ მოკრძალებით
 და ოსმალურად სალამი უძლვნეს. მისალმების შემდეგ
 მიართვეს ძლვენი, ხილი და წავიდნენ ბინაზედ ლამის
 სათევად. რაღა მოხსენება გინდათ, რომ ბინა გამოქვა-
 ბულ სენაკში ჰქონდათ. ზედი-ზედ ძილმა გამოქვაბულ
 კლდეში უნებლიერ მომაგონა ქრისტიანობის პირველი
 დრო. ქრისტე გამოქვაბულ კლდეში დაიბადა; პირველი
 ქრისტიანენი გამოქვაბულებში იკრიბებოდნენ სალოცა-
 ვად და ღვთის სადიდებლად. მაშასადამე, ნათელი ქრის-
 ტესი და ის შესანიშნავი უმაღლესი საქრისტიანო ზნეო-
 ბა, რომელსაც „ქრისტეანობას“ ვეძახით, ქვეყანას გა-
 მოქვაბულიდან მოვლინა, ამ ვვარად გამოქვაბულს ქრის-
 ტეანობასთან დიდი კავშირი აქვს. ჩვენც, ქართველები
 ძალიან ადრე გავხდით მონაწილენი საქრისტეანო სწავლა—
 მოძღვრებისა. ეს კავშირი ხომ არაა მიზეზი, რომ კე-
 თილ-მორწმუნე მეფენი, მამა-შვილი, გიორგი და თამარ,
 დიდის გულ-მოდგინებით შესდგომიან კლდის გამოქვაბ-

ვას, ეკლესიისა და სენაკების აშენებას? თუ ეს მოსაზრება ცოტათაც არის სიმართლეს არაა მოკლებული, მაშინ აშენარა ხდება, რომ ვარძია გამოუქვაბავთ ზეციურის მოძღვრების და საქრისტეანო სწავლის განსამტკიცებლად და გასავრცელებლად. ისიც უეჭველია, რომ წარსულში ვარძიის დიდი მნიშვნელობა ექმნებოდა ქრისტიანობის ჯერ გავრცელებაში და შემდეგ მის მტკიცე შენახვაში ხოლო ამ უამად აგ რაა საფიქრებელი. ერთად ერთი გუშაგი ვარძიისა ღრმვდ მოხუცებული ბერია, რომელიც, უფალმა დიდხანს აცოცხლოს, მაგრამ ბუნების კანონს და ლვთის განგებას უნდა დამორჩილდეს წიაღსა შინა აბრაამისასა სამუდამო განსასვენებლად. მაშინ ვარძიის გამოქვაბულნი სამუდამოდ შეიკვრენ პირსა და მოგვაჭპობა გამოქვაბულიდან მოვლენილი ნათელი ქრისტესი, სწორედ ისე, როგორც მოგვაკლდა ნათელი და ნუგეშჩხარზმისა, ჭულესი, კუმურდოსი, წყაროს-თავისა და სხვანი.

იმედი მაქვს, რომ მკითხველი აღვილად მიხვდება ჩემ ფიქრთა დენას და მიმიხვდება, რომ ამ საუბრის დროს ქრისტეანობა და ეროვნობა მჭიდროდა მაქვს შეკავშირებული და განუყრელი. ძველადაც ასე იყო, დღესაც ასეა მესხეთ-ჯავახეთში. ქართველი სინონიმია ქრისტეანობისა. თუ ვარძიას უკანასკნელი დარაჯი და ჭირისუფალი მამა სიმონ მთავლდა, მაშინვე ამ უამად უხილავი მტერი მოგვტაცებს გამოქვაბულს და, მაშასადამე, უკანასკნელი სიმბოლო ჩვენის ეროვნებისა და მასთან შესისხლხორცებულ ქრისტეანობისა გაჰქრება ამ კუთხში.

მწარე ფიქრებით შეწუხებულმა გულწრფელად ვინატრე: ბარემ ჩამოინგრეს ეს უზარ-მაზარი კლდე, ლორ-ლითა და ქვით ამოავსოს გამოკვეთილი სენაკი, სამუდა-

მოდ დამარხოს. წარსული ჩვენი დიდება — თვის ნანგრევთა შორის, თორემ; როგორც ვხედავ, უთვისტომო მტერი თვალგაჭყეტილი თავს დაგვჩხავის და მალე დაეპატრონება უპატრონოს ვარძიას და ისედაც ჯაავადებულს გულს უფრო ძრიელ დაავადებს. განა არა სჯობს; დაინგრეს ვარძია, ვიდრე სხვას დარჩეს? თუ ნათელი და კეშმარიტება, გამოქვაბულიდან აღმოხდილი, მოგვესპო, ბარემ თვით გამოქვაბულიც, ეს უტყვი მოწამე წარსულისა და სიმბოლო ჩვენის ეროვნება-ქრისტეანობისა; გაჰქინეს ვითა სიზმარი ღმისა?

დაუსრულებელი არა არის-რა ქვეყანაზედ. ჩემს მწარე ფიქრებსაც ბოლო მოელოა ამ ეამად მაინც: შუა დამეს ალარა უკლდა-რა; მამა არქიმანდრიტის თანამოსამსახურე. მოძლვარნი დაბინავებას აპირებდნენ, თვით არქიმანდრიტი უარგა ხანი იყო, რაც გამოგვემშვიდობა და წავიდა სენაცის მოსასვენებლად. ვამშემი უნებებია. მეც უკირებოდი თვალის მოტყუებას. უცებ შემომესმა ტკბილი და სასიამოვნო წმინდა ქართლური სიმღერა. გამიკვირდა, ამ მიყრუებულ ხეობაში, არდაგანის ოლქის სამზღვარზე, სადაც ქართულის სახსენებელი ლამის ამოვარდეს, რა უნდა ჩვენებურს სუფრულს? მერე რა სიმღერა! ხომ იცით დღევანდელი ლხინი ქართლ-კახეთის დღეობებში, აღამიანს აღარ გაევლება იქა. გალეშილი ლოთი ბიჭები დაეხეტებიან უგზო-უკვლოდ არღნის საზიზდარი ჭყივიტინით, მღერიან ხრინწიან, ჩახლეწილ, მამლაყინ-წურ ხმით კინტოურ სიმღერებს უშვერის და უაზროს სიტყვებით, ჯამბაზურად იპრანჭებიან და იგრიხებიან, ბუქნაობენ და ვირულად ტლინჯებს ისვრიან. არა, ჯერთ არ გახლდა, ჩემ სენაკამდის სიმღერამ რომ მოაღწია. იგრიყო დარბაისლური, სევდა-ნალვლიანი და-თან ძლიერი. სწორ-

რედ ასე მღეროდნენ ამ ოცდა ათის წლის შინუდ დიდი და
პატარა, თავადი თუ გლეხი, მღვდელი და ერი. უშმაქმდ
და ტარტაროზმა წაიღოს ეს უკულმართი დრო! სიმღე-
რისა და ლხინის შნო და ლაზათიც კი დაგვეკარგა.

საოცრად იმოქმედა ჩემზედ სამშობლო სიმღერამ.
„უცხოთა“ შორის გადაკარგულს ხშირად ემართება ესა-
გულმა აღარ მომითმინა, ვეღარ გავძელ ჩამობნელებულ
სენაკში და წაველ მომღერალთა დასათვალიერებლად-
შუალამისას მათი მოძებნა ადვილი არ იყო. სენაკიდან
სენაკამდე გზა ვიწროა, ბევრგან ჩახრამული, კლდე. ჩამ-
ტვრეული და ადვილად შეიძლება გადაიჩეხო უფსკრულ-
ში. ლეპისის მამასახლისი ჩემს ახლო იყო და იმის შემ-
წევბით მალე მივაგენ მომღერლების სენაკს. ხუთიოდ-
ექვსიოდე მამა-კაცი შემოსხდომოდა ლურჯ სუფრას, შავო
ჩოხები ეცვათ და პატარა კახური ნაბილის ქუდები ეხუ-
რათ. მოსუფრალთა სამზ დედაკაცი დასტრიალებდა თავ-
სა, თავშალწაკრულები და მცირედად... კაბა-აწეულნი-
ეტყობოდათ, ფუსფუსი გაეთავებინათ და მამა-კაცებს
გვერდზედ მოუსხდნენ. მოქეიფენი შეზარხოშებულიყვნენ
და ბულბულივით თვითონვე სტკრებოდნენ თავიანთის
სიმღერით.

გზაში მამასახლისს ვსთხოვე — ჩემი ვინაობა არ გა-
ემხილა, თორემ გულიან საუბარს დაგვიშლიდა. ამ „გა-
დარჯულებულს“ მხარეს მთავრობის კაცი, თუნდა ეს კაცი
ადმინისტრაციის წევრი არ იყვეს, აგრე რიგად არ ეპიტ-
ნავებათ.

სალამ-ქალამის შემდეგ, სენაკში რომ შეველი, ერთ-
მანერთის ვინაობა მოვიკითხეთ. დიდ-თონელები აღმოჩნ-
დნენ, ტფილისის მაზრიდან, ანუ ძველებურად რომ
ვსთქვათ, საბარითიანოდან. დიდათ ვაეხარდათ, როცა

შეიტყოს, რომ კოტე ყავრიშვილის ნაცნობი ვიყავი. ამ წაცნობობამ ისე დაგვაახლოვა, თითქო განუშორებელი შეზობლები ვყოფილიყავით,

— აქ რამ გაგაჩინათ, ვარძიას როგორ მოხვედით? წუ თუ საბარათიანოდან განგებ წამოხვედით სახლობით სალოცავად?

— არა, ბატონი, განგებ იქ სიშორიდან ვინ წამოუიდოდა. ცხვარი აქ ახლოს გვიყენია, ჩალდირში, არღავანის ოლქში. პასკევიჩმა გვიბოძა საძოვარი აღვიღლი და ყოველს ზაფხულს ცხვარი ამოვევიდის საბალაზოდ; რაკი ასე ახლო ვდგევართ, ვარძიას ჩამოვდივართ ხოლმე ლაშის სათევად ამ ბეჭნიერს დღეს.

IX

გენერალ-ფელდმარშალი ი. თ. პასკევიჩი მთავარ-მართველობდა საქართველოში 1827 წელს 27 მარტიდან 1831 წლის აპრილამდე. თ. ციციშვილიდან დაწყებული-თ. ვორონცოვამდე საქართველოს მთავარ-მართებელი ეომებოდნენ ისმალეთსა და სპარსეთს „საქართველოს“ სახელით. ყირიმის ომის დროს ეს სახელი და საბაბი და-ვისა თითქმის აღარ იხსენიება, შემდეგ ხომ მისი სახსე-ნებელი სრულიად წაიხოცა და გაჰქრა. სწორედ ამ პას-კევიჩმა გამოჰველიჯა ხელიდან ისმალეთს მესხეთის ნაწი-ლი და დაუბრუნა საქართველოს მისი ძველი სამკეიდ-რო. ვარძია უ საქართველოს ამ სარდლის დროს შემო-უერთდა.

დიდ თონელებმა მიამდეს, რომ პასკევიჩმა ჩვენს მამა-პაპას უწყალობა, უხლა რომ საძოვარი აღვილები გვი-

ჭირავსო. გაგვიგონია, რომ პასკევიჩისათვის რაღაცა დიდი სამსახური გაუწევიათ ჩვენებსაო.

ფრიად საყურადღებოა ეს მოთხრობა. მე მეგონა, რომ ქართველი კუტივით უძრავია და თვითთა ურუსული მეხიცა ვერ შეანძრევს მის დუნცხლასა-მეთქი. თონელების ისტორია კი წინააღმდეგს გვასწავებს. სჩანს, შესაძლებელი ყოფილა, ხელი რომ გაენძრია ვისმე, ან უნარი და ეროვნული წინდახედულობა გამოეჩინა, მთელი ახლად შეძენილი ნაწილი მესხეთისა, ჯავახეთი და ახალციხე, სულ ქართველობით მოგვეფინებოდა. ცოტაოდენი მართლმადიდებელნი ადგილობრივ მოიპოვებოდა, ნაწილი გამაპმადიანებულთ ქართველობისა სიხარულით დაუბრუნდებოდა ქართველობას, რადგან სარწმუნოება გამოეცვალათ შიშისა და დევნისა გამო და ჯერ ქართველური გული არ გასცივებოდათ. მაშასადამე, ერთი ხუთასიოდე კომლი რომ მოგვეძებნა, ორთავე მაზრას დავიკერდით, მაგრამ მაგარი ის არის, რომ საქართველოს გულშემატკივარი პატრონი არ გამოლეჩნდა და ერთ შელებულ კუთხისკენ არავინ გადმოასახლეს.

1829 წელს ახალციხის ოლქის უფროსად იყო დიდად ცნობილი ჩვენში ქართველი თავადიშვილი ვასილი იოსების ძე ბებუთაშვილი და, ჩემის ფიქრით, ამ ქართველ კაცის უფროსობის დროს სულ დღიული იქნებოდა მესხეთის უესება ქართველებით. მაშინდელი რუსის მთავრობა ამ კეთილის განზრახვის ასრულებისათვის მარტო სისხლის ჯვრით“ არ დაჯილდუვებდა „მამულის მოყვარე“ ქართველ მოღვაწეს, კაი ზორბგ რომელისამე გაქცეულის ბეგის მამულსაც უწყალობებდა. სწორედ სასიამოვნო იქნებოდა მთავრობის თვის ქართველთა კოლონიზაცია. რუსის მთავრობის მართვა-გამგების შესწავლამ

მეცხრამეტე საუკუნეში ამიერ-კავკასიასა და საქართველოში მათქმევინა აქ მოყვანილი მოსაზრება. ნურც იმაზე ამიხირდებით, რომ თ. ბებუთაშვილი, როგორც სომხის ჩამომავალი, თანაგრძნობით არ მოეკიდებოდა ქართველთა კოლონიზაციას, თუ კი უინმე ამ საქმეს ითავებდა და პასკევის თვალს აუხელდა, სომეხთა ტომის ქართველთა თავადიშვილებმა ყარაბაღელთა და ერევნელთა გავლენით დღეს დაიწყეს „აზგასერობა“, თორემ მაშინ, 1829 წელს, სად იყო ეს ახალი ხილი? წარსულ საუკუნის დასაწყისში დიდი და საპატიო იყო ქართველის სახელი. ვინ იფიქრებდა მაშინ, რომ ორმოც-სამოცის წლის შემდეგ ქართველის სახელი ვიგინდარების და ყვავ-ყორანთა საკორტნელად გარდაიქცეოდა!

ესეც კია სათქმელი, რომ მაშინდელის საქართველოს სოციალური წეს-წყობილება გულს დაუთუთქავდა, კიდეც რომ გამოჩენილიყო მაღლიანი პატრიოტი. რუსობის დროს ჩვენებური პატრიარქალური ბატონ-ყმობა ფრთხებს ისხავდა და, „ვარდივით იფურჩენებოდა“. ვაქცეულ ყმებს თავადები გამოუყენებლნენ ხოლმე წვრილ-ფეხა აზნაურებს და იკერთნენ, საცა კი მოასწრებდნენ, როგორც იჭერენ გარეულს ცხენს ქამანდით.. რომელი თავადი გაიწყვეტდა „ლუკმა პურს“ და გაუშვებდა ნება ყოფლობით თავის მარჩენალს ყმასა?

საცელესიო და სახასო გლეხნი? არც ამათ უჭირდათ ისე, როგორც ეხლა და ადვილად არ აიბარგებოდნენ მამა-პაპეულიდგან. ჩვენ მაინც ვფიქრობთ, რომ თუმცა დაბრკოლება დიდი იქნებოდა, საქმე კეთილად დაგვირგვინდებოდა, თავი რომ ვისმე გამოედო. ოლონდ გლეხი ბლომად მამულს დაპირდი, შეღავათ აღუთქმი და სად არ წავა? კარაპეტა ეპისკოპოსისთანა ან პოლკოვნიკ ლა-

ზარე იაკიმის ძის ლაზარევისთანა კაცი რომ გამოჩენილიყო ჩვენში, მაშინ პნახავდით, როგორ დაითრგუნებოდა ყოველი დაბრკოლება.

რაკი პასკევიჩმა თვით საქართველოში „მუშტარი“ ვერ იშოვნა მესხეთის დასასახლებლად, სომხები წამოიყვანა არზრუმიდან. ბ-ნ ეზოვის ცნობით, მაშინ მოსულა 14,000 ოჯახი. დაბინავდა ზოგი ქ. ახალციხესა და ახალქალაქს, ზოგი—მაზრებში, ზოგი—გუმბრისა და მის მაზრაში და ზოგიც გაიფანტა ამიერ-კავკასიაში.. აი სწორედ ეს შემოხიზნული სომხობა და ჩვენსავე დარჩენილი თარიქამა-ქურთობა რკინის რგოლივით შემოველო ვარძიას. უკვე მოგახსენეთ, რომ მხოლოდ ოთხი პატარა სოფელი: აფნია, გოგაშენი, აგარა და ზედათმოგვრ ობლად შესცემის ვარძიას-მეთქი. მაშინ ნულარ გეუცხოვებათ ჩემი გაკვირვება და სიხარული, ოდეს შემომესმა ვარძიობას შორიდან მშობლიური „სუფრული“ და სიამოვნებით ამიძგერა გული.

მეორე დღეს, 15 მარიამობისთვეს, ძალიან იღრე დაიწყო ერმა დაშლა. ლვოს-მშობლის დიდ ეკლესიაში შეველი და მლოცველთა ფიზიონომიას ვაკვირდებოდი. სწორედ ბევრი რამ მეუცხოვა. მლოცველთა შორის ძალიან ბევრი შევამჩნიე ბერძნობა. რა ვქნა, საიდან გაჩნდა ამოდენა ბერძნი აქ, ამ სიშორეზე? მთელ ახალქალაქისა და ახალციხის მაზრაში მხოლოდ ერთი პატარა სოფელია, სულ 18 კომლიანი, სახელად მიქელწმინდა, ქ. ახალციხის ახლო: კიდევ გორის მაზრის ს. ციხისჯვარი, ბერძნებით დასახლებული, ცოტათი ემხრობა ვარძიას. მორჩა და გათავდა. მაშ, საიდან მოზღვავდა. ამდენი ბერძნობა? კითხვა-კითხვით გავიკვლიე, რომ ბერძნები მოსულან ბორჩალოდან, წალკიდან, რატევნიდან,

ბორჯომისა და ატენის ხეობიდან (მარტი ბორჯომიდან ვარძიამდე 110 ვერსია), ყარსიდან, განჯიდან, და კიდევ, უნ იცის, საიდან. ასე გაშინჯეთ, უურძენიც კი მოეტანათ საკურთხევლად. ეს კიდევ არაფერი: ისე გულმოდგინედ ლოცულობდნენ, ისეთ დიდ ჭელაპტრებს ანთებდნენ, რომ სწორედ საკვირველი იყო. ეს რა აშბავია, — ვეკითხები ჩემს თავს, — რად ეტანება ასე გულმხურვალედ ეს სამშობლოს მოკლებული ერი ვარძიას? ხომ არა ჰსურს აქ, ვარძიაში, იპოვნოს ისრაელივით გაბნეულმა. ერმა თვისი „წმიდათა წმიდა“, დასღოს საფუძველი და მერმე... დაისაყუთროს? ეჭვების ბლანდების ბადეში გავები. კარგად ვიცნობ. დღევანდელს „გაოსმალოებულს“ ბერძნენს, რომლის ძარლვებში კლასიკურის ბერძნის სისხლი. ნაკლებად სჩქეფს, უფრო კი იმ ველურ სლავიანთა ტორმისაა, ბალკანეთსა და პელოპონეზს რომ შეესია. ვარძიაზე ნაკლებ არ არიან განთქმულნი საქართველოში სხვა საყდარ-მონასტერნი უფრო სამხრო მათთვის, ვიდრე ვარძია, რატომ იქით არ მიიკლავნ თავსა ეს ჩვენი მეორე „პატივცემულნი სტუმარნი“, თუ მართლა მარტორდენ რელიგიური გრძნობა აგულიანებს და აღფრთვანებს? მე ჩემად გამოკანა გამოვიცანი და თქვენი რა მოგახსენოთ. მოისმინეთ.

„შესანიშნავის და სახელ-მორჭმულის აბაშეთის რაინდის აშინოვის თანამოლვაწე არქიმანდრიტ მამა პაისის დამკვიდრება-მდე საფარას, „დიდებულ მესხეთის“ ამ მეორე ბურჯსა, დარაჯობდა მხოლოდ ერთად-ერთი. ქართველი მწირი, სახელად ქრისტესია. ბევრჯელ მინახავს. ყმაწვილობაში ეს თავგადადებული მამულისშვილი შუაგულ ქართლში, საზრდოს მოსაგროვებლად რომ დადიოდა. რა მაფიქრებინებდა მაშინ, პატარაობისას, თუ ეს:

მათხვარა მწირი ლიტის გახდებოდა ძუღლისა და ჩემის
თვალით ვნახავდი ქრისტესის „გაპატიოსნებას“. არქი-
მანდრიტი მამა პაისი რომ დაბინავდა საბოლოოდ რიცხვ-
მრავალ კრებულით საფარას, სადაც მწირის მტარვალო-
ბას და უამთა ვითარებას გადარჩა ცამეტი თლილის ქვის
ეკლესია, სხვათა შორის წმიდა საბასი, სადაც დახატულია
ფერადის სალებავით სარგისი, სამცხეს სპასალარნი: ყვარცვა-
რე, შალვა და ათაბეგი-ბექა, მანდატურთ-უხუცესი, დამ-
ფუძნებელი და გამამშვენებელი ტაძრისა, — საწყალს ქრის-
ტესიას, როგორც მეტ-ხორცს, აეკრიფთა გუდა-ნაბადი და
აბარგულიყო. ის კი აღარ ვიცი, დაიბერტყა გულ-დამ-
წვარმა მწირმა ქრისტესიამ ფეხთა თვისთაგან მტვერი და
დასტოვა საფარას, თუ არა.

ბერი ქრისტესია უბერო საქმედ ვერ დარჩებოდა,
როგორც თევზი უწყლოდ. თვის საყვარელს საფარას
რომ განშორდა, დაიწყო თურმე ძებნა საქართველოს
სხვა ნატაძალისა, მალეც იპოვნა, რადგან ქართველს
დიდხანს არ მოუნდება ძებნა წარსულის ნაშთისა. ბორ-
ჯომის ხეობაში გამოეძებნა ერთი გაოხრებული მონას-
ტერი, შეკვედლებოდა და დაეწყო მისი ჩვეულებრივი
გამშვენიერება. სამუდამო განსვენებაც ქრისტესიას აქ
უპოვნია: იგი გარდაცვლილა 30 მაისს 1892 წ.

ახალციხის ქართველობას კარგი უნებებია, რომ გა-
უხსენებია ღვაწლი თვისის მოამაგე. ბერისა და მცირე
ძეგლი დაუდგაშს: საფარას ქვის ზღუდე აღგია. ძეგლი
სწორედ ალაყაფის კარწინაა. მართალია, საფარას მო-
მაგე და მოჭირნახულე ღირსი იყო, რომ ზღუდეთა შო-
რის აეგოთ ძეგლი და არა გარედა, მაგრამ ესეც კარგია.
ალბად ახალციხელმა ქართველი იბამ შიგნით ვერ მოა-

ხერხა შეგლის ოგება, ჰინაიდგან დღევანდელი ქართველი ძველებურად აღმართს ვეღარა ჰქნავს.

შეგლს რუსულ-ქართული წარწერა აქვს. ქართულად ასეა: „გხალციხის ქართველთა საზოგადოებამ ნებართვით მეუფე საქართველოს ეგზარხოსისა აუგეთ შეგლი 1893 წ. ბერს ქრისტესის სახსოვრად მისის დაუღალავის შრომისა საფარის მონასტრისათვის. რუსულად: „Ахалцихское грузинское общество съ разрѣшением владыки Экзарха Грузии воздвигло памятникъ сей въ 1893 г. рясофору Христесио въ память неутомимаго труда его для Сафарского монастыря. Погребенъ 30 мая 1892 г.”

საფარის ქრისტესია ბერი მაინც დარჯობდა და გუშაგობდა, წელიწადში ორჯელ-სამჯელ მაინც აანთებდა სანთელს საბას ეკლესიაში და მტკერს მოაცლიდა ამ ტაძრის ამშენებელს ბექას, მესხეთის ამ შესანიშნავს კანონ-მდებელს, — ვარძიისთვის ბედმა მწირიც კი (რიასოფორი) დაიშურა.

1854 წლამდე ვარძიის გამოქვაბული მონასტერი, მისი მშვენიერი წარუხოცელ ფერადებით შემკული ეკლესია დიდებულ თამარის სურათით „ძალლისა და ღორის“ ანაბარად ყოფილი დაგდებული. ამ წელს ოსმალეთიდან გამოქცეული ვიღაც ბერძენი, გვარად პაპანდობულო. როგორც მომეტებული ნაწილი ოსმალეთიდან მოსულ ბერძენთა, ეს პაპანდობულოც ქვის მთლელი კოფილა. შემთხვევით ფარძია უნახავს და ფიქრად. მოსულია მონასტრის აღდგენა. მაშინდელ ეგზარხოს ისიდორ რესაგან ნებართვა აუღია და საქმეს შესდგომია. ეკლესია გამოუგვია, ალაგ-ალაგ გზები შეუსწორებია, იაფ-ფასიანი კანკელი დაუდგაშს, აი სოფლის ყავრით დახურულ ხის

ეკლესიებში რომაა ხოლმე, იმისთანა, ერთის სიტყვით, ლვთის მშობლის დიდი ტაძარი საკურთხევლად მოუმზადებია.

ურნალი „მწყემსი“, რედაქცია დეკანოზ დ. ლამბაშიძისა (იხ. დревній Вардзійскій монастырь, გვ. 14) გვიამბობს, რომ ვითომ არქიეპისკოპოსს ეკლესის ვარძია დაუთვალიერებია 1857 წელს და უკურთხებია პაპანდოკულოს მიერ გამზადებული ეკლესია, კურთხევის შემდეგ მალე განუწესებიათ წინამძღვარი კრებულით. ყოვლად სამღვდელო კირიონი კი თავის შესანიშნავ მეცნიერულ გამოკვლევაში, რომელიც აშენებულია საარქიფო მასალასა და დოკუმენტებზე, ამბობს, რომ საქართველოს ეკლესის განაგებდა მიტროპოლიტი ისიდორე 1844 წ. 12 ნოემბრიდან 1858 წლის 1 მარტამდე. (იხ. ჩრატკის იური გრუზინული ცერკვი ეკვარქათა ვა 19 სტოლპიტი, გვ. 23). თუ მართალია, რომ ვარძიის დიდი ეკლესია უკურთხებიათ 1857 წელს, მაშინ ისიც მართალი იქნება, რომ იგი უკურთხებია ეკლესის კი არა, — მიტროპოლიტ ისიდორეს, რომელიც მწყემსმთავრობდა საქართველოს ეკლესის 1858 წელს 1 მარტამდე.

პიონერობა ვარძიის განახლებისა ეკუთვნის ოსმალოელ ბერძენ პაპანდოკულოს. ეს კეშმარიტი ამბავი კეშმარიტად დარჩება. „მწყემსის“ მიერ დაბეჭდილი ბროშურა (1—14 გვ.) სხვა ლიტერატურაც მიაწერს პაპანდოკულოს. ლვთის მოშიში და სწორედ ნამდვილი ქრისტენე იყოვთ. სული შეუშფოთდა, ასე გავერანებულ გაოხრებული რომ იხილა საქართველოს ძევლი შესანიშნავი საქრისტენო სახსოვარი და, აღტყინებული რელიგიურ გრძნობით, საქმეს შეუდგაო.

შორიდან პაპანდოპულოს ამბავი ისე გვეჩვენება, რომ მაღლობის მეტი არა გვეთქმის-რა, საქმით კი ცოტა სხვა ელფერი ედება მის ხასიათსა და ნამოქმედარს. პაპანდოპულო იმასაც კი ვერ ელირსა, რომ ვარძიაში და-საფლავებულიყო. სადღაც, ვარძიის გარეთ, მიუბარებიათ-ცივ დედამიწისთვის პაპანდოპულოს გვამი. მთავრობას-არ მოესურვა მისი „გაპატიოსნება“ და ლირსად არ ეც-ნო, რომ ვარძიის „განმაახლებელის“ გვამი ვარძიაშვე დამარხულიყო. ნამდვილი მიზეზი ასეთის სასტიკობისა-არ ვიცი, გაგონებით კი ეს გავიგონე, რომ ბატონი პა-პანდოპულო ვითომც გაკრეპილი მლვდელი ყოფილიყოს, რაღაც ბოროტებანი ჩაედინოს სამშობლოში და, რომ თავიდან აეშორებინა ლირსეული სასჯელი, საქართველო-ში გამოქცეულა.

ამ ოცის, ოცდა ათის წლის წინად ხშირად შეხვდე-ბოდით რუსეთსა და საქართველოში მაწანწალა მლვდლებს, რომელნიც გულ-უბრყვეილო ერში ბლომად აგროვებ-დნენ ხორბალსა და ფულს. ჩვეულებრივ თავს იყარუ-ნებდნენ, ოსმალებმა დაგვარბიეს, ეკლესია დაანგრიეს, სოფელი ამოაგდეს და მრევლი გაგვიულიტესო. ან კიდევ შესაწირავს აგროვებდნენ ათონისა და იერუსალიმის ტაძარ-მონასტრებისთვის. მათს ვინაობას არავინ იძიებდა. და ისინიც თამამად ჰკრეპდნენ უბრალო ხალხსა და მდი-დარ ვაჭრების ცოლშვილს.

მთავრობამ რომ გამოიკვლია. მათი ვინაობა, ვინ იცის, რა არ აღმოჩნდა. ზოგი კაცის მკვლელი გამოდ-გა, ზოგი სათოკე ყაჩალი, ზოგი კიდევ ცრუპენტელი, მატყუარა, გაიძვერა და ვერაგი. ეს კიდევ არაფერი. მართლ-მაღიდებელ მლვდლობას ირქმევდა სომეხ-გრიგო-რიანი და კადნიერად ვაჭრობდა მრაბიო ხალხის წმინდა.

რელიგიურ გრძნობით. ამისთანა ლირფებს თვით სოშხის ერთა კოხტა და მოხდენილი სახელი უწოდა, „ხაჩაგო-
გია“, ანუ ჯვრისპარია. — ვარძის განმაახლებელი პაპა-
ცოცულო, ვინ იცის, ეგები, ხაჩაგოგის ჯურის მოღვაწე
გახლდათ.

პაპანდოპულოს მიერ აგებული კანკელი ერთი რა-
ლაც უშნო, ულაზათო ნათუთხნია. აფსუს, დიდებულო
ტაძარი, რომ მარტო ასეთი „შეკეთებას“ ელირს და
მერე ვისგან? მაწანწალა, ოსმალეთიდგან მოთრეულ ბერძ-
ნისაგან!

კანკელის სიგრძეზე, ზედ აღსავლის კარზე, ბერძ-
ნული წარწერაა. სწორედ დიდი სირცხვილია და თავის
მოჭრა, რომ თამარ დედოფლის მიერ აშენებულს ეკლე-
სიაში დღეს წარწერაა გამოკიმული ვიღაცა უთვისტოში
პაპანდოპულოსი აღსანიშნავად აღბად იმ ამბისა, რომ
დანგრეული ტაძარი განაახლა და კანკელი ააგო ოსმა-
ლეთიდან ჩამოსულმა პაპანდოპულომ სადიდებლად ღვთო-
სა, საოხად სულისა თვისისა. და მისატევებლად ცოდვა-
თა. ცოდვათა შიტევება რომ ეჭირვებოდა პაპანდოპუ-
ლოს, ეს გარკვევით ვიხილეთ, მაგრამ მაწანწალა კაცის
ცოდვათა მისატევებლად და საოხასპარეზად განა თა-
შარის, ამ საქართველოს ღვთაების და ბრწყინვალების ემბ-
ლემის, ტაძარი უნდა გახდეს? გესლითან ირონიაა, და?
ცინვა ბედისა, მაშ რა არის?

პაპანდოპულოს ჩინოკედელაობა, მისი სურვილი,
რომ ვარძიაში დაკრძალულიყო, ბერძნული წარწერა კან-
კელზე — გარდაქცეულა იმ ანდამატად, რომელიც იზი-
დავს ბერძნობას ვარძიობას, თორემ კარელ, განჯელ
და წალკელ ბერძნებს რა მოაჩევენებს ამ სიშორეზედ
სალოცავად? განა ცოტა საქართველოს ვანთქმულო

წმინდანები მათ ბინის ახლოს? ვარძიას თავისი საკუთარი „წმინდანიც“ კი არა ჰყავს, როგორც, მაგალითებრ, თო-თო-ოროლა ეკლესიას, სასწაულთ-მომქმედი ღვთის-შობელი, ან სარკეს წმ. გიორგი, ილორისა და სხვა. ოლონდაც რომ არის, მაგრამ ეტყობათ, რომ ოხრად დატოვებული ქართველთაგან გამოქვაბული მონასტერი, სადაც უკოდვილია პაპანდოპულოს, წიშანში ამოულიათ და ჰლამიან წარიტაცონ, ვინაიდგან ადვილია მისი და-ჩემება, და გარდაპეტნან თვის ეროვნულ „სიწმინდედ“.

იქნება ბერძნებს იზიდავს ქვისა და ლოდის ტრფია-ლი? მოგეხსენებათ, რომ ბერძნებს დიდად ეხერხებათ ქვის და ლოდის ტეხა, გამოკუთხვა, დარგვალება და გალამა-ზება და, რადგან ვარძია კლდეშია გამოქვაბული, იმისა-თვის გული აქეთ უფრო უწევთ. ქვა და ლოდი დიდის სიამოვნებით დაგვითმია მათთვის, მაგრამ ჩვენს ისტო-რიულ ნაშთთან რა ხელი აქვთ? ნუ თუ ჩვენი სამღვდე-ლოება ისე დაძაბუნდა, ისე დაკნინდა, რომ აღარ შესა-წევს ზნეობრივი ძალა მოსეულს ხმა-მაღლა უთხრის — შორს ჩვენგან, ეშმაკეულო და განვედი, კათაკმეველო-ვი? ალბად დაკნინდა, რომ მარტო მრევლთან დაუი-დარაბაში ამოსდის სული... ეროვნული ეკლესიის ინტე-რესის დაცვა და ზრუნვა სხვას ჩააბარა და თვითონ კი მარტოოდენ მსუქან ტაბლებისათვის ჰერიქობს...



სამშობლო ქვეყანა

დედა მიწის ზურგზე ბევრი ქვეყანაა და ბევრი სხვა და სხვა ტომის ხალხი სცხოვრობს. ჩვენი პატარა სამშობლო უძველესი ქვეყანაა და მისი წარსული ცხოვრება ათას წლობით ითვლება. ჭირი და ვარამი იმოდენა უნახავს, იმოდენი უბედურობა და ტანჯვა დასტეხია თავსა, რომ ძნელად იქნება საღმე სხვა კუთხე და ხალხი, რომ ამოდენა განსაცდელი გამოეაროს და არ გამქრალიყოს. ჭირსა და ვარამთან ერთად საქართველოს კარგი და ბედნიერი დღეებიც ბევრი ჰქონია, თამამად და გაბედულად უცხოვრია, სიკეთე უთესია, გონება გაუბრწყინებია და მეზობლობაში საპატიო სახელი შეუძენია.

ასე ჭირნახულია ქართველი ერი წარსულში და შეუძლებელია, რომ მომავალიც ბეღნიერი არა ჰქონდეს. ფრიად საჭიროა მხოლოდ, რომ ვიცოდეთ, როგორ ყოფაშია დღეს ჩვენი ჭირნახული ქვეყანა, როგორ ცხოვრობს ქართველი კაცი და ცხოვრებისა რა საღსარი აქვს ხელში. საჭიროა აგრედვე ვიცოდეთ, ვინა სცხოვრობს ჩვენ მეზობლად, სადაურები არიან და როდის დასდეს პინა ჩვენს მიწა-წყალზე.

ბუნება საქართველოსი მრავალ ფეროვანია, ერთი კუთხის ჰავა და ნიადაგი მეორისას არა ჰგავს. არც ცხოვ-

რება გვქონია და გვაქვს ერთ-ფეროვანი. ასე გასინჯეთ; სახელიც კი ერთი არა გვაქვს. სხვა და სხვა კუთხის ქართველი ტომი თავისებურ, საკუთარ, ადგილობრივ სახელს ატარებს. ალბად ეს გარემოება დაიხვია ხელზე რუსის მთავრობამ და ქართველის ტომის კაცი სხვა და სხვა ხალხად ჩასთვალა, ვითომც მათ საერთო არა აქვთ-რაო. ჩვენ ქვეყანას საქართველოს მაგიერ „გრუზია“ უწოდეს და ჩვენ, ქართველებს, კიდევ „გრუზინებია“. მეზობლებიც ასევე უკულმართად მოიქცნენ. ზოგმა ჩვენს სამშობლოს „გეორგია“ უწოდა, ზოგმა „ეკორეუი“ და ზოგმა კიდევ „გრუჯისტანი“. ამ გვარი არევ-დარევა სახელისა და ერთის ერის დანაწილება და დაწიწვნა დიდი შეცდომაა და წინაღმდეგი როგორც მეცნიერებისა, აგრძელებუნებისა და კეშმარიტებისა.

არც სარწმუნოებითა ვართ ერთფეროვანნი ქართველები. არიან ისეთი ქართველები, რომელნიც ქრისტეანობას მისდევენ ბერძნულ მართლ-მაღიდებლობის წესით, არიან ისეთებიც, რომელნიც ალიარებენ ქრისტენობას კაფოლიკობის წესით და ისეთებიც, რომელთაც მაპშადიანობა უჭირავთ: მოიპოვება ჩვენში ისეთი ქართველიც, რომელიც ქრისტეს აღიდებს წმინდა გრიგოლის წესით.

სხვადასხვაობა ადგილობრივ, თემურ სახელწოდებისა; სხვადასხვაობა სარწმუნოებისა და რჯულისა არა ნიშნავს სხვადასხვაობას ერისას. სარწმუნოება და თემური სახელები, მართალია, განსხვავდება, მაგრამ ქართველი ერი იყო და არის ერთი და განუყოფელი, თუნდა იმერელი და ქართლელი ერქვას, თუნდა გურული და კახელი, თუნდა მესხი და აჭარელი.

მაშ შევუდგეთ საქმეს და ნაწილ-ნაწილ გადავშა-

ლოთ და ვიხილოთ, თუ სად და როგორ ცხოვრობს ქართველი კაცი. გზა და გზა მეზობლებიც მოვიხსენიოთ ხოლმე, რაღან ეგენიც დიდი ხანია ჩვენს ქვეყანას შე-მოეხიზენ და ჩვენთან ეწევიან ცხოვრების უღელს და ჭაპანს.

I

სამცხე-საათაბაგო.

დღევანდელი ახალციხის მაზრა მესხეთის, ანუ ზემო-ქართლის ერთი საუკეთესო ნაწილია. მესხეთის ამ კუთხეს, ოსმალების ბატონობის დროს (1626 – 1828 წ.), ეძახდნენ ახალციხის საფაშოს, ან ფაშალიყს. წინად, ვიდრე ოსმალონი ჩაიგდებდნენ ხელში მესხეთს, ქართველები და თვით მესხნი ეძახდნენ ამ კუთხეს „სამცხეს“. რაღან აქაურმა მთავარმა, ესე იგი მესხეთის პატრონ-ბატონმა ათაბაგობის წოდება დაიჩემა, „სამცხეს“ სახელს საათაბაგოც მიუმატეს და ამ გვარად განჩდა ორპირი სახელი. ისტორიაში მოხსენებულია კიდევ ერთი სახელი მესხეთის ამ ნაწილისა. ესაა ოძრხე. ეს იმ დროის სახელია, როდესაც საქართველო საერისთავოებად იყო დაყოფილი და აქაურ მთავარ-ერისთავს უძახდნენ ოძრახოსის მთავარებს.

ახალციხის მაზრა, იგივე სამცხე-საათაბაგო, პატარა ქვეყანაა. უჭირავს სულ 2333 ოთხ-კუთხი ვერსი, ანუ 486,036 დღიური (243,018 დესიატინა). აღმოსავლეთით უდევს ორიალეთის მთა, დასავლეთით აჭარისა, ჩრდილოეთით — ქართლ-იმერეთის უღელ-ტეხილი და სამხრეთით ჩალდირის მთები. ამ სამზღვართა შორის სკხვრობს ამ უამაღ სულ 78,100 სული, ქლი და კაცი.

სამცხე-საათაბაგო მთა-გორიანი და კლდიანი ქვე-
ყანაა, დასერილი ხეობებით და ლელე-ლრანტეებით. უფ-
რო დიდი ხეობაში ესენია: ბორჯომისა, აწყურისა, წნი-
სისა და მუსხის ვიწროები, ოშორისა, ხერთვისისა, ურავ-
ლისა, ფოცხოვისა და ჯაყის-წყლისა, ქვაბლიანისა და
აბასთუმნისა. ბლომადაა წყარონი და მღინარენი, დიდნი
და ჩქარად მომდინარენი. დიდი მღინარე მტკვარი თითქ-
მის შუაზე ჰყოფს სამცხეს და ჭალიან ჩქარა მოდის.
ხერთვისისა და ბორჯომის ვიწროებში ისე ჰქებს, რო-
გორც თერგი, ან რიონი რაჭაში. მშვენიერი და საამო
სანახავია წყალდიდობას ჯაგარ-იყრილი, აზეირთებული
მტკვარი. პოეტ ნ. ბარათაშვილს აქ „ოთხ ენახა მჩქეფარე
მტკვარი, „მოღუდუნეს“ აღარ დაუძახებდა.

მტკვარს გარდა შემდეგი მოზრდილი მღინარენია
საათაბაგოში: ფოცხოვის-წყალი, ჯაყის-წყალი, ურავლი-
სა, ქვაბლიანისა, აბასთუმნისა და წნისისა. მთის მღინა-
რები სავსეა კალმახით, იცის აგრედვე ციმორა და მურ-
წა. შემოდგომა-ზამთარს მტკვარზე აკეთებენ ოჩებს და
ბლომად იქერენ თევზს. აქაური ოჩის თევზი ისევე გემ-
რიელია, როგორც გორისა.

აქაური წყარონი ტკბილია, მშვენიერი და კარგი.

ზამთარი აღგიშუ-აღგილ ციცი და დიდ თოვლიანია;
აღგილ-აღგილ კი ფრიად თბილი და ზაფხულს შეზავე-
ბული. ჰავა ჯანმრთელობისთვის მარგებელია. რაღან აქ
ჭაობები და დაგუბებული წყალი არ მოიძებნება, ამი-
ტომაც არ იცის ციებ-ცხელება, როგორც სამეგრელოს
და ზღვის-პირის აფხაზეთმა.

ველ-მინდორი სამცხე-საათაბაგოს ძრიელ ცოტა აქვს.
ან კი საიდან იქნება აქ გაშლილი მინდორი, როდესაც
მთელი ეს კუთხე მოფენილია. მოსაზღვრე მთა-გრეხილთა

ტოტებით *). ქართლ-იმერეთის უღელ-ტეხილზე, რო-
მელსაც ეძახიან. აგრედვე ვახტანგის მთას, ან სურამის
ქედს, აკარისა და არსიანის მთის მწვერვალებზე ზაფხუ-
ლობითაც არ იღვვა თოვლი. მხოლოდ მყათათვის გრ-
სულს ღნება. ამ მაღლობებზე ძველი თოვლი. მარიამო-
ბისთვის გასულს, ან ენკენისთვის დასაწყისში ხელ-ახლა-
მოდის ახალი თოვლი და თეთრ ბოხოხა ქუდივით გა-
დაეფარება ხოლმე მესხეთის ამ ნაწილს.

სამკურნალო წყლებითაც მდიდარია სამცხე-საათაბა-
გო. განთქმულია უფრო აბასთუმნის წყალი, პლატესი,
ურავლისა და ასპინძისა. აბასთუმნის სამკურნალო წყალს.
ასე აგვიწერს ბატონიშვილი ვახუშტი (*): მთის კალთას,
გამომდინარებს ფრიდ დიდი და ცხელი წყარო, მდუღა-
რის მზგავსი. კლდეზე აშენებულია აბანო და ბანაობენ
მრავალნი, რადგან არჩენს ქარით დახუთვილსა, მუწუ-
სა და ბუგრსა, მკურნალთაგან ძნელად საკურნებელსა.

სამცხე-საათაბაგო. განთქმული იყო ძველად ბუნებრე-
სიუხვით და ნაყოფიერებით. მრავალი ჯურის ხილი ხა-
რობდა და მოდიოდა ყოველნაირი მარცვალი. მრავალი
იყო ვენახი, ბალი და სავარდე.

დღეს, ევროპაშიც არ მეგულება, გარდა ბოლგარე-
თისა, ვარდის ბალები, ანუ სავარდენი. ეტყობა, ჩვენს
წინაპრებს დიდად ჰყვარებიათ ვარდი, რომ ვარდის ბა-

*) ლეპისის ველ-მინდორი, ვარძიის შესანიშნავ მონასტერის
რომ თავს დაჰყურებს, უფრო ჯავახეთს წააგავს და მთავრობამ
ტყუილად მიაჟერა იგი აზალციხეს. ლეპისი უტყეო და მოტიტ-
ლებულია, როგორც ჯავახეთი.

**) ეს ის ისტორიკოსი და გეოგრაფია, რომელმაც დაგვიტო-
ვა შესანიშნავი წიგნი: აღწერა საქართველოისა. წიგნი დაუსრუ-
ლებია ვახუშტს 1745 წ. რუსეთს, საჭაც გადახვეწილი იყო:

ლები უშენებიათ, არ სწორედ ისე, როგორც იაპონელს
უყვარს თითქმის გაგიუებით ვარდ-ყვავილი. უეჭველია,
სავარდებს მარტო სასიამოვნოდ არ გაიჩენდა მესხი და
სარგებლობასაც ნახვდა. ვარდის ფოთლიდან ზეთსა
ჰქციან და სამკურნალოც ხმარობენ. ვარდის ზეთი ძა-
ლიან ძვირად იყიდება. რა ტურფა და მომხიბლავი იქ-
ნებოდა მაშინდელი მესხეთი მაისის თვეს, შემკული ვე-
ნახ-ბალებით და სავარდებით! ჭლეს აღარც ვენახებია,
აღარც სავარდენი. ამბობენ, ვაზი ველარ ხეირობსო, სუს-
ხიანი ზამთარი სძრავს ვაზს და ნაყოფი აღარ შოაქვსო.
უწინ რომ ვენახები ბლომად ყოფილა, იქიდანა სჩანს,
რომ ხშირად პოულობენ მიწაში ჩაფლულ ლვინის. ქვევ-
რებს. მე თვითონ მინახავს 1891 წ. მუსხისა და ტობის
ძირობებში, მტკვრის პირას. გამხმარ ვაზის ჯირკების
ეტყობა ვენახები გადაშენებულა ამ უკანასკნელ ოცდა
ათის წლის განმავლობაში. მა.ელ სამცხე-საათაბაგოს ეხ-
ლა აღარც ერთი ვენახი აღარაა და ვისაც ყურძნით პი-
რის გასველება ჰსურს, უნდა იყიდოს აქარიდან, ან ქა-
ლაქიდან მოტანილი. ხილის ბალები კი ბლომადაა და
კარგი და გემრიელი ხილიცაა, განსაკუთრებით ვაშლი.
აქაური საუკეთესო ჯიშის ვაშლი, „შაპ-ალმას“, ან მე-
ფის საკატრის ვაშლს რომ ეძახიან, განთქმულია მთელ
საქართველოში და თვით რუსეთშიც საღაც ბლომად
გააქვთ გასასყიდად.

ტყითაც მდიდარია სამცხე-საათაბაგო. ბევრგან, რო-
გორც საზოგადოდ საქართველოში, უგუნურად ექცევიან
ქვეყნის მშვენება ტყეს და უწყალოდ სჩეხავენ, მაგრამ
ჯერ-ჯერობით მაინც საკმარისადაა მაშენი და საწვავი
ტყე. მთა და მთის ტოტები შემოსილია ტყით, განსა-
კუთრებით ქვაბლიანისა და აბასთუმნის ხეობანი, შენა-

ხულია უფრო ის. ტყეები, რომელიც ხაზინას ეკუთვნის. ხაზინა უფრთხილდება და წესითა და რიგით სჩეხავს, ისე რომ ტყე არ დაილიოს. ორიოდე მამულის პატრონის გარდა, კერძო მემამულენი უწყალოდ ექცევიან ტყეს, ანადგურებენ და იმას აღარ დაგიდევენ, რომ უტყეო ქვეყანა უდაბნოს დაემგზავსება, სადაც ცხოვრება და წარმატება შეუძლებელია. განსაკუთრებით კარგადაა შენახული ტყე მთის მიუვალ აღვილებში. აქ შეგხვდებათ ნაძვისა და ფიჭვის დიდრონ-დიდრონი ხეები, რომელსაც ოთხ არშინიანი საბელი ვერა სწვდება, ისე სქელია ზოგიერთა ხე. სულ ცოტა, ასეთი სქელი და დიდ-ტანიანი ხე იქნება სამას-ოთხასი წლისა, მაშასადამე ამოსული იმ დროს, როცა სამცხეს პატრონობდა და უვლიდა ათაბაგი და ამ განათლებულ და ლონიერ ქვეყანას ჯერ არ ეხილა არც ოსმალოსა და არც რუსეთის მართვა-გამგეობა.

სამცხე-საათაბაგო მდიდარია ფრინველითაც. იცის აგრედევ ნადირი და გარეული ფუტკარი. მეფუტკრეობას მისდევენ. შესხნი, მაგრამ უხალისოდ, თუმცა თაფლეტებილი და გემრიელია.

უწინ, ვიდრე ოსმალონი დაიჭრდნენ მესხეთს, აქაური მკვიდრი, ქალი და კაცი, ყოფილა ნელად და ენა-ტკბილად მოუბარი, ტანოვანი, მხნე, მშევნიერი და ცოდნა-ხელოვნების მოყვარე. შემდეგ ქრისტეანობა მაჰმადიანობაზე რომ შეუცვლიათ, მესხებს ეს თვისება-ლირსებანი დაუკარგავთ.

პირველად რჯული გამოიცვალეს ათაბაგმა და თავალ-აზნაურებმა. ვინც სარწმუნოებას იცვლიდა, იმას მამულ-დელულიც შერჩებოდა ხოლმე და სხვა წყალობა-მაც იღებდა. ოსმალთა ფარიშაპნაგან, ანუ მეფის აგან.

თავად-აზნაურობის შაგიერ მისცეს ბარისხი და პატივი ბეგისა, ასე რომ, ვსოდეთ წინად თუ დიასამიძე თავადი იყო, ამაღლოთა ბატონობის დროს გახდა ბეგი დიასა-მიძე. ეს გვარი ეხლა ამოწყვეტილია, მაგრამ სხვა ქართ-ველ კეთილშობილთა გვარები ბლომადაა დარჩენილი.

შემდეგში თავად-აზნაურობას გაჰყვა გლეხ-ჯუბა და თუმცა ქარგა ხანს ჯიუტობდა და ქრისტეანობას არა ლალატობდა, მაგრამ ძალდატანებას და გადამეტებულ ხარჯს ვეღარ გაუძლო და ახალი რჯული მიიღო. რჯუ-ლის გამოცვლას თან მოჰყვა ზნე-ხასიათის გამოცვლა, ჩვეულებისა და ტანისამოსისა. ამდენ ცვლილებასთან შე-რეული თათრულ-ოსმალური ენაც შეითვისეს, ასე რომ თუ ძველად, ოსმალების მოსვლამდე, მესხი სავსებით წააგავდა ქართლელსა, შემდეგ, ამდენა ცვლილების წყალობით, ასეთი მზგავსება დაიკარგა. რაც უნდა იყვნა, გაოსმალებული და გამაჭმაღრანებული მესხი მაინც ძა-ლიანა ჰერს ქართლელსა და კახელს. საკმარისია მცი-რედად დაჲკურდე აქაურ ჩალმოსან მაჭმაღიანს, და მა-შინვე მიხვდები, რომ იგი ქართველია და არა ოსმალო. ზოგი კი პირწავარდნილი ქართლელია გარეგნობით და სახით. შეცვლა სახისა და გამომეტყველებისა, უკველია, იმითი აიხსნება, რომ რამოდენიმე ოსმალო და თაოარი, ქილი და კაცი დაბინავდა სამცხე-საათაბაგოს, დაუნათე-სავდა მკვიდრსა და ამ გვარად მოხდებოდა სისხლის შე-რევა.

სამცხე-საათაბაგომ თითქმის სამასი წელიწადი იც-ხოვრა ათაბაგების ხელში დამოუკიდებლად და საქართვე-ლოს მეფეებს არ ემორჩილებოდა. ჰქონდა მხოლოდ მე-ზობლური კავშირი და მისვლა-მოსვლა დანარჩენ ქართვე-ლობასთან. პოლიტიკურად დიდად გაძლიერდა საათაბაა

ბაგო, რის გამო ათაბაგებს ამაყად ეჭირათ თავი. ეს ძლიერებაა მიზეზი, რომ ათაბაგებმა მოინდომეს საკუთარის კათალიკოზის ყოლა და ოღმოსავლეთ ბერძენ პატ-რიარქების ნებართვით კიდეც დაწესეს აწყურში საკათალიკოზო კათედრა, რომელსაც უნდა დამორჩილებოდა სრულიად ზემო-ქართლის სამღვდელოება. აღმოსავლეთის პატრიარქებს არ ესიამოვნებოდათ სიძლიერე სრულიად საქართველოს კათალიკოზისა, მცხეთაში. რომ ჰემინდა კათედრა, და ამის გამო ხელს უმართავდნენ აწყურის მთავარ-ეპისკოპოზს, განდგომილიყო მცხეთის კათედრიდან და მის ნება-დაურთველად ემართა ზემო-ქართლის ეპარქია. მაგრამ ათაბაგების აწყურის და აღმოსავლეთ ბერძენ პატრიარქთა მეცადინეობამ ფუჭად და ამაოდ ჩიიარა. სიმართლისა და საეკლესიო კანონების წინააღმდეგი იყო ასეთი სურვილი და მეცადინეობა და ბოლოს საქმე იმითი გათავდა, რომ მესხეთის ეკლესია ძველებურად მცხეთის კათალიკოზს დამორჩილდა.

შინაური ცხოვრების განვითარება, და მოქალაქობა იმ ხარისხამდე ავიდა, რომ საათაბაგომ საკუთარი კანონები გაიჩინა, როგორც შემთერის ყოველ განათლებულ და განვითარებულ სახელმწიფოს. ასეთია კანონები ათაბაგ ბექასი და მისის შვილის-შვილის აღბუღასი. უფრო იმითია შესანიშნავი და საყურადღებო ამ კანონების დაწერა, რომ იმ დროს ჩვენ სამშობლოს შემოესია ლანგ-თემური, წინამძღვარი მონგოლთა და რამდენჯერმე ააოხარა საქართველო.

მეჩვიდმეტე საუკუნის დასაწყისს, ასე 1626 წელს, ასმალებმა დაიბყრეს საათაბაგო და ფაშობა: შემოილეს ათაბაგობის მაგიერ. დიდი ზარალი და ზიანი მოუტანა საერთოდ ჩვენს ქვეყანას და კერძოდ საათაბაგოს ოსმა-

ლების ჩამოთხსლებამ და დაწკვიდრებამ ზემო-ქართლში. ჯერ ერთი საქართველო სრულიად მოსწყდა განათლებულ დასავლეთ ეკროპას, რადგან ოსმალო უზარ-მაზარ კედელსავით აგვეყუდა წინა, მისვლა-მოსვლა გაგვიძნელდა ევროპასთან და დავრჩით გამომწყვდეულნი, როგორც კარ-მიხურულ გალიში. მეორე კიდევ ისაა, რომ ოსმალონი გაუნათლებელი ხალხი იყო მაშინ; თვითონ რომ არა იცოდნენ-რა ომრანობის მეტი, ჩვენს ქვეყანას რას მოუტანდნენ. მას შემდეგ, რაც ოსმალონი გაბატონდნენ სამცხე-საათაბაგოში, სწავლა-განათლება, ხელოვნება და ვაჭრობა უკან-უკან წავიდა ამ კუთხეში. წინად რომ შესხეთს ებადებოდა შესანიშნავი მგოსნები, აი როგორც შოთა რუსთაველია, განთქმული მქადაგებელნი, ფილოსოფოსნი და სახელმწიფო მოღვაწენი და სარდალნი, ოსმალოს ბატონობის დროს ცხოვრება ისე დაღუმდა და დაქვეითდა, რომ აღარც სარდალ მოღვაწენი, აღარც ბრძენ-ფილოსოფოსნი და აღარც მგოსან მქადაგებელნი აღარა ჩნდებოდა ამ ქვეყანაში. ქალაქი ახალციხე შეიქმნა სხვა და სხვა ავაზაკთა ბრძობის საბუღრად. აქ იკრიფებოდა მოუსვენარო ხალხი, უფრო კი დაღესტნიდან ჩამოსული ლექობა და ხანდახანობით ხან ქართლს აწიოკებდნენ ახალციხიდან გამოსული ავაზაკები, ხან გურია-იმერეთს, ახალციხის ფაშები ხელს აფარებდნენ ამ ავაზაკებს და პატრონობას უწევდნენ. ბევრი ურჩი და აბეზარი კაცი ქართლ-კახეთიდან და იმერეთიდანც გადადიოდა ახალციხეს და იქ აფარებდა თავსა. ასე მიღიოდა საქმე მთელი ორასი წელი-წილი, მოკიდებული 1626 წლიდან 1828 წლამდე. ამ წელიწადს კი საქმის გარემოება შეიცვალა.

1801 წელს საქართველოს ნაწილს, ქართლ-კახეთს,

დაეპატრონა რუსეთი. მეფე ერეკლემ დადედოფალ ეკატერინე მეორემ წელშექრულობა დასდეს 1783 წელს, რომლის ძალით რუსეთის მეფებმა ვალად დაიდეს და იყისრეს სამცხე-საათაბაგოს დაბრუნება საქართველოს-თვის. წარსულ საუკუნეში, 1828 წ. რუსეთის მეფეს ომი ჰქონდა ოსმალეთთან. რუსის ჯარის სარდალმა გრაფ პასკევიჩმა დაამარცხა ოსმალოს ჯარი ახალციხესთან. ჯარი ჯავახეთიდან ჩამოვიდა, დილა აღრიან გასტოპა მტკვარი სოფელ ქვათახევთან, შეებრძოლა ქოსა-მაჭომედ და მუსტაფა ფაშებს და წაართვა ოთხი გამაგრებული ბანაკი. ეს იყო 9 აგვისტოს, ზედ მარიამბა დღეს, 15 აგვისტოს, იერიშით აიღო პასკევიჩმა თვით ქალაქი, ქოსა-მაჭომედმა 16 აგვისტოს ჩააბარა პასკევიჩს თვით ციხე. ამ დროს ახალციხეში ითვლებოდა 50,000 სული მცხოვრები. სწორედ ამ დროიდან საქართველოს შემოურთდა ძველი მისი საუკეთესო ნაწილი, სამცხე-საათა ბაგო.

გაოსმალებულმა ქართველობამ იუკადრისა ქრისტეან რუსების ბატონობა და მათ ხელში ყოფნა. მაშინაც და დღესაც საფიქრებელად ესა ჰქონდათ და აქეთ: ჯარის კაცად წაგვიყვანენ და იმისთანა საჭმელს გვაჭმევენ, რომელიც რჯულით აღკრძალული გვაქვსო. ეგება სხვა მიზეზიცაა გადასახლებისა და სამშობლოს მიტოვებისა, მაგრამ საბაბად ეს დაიხვიდს ხელზე, იხუვლა მრავალმა მათგანმა და ოსმალეთს გადიხვეწა. საზოგადოდ ბინის მოშლა და ოჯახის დაქცევა აღვილი არაა, მდინარესაც უჭირს ახალი ბინის შოვნა, ახალი სახლ-კარის გამართვა და ოჯახის აშენება ლა აბა ლარიბ გლეხ-კაცობას რა მოუკიდოდა?

რუსის მთავრობა ხელს არ უშლიდა გადასახლებას.

ვისაც არ სურდა აქ დარჩენა, გზა მშვიდობისა უთახრეს. აიკრიფეთ გუდა-ნაბადი და საცა გნებავთ, იქ წალითო, ხოლო ვადად ორ წელიწადს გინიშნავთო. გადასახლების მსურველებმა ოხრად მიჰყიდ-მოჰყიდეს ოჯახის ნივთეულობა, საქონელი, მამულ-დედული, სახლ-კარი, ბოსტან-ბალები, შეაბეს ჭრიალა ურმები, ჩასხეს შიგ დედა-კაცობა და ქულფათობა და დაადგნენ ოსმალეთის გზას. წასული მესხები სახლდებოდნენ მცირე აზიის და ევროპის ოსმალეთში, ბევრი გაწყდა გზაში სიმშილ-სიცივისაგან. ვინც მიაღწია ოსმალეთს უვნებლად, იმანაც ვერ იხეირა. ათასი გაჭირვება და ვაივაგლახი ნახა ახალ ადგილზე, ვერ უძლებდა თავზე დატეხილ მრავალ უბედურობას, ან ეულდებოდა და წუთი-სოფელს ესალმებოდა. მცირე აზია ერთ უშველებელ, ცივ და ყრუ სამარედ გადაიქცა ჩვენის ლვიძლის ძმებისათვის. ვინც ცოცხალი დარჩა, ვერც ისა ხეირობდა. სამშობლოს დარღი და სევდა ჭვალივით აწვებოდა, უცხოობას ველარ იტანდა, უკან ბრუნდებოდა, მაგრამ ვაი ამ დაბრუნდებას! სახლ-კარი დაქცეული, მამული გაყიდული უხვდებოდა შინა. ბინას ველარ სდებდა და დახეტიალობდა ასე უპატრონოდ, ეულად და ბოგანოდ. ხელის შემწყობი, ნუგეშის მცემელი და ჭირისა და ლხინის მოზიარე არავინ იყო! მსწავლული მოგზაურები გვიამბობენ, რომ მცირე აზია და ევროპის ოსმალეთი მოფენილია მესხეთისან გადასახლებულობა სოფლებით, საღაც დღესაც თურმე გაისმის წკრიალა ქართული უნა.

გადასახლებულთა მწარე ბეღმა კუუა ვერ ასწავლა ჩვენში დარჩენილ გამაჰმადიანებულ მესხებს, გული ეთანალრებათ და სულ სტამბოლისკენ უჭირავთ თვალი. ასე ჭვანიათ, იქ სამოთხეა და ნაზუქის სულით დაიბნიდე-

ბიან. გახიზვნა ოსმალეთს ჯერაც არ შეჩერებულა. ბევ-
რი ოჯახი დღესაც იყრება და მიდის მცირე აზიის, ან
უკროპის ოსმალეთს. მე ჩემის თვალით მინახავს ბაწარ-
ალებით მიმავალი ბათუმისაკენ ფურგუნები, დატვირ-
თულნი გადასახლებულთა ბარგი-ბარხანით და ცოლ-
შვილით. ქვას გული უნდა ჰქონდეს ადამიანს, დაინახოს
ეს სურათი და არ შესწუხდეს უზომოდ. სამშობლო ქვეყ-
ნის დაქცევა-დარბევა, ხალხით დაცლა დიდი ცოდვაა და
ვინც ხელს უწყობს ამ საცოდავების აბარგვას და გახიზ-
ვნას, ის სწორედ მტერია ქვეყნისა, პირშავი და შეჩვე-
ნებული.

სამცხე-საათაბაგო დაიჭირა გრაფმა პასკევიჩმა 1828
წელს. აქაურ მკვიდრს მესხის მაგიერ თათარი დაარქვა
მთავრობამ. ეს უდიდესი შეცდომაა და წინააღმდეგი
როგორც ბუნებისა, აგრედვე მეცნიერებისა. კაუმა რომ
რჯული გამოიცვალოს, განა ხალხოსნობას და ეროვნო-
ბას დაჰკარგავს ძველ რჯულთან ერთად? რჯული, რწმე-
ნა, სვინიდისის საქმეა, ეროვნობა-ხალხოსნობასთან. რა
საქმე აქვს? კათოლიკეთა სარწმუნოებას (ჩვენში ფრან-
გობას ეძახიან) მისდევენ ფრანგები, ინგლისელები, გერ-
მანელები, პოლონელები, ესპანელები, ზოგი ქართვე-
ლები, სომხები და თვით თითო-ოროლა რუსი და განა
ყველა ქართველი, რაკი ერთი რჯული აქვთ, ლათინებად
და რომაელებად გადაიქცევიან? თავის დღეშიც არა.
ყველა მათგანი იმ ერად რჩება, რომელსაც ეკუთვნიან.
ბათუმის მხარე რომ დაიჭირეს რუსებმა 1877 წელს, კი-
დევ გაიმეორეს ძველებური შეცდომა და ღვიძლ ქართ-
ველებს: აქარლებს, ქობულელებს და სხვებს თათრები
დაარქვეს და იმათ სამშობლო ენად ოსმალური გამო-
აცხადეს, თუმცა აქარლები და ქობულელნი ისევე სულ-

თად და წმინდად ლაპარაკობენ ქართულად, ოოგორც შინა-ქართლელი და ისეთივე ქართველები არიან, ოოგორუ ქართლელნი.

რაკი ახალი მთავრობა ასე გულცივად და უგულოდ მოექცა გამაპმადიანებულ მესხებს, იმის მაგიერ რომ დაეყვავებინა და გაეადეილებინა უცხო და მიუჩვეველ მთავრობის ხელში ყოფნა, რაკი წასასვლელი გზა-დაულოცა, ისინიც ადგნენ და გულმტკივნეულნი, სამ-შობლოს დარღისაგან შეწუხებულ-დაოსებულნი, გაემართნენ ოსმალეთისკენ. დაცარიელებით არ დაცარიელებულა მესხეთი, მაგრამ ბევრი სოფელი ვერანად გადაიქცა. წასულთა და გადახვეწილთა ნასოფლარებში მთავრობამ ჩაიყენა აზრუმის საფაშოდან გადმოყვანილი სომხები. კარგა დიდი ნაწილი აზრუმელებისა დაბინაჟდა ანალციხის—წყლის მარჯვენა ნაპირზე, პირდაპირ ძველ ქალაქ ახალციხისა, სწორედ იქ, სადაც ძველად იყო ქართველთა სოფელნი: მარდა, ურიათ მარდა, ჯანიანთ მარდა და მლაშის-ხევი. ამ გვარად, დაახლოებით 1830 წელს, ქართველთა ნასოფლარებზე გაშენდა ახალი ქალაქი, დასახლებული აზრუმელ სომხებით, ოომელსაც ეწოდება იგივე ძველებურა სახელი ახალციხე.

თვით მაჩრაში შემდეგი ნასოფლარები დაიჭირეს მოსულმა სომხებმა: ქაჭარაქი, გოგოთ-უბანი, სასძლო, სხვილისი, წინუბანი და ორთავე წყრუთი, არხის-ციხე, წყალთბილა, ნაოხრები, დიდი და პატარა მამაჯი და ტამალა.

ამ გვარად ძველ მესხეთში, ანუ სამცხე-საათაბაგოს დღეს ბინადრობს: აზრუმიდან მოსული სომხობა წმინდა, გრიგოლის სარწმუნოებისა და სომეხ-კათოლიკენი; ოსმალეთის ბატონობის დროიდან დარჩენილი თარაქამა და.

თურქენი, ორთავე. ტოში მაჰმადის სარწმუნოებას მის-
ლევს, და ქართველობა, ძველ მესხების ჩამომავალნი:
მართლ-მაღიდებელნი, კათოლიკის სარწმუნოების მიმდე-
ვარნი და მაჰმადიანი ქართველები; ანუ გამაჰმადიანებუ-
ლი მესხები. ამათ გარდა ბინადრობენ სამცხე-საათაბაგოს
ებრაელები, უფრო კი ქ. ახალციხეს, ცოტაოდენი ბერძ-
ნები და რამდენიმე ნასალდათარი რუსი.

როგორც ზემოდ მოვიხსენიეთ, სულ ახალციხის
მაზრაში დღეს ითვლება 78,100 სული, ქალი და კაცი.
ამ უამაღ ქ. ახალციხეში ცხოვრობს 19,220 კაცი და
ქალი. ამათში ქართველია 1075, რუსი — 470, ბერძენი
116, ებრაელი — 2322 და სომეხი — 15,031. მაზრაში
ცხოვრობს: სომეხი განურჩევლად სარწმუნოებისა —
6852, ბერძენი — 130, ქართველი, მართლ-მაღიდებელი
და კათოლიკე 8865, ებრაელი, — 218, ქურთი — 2400,
რუსი — 99, თათარი — 32,564 და თურქი (ოსმალო) —
7752.

მიაქციეთ ყურადღება უკანასკნელ ორ ციფრს.
სწორედ ესაა უკულმართობა და შეცდომა, რომელიც
მთავრობაში ჩაიღინა. ამოდენა ქართველობას სახელი შე-
უცვალა და თათრად გადანათლა. განა ხერთვისელ გვ-
გიძეს, ჯაყისშანენელ ნემსაძეს და გეორგაძეს თათარი
ეოქმის? შეიძლება კანტი-კუნტად იყვეს სადმე ჩასახლო-
ბული რაოდენიმე ტომით და ჩამომავლობით თათარი;
თორემ ვის გაუგონია ახალციხეს მაზრაში ამოდენი თათ-
რები? საჭიროა რიგიანი, კეშმარიტი და მეცნიერული
აღწერა ერთსა, რომ ნამდვილად ვიცოდეთ რაოდენობა
თითოეულის ტომისა, მაგრამ ჯერ-ჯერობით ასეთი აღ-
წერა არა გვაქვს. არც ოსმალოა იმდენი; რამდენსაც
ზემოდ დასახელებული ციფრი 7752 აჩვენებს. ნამდვი-

ლი ოსმალო ძალიან კუტაა და ბევრი-ბევრი თარაქამა; თურქენი, ქურთი და ოსმალო ოთხი ათასი, ან ხუთი ათასი იყვეს ახალციხის მაზრაში, ანუ ჭამცე-საათაბა-გოს.

არის ერთი მეცნიერება, სტატისტიკას ეძახიან, რო-
მელიც იკვლევს, სხვათა შორის, ხალხის რაოდენობა-
საც. ამ მეცნიერების მაღლიანი ხელი ჯერ არ მოხვედ-
რია ჩვენს ბედისა და მოხელეთაგან დავიწყებულს სამ-
შობლოს და ამის გამო დანამდვილებით არ ვიცით —
რამდენი ვართ. მთავრობის მოხელეთაგან შეკრებილი
ცნობანი უხეიროა, უაზროდ და გადარეულიად შეკრები-
ლი. მაგრამ, რას ვიზამთ, იოლად უნდა წავიდეთ იმითი, რაც
მოიპოვება, ვიდრე ნამდვილი სტატისტიკა გაგვიჩნდება.

ქართული ენა, ეს სული და გული ყოველის ერთ-
სა, უტყუარი მოწემე კულტურისა და განათლებისა,
შესანიშნავად განვითარებული მესხეთში, სადაც მწე და
მთვარე პირველად იხილა დიდებულმა საერო მგოსანშა
შოთა რუსთველმა, შევიწროებაში არა ყოფილი ოსმალი
თა ბატონობის დროს. ოსმალეთში ევროპელივით ჩა-
ტივება არ იცოდა, — გინდა თუ არა, ჩემი ენა შეისწავ-
ლე, ჩემ ენაზე სწერე, იკითხე და ჩემ ენაზე ილაპარა-
კეო. ოსმალური ენა თავისით ვრცელდებოდა, ძალა დაუ-
ტანებლივ.

ყველაზე ადრე შეითვისა ოსმალური ენა მაღალმა
წოდებამ, ესე იგი თავად აზნაურობამ, შემდეგ ბეგები
რომ დაერქვათ. რაც ხანი გადიოდა, ქართული ენის
ცოდნა. თანდათან სუსტდებოდა და დღეს თითქმის აღ-
რავინ იცის. თითოთ დაითვლება იმათი სახელი და გვა-
რი, ვინც ამ ხანად ლაპარაკობს სუფთა ქართულს. ესე-
ნი არაან: ჰამიდ-ბეგი ავალიშვილი, რომელმაც ქართუ-

ლი წერა-კითხვაც იცის, ორიოდე თულაშვილი, ორიოდე წერეთელი, მორჩა და გათავდა. ერისთვიანთ, მა-ჩაბლიანთ, - ხიდირბეგიანთ სრულებით აღარ იციან ქარ-თული. ზოგ-ზოგი მათგანი ამტვრევს საყველპურო ქარ-თულს, მაგრამ ასეთი ცოდნა ცოდნად არ ჩაითვლება. აյ ჩამოთვლილ ბეგებს კარგად ესმით, რომ ქართველები არიან, აღარ უარობენ და აღარა სწყინთ ქართველობა, მაგრამ უქართულობა დიდად უშლის ხელს საჭირო სუ-ლიერი კავშირი იქონიონ დანარჩენ ქართველობასთან.

გლეხ-კაცობა უფრო მძიმედ ითვისებდა ოსმალურ-ენას, დედა-კაცობა ხომ, რადგან კერძ არა სცილდებოდა და სულ შინ იჯდა, სრულებით არ ეტანებოდა ოს-მალურს, დღესაც ბევრია იმისთანა მიყრუებული სოფე-ლი, სადაც თუმცა მაჰმადის რჯულია გამეფებული, მაგ-რამ ოსმალურმა ფეხი ვერ მოიკიდა მკვიდრად დედა-კაცობაში.

საოცარი ამბავია, მაგრამ შეურყეველი და კეშმა-რიტი ისაა, რომ ქართული ენა დაიჩვენა რუსების მოსა-ლის შემდეგ სამცხე-საათაბაგოს. არის იმისთანა სოფ-ლები, როგორც თოლერთა, უთხის-უბანი და სხვა, სა-დაც მოხუცებულები კიდევ ლაპარაკობენ ქართულს, ხო-ლო ყმაწვილკაცობა სრულებით აღარ ეტანება ქარ-თულს. მიზეზი ისაა, რომ ქართულმა დაქარგა ფასი ხალხის თვალში რუსების მართვა-გამგეობის დროს, აღ-რაა იგი ხმარებაში სკოლაში, სასამართლოში და პოლი-ცია-ადმინისტრაციაში. ამიტომ ქართული ენა აღარავის ეპიტრავება, ვითარცა პატივ-აყრილი და გამოუსადევარი ცხოვრებაში.

მესხი მაჰმადიანი სუფთად ლაპარაკობს ქართულად აწყურისა, იდუმალისა და კლდის სამამასახლისოში.

ნარევ-ნარევად სხვა დანარჩენ სამამასახლისოებშიც მოი-
პოვება ქართულად მოლაპარაკე სოფელი, მაგრამ საერ-
თოდ რომ ვთქვათ, თუ დროზე რიგიანი სკოლა არ მი-
ეშველა ამ გვარ სოფლებს, ქართული ენა ძირიან-ფესვია-
ნად ამოვარდება.

აქაური ებრაელები მტკიცედ ინახავენ ქართულ
ენას. იგია მათი სამშობლო, ლვიძლი ენა და ამ ენა-
ზევე აქვთ მიწერ-მოწერა. უხსოვარ დროიდან დაბინავე-
ბულან ებრაელები ახალციხეს, ქართული იერი, ზე და
ჩვეულება შეუთვისებიათ და აღარ ღალატობენ არც
ერთსა და არც მეორეს, თუმცა ორას წელიწადზე მეტს
ქართველებთან ერთად ოსმალების ბატონობას იტან-
დნენ. აწორედ საკირველია მათი. ასეთი სიმტკიცე ქარ-
თულ ენის შენახვა-პატრონობაში მესხეთის ებრაელობას
დიდი ლვაწლი მიუძლვის და ესეთი მისი სამსახური არა-
სოდეს არ უნდა დაგვაციწყდეს. დღევანდელ ახალციხეს
თუ კიდევ ქართული იერი ცოტათი მაინც შერჩენილი
აქვს, ეს ებრაელების წყალობაა. მათი ბავშვები ხარბად
ეტანებიან ახალციხის ქართულ საქალებო სკოლას, მაგ-
რამ სამწუხაროდ სკოლის გამგენი ხშირად უარს ეუბნე-
ბიან ხოლმე მსურველთ უადგილობის გამო. მაინც ოცი,
ოცდა ხუთი ებრაელი ქალი მუდამ სწავლობს ამ სკო-
ლაში და სწავლას. იძენს ქართულად. — აქაურ ებრაე-
ლებს ჩვეულებად აქვთ იერუსალიმს წასვლა და იქ და-
ბინავება, სიბერის უამი რომ მოაწევს. ამ ჩვეულებას უფ-
რო შეძლებულები მისდევენ.

სოფლად გლეხკაცობა ცხოვრობს ზოგან არეულად,
განურჩევლად სარწმუნოებისა, ზოგან კი ერთი ტომისა
და სარწმუნოების ერია შეჯგუფული. არის ისეთი სოფ-
ლები, როგორც მაგალითად ვალე, სადაც ბინადრობენ

ქართველი მართლ-მადიდებელი, ქართველი კათოლიკე, სონეხი გრიგოლიანი და ქართველი მაჰმადიანი. შუღლი და მტრობა არავის გაუგონია. სოფელ უდეს უმრავლე-სობა ქართველი კათოლიკეა, უმცირესობა მაჰმადის ოჯულისა. ქრისტეანეთა მოძღვარი ამ სოფლისა და მაჰ-მადიანთა მოლლა თრთავე ჰილაშვილები არიან. გამო-ლის რომ სახლიყაცები აღიდებენ ღმერთსა სხვა და სხვა ენით და სხვა და სხვა წესით. ამ გვარისაქმე მეზობლობას არა შხამავს და არც უნდა მოშხამოს, რადგან რჯული-სათვის კინკლაობამ და თავში ცემამ დიდი ხანია თქვენი კირი წაიღო. ამას გარდა ქართველი კაცის ბუნება ხალ-ვათია, მოსიყვარულე და არ ეხერხება გულში ჩადება შურისა და მტრობისა. სხვა რჯულისა და ტომის კაც-საც ძმასავით ვუცქერით. სამეზობლოდ ქართველი ერი საუკეთესო ერია, რადგან სხვისი დაჩვერა არ იცის. თვითონ რომ ხშირად სხვას ეჩაგვრინება, ეს კი სრულე-ბით არ ვარგა. საჭიროა თავის დაცვა და გაფრთხი-ლება.

უნდა მოვიხსენიოთ, რომ მესხეთის ქართველი კა-თოლიკენი ისტორიის უკუღმართ მსვლელობის გამო იძულებულნი გამხდარან, ქრისტეანობის შესანახად, ხომ-ხის ტიბიკონი მიეღოთ, ესე იგი სომხების წირვა-ლოც-ვის წესი და რიგი. ამის გამო წირვა-ლოცვა სომხურად აქვთ და არა ქართულად, როგორც სტამბოლში. ეს გარემოებაა მიზეზი, რომ ბევრს ქართველ კათოლიკეს სომხური გვარი და სახელი აქვს, მაგალითებრ პოლოს მათეოზოვი. არის მხოლოდ ერთი პატარა ეკლესია ძველ ახალციხეს (რაბათი), სადაც უმთავრეს ღვთის მსახურე-ბას (მესსა) ლათინურად ასრულებენ; ხოლო ზოგიერთ წვრილმან ღვთის მხახურებას და გალობას ქართულა-

დაც. დიდი ხანია მთავრობასთან ამ საგნეს გამო მიწერ-
მოწერაა გამართული; მაგრამ ჯერ ბოლო არ მოღებია
ამ გაჭიანურებულ საქმეს.

დღევანდელი მესხი, გადაგვარებულ-გადაკეთებული,
ხასიათით მშვიდი და წყნარია, აურზაურს ერიდება და
ძნელად თუ ხმას აიმაღლებს, თუ მეტის მეტად სიცოცხ-
ლე არ გაუმწარა უსამართლობამ. ძველებური სიკვირცხ-
ლე, თავმოწონება, ვაჟკაცობა და სილამაზე სადღაც
გამქრალა, ფერფლად და მტკრად ქცეულა. ჩატმულო-
ბაც ულაზათოა, განსაკუთრებით ქალებისა, ომელთაც
გავიუებით უყვართ წითელ ფერის სამოსელი. საზოგა-
დოდ დღევანდელი მესხი დაჩაგრულია, წელში მოხრი-
ლი, თავი მაღლა ვერ აულია და ყველაფრისა ეშინიან.
წარსულის მოგონება, როდესაც იგიც ადამიანად ითვ-
ლებოდა და მსოფლიო ისტორიაში მონაწილეობას იღებ-
და, არ ახალისებს, დიდებულ და ბრწყინვალე ისტო-
რიის ნაშთს გულგრილად უყურებს, თითქოც ეს ტურ-
ცა ხეოოვნების ნამოქმედარი მისი წინაპრების აგებული
კი არაა; არამედ ვიღაც გადამთიელია: ხალისით, სიმ-
კვირცხლით და სიოამამით ისევ ქვაბლიანელები სჯო-
ბიან დანარჩენებს, ჩატმა-დახურვით ესენი ძრიელ წაგა-
ვენ აჭარლებსა. იარაღის ტარებაც ამათ უფრო უყვართ.
დაჩაგრულობისა და სიმბდალის სენი ჯერ ისევ ბატო-
ნიშვილ ვახუშტის დროს შეკვარვია მესხეთს და. მას
შემდეგ ხომ უფრო უმატნია ამ სენს. ბევრჯელ დავს-
წრებივაპ სოფლად გლეხის მუშაობას, სვნას, თესვას,
მკას, თიბვას, ლეწვას, სიმინდის თოხნას და ერთხელ არ
გამიგონია წკრიალა, იმედიანი. სიმღერა გუგუნი ვაჟკა-
ცობა, ან ტკბილი, ნაზი და სევდიანი კილო ქართლე-
რისა. საერთო, საჯარო სიმღერა სამუდამოდ გამქრალა.

ამის მაგიერ დღეობა-ქორწილებში მოისმენ სპარსულ კილოზე ერთხმიან სიმღერას, ბალა-ბალას მზგავსსა. მოძღვრალი უფრო ქურთები არიან. მხოლოდ ერთხელ მოვისმინე სოფ. ოშორაში სევდიანი სიმღერა ქართველ მაჰმადიანისა ქართულადვე. მომღერალს საზი ეჭირა და ამ უბრალო სამუსიკო იარაღზე დამღეროდა. სამწუხაროდ, უბის წიგნი, სადაც ლექსი მქონდა ჩაწერილი, დაიკარგა და საშუალება აღარა შექვს იგი აქ მოვიყვანო.

მესხის სოფელი სასიამოვნოს არას წარმოადგენს. საშინელი ვიწროობაა სოფელში, სახლები ზედი-ზედაა მიყრილი, მომეტებულად მიწაშია ჩადგმული ხის შენობანი. ხის გაშლილი კარაპნები რომ არ ედგათ წინა, ვერც კი შეატყობთ, რომ აქ სახლებიაო. სინათლე ერდოდან ჩადის. სივიწროვის გამო სოფელში უსუფთაობაა და სიბინძურე. ნეხვი და ნაგავი ხშირად ზედ გზაზეა დაყრილი. ამ მხრივ ისევ ქვაბლიანის ხეობა სჯობიან, ხეობის ფერდობებზე კოხტად გამოიყურება ხის სახლები. აქაური მდებარეობა და მოწყობილობა სოფლებისა ძალიან წააგავს გურია-აკარისას.

როგორც ჯავახებს, მესხებსაც უყვართ სუქანი, ერბოიანი საჭმელი. სისუქნის სიყვარული იისნება იმითი, რომ ჰავა გრილია და ზამთრობით ხომ კარგი ლაზათიანი სიცივეები იცის. მთა-გორებში და მთიან ტრიალ მინდვრებზე, როგორც მაგალითად ლეპისის გაშლილოველია, სიცივე და ყინვა ისეთი ძლიერია, რომ ნამდვილი ტეხვრაა. ეს ყინვა-სიცივეა მიზეზი, რომ მესხებიძრიელ ეტანებიან ერბოს. უერბოოდ მწვადესაც კი არ შესწვამენ. მოხრაკულ და შემწვარ ბატყანს და ცხვარს წკურწკურით ჩამოსდის ერბოს წვეთები და ამ გვარად.

მომზადებულ საჭმელს ვერ დაეკარება იმერელი. კერძოდ მე, როგორც შინა ქართლელს და ჩამომავლობით იმერელს, ხშირად მომშლია მადა და უსაღილობა მიმჯობინებია მსუქან და ერბოთი გაულენთილ მოხრაკულის შექცევას.

უმთავრესი წყარო ზამცენაათაბაგრს მკვიდრის ცხოვრებისა ხენა-თესვაა; ბალოსნობა და საქონლის მოშენება. გარედ გასვლა და ცხოვრების შეძენა არ უყვარს მესხსა, მოუკალათნია შინა და ფათურობს თავის-თვის. ვაკრობასაც არ ეტანება. ძველად ახალცხის ვაჭრსოვდაგარნი ვაჭრობის უნარით იყვნენ განთქმულნი. დასავლეთ ევროპასთან და სტამბოლთან გაჩაღებული მისვლა-მოსვლა ჰქონდათ. დადიოდნენ ართვინზე და ბათუმზე. ამ გზით შემოვიდა ჯერ მესხეთს და შემდეგ დაწარჩენ საქართველოში შესანიშნავი მოგზაური შარდენი, რომელმაც (მეჩვიდმეტე საუკუნის პირველი ნახევარი) ფერად-ფერადი სურათებით ასწერა მაშინდელი საქართველო. მესხების მისვლა-მოსვლას ევროპასთან ისიც უწყობდა ხელს, რომ საქართველოს ამ კუთხეში აღრეგავრულდა ფრანგობა და ევროპა ხომ ფრანგებითაა სავსე. ჩვენებურ კათოლიკე მესხებს ნათესავები ჰყავთ სტამბოლს და ხშირად მათ სანახავად მიღი-მოდიან. ერთი მათგანი დიდ თანამდებობას ასრულებს ოსმალეთში რკინის გზაზე. ასე რომ თუ ოდესმე მგზავრობა მოგიხდეთ რკინის გზით სტამბოლიდან ქალაქ ვენაზე და კუპეში წმინდა ქართულით გამოექვინარაკოთ ისმალოს მოხელე, ნუ გაგიკვირდებათ, იცოდეთ რომ ეს მოხელე თქვენი სისხლი და ხორცია. ერთი საუკეთესო თანამედროვე ისტორიკოსი მღვდელი. მიქაელ თამარაშვილი,

იტალიაში ოთხ ცოლვრობს, მკუიდრი მესხია, დაბადებულ-აღზრდილი სამცხე-საათაბაგოში.

ორმოცუ წლის წინად ახალციხის მაზრა ქუთაისის გუბერნიაზე იყო მიწერილი. მისვლა-მოსვლა მესხებს ქუთაისთან ჰქონდათ ზექარის უღელ-ტეხილით. მაშინ მესხები ჩალვადობას მისდევდნენ და მიქონდ-მოქონდათ სხვა და სხვა საქონელი. დღეს ეს ხელობა სრულიად გაპქრა. უკანასკნელ ომამდე (1878 წ.) ასმალეთის სამზღვარი ზედ ეკრა ახალციხის მაზრას. ბადელას ხიდთან საბაჟოები და ჭაყარაულოები იყო დამართული. დიდის სიმარტით და გაბედულობით შემოქონდათ მესხებს სამზღვარ გარეთიდან ბაჟ-გადუხდელი საქონელი და ამ ხელობით კარგ სარტყაში იყვნენ. ეს ხელობაც გაპქრა, რადგან ჩვენი სახელმწიფო სამზღვარი ასმალეთთან ძლიან დაგვიშორდა.

ამ ბოლოს დროს მესხეთში თავი იჩინა ახალმა ხელობამ. ესაა მეტივეობა. ეს ხელობა შეიტანეს ხელის (ბორჯომისა) ქართველებმა. მეტივეობენ აგრედვე სოფელ მეტებისა და გომის მცხოვრებნი შინა ქართლიდან. მესხებში უფრო ეტანებიან მეტივეობას ქართველი მაკ-მალიანები. მეტივეობა გაჩაღდა აშუურისა და იდუმალის სამამასახლისოებში და ქვაბლიანში.

რადგან სამცხე-საათაბაგო მთა-გორიანია და ველ-მინდორი ცოტაა, ამიტომ სახნავი მამული ნაკლები აქვს მესხსა. მთის კალთებზე და ფერდობებზე უხეირო მოსავალი იცის, ძირობებში და ხევის პირებზე კარგი. ძირის ყანები ბევრი ირწყვის მთის ნაკადულებით. საკუთარი მოსავალი ძლივ-ძლივობით, ჰყოფნის მკიდრსა, გარედ გასაყიდად ვერას გაიტანს ნაკლებობის გამო. მიწის ნიაღაგი თიხიანია, კირნარეფი. ასეთი ნიაღაგი ხელს

უწყობს ბალოსნობას და ხილის მოყვანას, რომელსაც
ხალისით მისდევენ. ხეხილის გაშენება-მოვლაში მესხები
დიდ მუჟაითობას იჩენენ და კარგ ასტატებად ითვლე-
ბიან. ხვნა-თესვისა და ბალოსნობის გარდა საქონლის
მოშენებასაც მისდევენ, უფრო კი იქ, საღაც საზაფხულო
იალაღები მოიპოვება. საქონლის ჯიში უხეირო და
წვრილია. ტყიანსა და ჩირგვ-ძეძვიან ადგილებში თხებს
ინახავენ. საქონლის ჯოგები თვით მესხებს არა ჰყავთ.
ზაფხულობით მთის საძოვრებზე მეგრელებს ამოუდით
სხვილფეხი საქონელი.

მესხეთს რომ დაეპატრონენ ოსმალები, ბატონ-
ყმობა არ შემოუტანიათ, რადგან მუსულმანების ქვეყ-
ნებში არსადა წესად მიღებული ბატონ-ყმობა. ადამიანი
პირადად თავისუფალია, ხოლო რაც მამულია. სახელმწი-
ფოში, ეკუჯვნის მეფეს, ანუ სულთანს, ფადიშავს. სა-
ხელმწიფოს სასარგებლოდ გლეხ-კაცი იხდის მიწის მო-
სავლის განსაზღვრულ ნაწილს, უფრო კი მეათედს.

ოსმალეთის მთავრობა ამ შემოსავალს ხან სავსე-
ბით, ხან ნაწილს, მოხელეებს უთმობდა ჯამაგირის მა-
გიერად და ამასთანავე დაავალებდა ხოლმე, ქვეყანას
უპატრონე, შოუარე, იზრუნე და გაუფრთხილდი, რომ
მტერმა არ წაახდინოს მობარებული კუთხეო. ერთი
სიტყვით მაშინდელი მოხელე ჯამაგირის მაგიერ მიწის
შემოსავალს ჰქონდა, ზოგს თვითონ იტოვებდა, ზოგს
სულთანის ხაზინაში ჰგავნიდა. შემოსავლის განაწილება
მოხელესა და ხაზინას შუა, ან სავსებით აკრეფა მოხე-
ლის სასარგებლოდ იმაზე იყო დამოკიდებული, თუ რა
პირობით ჰქონდა ჩაბარებული მოხელეს რომელიმე სო-
ფელი, ხეობა, კუთხე, ან მთელი ქვეყანა და ოლქი.
მხვნელ-მთესველისთვის სულ ერთი იყო, როგორ ინაწი-

ლებდნენ მიწის შემოსავალი ჭულთანი და მოხელენი და ვის რამდენი მიჰქონდა, რადგან გლეხის გადასახადს ამ განაწილებით არაფერი ემატებოდა და არც აკლდებოდა.

მოხელეებად უფრო ხშირად ბეგები იყვნენ, ჩამომავალნი ქართველ თავად-აზნაურებისა. რუსები რომ დამკვიდრდნენ მესხეთში, ბეგების მომეტებული ნაწილი ოსმალეთს გადიხევწა და თავიანთი ნაკერი სოფლები მიჰყიდეს როგორც საკუთრება მოქალაქეებს, აზრუმიდან მოსულ სომხებს და ქართველ თავად-აზნაურებს. ბევრი უკანონობა დატრიალდა ამ სყიდვა-გაყიდვის დროს, მაგრამ რადგან ახალმა მთავრობამ ვერც თავი გაუგო და ვერც პოლო ამ დახლართულ საქმეს, ბევრის კვლევაძიების შემდეგ საქმე სასამართლოში მოსპეს და გასყიდული მამულები საკუთრებად დარჩათ მყიდველებს. ბეგებსაც, ვინც აქ, საჩერნოში, დარჩნენ, საკუთრებად დაუმტკიცეს მათი ნაკერი და დაჩემებული სოფლები. ასე გაჩნდა კრძალ საკუთრება მამულის სამკე-საათაბაგოში, რუსების მოსვლის შემდეგ.

14 მაისს 1870 წ. გამოვიდა საბოლოო კანონი, რომლის ძალით გლეხობას მიეზომა სასარგებლოდ და სახმარად ის მამული და სახლ-კარი, რაც ხელში ეჭირა. ბეგებისა და მამულის, პატრონთა სასარგებლოდ გლეხი იხდის შემოსავლის მეათედს, ან ათში ერთს.

სამკე-საათაბაგოს გლეხ-კაცი შედარებით ქართლისა, კახეთისა და იმერეთის გლეხობასთან, შეღავათიან პირობებში ცხოვრობს, რადგან იხდის მამულის პატრონის სასარგებლოდ მოსავლის მეათედს, ქართლელი, კახელი და იმერა კი მეოთხედს. შეშა-ფიჩითაც უფასოდ სარგებლობს, სადაც ასეთი ჩვეულება იყო, ჩვეულებისავე

մալուտ წվելլել գոյրից ոեքուս წյուլութիւն գորշանքա նա-
կեցար յըծուս և ամդենսազ տագլու տուռա գոյրէրուս
կաչից.

յարտլուս և օմյուրտիւն շլյեթ-կապոծա ժալուան յըմ-
եցօնդա մզելուա մամյուլուս Շյունաս սակայտրէծալ. ամուրու
յ յուտեցնու սավսեա թեսակայտրու շլյեթէծու. եռլու այ առ
արուս սամպեց-սաատաձացու. ամ վայանանի սրուլլեթէծու առ
մուկոյցի օւստու շլյեթու, հռմ սակայտարու մամյուլու չէյոն-
ցու. մարտու ամ ծուռու լրուս Շյուլցնեն մամյուլուս կալ-
ցաս տուռու-ուռուլու սուցութիւննու.

սամպեց-սաատաձացու պայտու պանաս և ենյուլս, եցած
և լրութիւն, մտածա լր շառուս, բոյսա և քալուս Շմինց
յարտուլու սաելու չէյոնց... մարտու տուռա ուռուլու ալցո-
լուս մզելու. սաելու յուտարցմնուտ ուսմալուրաթ, մացալու-
տաթ ոյիրու-պուս յելու ալուրն-պալուս յետուան. Շյու-
նինյուլ սութեթիւն և ու յարտութել մակմալուանտ, հռմյուլ-
տապ ջազութիւն սամյունծու յարտուլու յեն, առ յեմուտ
մնութեցնելուա սեցա և սեցա սաելութութէծուս, մացրամ սա-
ֆյուլու յու մանը եմարեծանիւ. ամ ցայցեթլութէծու մոնցիւա,
հռմ նոցոյերտա սուգլուս սաելու սամինլադա ըամաեն-
չյեթուլու և ցալացարցեթուլու. մացալութաւ սուցութ մզելու-
յետուան „նորինյուլու“, սուցութ սասկլուս յութութէծուն ։ սա-
ֆյուլու».

մզելուա սամպեց-սաատաձացու, սայարտութելուս նախուլս
հռմ Շյուլցնեն և ացրելցու ատաձացեթիւն լրուս, մզուլ-
րութ պայտուլու ըասաելութէծուլու. մաս Շյուլց ամ վայանամ
ծյցրու միւսեարցիւ ցամուարու, ծյցրչյել Շյուլցսու մրերու
և յութիւնութ ասունրա. մրացալու սուցութ ցակյրա և լուց
մեռլութ մատու յութիւն սաելու-լու ըարկիւնուլու յրուս եսու-
նանիւ.

ნასოფლარებს ეხლა ვერანას ეძახიან. ამისთანა ვერანა ამ უამაღ ასზე მეტია. იქნება მეტიც იყოს, მაგრამ ჯერ-ჯერობით მათი სახელები არ ვიცით. აი რამდენიმე ვერანის, ან ნასოფლარის სახელი. გოგოთ-უბანი, გაყინულა, თეთრი-ჭალა, თაფლა-ხევი, თავის-ჯვარი, მამაჭი-ხელი, მარიამ-წმინდა, საყევარი, სამეფო, სალორე-ხევი, საწერეთლო, ქორის-ხევი, შუა-კარავი, ჭოჭები, ჯინჭველა-ხევი და სხვა. ყოველ ვერანას საკუთარი ეკლესია აქვს, ზოგი კარგად შენახული, ზოგი კი დანგრეულ-დაქცეული.

სამცხე-საათაბაგოს ველ-მინდორი უხვადაა მოფენილი შესანიშნავ ისტორიულ ნაშთებით. არსაღ საქართველოს სხვა ნაწილში იმდენი ციხე და ეკლესია-მონასტერი არ მოიპოვება, როგორც აქა. ეკლესია-მონასტერების სიუხვით ამ ქვეყანას თუ შეედრება მდინარე ჭოროხის ხეობა. ციხე-მონასტერთა სიმრავლე და სიუხვე ცხადად ამტკიცებს, რომ ძველად ამ კუთხეში სიკოცხლე სდულდა და გადმოდიოდა, რომ მესხი სულიერად და ნივთიერად ღონიერი ყოფილა. დიდად საწყენი და დასალონებელია, რომ მესხეთის ბედი უკულმართად წავიდა. წინ წასვლისა და წარმატების მაგიერ უკან დაიხია, გალარიბდა, სულით დაეცა და წარსულის დიდების ნიშან-მოწამეს პატრონობას ველარ უწევს და ეკლესია-მონასტერები და ციხენი თავზე ენგრევა. ქართ და წვიმა, ადამიანის უგუნური ხელი თითქოს ერთმანეთს ეჯიბრებიანო, სწიწვიან და ჰელეჯენ უწყალოდ ჩვენ წინაპართავან დატოვებულ განძსა. კულტურითა და სწავლით განთქმული ეკრობელები დიდის მოწიწებით და მოკრძალებით ეკიდებიან ისტორიულ ნაშთებს, უვლიან და ჰპატრონობენ. დღევანდელ ქართველებს თითქოს სამუ-

დამოდ გაუქრათ გულში წარსულის სიყვარულის სწორედ ისე იქცევიან. უბრალო ქვის ღობე რა არის, მიმასაც კი არ უკეთებენ იმისთანა შესანიშნავ ტაძარს, როგორიცაა ჭულები და შიგ თავისუფლად ბინას იკეთებს ხან. ნადირი, ხან მწყემსი, ავსებენ უსუფთაობით და კედლებს სკვარტლავენ. ბევრგან ეკლესიათა თაღის სურათები თოფის ტყვიითა დახვრეტილი.

ბორჯომის ხეობაში სამი ციხეა: პეტრესი, ტიშოთისა და აწყურისა. ამ რამდენიმე ჭლის წინად ზარბაზანი უსროლიათ აწყურისა და ტიშოთის ციხეთათვის, უნდოდათ თურმე გამოეცადათ სიძლიერე ზარბაზნისა. რკალივით შენგრეული კედლები, მტკვრის ნაპირზე მიმავალ ქვაფენილ გზას, რომ დაჰყურებენ, ცხადად მოწმობენ, რომ წარსულის სიყვარული არა გვაქვს და არ ვიცით მისი პატივისცემა.

დღევანდელი სოფელი აწყური ქველად ყოფილა ქალაქი და დასახლებული მესხებით, ურიებით და სომხებით. ეხლა აწყურელები გამაჰმადიანებულები არინ, ხოლო ქართული არ დავიწყებიათ. პრის სამინისტრო სკოლა, მაგრამ ქართულს არ აწიავლიან. ამ სკოლაში ისეთი მასწავლებელიც ყოფილა, რომელიც ამბობდა, რომ აწყურელები თათრები არიანო. მტკვრის მარცხენა ნაპირზე შოსახლობენ მართლმადიდებელი ქართველნი, სომები და ურიანი. ქართველებს აქვთ სამრევლო სკოლა, საღაც ქართული ენაცაა. აწყურში იჯდა მიტროპოლიტი და კათედრად პეტრი მშვენიერი გუმბათიანი ტაძარი. გუმბათი ჩამონაგრეულა, ინგრევა აგრედვე კედლები. ამ ეკლესის გალავანში დასაფლავებულია ქაბუკი ბატონიშვილი ლევან იულონის

ძე, რომელიც ლეკებმა მოჰკლეს 1811 წელს პეტრეს კიხესთან.

~~სოფელი აწყური იმითიცაა შესანიშნავი, რომ რუ-
სის მხედრობის სარდალშა გრაფ ტოტლებენმა ულალატა
აწყურთან 1770 წ. აპრილის 25-ში მეფე ერეკლეს. ეს
გენერალი რუსეთიდან იმისთვის გამოგზავნეს, რომ ქართ-
ველების დახმარებით ოსმალები დაემარცხებინა. ბრძოლა
რომ უნდა დაწყებულიყო. სწორედ მაშინ გამობრუნვა
ტოტლებენი, დასტოვა მარტო ერეკლე ძლიერ. მტრის
წინაშე და თვითონ აბასთუმნის გზით ზეკარის ულელ-
ტეხილზე გადაიარა და იმერეთს ჩავიდა. ერეკლემ მაინც
აწყურთან გაიმარჯვა და 21 აპრილს ხომ საცემით და-
მარცხა ოსმალების ჯარი სოფ. ასპინძასთან.~~

ეხლანდელ ახალციხის მაზრაში კიდევ შემდეგი დი-
დი ციხეებია: რაბათისა, აბასთუმნის ხეობის შესავალში;
ოქროს-ციხე *), ქვაბლიანში; ჯაყისმანისა, სადაც მდი-
ნარე ჯაყის-წყალი ერთვის ფოცხოვის წყალს; ასპინძი-
სა, სადაც ერეკლემ დიდად დაამარცხა ოსმალონი 1770
წელს, თვით ქალაქ ახალციხის თრპირი ციხე და საკი-
რესი. უკანასკნელი ციცაბო და განმარტოებულ გორა-
ზეა აშენებული, როგორც გორის ციხე. საკირეს ციხე
თავს დაჰყურებს ს. ტაძრისს, სადაც ძველად შესანიშნა-
ვი დედათა მონასტერი ყოფილა, ეხლა კი ცარიელი ნანგ-
რევებია.

*) ლალა-ფაშა რომ შემოესია საქართველოს 1578 წელს,
ათაბაგ ქაიხოსროს ცოლი დედის-იმედი დიდანს გამაგრდა ამ ცი-
ხეში. დედის-იმედის შვილმა მანუჩარმა პირველმა მიიღო მაჭადის
რჯული და სახელად დაერქვა მუსტაფა-ფაშა. მისი ძმა ბექა დაი-
ნიშნა ახალციხის ფაშად, სახელად დაარქვეს საფარ.

აქ ჩამოთვლილ ციხეების ნახვა ძალიან აღვილია, ქართველებს რომ უყვარდეთ ევროპელებსავით მოგზაურობა და სამშობლო ქვეყნის მიმოხილვა და შესწავლა. პატარ-პატარა გუნდები რომ შეადგინოს ახალგაზღობამ, ზურგზე წამოიკიდოს პარუსუანებით საგზალი და ჩაიცვას საგზაო ქალამნები, სულ ორ კვირეს მოივლის ფეხით მოელ სამცხე-საათაბაგოს, დაათვალისერებს ისტორიულ ციხეებს და ეკლესია-მონასტრებს და დასტკებებს სულიერად მათის ხილვით და აგრელვე იმ ღიღებულ ბუნებით, რომლითაც ასე უხვადაა დაჯილდოვებული ჩვენი საწყალი ქვეყანა:

ეკლესია-მონასტრები ხომ აუარებელია ღიღებულ-მესხეთის ნაწილ სამცხე-საათაბაგოში. უფრო შესანიშნავია ზარზმა, საფარა, ჭულე, ანუ ჭულები, შორეთი, გავეთი, კარზამეთი, ჯაყისმანი, საკუნეთი და კლდეში გამოქვაბული მონასტერი დარძა.

ზარზმა აგებულია მეათე საუკუნეს ქრისტეს დაბადების შემდეგ დავით კუროპალატის დროს. მაშასადამე მონასტერი არსებობს ცხრაასი წელიწადი. ახალციხიდან ზარზმამდე 35 ვერსია, გზა მშვენიერია და ქვათვენილი. ასე ლამაზი, კოხტა და ტურფა საყდარი ორი არ მეგულება მოელ საქართველოში. ზარზმა აშენებულია ამაღლებულ აღგილზე და თავს დაჰყურებს ქვაბლიანის ხეობას.. გარემო მოები ტყითაა შემოსილი, ძირს ხეობა სავსეა ხეხილის ბალებით და საამურად მიიკლაკნება მათ შორის მდინარე ქვაბლიანი. სილამაზე ბუნებისა და სიტურფე ტაძრისა უნებურად ჰეხიბლავს და ათრობს მაცეკერალს და არ იცი, რას უყურო — ტურფა შენობას, თუ თვალ წარმტაც ბუნებას. სწორედ უფალს უხვი თვისი კალთა აქ, ზარზმაში, დაუბერტყია.

ზარზმას, დიდი ბელი ეწვია, განსვენებულმა, დიდმა მთავარმა გიორგი ალექსანდრეს ძემ თვისის ხარჯით და საფასით განაახლა ტაძარი, გაასუფთავა და გაამშვენიერა. ზარზმაშია დახატული ათაბაგნი: სარგისი I, შვილი მისი ბექა I, და შვილიშვილები სარგისისა: სარგისი II და ყვარყვარე.

ზარზმის სიახლოვეს, სოფ. ადიგვენის თავზე, შეორე მონასტერი ჭულეა, ზარზმასავით მშვენიერი. სამრეკლო ისეთი ლამაზია, რომ მისი ბადალი არ მოიპოვება მთელ საქართველოში. ჭულები უპატრონოდ გდია, თუმცა ის მამული, სადაც აგებულია ჭულები; ეკუთვნის მდიდარ მებატონის ფეიზულა ბეგ ქვაბლიანელის მემკვიდრეებს. მონასტერი აგებულია 1308 წლამდე. კედლებზე ათაბეგებია დახატული.

მესამე შესანიშნავი მონასტერი საფარაა. ახალციხიდან მონასტრამდე სულ შვიდი ვერსია. მონასტერში თორმეტი თლილის ქვის ნაგები ეკლესია, ყოფილი. თერთმეტი დღესაც კარგადაა შენახული, მეთორმეტე კი დაქცეულია. იმ ეკლესიათა მორის შესანიშნავია წმინდა საბას ეკლესია. ქვა საყდრისა მოწითალია, აშენებულია ხრამის პირას. კარი და ფანჯარა წმ. საბას ეკლესიისა დიდებულადაა შემკაბილი ჩუქურთმით. ეკლესის ქვებზე მრავალი ხუცური წარწერებია. მონასტერი აშენებულია მეთორმეტე საუკუნეში.

საფარაში დაბინაფინენ უვიცი ბერები და სულ გაატხრეს ეს შესანიშნავი და ტურფა მონასტერი. კედლები კირით შელესეს და გააფუჭეს ძველი მშვენიერი მხატვრობა. მას შემდეგ რაც იქ ბერები დასახლდნენ, ამბობს ერთი ისტორიის მცოდნე სწავლულით საფარას ნახევარი. ფასი დაეკარგაო.

ახალციხისავე მაზრაშია მეოთხე შესანიშნავი და
ისტორიაში განთქმული, კლდეში გამოქვაბული მონას-
ტერი ვარძია. ს. ხერთვისიდან ვარძია მდე მტკვრის ვიწ-
რობ ხეობით იქნება 18—20 ვერსი. მონასტერში მრავა-
ლი გამოქვაბული სენაკია მერებისა, რამდენიმე სართუ-
ლად გამწყრივებული. ეკლესიებიც ბლომადაა, სულ
კლდეში გამოქვაბული. უმთავრეს დკლესიაში დახატულია
თამარ-შეფერი მ სახით, როგორც ჰერცივენ. ამ მეფეს სუ-
რათებზე მეთოთხმეტე საუკუნეს მონგოლებმა აკლეს
ვარძია, ხოლო მეთექესმეტე საუკუნეს ყიზილბაშებმა.

ამ უამაღ მცირედად განახლებულ ვარძიაში ცხოვ-
რობს მოხუცი არქიმანდრიტი სიმონ წულუკიძე და და-
რაჯობს მონასტერს.

ამბობენ ძრიელ უყვარდა თამარ-მეფეს ვარძიაში
ცხოვრება და დროს გატარებაო. გამოქვაბულია ერთი
დიდი დარბაზი, რომელსაც ეძახიან სახელმწიფო საბჭოს
დარბაზს. თამარის თავმჯდომარეობით დიდებულნი სა-
ქართველოსნი აქა სწყვეტდნენ ქვეყნის საქმეებს.

დღეს ამ დარბაზში თავისუფლად მხოლოდ ღამუ-
რანი დაფრინავენ.

H

ვ ა ვ ა ხ ე თ ი.

ჯავახეთი მეორე წარჩინებული ნაწილია დიდებულ
მესხეთისა, ანუ ზემო ქართლისა. ისტორიული ჯავახეთი
კარგა მოზრდილი ქვეყანა იყო. დღევანდელ ახალქალა-
ქის მაზრის გარდა ჯავახეთს ეკუთვნოდა აგრედვე არ-
ტაანი, ეხლა რომ არღავანს ეძახიან. ამ უამაღ ჯავახეთს

ვეძახით საქართველოს იმ კუთხეს, რომელსაც რუსებმა ახალქალაქის მაზრა უწოდეს და ოსმალონი კიდევ ახალქალაქის სანჯაყად იხსენიებდნენ.

მართალია ჩვენს მთავრობას არ უყვარს ძველი ისტორიული სახელები და, თუ კი შესაძლებელი და მოსახერხებელია; ყველგან და მუდამ ჰსპობს ძველის ნიშანწყალს, მაგრამ ერთს ხსოვნა აგრე აღვილად როდი ივიწყებს ძველ სახელს. ისტორიული სახელი უარიელი სიტყვა-ნუ კი გვინდით. იგი სავსეა ნეტარისა და პოეტურის მოგონებით, ჩაქსოვილია ხალხის გულსა და ხსოვნაში. ისტორიული სახელი ტკბილი და საამო ნანაა, რომელიც მუდამ და განუწყვეტლივ აახლებს და აგონებს ადამიანის მამა-პაპათა ქველობა-ვაუკაცობას, ჭირსა და ლხინსა, ბეღნიერებას და უბედურებას. კაცს არ შეუძლიან დაივიწყოს ერთს თავგადასავალის გამომხატველი ისტორიული სახელი, როგორც არ შეიძლება დავიწყება სიჭაბუქე-სიყმაწვილისა. ისტორიის დავიწყება თავის თავის დავიწყება, ანუ ზნეობრივი და ფიზიკური სიკვდილი.

დღევანდელი ჯავახეთი, ან ახალქალაქის მაზრა, როგორც საათაბაგო, პატარა ქაუკინაა და უჭირავს სულ-რალაც 2407 ოთხ-კუთხი ვერსი, ან 250.729 დესეტინა (501,458 დღიური). ამ მცირე აღგილზე ცხოვრობს 84,183 სული მამრი და მდედრი.

აღმოსავლეთით დღევანდელ ჯავახეთს უდევს ბორ-ჩალოს მაზრა (ჯავახეთის მთანი), დასავლეთით ახალციხის მაზრა (მდინარე მტკვარი), ჩრდილოეთით გორის მაზრა (თრიალეთის მთანი, კოდიანის მთის ტოტი) და სამხრეთით ყარსის ოლქი (ნიალის ყურის მთა).

ისტორიული ბედი და თავგადასავალი ჯავახეთისა

ისევე მოუსვენარი და შფოთიანი იყო, როგორც საზრ-
გადოდ საქართველოს დანარჩენ სხვა ტომთა. მარტო
წისქვილი არ დატრიალებულა მის თავზე, თორემ სხვა
უბედურება, ჭირი და ვაგლახი ბევრისაგან ბევრი უნა-
ხავს. აღმოსავლეთში არც ერთი ძლიერი ტომი და ერთი
არ დარჩენილა, რომ არ ვაეთველოს ჯავახეთის ფართო
და კალოსავით გაშლილი ველ-მინდორი. საუბედუროდ
ზოგჯერ თვით ქართველებიც შეესევოდნენ ხლომე ჯავა-
ხეთს და ზარალს აძლევდნენ.

კიდრე საქართველოში მეფობას შემოიღებდნენ,
ჩვენი სამშობლო საერისთავოებად იყო დაყოფილი. ჯა-
ვახეთს განაგებდა და ჰპატრონობდა წუნდის ერისთავი.
წუნდა მაშინ ქალაქი იყო და მდებარეობდა მტკვრის
ვიწრო ხეობაში, თმოგვის ციხის პირდაპირ და გამოქვა-
ბულ მონასტერ ვარძის სიახლოვეს. ამ უამად წუნდას
ნაქალაქევს ეძახიან და წარსულის დიდებისა აღარა ეღ-
ყობა-რა. ნაქალაქევი პატარა და უხეირო სიფელია.

წუნდას გარდა ჯავახეთში სხვა ქალაქებიც იქო,
მაგალითად ხერთვისი, ბარალეთი, გოკია და არტაანი.
ხერთვისი დღეს კოხტა სოფელია, შემკული ბალ-ვენახე-
ბით. ხერთვისელებმა ქრისტეანობა შესცვალეს მაჰმადის
რჯულზე და მტკიცედ აღგანან ამ სარწმუნოებას. ხერთ-
ვისში თავი გვარი ყოფილა ძველიდ ვაჩნაძე. ვაჩნაძიანი
დღესაც არიან და ამ გვარიდან ინიშნებოდა მაჰმადის
რჯულის პირველი სამღვდელო კაცი — ყაზი. ნაქალაქევსა
და გოკიაში სრულებით აღარ არიან ქართველები. იმათ
მაგიერ დასახლებულან თარაქამები, რომელთაც ერთ
სიტყვა ქართული არ იციან. ბარალეთში მართლ-მაღი-
დებელი ქართველობაა დღეს და აზრუმიდან მოსული.
სომხები გრიგოლის სარწმუნოებისა.

ჯავახეთი, ან წუნდის საერისთავო საქართველოს სამეფოს განუყრელი და განუყოფელი ნაწილი იყო დიდ ხანს. ხოლო ოდეს სამცხის ბატონი გაძლიერდა და საქართველოს მეფეს თავს აღარ უკრავდა, დაეპატრონა ჯავახეთსაც.

ჯავახეთსაც ისევე, როგორც სრულიად მესხეთს, ან ზემო-ქართლს, თავისუფალი ცხოვრება და არსებობა მოუსპო ასმალეთმა მეჩილდეტე საუკუნის დასაწყისში (1625 წ.). ორას წელიწადზე მეტი იბატონებს ასმალეთის მთავრობის მიერ დადგენილმა ფაშებმა. ხეპრე და უწიგნო მთავრობამ მარტო ის მთახერხა, რომ მრავალმა ჯავახმა რჯული გამოიცვალა და ქრისტეანობის მაგიერ მაჰმადის რჯული იწამა. ამის გამო თითქმის სავსებით დაეცა ძველი მამა-პაპეული სარწმუნოება, შესანიშნავი ტაძრი კამურდოსი უპატრონობისაგან წახდა და ეხლა ბან-ჩამონგრეული დალვრემილი შესცერის უცხო ტომით დასახლებულ არე-მარეს.

საერთოდ საქართველოს თსტორია-სისხლის მელნითაა დაწერილი: განსაკუთრებით ილეწებოდა მტრისაგან განაპირა კუთხენი; იგინი ნელ-ნელა იცლებოდნენ სისხლიდან და ლონე-მიხდილი. ქართველობის იერს და ელაფერს ჰკარგავდნენ. ქართველების ნასოფლარ და ნაქალაქევ აღგილებზე სხვა უცხო ტომი სდებდა ბინას და ჩვენ წინაპართა სისხლით გაპოხიერებულ ნიადაგსა სხვა ისაკუთრებდა. ჩვენ მიერ ნაამაგდარი მშობელი მიწა სხვას უჩენდა სარჩო-საბადებელს, ხოლო ჩვენ, მისი კანონიერი მემკვიდრენი, იძულებული ვხდებით უცხო ქვეყანას შევაფაროთ ჟავი და იქ ვეძებოთ სარჩო-საბადებელი.

გამუღმებულმა მტრის შემოსიერამ ჭარლვი მოუდუნა

ჯავახს, გააღარიბა, გააღატაკა და რაოდენობით შეამცირა. საღლაა ჯავახეთის ძველებური სიმრავლე ერისა? ქართველთა სოფლები დღევანდელ ჯავახეთში უქა-იქა კივკიუბენ, ოროორც აზვირთებულ ზღვა-ოკეანეზე აფრა-ჩამოშვებული და საჭებ მომტცრეული ნავი. ბევრი-ბევრი დღევანდელ ჯავახეთში ქართველობა სამ-თავე წესისა: მართლ-მადიდებელნი, კათოლიკენი და მაკ-მადიანი მეექვსე-მეშვიდე ნაწილს შეაღენდნენ.

მოკლედ რომ მოვჭრათ სიტყვა, აი რა აოხრება და დარბევა განიცადა ისტორიულმა ჯავახეთმა. მერვესა და მეტხრე საუკუნეს, ქრისტეს დაბადების შემდეგ, არა-ბებმა გალერქს ჯავახეთი. ადვილად არ ემორჩილებოდნენ მაშინდელი მხნე და გმირი ქართველები შემოსეულ მტერსა, მუდმივ ებრძოდნენ და ამაობაში ბრძოლის ველი—ჯავახეთი სულიოთ-ხორცამდე იღუპებოდა ასეცე დაემართა ამ პატარა ქვეყანას, ბერძნების იმპერატორი დასილი რომ შემოსია საქართველოს. პირ-შავ ლიპარიტ ლრბელიანის და მეფე ბაგრატ IV ბრძოლის დროსაც სიკეთე არ დაჰყრია. ჯავახეთს.

სულთან, ჯალალ-ედინის და საერთოდ შონგოლების შემოსევამ მთლად აამტუტა ჯავახეთი. ამბობენ, ერთი შენობაც ალარ დარჩენილა დაუნგრეველიო. დანგრევა-დაქცევას გადარჩენია მხოლოდ ციხენი და გამაგრებული ადგილები.

მეთხუთმეტე, მეთექვსმეტე წა მეთვრამეტე საუკუნებში, რამდენჯერმე შემოსივნენ ჯავახეთს ყიზილბაშთა განთქმულნი შაჰი. თმოგვი, ვარძია და სხვა მაგარა ადგილები სულ დაანგრიეს. ნაღირ-შაჰმა რაც ქონება ჰქონდათ ჯავახებს, სპარსეთს წაილო, თანვე წაასხა საქონელი. ტყვევები არ წაუყვანიათ, ამბობს მარიანე

ალბად ყველას სიცოცხლეს უსპობდა, ვინც ხელში ჩაუ-
ვარდებოდა და დახოცილთა გვამნი რაღაში ეპრიანებო-
და გამჭინვარებულ სპარსეთის უგუნურ ბატონს.

ოსმალებმა რომ მოიკალათეს ჯავახეთში მეჩეილმე-
ტე საუკუნის დასაწყისში და შინ დაბრუნებას აღარ აპა-
რობდნენ, ქართლ-კახეთის მეფენი, მამა-შვილი, თეიმუ-
რაზი და ერეკლე, სულ იმის ფიქრში იყვნენ, თუ რო-
გორ დავუბრუნოთ ჯავახეთი საქართველოსათვის. ოსმალე-
ბის ჩამოთვესლება საათაბაგოს და ჯავახეთს გულში ლახ-
ვარივით მოჰვედა თეიმურაზსა და ერეკლეს, როგორც
თითის ნუნაში შესობილი ხიჭვი არ ასვენებს კაცს, ისე
ეს მეფენი ვერ ისვენებდონენ ოსმალების ახლო მეზობ-
ლობით. ორჯელ თეიმურაზი და ორჯელ ერეკლე შე-
იკრნენ ჯავახეთს, გამარჯვებითაც გაიმარჯვეს ოსმალოს
ჯარებზე, თან ქვეყანაც დაზარალდა ომიანობით, მაგრამ
ჯავახეთ-საათაბაგო ვერ დაიბრუნეს. ჯავახეთ-საათაბაგოს
დაბრუნების სურვილი იყო ერთი უმთავრესი მიზეზი, რომ
მეფე ერეკლე მიეკედლა რუსეთს და პირობა დაუდო, —
უთულდეს ორი ქვეყანა დაუბრუნეთ საქართველოსათვის.

ასრულებით აასრულეს პირობა რუსის მხედართ-
მთავრებმა, მაგრამ დღევანდელ ქართველს გაუკირდება
თამამად და გადაჭრით სთქვას, — რა ეჯობინებოდა, ას-
რულება პირობისა, თუ აუსრულებლობა მისი.

23. ივლისს 1828 წელს გრაფ პასკევიჩმა დაიმორ-
ჩილა ახალქალაქი და 2 სექტემბერს ქ. აღრიანოპოლში
ხელმოწერილ სამშვიდობო ტრაქტატის ძალით ჯავახეთი
შემოუერთდა რუსეთს და გაშასალდე საქართველოსაც
როგორც რუსეთის იმპერიის ნაწილს.

ამავე დროს მოხდა საოცარო და სამწუხარო ამბავი,
გამაჰმადიანებული ჯავახობა ოსმალეთს გადიხვეწა და

დაცარიელდა ჯავახეთი მკვიდრისაგან, რომელიც ათას
წლობით თავს დასტრიიალებდა ქვეყანას; ავი იყო თუ
კარგი, უვლიდა და ჰპატრონობდა. დარჩა მხოლოდ მცი-
რეოდენი ჯავახობა. ვრაფ პასკევიჩმა დაცარიელებულ
ჯავახეთის სოფლებში ჩააყენა აზრუმიდან წამოყვანილ
6,000 კომლი სომხები და ოთადენიმე ოჯახი ბეტანენ.
შემოხიზნულ სომხებს დაურიგეს დაცარიელებული სოფ-
ლები, მიუზომდეს ადგილ-მმართველი, ოჯახისა და მეურნეო
ბის მოსაწყობად მისცეს ფული, ხოლო ხელოსნები სა-
ხელოსნო იარაღი. ერთი სიტყვით რაც შეეფერებოდა
მაშინდელ დროს სტუმართ მოყვარე რუსის მთავრო-
ბას პატივისცემა არ დაუკლია ახალშენელებისთვის.

გაგართლდა ჯავახის თქმული: „ოთხმოცხერ წახ-
დენილა ჯავახეთი, ოთხმოც და ათჯერ ალშენებულაო“.
ალშენებით ალშენდა ჯავახეთი, მაგრამ სხვანაირად, უკუ-
ღმა. ქართველების გასაგისი თითქმის ამოვარდა და მათ
ნაოხრებზე სხვა დამკვიდრდა.

მეოთე ბაგრატ IV (1027 – 1072 წ.) ააშენა ქალაქი
ახალქალაქი, ოთხმოცხერ და დროიდან ითვლება ჯავახე
თის უპირველეს ქალაქად. ამ უამად ახალქალაქშიც
(1897 წლის აღწერილობით) სულ 5440 სული გამოი-
და მდეტრი. სომებია 4024 სული, ქართველი 297, და-
ნარჩენი სხვა ტომისაა. აქედან სჩანს, რომ ჯავახეთის
დედა ქალაქს ქართულ ქალაქის იერი და ელფერი დაუ-
კარგა.

ჯავახეთი უხილო, უვენახო და უტყეო ქვეყანაა,
მაგრამ ამასთანავე ყვავილიანი და წყაროიანი. მამული
ლონიერი და ნაყოფიერია და იცის მოსავალი მოუცდე-
ნელი. ხნული კუპრედიო შავია და ალაგ-ალაგ სიღრმე,
შავ მიწისა თითქმის არშინ ნახევარია. ნააღრევი ყინვე-

ბი, გვალვა და ხშირი სეტყვა რომ არ იცოდეს, ჯავახეთი მთელ საქართველოს დაპურებდა მოსავლით. რაც უნდა იყვნეს, მანჩნ ისე არ მოსცდება, რომ ხორბალი შორიდან მოსატანი გაუხდეს ჯავახს. მოსავლიან წელიწადს ხომ პური და ქერი ბლომად გააქვთ აქედან გასასყიდაღ.

ველ-მინდორი ჯავახეთისა ფართოდაა გაშლილი. ამირანის გორიდან ^{*)} რომ დაპურებ, გეგონება უზარმაზარი ზღვა-ოკეანე გაჭიმულაო. კოდიანის მთის კალთაზე შეფენილ სოფელ ბურნაშეთიდან თითქმის მთელი ჯავახეთი მოსჩანს. ზაფხულობით, სწორედ საამო სანახავია ზურმუხტის ფრად აბიბინებული და ამწვანებული მინდორი. გაზაფხულის გასულს სურათი იცვლება: შემოსული ყანები ოქროს ფერს იღებს და თვალ გადუწვდენელი მინდორი მცირეოდენ სიოსაგან ირხევა ლერწამსავით და ჰლელავს ზღვასავით. თუ ბარს ბურუსი არ აყრია, კა მოწმენდილია და კარგი დარია, ამ დიდებულ სურათს ბუნების მოტრფიალე ადამიანი თვალს ვერ მოაშორებს. გინდა უყურრო სიკვდილამდე. ბუნების სიკეპლუცეს და ამავს ლონიერ ადამიანისას.

ბევრჯელ დავმტკბარეარ უზომოდ ამ დიდებულის სურათის ცქერით; ბევრჯელ უნებურად ამილია ხელი საქმიანობაზე და ბევრჯელ უნებურადვე გონების თვალი წარსულისთვის მიმიკია, იმ წარსულისთვის, ოდეს ბილწი ყმობა-მონობა გვძაგდა და თავისუფალ ცხოვრების-თვის სიცოცხლეს არ ვზოგავდით.

ეხლა ხომ სულ სხვაა. სანთელსავით დნება ჩვენი

^{*)} თურქები „თავშანს“ — კურდლის გორას ეძახიან; რუსებმა ეს სახელი „თავშანკად“. გადანათლეს.

სახელი და ვითქვიფებით უცხო. ტომთა და ერებში როგორც მაწონი სადღვებელში. შედარებანი წარსულისა და აშშყისი, მოგონებანი, ზოვი ტკბილი და ზოგი მწარე ფუტკარსავით ირევა გონებაში. გარინდებული, გაქვავებული დგეხარ სვეტივით და იტანჯები გამოუთქმელ სევდა-ვარამით. აზრი და გონება, მთელი სულიერი არსება ძლიერად კვნესის და სწუხს, რომ ეს დიდება ბუნებისა, მისი მშვენიერება, ეს მობიბინე ველ-მინდორი ხომ ჩვენი იყო და რატომ აღარაა ჩვენი? რად დაგვემართა ასეთი საქმე? რად დატრიალდა ასე უკულმართად ბედი ჩარხისა, რომ ჯავახი, ჩვენი სისხლი და ხორცი, საუკუნოებით ამ ქვეყნის მომვლელ-პატრონი, მისი დამცველი, მოამაგე და მოჭირნახულე, ზოგი გაწყდა მტრის ხელით და ზოგი გადიხვეწა ოსმალეთს? რად მოხდა ისე, რომ ჩვენ ჩვენს ქვეყანაში სტუმრებს დავემგზავსეთ და შემოხიზნული უცხოელი დაეპატრონა ქვეყანას? ისეთი რა დავაშვეთ, რომ ქვეყანა გაგვიოხრდა და გაგვივერანდა? მთასა და გორაკე ველსა და მინდორს, დაბასა და სოფელს მხოლოდ სახელი-და შერჩა ქართული, თორემ სახრავი დღიდი თანია სხვამ-მიითვისა. ესეც არ იკმარეს და ცარიელ სახელსაც გვედავებიან. ქვის-ჯვარს (სოფ. ქოთელიას და ხანდოს შორის) ხაჩ-ჯრი უწოდეს, ნიალის-ურს გეგ-დალი და სხვა.

ეს ხომ ასეა, მაგრამ მე მაინც მგონას, რომ შემოხიზნულნი ვერ შეიყვარებენ ახალ სამშობლოს და პირს იქით იზამენ, საიდანაც მოსულან, ან სხვაგან მოსძებნიან ბინას, სამშობლოს მოწყვეტილი აღვილად ვერ დასდებს ბინას უცხო ქვეყანაში. საბაბად უბრალო მიზეზი ეყოფა, იყრება და წავა ან სხვავან, ან ძელ სამშობლოს მიადგება. ამისი მაგალითი ბევრია. ათას წელიწად-

ზე მეტია, რაც გაიბნა ებრაეჭობა, და მაინც თვალს
იერუსალიმისკენ უჭირავს. სამართ წელიწადი სრულდება
რაც ქართლ-კახეთიდან ყიზილჩაშებმა წაასხეს ქართვე-
ლები თავიანთ ქვეყანაში, მთერამ მათ ჩამომავლობას
მაინც გული ეთანაღრება და ძველ სამშობლოსკენ მოი-
წევს.

წარსულის მოგონებით გამოწვეული სევდა-ვარამი,
გულს რომ უთუთქამს ხოლმე ადამიანს, არ გეგონოთ,
რომ ბოროტება და სიძლლვილია ხიზან-სტუმრისადმი.
სევდა სამშობლოსი ბუნებითი გრძნობაა, დაბადებით
დაყოლილი. აბა ნაამაგდარ შვილის დაკარგვას როგორ
აიტანს მოსიყვარულე დედის გული, თუ ზოგჯერ მდუ-
ლარე და ანგარა ცრემლი არ დაღვარა და გული არ მო-
იფონა!

ჯავახეთის მდებარეობა მაღალია, ზღვის პირიდან
თითქმის **5,000** ფუტს უწევს სიმაღლე. ეს მაღალი მდე-
ბარეობა მიზეზი, რომ ჯავახეთში ზამთარი დიდ-თოვ-
ლიანი და ყინვიანია. მარიამბისთვის ნახევარს ჯავახე-
თის მთის წვეროებზე აბულსა და სანსარზე უკვე თოვ-
ლი მოდის. შემდეგ თოვლს ჩამოჰყრის ხოლმე კოდიანსა
და ნიალის ყურეზე. ასე რომ შემოდგომის პირზე ჯა-
ვახეთის მთაგრეხილნი სამის მხრით თოვლით იმოსება
და ლაზათიანს სუსხს იჭერს. იმერელი, ან მეგრელი თა-
ვის თხელი და სიფრიფანა ტანსაცმელით გაფიჩდება
აქა, ისე საგრძნობელი და ძლიერია შემოდგომის სუსხი.
სიცივესა და ყინვას მიჩვეული ჯავახი კი არხეტინადაა, გა-
ეცვევა ტყავში და მხნედ მუშაობს ხოლმე.

ბარში თოვლი გიორგობისთვეში მოდის; ქრისტი-
შობისთვის პირველ დღეებში გაჩაღებული ზამთარი დგე-
ბა, ამ დროს სამარხილო გზა ჩინებულია.

დღისით აგრე რიგად არა ცივა ზამთარში, ლამ-დამობით კი დიდ სიცივეს იჭერს. ხშირად სიცივე 10—15 გრადუსია რეომიურისა. უფრო დიდი ზამთარი ტბის უკრის და ფარვანას ტბის არე-მარემ იყის. ამ აღვილებ-ში თოვლი მოღის ასე ენკენისთვის ნახევარს და ძლივ-ძლივობით დნება აპრილის თვეში.

გეოგრაფი ვახუშტი ამბობს, რომ ჯავახეთი უტყეო ქვეყანაა. დღევანდელ ჯავახეთში მართლაც ტყეები აღარაა, აქა-იქ მოიპოვება მხოლოდ ჯაგნარი, მაგალი-თად სანსარის მთის და ციხის-ჯვრის ფერუობსა და ძი-რაობებზე. ჯავახეთზევეა მიწერილი ჭობარეთის ტყე, მაგ-რამ იგი საათაბაგოს სამზღვარზე დევს და ჯავახნი სიშო-რისა და უგზობის გამო ვერა სარგებლობენ ამ ტყით. ჭობარეთი უფრო ბორჯომის გორას მჯხრას (ქართლს) ეკუთვნის, ვიდრე ჯავახეთს.

დიახ, ჯავახეთში ეხლა აღარაა ტყეები, მაგრამ ეტ-ყობა, რომ ძველად დიდი ტყეები ყოფილა. სოფელ სან-სარს დღესაც კარგადა შენახული მშენებერი მოზრდი-ლი ფკლესია-მონასტერი. მონასტერის კედლიდან გაღმო-ვარდნილა უშველელებელი თლილი ქვა ალბალ მიწის ძერმი დართს და ზედ ასეთი ხუცურა წარწერა აქვს: უდეს ეს წმილისა ღვთისამშობლის ეკლესია აღშენდა, მაშინ ეს აღილი ტყისაგან არა ჩნდაო. ეს წარწერა ნათლად გვიჩვენებს, რომ ძველად ჯავახეთში დაბურული და ხშირი ტყეები ყოფილა.

მე მგონია, რომ ტყეები თვით გეოგრაფ ვახუშტის სიცოცხლის დროსაც (18 საუკუნე) იქნებოდა ჯა-ვახეთში. შეიძლება ულრანი და გაუტეხელი ტყე აღარ ყოფილიყოს, მაგრამ ალაგ-ალაგ გატეხილი მანქვ შეტ-ჩებოდა. მე ჩემი თვალით მინახავს ს. იხტილაში თავხე,

ძევე სოფლის აზლო მდებარე შეთხელებულ ფრთონის ტყეში მოკრილი. კოთელიელები ამბობენ, რომ ტყები ჯავახეთში აზრუმიდან მოსულმა სომხებმა ამოაგდესო. რაკი სამშობლოში ტყის მოვლა-პატრონობა არ იცოდნენ და თვალითაც კი არ ენახათ, აქ რომ დაბინავდნენ, მიესივნენ ტყეებს და სულ გაანადგურეს... ჯირკვებს და დიდრონ ხის ფესვებს ეხლაც ვპოულობთ ხვნის დროსაო.

რაღგან საწვავი. შეშა-ფიჩხი არ მოიპოვება ადგილობრივ, ჯავახნი იძულებული არიან ხის მასალა შორიდან მოიტანონ სახლვარის ასაშენებლად. ხის მასალა გამოაქვთ ბორჯომისა, ოთისა და ზემო აშორას ტყეებიდან. ბორჯომის ტყე მდებარეობს გორის მაზრაში და ოთისა და ოშორისა ახალციხისაში. დიდ შრომასა და ჯაფას ალევს ჯავახი ხის მასალის მოტანას; ერთი ხის მოტანას ყევარი ხარით და ურმით ექვსსა და რვა დღეს უნდება ხოლმე. უშეშობა და ზამთრის მკაცრი სიცივეა. მიზეზი, რომ ჯავახი მიწურ სახლებს იკეთებს. ღრმად ამოთხრილ დედამიწას ტალახისა და ქვის კედლებს გაუვლებს, ზედ თავხეებს დააწყობს და ბანს სქლად მიწის აყრის. ზოგჯერ დაყრილ მიწის სილრმე-სიმაღლე არშინ ნახევარს უწევს ხოლმე. ზამთარში კიდევ ამოდენა მიწას ერთი-ორი არშინი სილრმე თოვლი დააწვება და ამგვარად ჯავახის სოფელი. ზამთრობით მიწისა და თოვლისაგან აკოკოლავებულ ბორცვების გროვას ლფრო ჰგავს, ვიდრე ჩვეულებრივ სოფელს.

შეშის შაგიერ ჯავახეთში ხმარობენ პურის გამოსაცხობად, საჭმლის მოსახარშად და სახლის გასათბობად წივას. წივას აკეთებენ ასე: სხვილფეხა საქონლის ნაკელს შეაქუჩებენ გაზაფხულზე, ან ზაფხულში სახლის

წინ, ან კალოზე, დაზელენ ნიჩებით და შემდეგ ამოსჭ-
რიან აგურივით, გაპფენენ კალოებზე, კალოს ღობეებზე.
და სახლის ბანებზე. როცა გამოხმება მზეზე, მწყრივად
დაალაგებენ, როგორც საუკის შეშას, ან ბჯას. ჯავახე-
თის სოფლები სავსეა ასეთი სასაცილო ბჯებით. ზოგი-
ერთა ოხუნჯი კაცი, შრომიდან მოსული, თუ სასაცი-
ლოდ აგდება უნდა ჯავახისა, იტყვის ხოლმე: ჯავახეთი
სავსეა ყინვარე შაქრის კეცებითა.

ერთი საუკის წივისა ფასობს 8—12 მანათი ცხვრის
ნაკელიდან ამოღებული წივა უფრო ძვირია, რადგან
მეტი სიცხლველე აქვს და ღირს 14—16 მანათი საუკი-
ნი. წივის კეთება უფრო ქალების მოვალეობაა. მამა-
კაცები ეშველებიან ნაკელის დაზელაში და ალიზებად
ამოღებაში. გაშრობა, გამწყრივება კალოებზე, შემდეგ
ბჯად დადგმა სულ ქალების საქმეა.

წივის კვამლი ძალიან ავი ასატანია და თვალებს
ძრიელ სწვავს. სიმყრალით სჭარბობს ცხვრის ნაკელისა-
გან მომზადებული წივა. რაც უნდა ბევრი წივა მოამზა-
დოს ჯავახმა, მაინც იოლად ვერ წავა ცივსა და გრძელ ზამ-
თარში. ამის გამო ჯავახი სარგებლობს საქონლის სით-
ბოთი. თავლა-ბოსლის ერთ ნაწილს გადაღობამენ დარა-
ბებით, ან ქვის კედლით (უკიროდ) ნახევრად და ერთ-
მხარეზე რომ საქონელია დაბინავებული, მეორეზე ჯავა-
ხის ჯალაბი. ამ ოთახს ოდას ეძახიან. ოქაშა და თავ-
ლაში სუნა მძიმეა და შეუჩეველ უკასათვის მნელი
ასატნი. პირველად ამისთანა ბინაზე ხამი აღამიანი დი-
დად იტანჯება. საქონლის ფშვინვა, საჭმლის ხრამუნი,
მოცად საქონლის ზმუილი, ნეხვისა და პირუტყვის შარ-
ღის სუნი, საერთოდ შეხუთული და აშმორებული ჰაე-
რი სულს უხუთავს ხამ აღამიანს. გაფუკებული ჰაერი.

დიდ ზიანს აძლევს. თვალს და ამის გამო ხშირია თვალის ავადმყოფობა ჯავახეთში და თუ სხეულით ჯანსაღია ჯავახი, იმის მაღლიაბელი უნდა იყვეს, რომ ბინის გარედ მეტის მეტად სუთთა ჰაერია და ციცი ანკარა წყაროები უხვად მოიპოვება.

თავლასა და ოდას ზედ მიღებული აქვს საბძელი, სათორნე, იარაღის საწყობი, შენობანი და სხვა. შეძლებულ ჯავახს ხშირად ექვსი-უვიდი თვალი შენობა აქვს და ამოდენა ოთახებს ერთი კარი აქვს, საიდანაც შედის და გამოდის ადამიანი და პირუტყვი. თუ მიჩვეული არა ხარ, კისერს მოიტეხ, პირველად რომ შედიხარ ამ დაუსრულებელ ბნელ ოთახთა ლაბირინტში, ან ციც კედელს მიახლი ცხვირსა და პირს, ან საქონელს წააწყდები. შეძლება ზორბა ქოფაკსაც წამოჰკრა ფეხი და ვაი შენი ბრალი მაშინ! მე მუდამ შიშითა და კრძალვით შევსულვარ ჯავახის სახლ-კარში. ფეხის გადადგმას ვერ გავმედავდი ხოლმე, ვიდრე ხელს არ მოჰკიდებდნენ და წინ არ გამიძლვებოდნენ.

შეძლებული ჯავახი ნელ-ნელა ამოდიან თხუნელისებურ სოროებილან და სახლ-კარს რიგიანს იკეთებენ. განსაუთრებით დიდ უურადღებას აქცევენ სასტუმრო ოთახს, ანუ ოდას, ხიხაბავრას, ხერთვისს და ბარალეთს ბლომად. მოიპოვება მიწაზე დაღვგული ქვიტკირის შენობანი.

ერთი კარგი თვისება აქვს ჯავახს, — ძალიან უყვარს, ხიუხვე ლოგინისა. რაც უნდა ღარიბი იყვეს, ორი-სამი ხელი ლოგინი მაინც ექნება სასტუმროდ შენახული.

მთელ საქართველოში არ მოიპოვება იმისთანა საღი ჰავა, როგორიცა ჯავახეთში. რა ხილია ციებ-ცხელება, აქ არავის ვაუგონია? ან საიდან გაჩნდება ციებ-

ცხელება ამ შალალ ველ-მინდორზე, სადაც ჰყაპი და კაობიანი ადგილები არაა. ზაფხულობიდ ბარში წყალი დუბელა და სასმელად მაწყინარი, ჯავახეთში კი ისეთი ცივი წყაროებია, რომ კბილსა ჰკვეთს,

ტბანი და **მდინარენი.** მთელ საქართველოში არ მოიპოვება იმდენი ტბა, რამდენიც პატარა ჯავახეთშია. ტბათა სიუხვით ჯავახეთი წააგავს ფინლიანდიას. ჯავახეთის ტბებს უკირავს 8,558-დღსეტინა ადგილი, ან 17 116 ქართული დღიური ყველაზე დიდი ტბა ფანავრის ტბაა, რომელსაც უკირავს 6,744 დღიური. ამ ტბას ჯავახი დღეს ფარგანას ეძახის, რუსები კი ტოპარავანს. შეორე -- ტბის-ყურის ტბაა, უკირავს 2,620 დღიური, ამ ორ ტბას გარდა ექვსი დიდი და პატარა ტბაა კიდევ ჯავახეთში. ზოგიერთი ტბა განთქმულია გემრიელი თევზით და კალმახით, მაგალითად ტბის-ყური და სალამოს ტბა. ბატონიშვილი ვახუშტი ასე აგვიწერს სალამოს ტბას: "ტბა სალამოსი, დიდი და აღვისილი თევზითა გემოიანითა, ამის-თვის რამეთუ არს ანკარა და ქვიანი..".

ზალხი ამბობს, რომ ტბის-ყური თამარ-მეფემ შდინარე ქუიადან ადინაო. „არხი, ნარუალი დღესაც ეტყობა“. თუ ზალხის გადმოცემა მართალია, აღბად „არხს იმ აზრით გასკრიდნენ, რომ მღ. ქუიას გემრიელი კალმახი ამ ტბაშიაც მოშენებულიყო“.

მდინარენი შედარებით ცოტაა ჯავახეთში. დასავლეთით ჩამოუდის მტკვარი და ისე ღრმა ხეობაში მოღის, რომ შეუძლებელია რუების გამოყვანა ხეხილის, ან ყანების მოსარწყავად, ან-და წისქვილის დასაბრუნებლად. მხოლოდ ხერთვისელებმა მოახერხეს პატარა რუს გამოყვანა და სოფლის. ბოლოს დიდი რუს გაყვანა სა-

წისქველედ. წყაროს-თავიდან^{*)}) მოყოლებული გომამდე (ახალციხისა და ახალქალაქის მაზრათა სამზღვარზე) მტკვარი ძრიელ ჩქარა მოღის და სრულიად არ წააგავს „მოდუდუნე“ მტკვარს, ტფილისს რომ შეაზე ჰყოფს და ზღაზვნით მიღის კასპიის ზღვისაკენ, მეორე მოზრდილი მდინარე გამოსღის ფარვანის ტბას, გაიღღის საღამოს ტბას, ჩაუვლის ქ. ახალქალაქს გვერდზე და შეერთვის არტაანის მტკვარს სოფ. ხერთვისთან. ფარვანის წყალს ოსმალონი ეძახდნენ თოფარავან-ჩაის, რუსები ეძახიან ტოპარავან-კას, ქართველები კიდევ ჯავახეთის მტკვარს. ქ. ახალქალაქიდან ვიდრე ხერთვისამარე ამავე მდინარეს ეძახიან ახალქალაქის წყალს. დანარჩენ მდინარეთა შორის უფრო საყურადღებოა ბარალეთის წყალი და უულასისა, ანუ ორმოცი წყარო, თაორულად ყირხ-ბულახ.

ხენა-თესვა. ხენალი. ჯავახეთში ხენა-თესვა ისე-თივეა, როგორც დალოცვილ ქართლ-კახეთში. იგივე მამა-პაპური გუთანი, ორხელა, გუთნის დედა, ღამისა და დღის მებრენი, ფარუხი და სხვა. განსხვავება ისაა მხოლოდ, რომ ჯავახის გუთანზე ისეთი მხიარულება ჩრაა, როგორც ქართლისაზე. აქ ვერ გაიგონებ საქონლისა და მეხრის გამამხნევებელ ოროველას. ოსმალთა პატონობამ ჯავახსაც გული დაუთუთქა და მოსპო ერთგზელი სიმღრა, როგორც ბევრი რამ სხვა.

ჯავახეთში დოლს ნაკლებად სთესავენ. ეშინიანთ სიცივისა: მომეტებულად ითესება დიკა. ქერშიც უფრო ახალთესლი ითესება, ვიდრე ძველთესლი. რაღგან ჯავახეთის ჰავა სასტიკი და სუსხიანია, ქერი და პური

^{*)} წყაროს-თავი არტაანის ოლქშია. აქ შესაჩიშნავი ჭართული ეკლესია, ქართველები კი აღარ არიან.

გვიან შემოდის. ქერებს სთიბავენ 15 აგვისტოდან, დოლი (შემოდგომის ნათესი პური) პირველ აგვისტოდან, ახალ თესლს აგვისტოს გასულს. მე სრულებით არ იციან და მაშასადამე აქ ვერც ჰოოპუნას გრიალს მოისმენ. მარტო სოფელ ეშტიაში ენერხებათ ნამგლის ხმარება. ეშტიოგ-ზები გადმოსახლებული სომეხ-კათოლიკენი არიან.

რაკი მოსავალი გვიან შემოდის, კალოობაც გვიან იციან. თუ ავდარმა უსწრო, ბჯები გაულენავი რჩებათ და როგორც ყინვებს დაიკერს, ესე ნოემბრის შუა რიცხ-ვებში, კალოობა ხელახლად გაჩაღდება ხოლმე, მაგრამ ვაი ამ კალოობას. კევრზე ქურქსა და ტყავში გახვეული კაცი დგას და წამდაუწუმ ხელებზე პირით ორთქლს უბერავს. საკოდავი სანახავები არიან გოგოები, საღა-მოობით ხვავს რომ აცხავებენ. პირისახე და ხელები სი-ცივისაგან დალურჯებული აქვთ, ტანი უძაგძაგებო და მაინც ცხავს ახანხალებენ. თუ ყინვა კარგა ხანს გაგ-ძელდა, ლეწვას მორჩებიან, მაგრამ თუ თოვლმა მოუსწ-რო, კალოობა გაზიარებულის გასულს, ან ზაფხულის პირ-ზე თავდება.

საუკეთესო მხვნელ-მთესველები ჯავახეთში ქართვე-ლები არიან. ამათ არც შესკოლი სომხები ჩამოუვარდე-ბიან. საქონლის მოშენება უფრო ეხერხებათ თარაქა-მებს, ქურთინებს და თურქენებს, ხოლო მებაღობაში ხეხილის მოვლა-პატრონობაში ქართველ — მაკმაღიანს (სუ-ნის მიმდევრები) ვერავინ უედრება.

ხეხილის ბაღები მარტო მტკვრის ლრმა ხეობაშია. ხვნა-თესვის გარდა შისდევენ ხეხილის გაშენებას საზაბავ-რელები; საროელები და ხერთვისელები. ვარძიის პირ-დაპირ მდებარე ქართული სოფლები იფნია და გოგაშე-ნიც მისდევენ. ამ საქმეს, მაგრამ ნაკლებად. სარგებლო-

ბას დიდს ვერასა ხედვენ, უფრო გულს აყოლებენ და ხალისობენ. საროსა და ხიზაბავრას (მართლ-მაღილებელი და კათოლიკე ქართველები) ვენახებიც აქვთ, მაგრამ აქაური ღვინო კაჭკაჭს დააჩხავლებს.

ხეხილიან ბალებით განთქმულია ჯავახეთში და მთელ სამხრეთ საქართველოში ხერთვისი და მის გვერდით მდებარე პატარა სოფელი შადრევანი. თუთა იცის იმისთანა, რომ ჭამით ვერ გაძლები. მარტო თუთის საჭმელად ღირს რომ ეს ტუმროს კაცი ხერთვისს და შადრევანს.

ხერთვისი დიდი სოფელია და ტურთა, თვალწარმტაცი მდებარეობა აქვს. შეფენილია ტიტველ კლდის ფერდობზე, კოხტა სახლები კიბე-კიბეა აშენებული და ამფითეატრივით მაღლა, კლდის წვეროსკენ მიღის. წყლის პირიდან დაჭყურებს ამაყად სოფელს ძველი ციხე. სოფელისა და ციხეს ორის მხრით ჩამოურბის მტკვარი არტანისა და ჯავახეთისა. ჯავახეთის მტკვრის ზეირთები ზეცასა სწოდება, ქუხს და გრგვინავს გააფთრებულ ლომივით. უზარ-მაზარ ლოდებზე ხათქა-ხუთქისაგან წყალი თეთრადაა აქაფებული და მისი შხუილისაგან ყურთა სმენა აღარაა. აქ, ისტორიულ, კირნახულ მტკვართა შესართავის პირას მოსკენება და განცხრომა ზაფხულობით, კარავში, ფართო თუთის ქვეშ, სახელოვან ციხის გვერდით, სწორედ რომ ნეტარება და ბეღნიერებაა! განაბევრია ქვეყანაზე ასე შემკული კუთხე, მაგრამ აბა ისიც მითხარით; ბევრია მისთანა ქართველი, რომელსაც ენახოს ხერთვისი?

ადამიანი განცვიფრდება, ხერთვისის პალებს რომ პნახავს. ბალები კლდე-კლდე მიღიან და გარეგანი სახით ძველ ბერძნოთ ამფითეატრს წააგავან. ბალებს ასე აშე-

ნებენ: ჯურ შოსხეხავენ კლდეს, მერმე ქვემოდან გაუც-ლებენ კედელს ისეთ დიდრონ-დიდრონ ლოდებით, რომ ზოგის წონა 10,000 ფუთი იქნება. სწორედ გასაოცა-რია, რა ხელმა და მარჯვენამ მიაგორა ეს უშველებელი ლოდები კედლის ამოსაყვანად? ზღაპრებში რომ მდევე-ბის და ციკლოპების ნაშენობაზეა ლაპარაკი, სწორედ ეს შენობანი მოგაგონდება.

ორცა კედელს გავლებენ და ადგილს მიასწორ-მოასწორებენ, ზურგით აზიდავენ მიწას, მოჰყენენ, შემ-დეგ დააყრიან პატივს და მხოლოდ ამის შემდეგ დარგა-ვენ ხეს, ან დასთესენ ჟესლს. დიდი ჯაფა და შრომაა საჭირო ამისთანა ბალის გაშენებისთვის, მაგრამ რა გაუ-ჭირდება გლეხის კურთხეულ მარჯვენას.

ხერთვისი სახაზინუ სოფელია, მცხოვრები ორას კომლ კაცზე მეტია. სახელმწიფო მიწა ისე ცოტა აქვთ, რომ სათქმელადაც არა ღირს. თითო სულ აღამიანზე მოლიოდა ამ ოცდა ორის წლის წინად სამი მეათედი დესეტინისა, ან 720 ოთხ-კუთხი საუნი, ესე იგი ნახე-ვარ დღიურზე ცოტა მეტი. ხერთვისელები ცხოვრობენ ხილის მოსავლით. ჯაჭვა ხარობს ვაშლი, სხალი, თუთა, ალუბალი, კაკალი, ატამი, შინდი, ქლიავი. ხერთვისში სკოლაც არის, სადაც ჩვეულებრივ ქართულს არ ასწავ-ლიან. ხერთვისელებს ძალზე აქვთ დავიწყებული ქარ-თული.

ხერთვისი ისტორიული სოფელია, ძველად ციხე-ქალაქად ითვლებოდა. იგი იხსენიება ალექსანდრე მაკე-ლონელის დროს ოოგორც მაგარი ციხე. 1588 წელს ათაბაგ მანუჩარ II ხერთვისი დაუთმო შაპ-აბასს, მაგრამ შესანიშნავმა ქართლის მოურავმა გიორგი სააკადემი წართვა სპარსელებს 1624 წ. 1636 წ. თურქები დაე-

პატრონნენ ხერთვისს, ჩააყენეს რაზმი ენგიჩართა, ხოლო 26 ოქტომბერის 1828 წ. პასკევიჩმა დაიჭირა ხერთვისი უბრძოლველად და მას აქეთ ხერთვისი საქართველოს შემოუერთდა.

ხერთვისის ლამაზ ციხეს თრი დიდი კოშკი აქვს, აღმოსავლეთისა და დასავლეთისა. კოშკების აშენების ამბავს ხერთვისელები ასე მოგვიტხრობენ: თამარ მეფემ უბრძანა თრ კალატოზს აეშენებინათ თრი კოშკი. ერთი იყო ოსტატი და მეორე მისი შეგირდი. ოსტატს უნდა აეშენებინა აღმოსავლეთის კოშკი, ხოლო შეგირდს და სავლეთისა. მეფე დაპირდა, — უხვად დავაჯილდოვებ, ვინც უფრო კოხტა და ლამაზ კოშკს ააგებსო. ოსტატი და შეგირდი გულმოდგინედ შეუდგნენ საქმეს. ჯერ არ დაემთავრებინათ ხელოსნებს მუშაობა, რომ ხალხმა ყაყანი დაიწყო, — შეგირდის ნაშენობა. სჯობია ოსტატისასაო.

მართლაც, თამარს შეგირდის კოშკი უფრო მოეწონა და წინდაწინვე უხვად დავაჯილდოვა ხელოსანი. საშინალად გაბრაზდა ოსტატი, იხელთა დრო და თავის შეგირდს კიბე გამოაცალა სწორედ მაშინ, როდესაც შეგირდი კოშკის თავს ასრულებდა. რა ექნა შეგირდს? რაკი უკიბოდ ძირს ვეღარ ჩამოვიდოდა, აღვა და გაიკეთა ფოები ურიოდე დარჩომილ ფიცრიდან. ცული წელში გაირკო და გადაფრინდა ჯავახეთის მტკვრის მარჯვენა ნაპირზე. ეს მანძილი ბარე ოცი საჟენია. დასავლეთის კოშკიდან. ძირს ისე უხერხულად დაეშვა, რომ დაიჭრა ცულით და გარდაიცვალა. ამ ადგილს ეხლაც უძახიან ხერთვისელები, მსხვერპლის ადგილს, იგი გზის პირადაა *).

*) ეს ლეგენდა დაბეჭდილია ივ. 3. როსტომაშვილის წიგნში.

საქონლის მოშენება. საქონლის მოშენებას დი-
ლის ხალისით მისდევენ ჯავახნი, რაღაც იალალები საკ-
მარისად მოიპოვება. საქონლის ხელი უფრო იციან ქურ-
თინებმა და თარაქამამ. ქართველები, სომხები და დუ-
ხობობრები კი უფრო მუშა საქონლის მოშენებას მისდე-
კენ. თუმცა ესენიც, სადაც კი ადგილის მდებარეობა
ხელს უწყობს, არ ერიდებიან ცხვრის ფარის და ცხენის
ჯოგების გაჩენას. ცივი ქვეყანაა ჯავახეთი, მაგრამ კამე-
ჩობასაც არ ილევენ, ცხენები ხომ ბლომადაა, განსა-
კუთრებით დუხობორიაში. აქ უშველებელი ტანის ცხენი
იცის, ძრიელ ღონიერია, მაგრამ საჯდომად არ ვარგა,
რაღაც ტლანქია და ნელად მოსიარულე. იმაზე სასაცი-ლო არაფერია, როცა ახმახი დოხობორი-ბოხოხა-ქუ-
დით და უშველებელ წალებით გადააჯდება უზარმაზარ
ტანიან ცხენს და გააჭინებს, თითქოს მიწის ძვრათ, ისე
ზანზარებს ხოლმე-დედა-მიწა, როცა ხუოი-ეჭვისი ამის-
თანა მხედარი ერთად მიაჭინებს ცხენებს. აპა სად ეს
სურათი და სად კოხტა, ტან-წერწეტა, გძელ ჩოხაში გა-
მოკვაწრული მეგრელი, როცა იგი ჯირითობს, ან სხვის
სანახავად ცხენს გააჭინებს.

თოთო ცხვარი ჯავახეთში იძლევა ესე ორ შანაოს
წმინდა შემოსავალს წელიწადში, ხოლო ძროხა 1:1 მა-
ნაოს. დუხობორებს სხვილი ჯიშის საქონელი ჰყავთ, ად-
გილობრივ მკვიდრს კი უფრო წვრილი.

ჯავახეთის იალალებზე შორიდანაც მოუდით ცხვა-
რი. ფშავ-თუშნი; ქიზიყელები, მთიულნი ხშირი სტუ-
მარნი არიან ნიალის ყურისა, სამსარისა და აბულისა.
ორ-სამ თვეს რჩება აქ მათი ცხვარი და აგვისტოს გა-
სულს, ან ენკენისოვის ნახევარს უკან ბრუნდება. ათი-
ათასობით ამოდის ნიალის ყურეზე შირაქიდან თუშები-

სა და ფშავლების ცხვარი და მრავალი მწყემსი. ტიტ-ველა ნიალის ყური და ქახალ-გორა, უნაღირო და უფრინველო, სამარესავით ჩუმი ზამთარ-შემოდგომით, ზაფხულში ცოცხლდება და ურიამულით ივსება მისი ხევსუვნი. ქართული სიტყვა-პასუხი, სიმღერა მწყემსისა მოგაგონებს შუაგულ საქართველოს და გავიწყდება, რომ ეს ქვეყანა სხვისაა და არა ჩვენი.

გზები. ჯავახეთი უგზოობას ვერ დაემდურება. მშვენიერი შარა გზები მიღის ახალქალაქიდან ერთი ახალკიხეს, მეორე ახტაცნა, მესამე ბაკურიანსა და ბორჯომს და მეოთხე-გუმბრს (ალექსანდროპოლი). ძველი გზა ახალკიხიდან ახალქალაქს ხიზაბავრაზე რომ აღიოდა და რომლოთაც-გაორა 1837 წელს იმპერატორმა ნიკოლოზ პარველმა ეხლა გაუქმებულია. აღარც ას გზაა წატივში, რომელიც ტბის-ყურის ტბასთან მიღიოდა კოჯორზე და რომლითაც დაბრუნდა ტფილისში ერეკლე II, ასპინძასთან რომ სასტიკად დაამარცხა 1770 წ. 21 აპრილს, ჭედ აღდგომა დღეს, ძრიელი ჯარი ოსმალობი და ლეკებისა.

ხალხი. თურქების შემოსევამდე, მეჩიდმეტე საუკუნის დასაწყისს, ჯავახეთი მარტო ქართველებით იყო დასახლებული — ოკი თურქებმა (ოსმალონი). დაიკირეს საქართველოს ეს კუთხე, ხალხიც აირია და აჭრელდა. კველაზე უწინარეს ჯავახეთს შემოეპარნენ ოსმალეთიდან ქურთები და თარაქამანი. როგორც ქურთი, აგრედვე თარაქამა მომთაბარე და უული იყო, ესე იგი მოხეტიალე და ერთ ადგილას დიდხანს არა ჩერდებოდა. ოკი მოსწყინდებოდა ხოლმე რომელსამე ადგილს დგომა, აიყრებოდა, ხიკრებდა ბარგ-ბარხანას და გასწევდა სხვა-

გან.. თარაქამა და ქურთი უსწავლელი, ხეპრე, ტლანქი
და გაუთლელი იყო.

როგორც ჩეელ სამშობლოში, ისე ჯავახეთში უს
ველური ხალხი მწყემსობას დააღდა. სადაც საქონელს
მირეკავდა და დროებით ბინას დასდებდა, იმის სოფე-
ლიც იყო. სახლების აშენებით თარაქამა და ქურთი თავს
არ იცხელებდა. წამოსჭიმამდა ალაჩუყს და შიგ არხეო-
ნად მოკალათებდა. ესე სახელდახელოდ წამოდგმული
ალაჩუყი, ანუ კარავი საფსებით აკმაყოფილებდა ქურთსა
და თარაქამას და სხვას არას დაგიდევდა. ხენა-თესვას,
ხეხილის გაშენებას, ან ბოსტნის მოყვანას თურქები და
თარაქამანი სრულებით არ მისდევდნენ. წლითი-წლობით
ასე უგემურად და ველურად ცხოვრობდნენ და
მკვიდრ ქართველობაზე არავითარი გავლენა არა ჰქო-
ნიათ.

სამაგიეროდ ოსმალეთის მთავრობისაგან, განწესე-
ბულ მოხელეებს დიდი გავლენა ჰქონდათ ჯავახეთის
ქართველობაზე. ოსმალონი ფიქრობდნენ, ჯავახი მაშინ
იქნება ჩვენი ერთგული და ჩვენგან განშორებას აღარ
მიისურვებს, უკეთუ სჯულს გამოიცვლის და მაჰმადის
სარწმუნოებას მიიღებსო. ეს ყალბი და შემცდარი აზრი
და ფიქრი გახდა მიზეზად იმისა, რომ ოსმალოს მოხე-
ლეებმა სასტიკი ძალმომრეობა იხმარეს და ჯავახეთი
გაამაჰმადიანეს. რაკი რჯული შეუცვალეს ჯავახს, სახე-
ლიც გამოუცვალეს და ქართველის მაგიერ დაუბახეს თა-
თარი. ამის გამო დღევანდლამდე რჯული და ეროვნობა
დომხალივით არეულია ჯავახეთში და საერთოდ გამაჰმა-
დიანებულ საქართველოში.

რუსებმა რომ დაიჭირეს ჯავახეთი 1828 წელს, ეს
ძველის-ძველი კუთხე საქართველოსი თითქმის სრულებ-

ბით იყო გადარჯულებული. მალულიად, ჩუმად, თითო-ოროლა სოფელი თულა მისდევდა ქ'რისტეანობას. გა-
დარჯულებულ, ანუ გამაპმადიანებულ ჯავახს, ოფელუ-
ზევით იყო მოხსენებული, არ მოეწონა რუსობა და მისი
ბატონობა, მოშორდა სამშობლოს და გადიხვეწა ოსმა-
ლეთს. დარჩენ მხოლოდ ჩუმი მართლ-მადიდებელი
ქ'რისტეანენი, ქართველი კათოლიკენი სომხის ტიბიკო-
ნისა, ქურთი, თარაქამანი და სულ მცირე ნაწილი გა-
მაპმადიანებულ ქართველობისა. დაცარიელებულ ჯავა-
ხეთში რუსის მხედრობის სარდალმა პასკევიჩმა მოიყვანა
1830 წ. აზრუმიდან დიდალი სომხობა და დააბინავა.
ქართველების ნასოფლარებში.

ათის წლის შემდეგ, ესე ვე 1840 წ. რუსის მთავ-
რობამ კიდევ მოუმატა ხალხი ჯავახეთს. რუსეთში სდევ-
ნიდა დუხაბორებს, ანუ მწვალებლებს, თავისუფალ ცხოვ-
რების ნებას არ აძლევდა და ადგა და შინ დაწუნებულ-
ნი დაასახლა ჯავახეთს.

ამ გვარად დღევანდელ ჯავახეთში ცხოვრობენ: 1)
სმალეთის ბატონობის დროიდან დარჩენილი ქურთე-
ბი; 2) თარაქამანი; 3) აზრუმიდან მოსული სომხები; 4)
რუსეთიდან გადმოსახლებული დუხაბორები*) და 5)
მკიდრი ქართველნი: მართლ-მადიდებელი კათოლიკე და
მაპმადიანი ქართველები. მართლ-მადიდებელი ქართველები
სცხოვრობენ სოფ. საროს, აფნიას, გოგაშენს, ქილდას,
ფრთენას, კოთელიას, ბარალეთს, ბალანთას, ჭიხარულას,
ვარევანს, ჩუნჩხელს, მურჯახეთს, თოქს და ვარგავს.

*) ჩვენში მთავარ-მართებლად თ. გოლიცინი რომ იყო, იმის
დროს დაიწყეს ჯავახეთში მართლ-მადიდებელ რუსების დასახლე-
ბაც. ჯერ ჯერობით ორი პატარა სოფელი გაშენეს.

სომხის ტიბიკონზე მდგომი ქართველი კათოლიკენი ცხოვრობენ ს. ხიზაბავრას, ხულგუმოს, ბავრას, კართი-კამს და ტურქების. სომხის ტიბიკონს რომ ვახსენებთ, ეს იმას ნიშნავს, რომ ტომით და ჩამომავლობით ქართველი, აი თუნდ ხიზაბავრელი. სომხურ ენაზე ისმენენ წირვა-ლოცვას. ესაა მიშეზი, რომ ამ ტიბიკონის ქართველს ხშითად სახელი სომხური აქვს, მაგალითად პავლეს მაგიერ ტერტერა (მღვდელი) პოლოსას არქმევს, გიორგის მაგიერ გეურქას და სხვ. მთავრობაც ხელს უწყობს ამ სიღუხვირეს და მახინჯობას. ამ რამდენიმე წლის წინად ხიზაბავრელებმა ქვის ეჭლესია ააშენეს და ზედ წარწერა გაუკეთეს ლათინურად და ქართულად. ვილამაც შეატყობინა მინისტრს, ხიზაბავრელები ქართველობას. ჩემულობენ და საყდარზე ქართული წარწერა გააკეთესთ. ფიცხელი ბრძანება მოვიდა პეტერბურგიდან: წაშალეთ ქართული წარწერაო. მეტი რა ჩარა იყო, ქვაზე ამოკრილი წარწერა კირით გაგლისეს.

ქართველი მაჰმადიანები სუნნის აღსარებისა ბინადრობენ ს. ხერთვისს, შადრევანს, თოქს და სხვაგანაც. სოფელ ხერთვისს შერჩენია ქართული გვარები: ვაჩნაძე, გეგიძე. ს. თოქს^{*)} აბაშიძე და ხოსპიოს — ფალავანდიშვილი. საზოგადოდ ჯავახეთის ქართველი მაჰმადიანი ან სრულიად აღარ ლაპარაკობს ქართულად, ან თუ ლაპარაკობს ისე ცუდად, რომ ძლიერ მიხედები მის ლაპარაკის აზრსა.

ჯავახეთის სხვა და სხვა აღსარების ქართველები

^{*)} ამ სოფლის ქართველობა ნახევარი მართლ-მადიდებელია, ნახევარი მაჰმადიანი. უკანასკნელები სუფთად ლაპარაკობენ ქართულსდ.

ერთის შეხედვით დღიულ განიტჩევიან ერთმანეთისაგან. ჩაცმულობით, მიხვრა-მოხვრით, ზნე-ხასიათით მართლ-მაღიდებელნი წააგავან ქართლელებსა და კახელებს. გან-სხვავება მხოლოდ ისაა, რომ ჯავახი უფრო ეტანება გა-ნიერ შარვალს, ვიდრე ქართლელი. ცხვრის ტყავისაგან უშნოდ შეკერილი ჭუდიც სილამაზეს ვერა ჰმატებს ამ ქვეყნის შვილს. არც წინდა-პაიჭი უვარგა ჯავახს, უშნო, ულამაზო და შეულებავია.

ქართველი მაჰმადიანი ჩაცმულობით, ზნე-ხასიათით და ჩვეულებით დიღად წააგავს თათარს. ქალები კარ-ჩაკეტილები არიან და თუ საღმე მოუხდათ წასვლა პირს იბურავენ ჩაღრით, ერიდებიან უცხო მამა-კაცთან საუ-ბარს და შეხვედრას. დიდი სირცხვილია და თავის მოჭრაა ქალისათვის, უცხო კაცმა რომ დაინახოს პირახდილი. ქალი ვალდებულია უცხო მამა-კაცს რომ შეეფეხობა, ან პირი დაიფაროს ჩაღრით, ან უმალ ზურგი მიაქციოს და ჩაქუქდეს. ნასწავლა კაცს უნებურად გაელიმება, ამ უც-ნაურ და სასაცილო სურათს რომ წააწყდება. როგორ-დაც არა გჯერა, რომ ჩაღრში გახვეული, პირ-უკულმა ჩამჯდარი გზის პირას მანდოლისანი ქართველი ქალია. ქართველი, ქალია თუ კაცი, სითამამით განთქმულია, არავის ერიდება და აგერ აქ კი, ამ გამაჰმადიანებულ საქართველოში, სარწმუნოებამ ასე შესცვალა. ჩვენი ზნე და ხასიათი. მარტო ბებერი დედა-კაცი და პატარა გო-გოები არა ჰმალავენ თავიანთ სახეს. კვირაობით ვყო-ფიოვარ ქართველ მაჰმადიანის ოჯახში და ქალისთვის თვალი არ მომიკრავს. უქალოდ კი ოჯახურ ცხოვრებას და. სიამოვნება-მხიარულობას აჩრდილივით თან დასდევს ერთფერობა და უგემურობა, თითქოს ხალხში კი არა საღლაც უდაბურ კუნძულზე ხარ მარტოდ-მარტოვო.

ვიდრე ქართველ მაჰმადიანის ოჯახში ქალი არ გამეფდება, როგორც ყველგან განათლებულ ქვეყნებშია მიღებული, მანამდისინ ქართველ მაჰმადიანის ოჯახს შნოდა ლაზათი არ მიეცემა. რაც უნდა კარგად შეაზავოსა კმელი, თუ მარილი აკლია, მაინც უგემური იქნება. სწორედ ასე ემართება ქართველ მაჰმადიანის ოჯახს, სადაც ქალი ეს მარილი ოჯახისა კარჩაკეტილია და მოკლებული თავისუფლებას.

თარაქამა და ქურთი, ანუ ქურთინი. ესენი. ჩაცმა-დახურვით ძრიელ წააგავან ქართველ მაჰმადიანებს სუნნის აღსარებისას, ითვლებიან მაჰმადიანებად, მაგრამ არც თუ აგრე დიდად იხეთქვენ თავს რჯულისათვის. როგორც თარაქამანი (ყარა-ფაფახი, შავქუდა), ისე ქურთინები მწყემსობას მისდევენ. ამ ბოლო დროს დაიწყეს მცვიდრად დაბინავება პატარ-პატარა სოფლებად და ხვნა-თესვას მიჰყვეს ხელი. ქურთინების სოფლებში სულ ორიამი კომლია. რაც უნდა დიდი სოფლები იყვნეს ქურთისა, ათ კომლზე მეტი მაინც არ იქნება. მომეტებული ნაწილი ყარა-ფაფახებისა ცხოვრობს ლეპისის გაშლილ ველ-მინდორზე, არტანის ოლქის გვერდით *). ლეპისში მშვენიერი საძოვარი მინდვრებია და იცის ნოკიერი ბალახი. აქა აშენებული მოწითანო თლილის ქვის საყდარი გავეთისა და დაუსრულებელი უზარ-მაზარი ყკლესია კარზამეთისა. ეკლესიის შენობა დაუწყვია აწყვერის მლვდელ-მთავარს და კედლები რომ ამოუყვანია შესავალ კარის სიმაღლეზე, ლეპის თურქებს დაუკერათ და შენობაც შეჩერებულია კარზამეთისა და გავეთის

*). ეს კუთხე შეცდომით ახალციხის გაზრაზეა მიწერილი.

მშვენიერ ეკლესიებს ვინ უპატრონებს დღეს? თარაქამაში რა იცის მისი ყადრი და ფასი? საქართველოს ეკლესიას რაკი საკუთარი მამული და ქონება ჩამოართვეს, სილაზინიბის გამო, თავი ალარა აქვს რომ პატრონობა გაუწიოს და უამთა ვითარების წყალობით ორივე შენობა ოხრდება და ტიალდება.

ლეგენდა აბბობს, რომ თამარ დედოფლის ძროხის ჯოგი ლეპისის მინდვრებზე სძოვდაო და აქ მოწველილი რე მილებით და ლარებით პირდაპირ ვარძიის გამოქვაბულ მონასტერში ჩადიოდაო. ისტორია მოგვითხოობს, რომ ვარძია დიდად უყვარდა თამარს და ხშირად აქ ატარებდა ღროსაო.

სომხები. როგორც ზემოდ იყო ნათქვამი, სომხები გადმოსახლა რუსის მთავრობამ 1830-წელს ჯავახეთში. უფრო დიდი ნაწილი გადმოსახლებულ სომხებისა აღიარებს წმინდა გრიგოლის სარწმუნოებას, ხოლო მცირე ნაწილი კათოლიკობის მიმდევარია. სომხები კათოლიკენი დგანან ს. ალასტანს, ეშტიას, კულიკამს და კიდევ რამდენსამე სხვა სოფელს. ორთავე რჯულის სომხები მშვენივრად ლაპარაკობენ თათრულად. ქართულიც იციან იმათ, ვინც ქართველებთან დაბინავდა. მაგალითად ბარალეთის სომხობა ისევე კარგად ლაპარაკობს ქართულს, როგორც ქართველები. ისიც სათქმელია, რომ ჯავახეთის და საათაბაგოს ქართველობა კარგად ლაპარაკობს თათრულს. იციან აგრედვე სომხური თუ სომხებთან ერთ სოფელში ცხოვრობენ. ერთ კუთხეში მოქცეულ სხვა და სხვა ტომის ხალხს შუღლი არ მოსდით და მშვიდობიანად ეწევიან ცხოვრების კაპანს.

გრიგოლის სარწმუნოების სომხებს არ უყვარს სომხები კათოლიკე. იმათაო, ამბობენ გრიგოლელები, სტუ-

მარი არ უყვართ, სისუფთავეს არ ეტანებიან, ზნეობის
სიფაქიშეს აგრე რიგად არ აფასებენ და საერთო, მე-
ზობლურ ცხლვრებს გაურბიანთ. ყველა თავის კერიისა-
კენ მიიწევსო.

ბავრისა, ხულგუმოს და კართიკამის და ტურცხის
კათოლიკეთ სომხური არ იციან. ზოგნი ამბობენ, რომ
ეგენი ქართველები არიან და გადმოსახლდნენ არტანის
ოლქიდან (ველი), ზოგნი კი უჩვენებენ სომხეთის მუშს,
საიდანაც ვითომ იგინი მოსულან. ველი ძველად ქარ-
თული პროვინცია იყო.

სომეხ-კათოლიკეთ წირვა-ლოცვა სომხურად აქვთ და
რომის წმ. პაპას ემორჩილებიან საეკლესიო საქმეებში.
აი სწორედ ქართველი კათოლიკენი ამ სომეხ-კათოლი-
კეთა ტიბიკონზე დგანან, ქართული წირვა-ლოცვა მოს-
პობიათ და გაუგებარ სომხურ ენაზე ისმენენ ღვთის-
მსახურებას.

ჯავახეთს მოსული სომხობა განთქმულია შრომის-
მოყვარეობით. ტანთსაცმელი სომხისა ისეთივეა, რო-
გორც ქართველ ჯავახისა, ხოლო სომეხ ქალის ჩასაცმე-
ლი ცოტათი განსხვავდება ქართველ ქალის საცმელისა-
გან. სომხის ქალი იცვამს ლურჯ კაბას; კაბას წინიდან
წითელი წინსაფარი აქვს აკრული. თავზე იხურავენ გა-
სათხოვარი ქალები ოსმალურ ფესსა, ხოლო გათხოვილე-
ბი ამავე ფესსა, მაგრამ ზედ ახვევენ შალ-ლეჩაქებს, შუბლ-
ზე იკეთებენ ჩვენებურ ჩიხტს, ოქროს ფულებით ახუნ-
ძლულს.

დუხაბორები. ჩამომავლობით დუხაბორები რუსები-
არიან (ველიკოროსი). ამათ უარპყვეს წეს-რიგი რუსეთ-
ში გაბატონებულ მართლ-მადიდებელ ეკლესიისა, ხელი-

აიღეს ბერებზე და მღვდელ-დიაკვნებზე, ნათლობა-
ქორწინებაზე ეკლესიურის წესით და თავისებურად და-
იწყეს ლვთის საშახური. დუხაბორებს დიდად სწამთ და
უყვართ ღმერთი. მთავრობა გაუწყრა, როგორ თუ ბე-
რები, მღვდლები, ეკლესია და ეკლესიური წესები არ
გინდათო და აიღო და გადმოასახლა 1840 წ. ჯავახეთ-
ში. მაშინ ჩვენი საქართველო რუსებს ისე მიაჩნდათ,
როგორც დამღუპველი ქვეყანა, საიდანაც რუსი კაცი
შინ ვეღარ დაბრუნდებოდა ცოცხალი. ეხლა რუსები ისე
ეტანებიან საქართველოს როგორც ბუზი თაფლს და
ბაწარ-ალებით მოდიან ჩვენში, სადაც ჩვენც ვეღარ ვე-
ტევით და სივიწროეით გული გვიწუხდება.

დუხაბორები დაასახლეს ჯავახეთის თოვლიან-ყინუ-
ლიან მთის კალთებზე იმ განზრახვით, რომ გაწყვეტი-
ლიყვნენ. მთავრობას სმულდა ურჩი, პირქუში და შეუ-
პოვარი დუხაბორი, მწვალებელი და უარის მყოფელი
ეკლესიის გარეგან წესებისა, იმ წესებისა, რომელთაც
დაჰფარეს და სავსებით ჩანთქეს სული და არსება კაც-
მოყვარე ქრისტეანობისა. მთავრობას იმედი გაუცრუვდა,
დუხაბორები არ გაწყდნენ, გაუძლეს სასტიკ ბუნებას და
დღეს ისე კარგად ცხოვრობდნენ, რომ ქართველი დიდხანს
ვერ მოესწრობა ამგვარ კეთილ ცხოვრებას. მთავრობა-
მაც ამ უამაღ აზრი შეიცვალა და დუხაბორებს დღეს
თავზე ხელს უსვამს, რაც უნდა იყვეს მაინც რუსები
არიან და მაშასადამე ჩვენი სისხლ-ხორციო.

დუხაბორებმა რვა სოფელი გააშენეს ჯავახეთის აღ-
მოსავლეთ-სამხრეთის. ნაწილში: ბოგდანოვკა, გორე-
ლოვკა, ეფრემოვკა, არლოვკა, როდიონოვკა, სპასკია,
ტამბოვკა და ტროიცკაია, ნაწილი ჭათი გადასახლდა ამე-

რიკაში რამდენიმე წლის წინად, მაგრამ არც ერთი და-
სახელებული სოფელი სავსებით არ დაცარიელებულა.

სასიამოვნო სურათს წარმოადგენს დუხაბორების
სოფელი. ქუჩები სწორე და განიერია; კოხტა, თეთრად
შედებილი სახლები ლაშაზად გამოიყურებიან. ეზო და
კარმიდამო დიდია, სადაც ყოველგვარი ოჯახისთვის სა-
ჭირო შენობაა მოთავსებული. ასე გასინჯეთ ჯავახეთის
ნაზუქი — წივა, ესეც კი კოხტად და მწყობრადა დალა
გებული. დუხაბორთა სოფლები სჩსუფთავით, რიგიანი
შენობებით და საერთო კეთილდღეობით დიდად განირ-
ჩევიან ქართველ და სომებს სოფლებიდან. იქ რომ სიმ
დიდრე და კეთილი ცხოვრებაა, იქ სილარიბე და სიღუ-
ჭირეა.

დუხაბორები შრომის მოყვარე ხალხია. „~~მუშაობა~~
ამბობენ დუხაბორები, სხეულს აპატიოსნებს, ხოლო სული
ამხანაგობას უწევსო.„ ქალი და კაცი ყველა მუშაობს.
დუხაბორმა ათასგვარი ხელობა იცის, წალებსაც თვითონ
იკერავს, ურემსა, ფურგუნს, გუთანს სულ თვითონ აკე-
თებს. სახლის აშენებაშიაც არავის იშველიებს. სოფლი-
სათვის ყველა საჭირო ხელობა გამოუვა ხელიდან დუხა-
ბორს, ამის გამო მარტო ნემსისა და მარილის საყიდლად
თუ წავა იგი ბაზარში.

დუხაბორები ზნეობით ძალიან მაღლა დგანან, არ
იციან რა არის ქურდობა, მრუშობა-გარყვნილობა და
სხვა. ერთმანეთს ხალისით ეხმარებიან მუშაობაში. გა-
ჭირვებულსა და ღარიბს სახოფლოდ ეხმარებიან: მოუხ-
ნავენ, დაუთესენ ყანას, მოუთიბავენ ბალახს, უყიდიან
საქონელს და ამ სახით დაძაბუნებულ კაცს თეხზე და-
ყენებენ ხოლმე.

დუხაბორები მისდევენ ხვნა-თესვას და საქონლის

მოშენებას. ტვითონ რომ ზორბა ტანისა არიან, ცხენებიც უშველებელის ტანისა ჰყავთ. ტვირთის საზიდად ღუხაბორის ცხენს არაფერი შეეღრძება. რუსებს 1877—1878 წ. ომი რომ პქონდათ ოსმალებთან, ღუხაბორები ჯარისთვის ტვირთსა ზიდავდნენ ფურგუნებით და დიდალი ფულიც იშოვნეს. აქედან დაიწყო მათი დაუშრებული კეთილდღეობა. ღუხაბორებს მთავრობამ დიდი მამული და სათიბი აღვილები მიუზომა — პური და ქერი აგრე რიგად არ მოღის ღუხაბორებში, მაგრამ თივა აუარებელი აქვთ.

III

ზოცეოვი, ერუშეთი, არტანი, ჩუღურეთი, კოლა.

საქართველოს ეს ნაწილები დიდხანს ეჭირა ოსმალეთს. ოსმალეთის ბატონობამ არც ამ კუთხეებს დააყრა ხეირი, აქაც ისევე ამოვარდა ქრისტეანობა და ქართული, როგორც სამცხე-საათაბაგოს და ჯავახეთში. განსხვავება მხოლოდ ისაა, რომ ჯავახეთსა და საათაბაგოს დღევანდლამდე შერჩა ალაგ-ალაგ ქრისტეანობა და ქართული ენა. ჯავახეთის და განსაკუთრებით საათაბაგოს გამაპმადიანებულმა ქართველებმა ჯერ კიდევ იციან ქართული ლაპარაკი და თუ მალე არ მივეშველეთ და კარგი ქართული სკოლები არ დავმართეთ სოფლებად, მალე აქაც დაივიწყებენ სამშობლო ენას. ფოცხოვისა და ჯაყის-წყლის ხეობაში, კოლასა, არტანისა და ერუშეთს სრულებით ალარ იციან ქართული. დაბა-სოფლების სახელები, მთისა და გორაკებისა, ველ-მინდვრებისა, მდინარეებისა და ხევებისა ისევ ქართულია, მაგრამ გა-

დარჯულებულ აქაურ ქართველს აღარ ეყურება მათი
შნიშვნელობა. სახელწოდება სოფლებისა: საიხვე, ზეგა-
ნი, ნაქალაქევი, ცხრაწყარო, სამღერეთი, წურწყაბი,
ალი, ყველი, არსიანი (მთა), ჯაყის-წყალი, და სხვანი
უცხო და გაუგებარი სიტყვებია აქაურ ქართველისთვის.
იგი ვერ მიხვდება, რომ ეს სახელები და სიტყვანი ქარ-
თულია და შექმნილი ქართველი კაცის გენიოსობით და
კუუა-გონებით. ბუნდოვანად ახსოვს მარტო, რომ ოდეს-
ლაც იყო ქართველი და ქრისტეანი, მაგრამ დღეს თა-
ვის თავს უწოდებს თათარს, იცის თათრული ენა და
ქართული და ქართველობა აღარაფრად ეპრიანება.

საქართველოს ეს ოთხი ჰატარი ნაკერი, ანუ კუთხე:
ფოტხვისა და ჯაყის-წყლის ხეობანი, ერუშეთი, არტანი
და კალა, ანუ გოლა რუსეთმა შემოიერთა უკანასკნელ
რუს-ოსმალოს ომის გათავების შემდეგ 1878 წელს, ამ
დროიდან ეს კუთხენი დაუკავშირდნენ საქართველოს გა-
რეგნობით. მართვა-გამგეობა და სამართალი ქართულ
ენაზე რომ შემოელო მთავრობას, უეჭველია, რომ არ-
ტანის ქართველები ამ ოცდა ათი წლის განმავლობაში
ძრიელ დაუახლოვდებოდნენ მტკვრისა და რიონის ხეო-
ბათა ქართველებს. შეისწავლიდნენ ძველ სამშობლო
ენას და ერთმანეთისას გავიგებდით რასმე. ეხლა კი სულ
სხვაა. არტანელებმა ვერც რუსული ისწავლეს და ქარ-
თულზედაც ძველებურად მოწყვეტილები არიან. მაშასა-
დამე ვერც ჩვენ და ვერც რუსებმა ვერ გამოვიყენეთ
უკანასკნელი გამარჯვებული ომიანობა და მჟიდროდ ვერ
შემოვიყერთეთ სამასი წლის წინად მოწყვეტილი ქართვე-
ლობა.

რუსის მთავრობამ დასახელებული ოთხი ნაკერი
საქართველოსი შეაერთა ერთ ოლქად და დაარქვა არ-

დაგანის ოლქი. ამ ოლქში ოთხი საპოლიციო ნაწილია: არღაგანისა, ფოცხოვისა, ჩილდირისა და ლელისა. ამ გვარად ძველი ქართული სახელწოდება საქართველოს ამ კუთხისა შეიცვალა და ერუშეთ, არტან, კოლა და ფოცხვის მაგიერ არღაგანის ოლქი გაგვიჩინეს. ასე ნელნელა იშლება და იფხიკება კავშირი წარსულსა და აწყოს შორის. არ უნდათ, რომ გაიდოს შემაგროებელი ხიდი წარსულსა და აწყოს შორის.

არღაგანის ოლქი დიდი ქვეყანა არ არის, უჭირავს 4924.90 ოთხ-კუთხი ვერსი, ან 513010.42 დესეტინა (ქართული 1026020.84 დლიური), ესე იგი ტფილისის უბრძონის თიჯქშის მეშვიდედის ოდენა ადგილი.

წინა წერილებში გვქონდა მოხსენებული, რომ ქართველმა კაცმა ძრიელ ნაკლებად იცის სამშობლო ქვეყნის ვითარება, როგორც წარსული, აგრეთვე დღევანდებელი. მართლაც საოცარია, რომ არ გვიყვარს მოგზაურობა და ჩვენი ბედნიერი თვალით ნახვა სამშობლოს სხვა და სხვა კუთხისა, არ გვიყვარს გავიგოთ და ვიცოდეთ, თუ რანი ვიყავით გუშინ, ვინ ვიყავით, რას ვშვიტებოდით და რას ვაკეთებდით. რაკი წარსული ნაკლებად ვიცით და დღევანდელ ვითარების გაებასაც ნაკლებად ვეტანებით, ალბად ამითი თუ აიხსნება, რომ დღევანდელ ქართველს ლვილური ცეცხლი არ უდვივის გულსა და მკერდში სამშობლო ქვეყნისაღმი. აბა როგორ შეიძლება აღამიანს უყვარდეს კეთილშობილურ სიყვარულით ის, რაც არ იცის, რაც თვალით არ უნახავს. ამიტომ დიდად საჭიროა ზედმიწევნით ცოლნა სამშობლოს ყოველი კუთხისა და გაგება მისის თავგადასავალისა. სამშობლოს სიყვარულის ბუნებრივ გრძნობას მხოლოდ შაშინ მიეცემა ღრმა საფუძველი, როცა შევიტყობთ და

გავიგებთ ყოველ მის წვლილს. სწორედ ასეთ საფუძვლიან ცოდნა-სწავლის შემდეგ იძაღება და იზრდება ეროვნული სიამაყე, რომლითაც ასე მოაქვთ თავი და-სავლეთ ევროპის ერებს. ევროპელში მამაო ჩეენოსავით ზეპირად იცის თვისის სამშობლოს წარსული და დღევანდელი ვითარება, მისი ბედი და უბედობა, ავი და კარგი, ამაყობს კარგით და ამის გამო მხნედ და იმედიანად უყურებს მომავალს.

ჩვენ, ქართველები, დიდად ჩამოერჩებით განათლებულ და პკვიან ევროპელებს სამშობლოს სიყვარულსა და სამშობლო ქვეყნის სამსახურში. რაღაც ქართველობა და ახაგრული ერია, ამიტომ ერთი ათად მეტი მხნეობაა საჭირო წარსულისა და აწმყოს შესასწავლად, თუ ერს ეროვნული თავმოწონება აკლია, იგი დიდხანს ვერ იბოგინებს ქვეყანაზე, გაქრება და ამოვარდება.

უკანასკნელ რუს-ოსმალოს ომიანობის შემდეგ (1877—1878 წ.), რუსეთმა შეიძინა: ბათუმისა, ართვინისა; ოლთისისა და ორდაგანის ოლქები, ანუ ძველი ქართული სახელწოდება ომში ვიხმაროთ: ქობულეთი, აქარა, შავშეთი, ლივანა, ნაწილი ჭანეთისა, კოლა, არტანა, ერუშეთი, ფოცხვის და ჯაყის-წყლის ხეობანი. ოსმალები ამ ნაწილს საქართველოსას ეძახდნენ და დღესაც ეძახიან ოსმალეთის საქართველოს. კარგა მოზრდილი ნაწილი ჭანეთისა ქალაქ ტრაპიზონამდე და მდინარე ჭოროხის სათავე დღესაც ოსმალეთის იმპერიის ხელშია. ჭოროხის ხეობის სათავეში მცირვებებმა ქართველობამ სრულებით დაივიწყა ქართული და გადაგვარდა და მისი გამოტრიალება ძალიან ძნელია. მარტო ზღვის პირას დაბინავებული ჭანები, ანუ ლაზები ისევე ლაპარაკობენ, როგორც მეგრელები, ესე იგი ქართულად.

შაგალითად ქართველი იტყვის: მამამ იმას ცხენი მისცა; მეგრელი იტყვის: მუმაქ (ბაბაქ) თის ცხენი მეჩუ; ჭანი (ლაზი) იტყვის: ბაბაქ ემუს ცხენი მეჩუ. განა ეს განსხვავებაა? სრულიადაც არა. თვითოვეულმა ხეობამ და კუთხემ იცის საერთო ენის გადახრა და მცირედი შეცვლა, მაგრამ დედა-ენას მაინც ამითი არა უშავდება-რა და დგას სალ კლდესავით მაგრად.

რაკი ჭანეთი (შავ ზღვის პირადაა გაჭიმული ტრაპიზონიდან მოყოლებული ქ. ბათუმამდე), ჭოროხისა და მტკერის სათავეების საქართველო და არსიანის მთის კალთებზე დაფენილი საქართველოს ნაწილები იყო მოწყვეტილი, ამის გამო ქართველი ნაწილი კაცები აგრე რიგად არ ეტანებოდნენ თსმალეთის საქართველოს. რაკი ჩვენები არ მიღიოდნენ იქითკენ, იქიდანაც არავინ შემოდიოდა საჩვენოში. შესწყდა ამნაირად მეზობლობა, ჩვენ იმათი აღარა ვიცოდით რა და იმათ ჩვენი და ვიყავით ასრე გაუგებრობით მოცულნი.

ბოლო მოელო ამ გაუგებრობას 1873 წელს. ამ წელს იმოგზაურა თსმალეთის საქართველოში პოლკოვნიკმა გიორგი ზ. ყაზბეგმა და დიმიტრი ზ. ბაქრაძემ. ამათ გვიამბეს ნახული და გაგონილი. მაშინ გავიგეთ, რომ მღინადე ჭოროხის ხეობა ისეთივე წმინდა საქართველოა, როგორც მტკერისა და რიონისა. რუს-თსმალოს ომის შემდეგ იმოგზაურეს თსმალეთის საქართველოში ე. გ. ვეიდენბაუმმა და თ. სახოკიამ. ამათ ნაწარებიდან ხომ სრულებით დავრწმუნდით, რომ ჭოროხელები ჩვენი ლვიდლი ძმეზი არიან, ხოლო სარწმუნოება აქვთ შეცვლილი და ქრისტეს შაგიერ მაჰმადს აღიდებენ. დღეს ჭოროხის ხეობის და მტკერის სათავის ნახვა და იქ მოგ-

ზაურობა ადვილია და მგზავრს არაფრის შიში არ მოე-
ლის.

პროფესიონალი ნ. ი. მარრი და ისტორიკოსი ე. ს.
თაყაიშვილი ხშირად ეწვევიან ხოლმე როგორც ჭოროხის
ხეობას, აგრედვე მტკვრის სათავეს, სწავლობენ და იჯ-
ლევენ შესანიშნავ ეკლესია-მონასტრებს, ციხე-ქალაქებს
და ნახულსა და გაგონილს უზიარებენ ქართველობას.

ექ ჩამოთვლილ სწავლულთა და მოგზაურთა ნაამ-
ბობიდან ნათლად სჩანს, რომ ქართული ენა სუფთად
შენახულა ქობულეთში, აკარაში (აკარის წყლის ხეო-
ბა), ლიკანში და ჭანეთში. ჭოროხის სათავეს აღარ ეს-
მის ქართული. შავშეთი ზედ აკრავს არტანს, მაგრამ
ქართული აღარ იცის თითო ოროლას გარდა. ერუშე-
თი, არტანი, კოლა ჯავახეთის მოსამზღვრეა, მაგრამ აქაც
აღარ იციან ქართული. ფოცხვისა და ჯაყის წყლის ხეო-
ბამაც, თუმცა ზედ აკრავს სათარაფოს, დაივიწყა სამ-
შობლო ენა.

ა) ფოცხვი.

ფოცხვის ხევს, ერუშეთს და კოლა-არტანს (არდა-
ვანის ოლქი) ითვლება 67.575 ქალი და კაცი. რადგან
მთავრობამ ქართველ მაჰმადიანებს ეროვნული სახელი
შეუცვალა და ხან თურქებს, ხან თათრებს უწოდებს,
ამიტომ ძნელი გამოსაცნობია ჯერ-ჯერობით, თუ რამ-
დენი ქართველი ცხოვრობს არდავანის ოლქში მაჰმადის
რჯულისა და რამდენია სხვა ტომისა. თითქმის ნახევარი
ამ კუთხის მცხოვრებთა—28,823 ნაჩვენებია როგორც
თურქი. მაშ უნდა ვიფიქროთ, რომ ეს ოკუდა რვა ათასი
რვაას ოცდა სამი ადამიანი ან საესებით ჩამომავლობით

ქართველები არიან, ან მცირედად შერეულნი. რასაკვირველია, ამათში ნამდვილი თურქები, უფრო კი ოსმალონიც ერევიან.

არა ქართველთა შორის ყველაზე ბევრნი არიან ქურთები—11,317 ქალი და კაცი; ბერძნები—10,136; ყარა-ფაფახნი (შავ-ქუდიანები)—9,108; თურქმენები—4711; რუსები—1702; სომხები—519 და აჭარლები—25.

სხვა და სხვა ტომის ხალხი ძრიელია აჭრელებული არღაგანისა, ჩილდირისა და ლელის საპოლიციო ნაწილებში, ხოლო ფოცხოვში, სადაც ითვლება 14,366 სული, მარტო მაჰმადიანი ქართველობაა. ქურთები სულ რაღაც 389 სულია, რომელნიც აქაც თავიანთ საყვარელ ხელობას ადგანან, ესე იგი მომთაბარობენ და საქონელს მწყემსავენ.

ფოცხოვი მთა-გორიანი ქვეყანაა, სწორედ ისეთივე, როგორიცაა ქვაბლოვანი საათაბაგოსი (ახალციხის მაზრა). პავა და ბუნება მშვენიერია, მთის კალთები და ფერდობნი შემკულნი ტყითა: ფიჭვით, ნაძვით, წიფელით და რცხილით. სოფელ ბადელადან მოკიდებული არსიანის მთამდე, საიდანაც იწყობა შავშეთი და აჭარა, ტყებშირია, ხოლო მთის მწვერვალნი სდგანან ტიტვლად. აქ ზაფხულობით ერეკებიან სხვილფეხ საქონელს და ცხვარს საბალახოდ.

ფოცხოვში ორი უმთავრესი წყალია, ფოცხვისა და ჯაყისა. ამათ ერთვის მრავალი ტოტი, გამომდინარე ერუშეთის და სასიანის მთებიდან. წყლის პირებზე, ხევებსა და ლელეებში სახნავი მიწებია და ხეხილის ბადები. აქ მოჰყავთ პური, ქერი და სიმინდი. ხილეულობაში ყველაზე კარგად ხარობს ვაშლი.

ხვნა-თესვა, საქონლის მოშენება ისეთივეა, როგორც
ქვაბლიანში. ფოცხოველი აბეზარი არაა, მშვიდობიანი
ხასიათისაა და ძალზე ეტყობა დაჩაგრულობა. ქვაბლია-
ნელის სითამაშეს და სიამაყეს აქ ვერ იპოვნით.

ფოცხოვს სიგრძეზე სჭრის ქვით დაფენილი გზა.
იგი იშყობა ქ. ახალციხესთან, გაიკლის ს. ვალეს, ბა-
დელას, დამავლეს, მხარს აუქცევს დიგურს და ხანიო-
რის ქედით გაემართება არტანისკენ. ხანიორის ქედს
იქით ტყეები აღარ მოიპოვება. ძველად ფოცხოვიდან
გზები გადადიოდა ერუშეთს, შავშეთს და აჭარას. დღე-
ვანდელ ქვა-ფენილ გზას ცუდად ინახავენ, თუმცა ეტ-
ლები დადიან და ჯარის მიმოსვლაც საძნელო არ არის.

უფრო თვალსაჩინო დაბა-სოფელი ფოცხოვისა ესე-
ნი არიან: დამავლე, აგარა, დიგური, ჯუმათელი, წურ-
წყაბი, ზედა-წმინდა, სტეფან-წმინდა, ბადელა, არილ,
პეტუბანი, ქალის-წყალი, ყველი, ალი, გიორგის-უბანი,
საკირე, ვარხანი, სათლელი, ქანჭახი, ჭილვანა, შუა-
წყალი, ობოლა, საიხვე, ხეობი, ლვინია, მერე, წინსა-
თიბი და სხვა.

ს. დამავლეში ზის ფოცხოვის ნაწილის უფროსი და
აქვეა მოთავსებული საპოლიციო, სამოსამართლო და
საადმინისტრაციო დაწესებულებანი. დამავლედან ახალ-
ციხემდე ძლივს იქნება ღცდა ათი ვერსი, ამ სიახლოვის
გამო აქაურებს ღიდად ეაღვილებათ ახალციხესთან საქ-
მის დაკერა, მგრძმ რაკი ფოცხოვი ადმინისტრატიულად
არტანზეა მიწერილი, იქ უნდა იარონ და იქიდან ქ.
ყარსს. ეს კიდევ რაა, ვისაც საქმე გაუჩნდება საოლქო
სასამართლოში, ერევანს უნდა წავიდეს.

დამავლედან ს. დიგურამდე სულ ხუთი-ექვსი ვერ-
სია. ეს პატარა სოფელი (62 კომლი) იმითია შესანიშ-

ნავი, რომ აქ არსებობს მაჰმადიანთა სკოლა, საიდანაც ლვთის მსახურნი გამოდიან. სკოლაში ასწავლიან არა-ბულს და სამლოთო-რჯულს. მოწაფენი დიდხანს სწავ-ლობენ და ზეპირობენ ყორანს, მაგრამ რიგიანად და სა-ფუძღლიანად ვერ ითვისებენ ვერც არაბულს და ვერც ყორანს. ხუმრობით დილვირის (ასე ეძახიან ახალციხე-ლები) სკოლას აკადემიას უწოდებენ, მაგრამ ვაი ამ აკა-დემიას, ათი-თორმეტი წლის სწავლის შემდეგ შეგირდე-ბი მიდიან სტამბოლს და იქ ამთავრებენ სწავლას. საა-თაბაგოს, ფოცხოვისა, ერუშეთის და კოლა-არტანის მო-ლები დილვირის აკადემიკოსები არიან, თითო-ოროლას. გარდა.

შეგირდები მასწავლებლებს ფასს არ აძლევენ. ათას-ში ერთხელ მათი დედ-მამანი მცირე ძლვენს თუ მიართ-მევენ ასტატებს. შეგირდები შინიდან მოტანილ საგზ-ლით საზრდოობენ, ან არა და მათხოვრობით გამოგდიან. ასევე ირჩენენ თავს თვით სტამბოლშიაც. კვირის-კვი-რამდე დადიან სოფლად, მღერიან სამლენო საგალობ-ლებს, ცოტა რამ სანოვაგეს შოულობენ და ამ საგძ-ლით ბრუნდებიან სტამბოლში. როცა გამოელევათ საჭ-მელი, ხელ-ახლა გაემგხატერებიან ხოლმე სოფლად საზრ-დოს მოსაკრებად. აღვილად მიხვდებით, რომ ამ გზით შეძენილი მეცნიერება უგრე რიგად ხელსაყრელი არ იქ-ნება. ეს კია სათქმელი, რომ ამ სახით აღზრდილი მოლ-ლა რჯულის დიდ და შეურყეველ სიმტკიცეს იჩენს ცხოვრებაში. მაჰმადის რჯულზე უკეთესი არა მიაჩნია-რა ვერ დააჯერებ, რომ ცხონება სხვა რჯულის შემწეობი-თაც შეიძლება.

დილვირში (დიგური) ცხოვრობდა მდიდარი და გავ-ლენიანი ბეგი შაქირი, ნათესავი ფეიზულა-ბეგ ათაბაგ-

ქვაბლიანელისა *) ამ რაცდენიშე წლის წინად შაქარ-ბეგმა მიყიდ-მოყიდა თვისი ქონება, უცელაფერი ფულად ჯეკია და სახლობით გადასახლდა ტამბოლს. ლონიერნი და ხმის აძმოლებნი. უცხოეთში მიღიან და შინ აღარავინ რჩება. დაჩაგრულს და უმშეო ქვეყანას ვინდამ უნდა უპატრონოს, თუ მლიერნი ამა ქვეყნისანი უცხოეთში გაღიხვეწებიან?

ფოცხოვის ხეობანი სავსეა ციხე-კოშკებით და ეკლესიებით. კარგად შენახულან ეკლესიები: სათლელში, ზეინდარში, მერეში და ოლში. მრავალი მათგანი დანგრეულია. ვერანა ხეოსმანის ეკლესიას ისე აქვა მოხვეული ბუჩქები, რომ სულ აღარა სჩანს პატარა ეკლესია და ვერა გზით ვერ მიუდგები შენობას. დანგრეული ეკლესიები არიან: ორტელში, ლვინიაში, პეტუბანში, ჭაბორიაში, ჯაჯუნში, მარცვალეთში, სეჯაში, ხეოთში, ვარხანში, ხანუმისში და აგარაში.

ციხე-კოშკებითაც მდიდარია ფოცხოვი. დიდ-ჭარალის მაგარი ციხე ფოცხოვშია, მაგრამ ეს სოფელი ეხლა მიწერილია ახალციხეზე. აგრელვე მიწერილია საათაბაგოზე ს. ჯაყისმანი, სადაც შესანიშნავი ციხეა და თლილი ქვით ნაგები ბან-ჩამონგრეული ეკლესია ქართულის წარწერით ხუცურად.

ციხეთა შორის შესანიშნავია ყალა-ბოინი და ჭან-ჭახი. ისტორიაში განთქმული ყველის ციხე სულ გავრ-რანებულია და ოხრად გდია **).

*) განსვენებულ ფეიზულა-ბეგს თავი მოსწონდა თავისი ჩამომავლობით, უყვარდა ქართველობა, ქართული თეატრი და პრეზრებოდა ქართველობას. ქართველი საზოგადოება კარგად იცნობდა ფეიზულა-ბეგს.

**) 1080 წელს მეფე გიორგი II თავის ჯარით იდგა ყველის-ციხეში. თურქები დაეცნენ მეფეს და დაამარცხეს. მეფე ყველიდან აჭარას გადავიდა.

ყალა-ბოინი (კლდის თავი) ამართულია ჯაყის-წყლის ორთავ ნაპირას, იქ საღაც იგი ერთვის ფოცხოვს. ციხე ამაყად დაჟყურებს ორთავ ხეობას და წარსულში, როგა განუწყვეტელი ომი და მტრის თავდასხმა აოხრებდა საქართველოს, ალბად ეს მაგარი ციხე ერთგულ სამსახურს და დარაჯობას უწევდა ფოცხოვს. ვახუშტის აზრით ეს ციხე ეკუთვნოდა ჯაყელებს, შემდეგ მესხეთის და საათაბაგოს ათაბაგთ.

ყალა-ბოინის სიახლოვეს მეორე უფრო დიდებული ციხეა ს. ჭანჭახში. ზემო და ქვემო ციხე მდინარის ერთ პირზეა, ხოლო მესამე წყლის მეორე ნაპირზეა. მათ შორის უეჭველია ასაწევ-დასაწევი ხიდი იქნებოდა. ჭანჭახის ახლო-მახლი მრავალი დანგრეული ეკლესიებია: სოფელ საკირეში, ენგიქევში (ახალსოფელში) და სხვა.

ს. საკირეს ახლო სოფელ აღმი დღევანდლამდე გადარჩა მშვენიერი ეკლესია, ნაგები თლილის ქვით, მაგრამ მალე ხელიდან გამოვეცლება, რაღაც სოფლელებმა მოხსნეს თლილი ქვები და წაიღეს ჯამეს სახლების საშენად. ზოგი ქვა წყლის მილებად უხმარიათ. დასუსტებული კედლები და სვეტები გუმბათის სიმძიმეს ვეღარ გაუძლებენ და გუმბათი მალე ჩამოწვება. წარსულის დიდების ნაშთი—ალის კოხტა ეკლესიაც მალე დაინგრევა უპატრონობით და უზრუნველობით. ეკლესიას მხატვრობას აქვს. დახატულია დედოფალი და ჭაბუკი მხედარი.

ყველის ციხის სიახლოვეს არის სოფელი წურწყაბი. ბატონიშვილი ვახუშტის სიტყვით, წურწყაბში ყოფილა ეკლესია გუმბათიანი, კეთილ-მშვენიერად ნაგები

და დიდი. აქა მჯდარა ეპისკოპოზი, რომელიც განავებდა სამწყსოს ახალციხის წყლიდან არსიანის და ერუშეთის მთებამდე და მდ. მტკვრამდე.

ამ მშენებელ საკათედრო ეკლესიისა დღეს კვალიც აღარ მოსჩანს. წურწყაბელებს დაუქცევიათ და თლილი ქვით ჯამე *) აუშენებიათ — აღმოსავლეთის კედელი ჯამესი აშენებულია ეკლესიის კედელზე. ამ ცოდვის გასაქარწყლებლად წურწყაბელები ამბობენ, რომ არც ჩვენ წინაპრებს არ ახსოვთ, რომ აქ ოდესმე ეკლესია ყოფილიყვესო. ჩვენ იმ ოსმალთა ჩამომავალნი ვართ, რომელთაც ეს ქვეყანა დაიმორჩილესო...

თურქ-ოსმალების შემოსევამ მეჩვიდმეტე საუკუნის დასაწყისს ასე წაახდინა ზემო-ქართლის ეს მშენებელი კუთხე. ფოცხოვს დაუკარგა ქართული ენა, ეს უპირველესი განძი ყოველის ერისა და დღევანდელი ფოცხოველი, შეუგნებელი და ბნელით მოცული, წარსულ დიდების ამაგსაც და ნაშთებსაც აღარ ინდობს. მაგრამ მოხდება ის რაც მდინარეს ემართება ხოლმე, იგი ნარუალს არა ჰქარგავს. ცოტაოდენი სიმხნევე და დაფერფლილი ეროვნული აზრი ხელ-ახლა აყვავდება.

ბ) მრუშათი, არტანი, კოლა, ჩუღურეთი.

მტკვრის სათავის ქვეყნები, ან ზემო ქართლი, ერუშეთი, კოლა და არტანი ძველის-ძველად ერთ საერისთოს შეადგენდა. ამ საერისთოს ეკუთვნოდა აგრედვე ჯავახეთი. ბაგრატიონთ გვარი რომ გამეფდა საქართველოში (VI საუკუნე), ზემო ქართლი გაიყო ორ საერის-

*) ჯამე მუსულმანთა სამლოცველოა.

თოდ: წუნისა და არტანისად. ერუშეთ-კოლა-არტანის-თავი ქალაქი იყო არტანი, დღევანდელი არდაგანი. სამ-შობლო ისტორია ამბობს. რომ არტანი ააშენა მცხეთის მამასახლისის შვილმა ჯავახმა.

ერუშეთს ეჭირა მტკვრის მარცხენა ნაპირი არტა-ნიდან მოყოლებული მონასტერ ვარძიის სირონამდე-მტკვრის მარცხენა ტოტი სამღერეთის, ან ერუშეთის წყალი შეუზე ჰყოფს ერუშეთს. რუსულ ქარტაზე სამ-ღერეთის სახელით არც ერთი მდინარე არაა მოხსენებუ-ლი. გაჰქრა ეს წმინდა ქართული სახელი, როგორც ბევ-რი რამ ქართული. სოფელ ნაქალაქევის ახლოს აღნიშ-ნულია რუსულ ქარტაზე მდინარე ხანის-წყალი (ხანი-ჩი) და აღმად ეს მდინარე თუმა ისტორიული სამღერე-თის, ან ერუშეთის წყალი *).

ერუშეთის სამზღვრებია: აღმოსავლით მტკვარი, და-სავლით არსიანი, ჩრდილო ერუშეთის მთა და სამხრით არსიანის შტო.

არტანისა: აღმოსავლით ყარსის მთის შტო, დასავ-ლით არსიანი, ანუ ქვა-ყრილი, ჩრდილოთ მცირე შტო არსიანისა და სამხრით მცირე მთა ფოსოს (ჩულურეთი) და კოლას შორის.

კოლასი: აღმოსავლით ყარსის მთა, დასავლით ქვა-ყრილი, ჩრდილოთ მცირე მთა არტანსა და კოლას შო-რის და დასავლით იგრვე ყარსის მთა, რომელიც იწყო-ბა ქვა-ერილიდან და მიემართება ჯავახეთის ნიალის-ყურამდე.

*) კარგს იზამენ არდაგანის ოლქში მცხოვრები ქართველე-ბი, თუ აიღებენ ვახუშტისა და რუსულ ხუთ ვერსიან ქარტებს და შედარების შემწეობით აღადგენენ ძველ ქართულ სახელწოდებას მთებისას, მდინარეთა და დაბა-სოფელთა და გამოუგზნენიან ამ ძვირფას ცნობებს „ნაკადულს“ ჩვენთვის გადმოსაცემად.

არტანს და კოლის მტკვარი ზედ შუა წელზე ჩა-
მოუდის. ყარსისა და ქვა-ყრილის მთეპიდან მრავალი
დიდი და პატარა ხეობანი ერთვის მტკვარს. მტკვარი აქი
მჩქეფარე და მარტინი, მოდის ორმად დაცემულ ხრამში.
ალაგ-ალაგ შევიწროებული კლდეთაგან ისე ჰქონებს, რო-
გორც განთქმული თერგი და ზეორთებს ისე მაღლა ისვ-
რის, გეგონება ზეცას უნდა ააწვდინოს ქაფად ქცეული-
ზეორთებით. მშვენიერი სანახავია გაზაფხულზე ადიდებული
მტკვარი! სიცოცხლით სავსე იგი წააგავს მაშინ ფაფარ-
აყრილ ლომს.

წინად, საქართველოს შეფექტის დროს და შემდეგ
ოსმალების ბატონობის დროს, ერუშეთ-კოლა-არტანს
საქმარისი გზები ჰქონდა. არსიანის მთით ერუშეთიდან
გზები მიღიოდა. შავშეთს და ტბეთს, ხოლო ერუშეთის-
მთით ფოცხოვს და სამცხეს. არტანიდან გზა გადადიოდა
ბანას და არტანუჯს (რუსები არდანუჩს ეძახიან) ქვა-
ყრილის ქედით. კოლიდან გზა მიღიოდა ყარსის ადგი-
ლებში.

დღევანდელ არდაგანის ოლქს ორი ქვაფენილი (შოს-
სე) გზა აქვს. ერთი მიდის ქ. ახალქალაქიდან და გაი-
ლის სულდას, კარწახს, ზურზუნას და შედის არტანში,
ხოლო მეორე იწყობა ქ. ახალციხესთან, გაივლის ფოც-
ხვის ხეობას, გადალახავს ხანიორის უდელტეხილს და
შემდეგ ჩაღის არტანს. აქედან გზა გადადის ქ. ოლთის-
ში, რომელიც ზედ ოსმალეთის სამზღვრის პირზე სდევს-

ბუნება ერუშეთ-კოლა-არტანისა ისეთივეა ოთვორტც.
ჯავახეთისა. რაღაც ამ ქვეყანას მაღალი მდებარეობა-
აქვს, ზამთარში დიდი თოვლი მოდის და ძრიელ დიდ-
სიცივეს იჭერს. აქაური ყინვა არაფრით ჩამოუვარდება:
რუსეთის მკაცრ სიცივესა და ყინვა-ტეხვრას. მაღალ მდე-

ბარეობის წყალობით ზაფხულში ჰავა გრილია, ხოლო ხანდახანობით დიდი მწვავი სიცხეები იცის. საზოგადოდ აქაური ჰავა სალი და მარგებელია. ციგბ-ცხელება გაგონითაც არ გაუგონიათ აქაურებს.

ჯავახეთსავით აქაც მოიპოვება ტბანი. ყველაზე დიდი ტბა ჩილდირისაა, რომელსაც უჭირავს 11.95 მ დესკრინა, ან 23,906 ქართული დღიური. ჩილდირის ტბა განთქმულია კალმახით. აქაური კალმახი დიდი ტანისაა და მეტის-მეტად გემრიელია. სანახავიდაც საამურია, რაღან ბლომად აყრია ზურგსა და გვერდებზე დიდი წითელი წინწკლები. ჩილდირის ტბაში დაჭრილი კალმახი ქალაქშიაც კი მოაქვთ გასასყიდად.

მართულად ჩილდირის ტბას პალაკაციოს ტბა ჰქვიან.

ერუშეთ-კოლა-არტანი უვენახო და უხილო ქვეყანაა. ვერც იხეირებს აქ ვაზი და ხეხილი, კიდეც რომ გააშენონ, რადგან მდებარეობა ქვეყნისა მაღალია და ზამთარში სასტიკი სიცივეები იცის. ხენა-თესვის გარდა მცხოვრები მისდევენ საქონლის მოშენებას. ამ ხელობას ხელს უწყობს უხვი იალაღები. არტანისა და კოლის ვაკენი და ველ-მიღორნი, აგრეთვე უტყეო მთანი გაზაფხულსა და ზაფხულში უხვად იმსესება ნოიერის ბალახით, ყვავილით და დიდალ საქონელს აპურებს და ასაზრდოებს. საბალახოდ ცხვრის ფარები ამოჰყავთ არტანის მთებზე თუშებს, ქიზიყელებს და დიდ-თონელებს. სოფ. დიდ-თონეთს (მანგლისის ახლო) საკუთარი საბალახო აქვთ არდაგანის ოლქში. გენერალ პასკევიჩს უწყალობებია ეს საძოვარი თონელებისთვის და დღევანდლამდე მაგრად უჭირავთ თავისი საკუთრება და არავის ანებებენ.

გადარჯულებულ და გადაგვარებულ არტანს რომ

ეწვევის ხოლმე ზაფხულობით თუშნი და ფშავნი, ქიზი-ყელნი და ღიღ-თონელები, მარტო მაშინ ედება ამ ქვეყანას ცოტაოდენი ელფერი ქართველობისა. სხვა დროს, შემოდგომა-ზამთარს და გაზაფხულს აღარსად მოისმის ქართული ხმა და მარტოოდენ თურქ-ოსმალური სიტყვა-პასუხია ყველგან გაბატონებული.

ერუშეთ-კოლა-არტანის საქონელი ღიღი ტანისაა. აქაურ საკლავ საქონელს გასასყიდად ტფილისში ჰეზავნიან და ძალიან ხშირად იმერეთსაც ახალციხის გზით, ზეკარის უღელტეხილით და ბაღდადით.

კოლა-არტანს სრულებით აღარაა ტყები, არც ის ციცით, იყო როდისმე აქ ტყები თუ არა. ალაგ-ალაგ, ისიც წყლის-პირებზე მოიპოვება არყნალის ბუჩქები. ერუშეთში დღესაც არის ტყები, მაგრამ ძალიან ცოტა. ასორმოცდა ათის წლის წინად აქ ბლომად ყოფილა ტყები; მაგრამ გაუჩეხიათ და ქვეყნისათვის დაუკარგავთ დამამშვენებელი სამოსელი.

უტყეობის და უშეშობის მიზეზით აქაურები პურის გამოსაცხობად, საჭმლის მოსახარშად და სახლის გასათბობად ხმარობენ წივას. როგორც ჯავახეთში, ისე აქ თვითოვეულ სახლის წინ ამართულია წივის ზეინები, რომელნიც ისედაც ულაზათო მიწურ სახლებს უფრო მეტად აუშნოებენ და ლაზათს უკარგავენ.

ერუშეთ-კოლა-არტანის უფრო შესანიშნავი დაბასოფელნი და ქალაქი ესენი არიან. ერუშეთისა: სამლერეთი, ნაქალავევი, ერუშეთი *), ველი, წყაროსთავი, ვაშლობი, კანარბელი, კართანაყევი და სხვა. ისტორიულ სამლერეთის სახელი აღარ შენახულა. ჩვენის ფიქრით სამლერეთის აღგილზე სოფელი ველი უნდა იყვეს. კარგა

*) ერუშეთი და სამლერეთი რუსულ ქარტებზე აღარა.

ხანია ამ სოფლიდგან გადმოსახლდნენ აქაური ქართველები ჯავახეთს და დასახლდნენ ოთხ ნასოფლარში: ბავრაში, კართიკაში, ხულგუმას და ტურქს. სარწმუნოებით კათოლიკენი არიან და უჭირავთ სომხის ტიბიკონი. შინ თათრულად ლაპარაკობენ, მაგრამ ვაი ამ თათრულს, ნახევრად ქართული სიტყვებია, რასაკვირველია დამახინჯებული. ურევია აგრედვე სომხური სიტყვები. აქაური ახალგაზისობა ძრიელ ეტანება სომხურს. ს. კართიკაშის მოძღვარი მამა იგითხანვი კარგი ქართულის მცოდნეა.

ნაქალაქევი ძველად ქალაქი იყო. ბატონიშვილი ვახუშტის სიცოცხლის დროს, მეთვრამეტე საუკუნის შუაწელს, დაბად ქცეულა. დღეს უბრალო, უხეირო სოფელია, სულ რაღაც $70 - 80$ კომლიანი. ქართულს სულ აღარავინ ლაპარაკობს. ნაქალაქევს ყოფილა ეკლესია მშენებელი, გუნდათიანი, აშენებული, საქართველოს მეფე შირიანთან ბიზანტიის მეფე კისტანტინე დიდის გამოაგზავნილ ელჩისაგან. ელჩს დაუსვენებია ეკლესიაში სამჭვალავი ქრისტიესი (ლურსმანი). ნაქალაქევს იჯდა ეპისკოპოზი ერუშეთისა და არტანისა. ვახუშტის დროს ეკლესია მთელი და დაურიღვეული იყო, ხოლო ცარიელი. მაშასადამე მეთვრამეტე საუკუნის ნახევარს ოსმალებს ქრისტიანობა ამოუგდიათ და ღვთისმსახურნი გაუწყვეტიათ.

ს. წყაროსთავი ჯავახეთს ზედ აკრავს კარგად შენახული კოხტა ეკლესია ამშვენებს ლარიბასა და უსუფთალობით სავსე თურქებით დასახლებულ წყაროსთავს. რუსულად აქაურებს თურქები ჰქვიან. შეიძლება ბევრი მათგანი ქართველის ჩამომავალი იყვეს.

არტანის ნაწილში უფრო საყურადღებოა თვით არტანი ზა შემდეგი დაბა-სოფლები: ჯინჭრობი, მაჭუეთი,

ნუნ უსი, დუდუნა, ბალდაღი, ახაშენი, ჯარის-ხევი, ორჭ-
შეთი (ალბაღ ეს ძველი ერუშეთის ნაშთია). სახელები
ქართულია, მაგრამ შიგ ქართული აღარა ყრია-რა.

არტანი პატარა ქალაქია და არც ძველად ყოფილა
დიდი, აშენებულია მტკვრის დასავლით კიდეზედ და ჰქონ-
და მაგარი ციხე. არტანს იჯდა ერისთავი არტანისა და
კოლისა. აქვე იყო ეკლესია გუნბათიანი, დიდ-შენი,
შშვენიერი და როგორც სხვა მრავალი ეკლესია მტკვრის
სათავისა დაცარიელდა მეთვრამეტე საუკუნეს.

არტანის ახლოს რუსებმა გააშენეს ორი სოფელი:
მიხაილოვკა და ნიკოლოვკა.

ძველებური კოლა გაჰქრა, ამ სახელით არც ერთი
დაბა სოფელი არაა ღელის ნაწილში. ქართულ სახელია-
ნი სოფლები აქაც მოიძებნება, მაგალითად: დადეში,
ოთხი საყდარი, ხევა, ოკამი (დუშეთისა და ახალ-ქალა-
ქის მაზრებშიაც არის), პანკისი (თიანეთის მაზრაშიაც
არის), დადაშენი.

როცა საქართველოს საკუთარი მეფენი განაგებდნენ
და უვლიდნენ, კოლა მცირე ქალაქი ყოფილა. ამ უამად
ნასოფლარიც აღარ მოიძებნება კოლას აღვილას. ეს სა-
ხელი მოიპოვება ოვსეთში, ქეშელთის სამამასახლისოში,
გორის მაზრაში.

ოსმალონი რომ გაბატოდნენ საქართველოს ამ ნა-
წილში კოლაში დასვეს ფაშა და სახელად უწოდეს კო-
ლას ფაშა. იგი ემორჩილებოდა ახალციხის ფაშას. კო-
ლას ზევით, მტკვრის კიდეზედ ს. დადეშს იყო დიდ-
შშვენიერი და გუმბათიანი ეკლესია. აქ იჯდა ეპისკოპო-
ზი სრულიად კოლისა (დადაშნელი). ტახტი დადაშნე-
ლისა გაუქმებულა ვახუშტის დროს. მოხსენებული აქვს
ბატონიშვილ ვახუშტის სოფელი ქუმურლო, სადაც ყო-
ფილა მაგარი და შეუვალი ციხე. ბატონიშვილის აზრით
ქუმურლოს ციხე შევის-ციხეა.

კოლელები იგივე ჯავახები არიან. მეთვრამეტე საუკუნის ნახევარს ნახევარზე მეტს რჯული გამოუცვლია. მას შემდეგ გაიარა 150 წელიწადმა და კოლაში სრულიად ამოვარდა როგორც ქართული, აგრედვე ქრისტიანობა.

არტანსა და ჯავახეთ შორის იყო პატარა კუთხე ჩუღურეთი, ვაკიანი და ტიტველი, როგორც არტანი და ჯავახეთი.

მაშ ასე, ზემოდ ნაამბობიდან სჩანს, რომ უცხოერის, თურქ-ოსმალოს შემოსევამ მოსწყვიტა საქართველოს ხუთი პატარა კანტონი (თემი, მაზრა, ხეობა): ფოცხოვი, ერუშეთი, არტანი, კოლა და ჩუღურეთი. ორას წელიწადზე მეტი ბატონობდა აქაურობას ოსმალო და თვისი ტლანქი ხელით აამტუტა ეს ხუთი პატარა კუთხე. ამოვარდა ენა, დაიღუპა რჯული, შეიცვალა ზე, ჩვეულება, ჩაუმა-დახურვა. მარტოოდენ სახელწოდება ზოგიერთა სოფელთა, ეკლესიანი და მათი ნანგრევებიდა მოაგონებს აღამიანს, რომ ფოცხოვი, ერუშეთი, არტანი, კოლა და ჩუღურეთი ისეთივე საქართველო იყო, როგორიცაა ქართლი, კახეთი, იმერეთი, და სამეგრელო.

როგორც თავში მოვიხსენიეთ, ფოცხოვი, ერუშეთი, არტანი, კოლა და ჩუღურეთი შემოიერთა რუსეთმა 1878 წლის ომის შემდეგ, ერთ არდა-განის ოლქად შეაკომინა, მაგრამ ამ შემოერთებით ვერც არაფერი ხეირი რუსეთში ნახა, ვერც არაფერი ჩვენ ქართველებმა.

სულ სხვანაირად დატრიალდებოდა საქმე, ქართული ენა რომ გამხდარიყო საადმინისტრაციო ენად. ძველი ქართველი ადვილად შეითვისებდა ქართულს და ამ ენის შემწეობით ჩაერეოდა ევროპულ კულტურის ფერხულში.

ს პ რ ჩ ე ვ ი:

I.

ღიდებული მესხეთი 83. 5

ეურნალი „მოამბე“, 1912 წ., № III.

II.

ნაჭული და გაგონილი.

1. მიხეილ მეუის შვილის გარდაცვალება, 83. 41
„ივერია“, 1902 წ. № 15.
2. მაჟმადიან ქართველების გადასახლება, 83. 44
„ივერია“, 1903 წ., № 97.
3. მთავარ-დიაკონი ჯვარიძე, 83. 52
„ივერია“, 1903 წ., № 107.
4. შოთა რუსთველი, 83. 59
„ივერია“, 1903 წ., № 187.
5. ვარძია, 83. 67
„ივერია“, 1904 წ. №№ 134, 141, 146,
150 და 159.

III.

სამშობლო ქვეყანა.

1. სამცხე-საათაბაგო, 83. 114
ეურნალი „ნაკადული“, 1908 წ., №№ 2, 3.
4 და 6.
2. ჯავახეთი, 83. 143
ეურნალი „ნაკადული“, 1908 წ., №№ 8, 10,
11, 12, და 1909 წ. № 1.
3. ფოცხოვი, ერუშეთი, არტანი, ჩულურეთი,
კოლა, 83. 174
ეურნალი „ნაკადული“, 1909 წ., № 4, 5, 6.